

K 126 152
3

საქართველოს
საგარეო ურთიერთობების
სამსახური



საქართველოს
საგარეო ურთიერთობების
სამსახური





ქართული
ნაციონალური
ბიბლიოთეკა





ქართული
ნაციონალური
ბიბლიოთეკა

სწავთ ღეხვიანი



მეფობის

სმეანი




უკით

თუჩულონი თახმანი

ნოღარი ქანაუნი

გამომცემლობა „საბჭოთა საქართველო“ თბილისი 1967






სუათ ღერვიში პროგრესულად მოაზროვნე თურქი მწერლების უფროსი თაობის წარმომადგენელია. იგი ერთ ღროს საბჭოთა კავშირში იმყოფებოდა თურქული პრესის კორესპონდენტად და ჩვენს ქვეყნის დიდი მეგობარია.

სუათ ღერვიშის რომანი „ფოსფორიანი ჯვერიე“ მწერალი ქალის საუკეთესო ნაწარმოებს წარმოადგენს. რომანის გმირი უზვისტომო ჯვერიე ქუჩაშია გასული, საკუთარი სხეულით ვაჭრობს და ისე გააქვს ეს წუთისოფელი. მის ირგვლივ მყოფი ადამიანები ჯვერიეს მხოლოდ წუთიერი ვნებების დაკმაყოფილებას სთხოვენ. სხვა მხრივ, ჯვერიე მათ სულაც არ აინტერესებთ. მაგრამ ჯვერიეს მაინც შემორჩენია მაღალადამიანური თვისებები. ეს კარგად გამოჩნდა მაშინ, როცა ის შეხვდა ადამიანს, რომელიც პირველად მოექცა მას ადამიანურად. ეს კაცი, ვისი სახელიც არავინ იცის, კომუნისტია. მან უდიდესი როლი ითამაშა ჯვერიეს ფსიქიკის გარდაქმნაში. ჯვერიეს მისთვის დღემდე უცნობი სირცხვილისა და სიყვარულის გრძნობა იპყრობს. იგი ამ უცხო კაცის აქტიური დამხმარე ხდება და იღუპება კიდევ თავისი ახალი მოვალეობის შესრულებისას.

ერთი ადამიანის ცხოვრების მაგალითზე რომანში ნაჩვენებია თანამედროვე თურქეთის სოციალური ცხოვრების მრავალი მხარე.



I

პოლიციას სარკე აქვს

თხუთმეტი წუთი გავიდა, რაც ის საპოლიციო უბანში მდიცვანეს. ოთახში ძალიან თბილოდა, რადგან კოქსის ღუმელი ენთო და უამრავ ხალხსაც მოეყარა თავი.

მიუხედავად ამისა, ჯევრიეს მაინც აკანკალებდა. სიცივე ძვალ-რბილში გასჯდომოდა.

ეს მხოლოდ სიცივის ბრალი იყო. მაგალითად, შიში ან რაიმე სხვა გრძნობა მას თრთოლას ვერ მოჰგვრიდა.

ჯევრიე... ამ და ბევრი ამისთანა საპოლიციო უბნის ერთი მუდმივი სტუმართაგანი იყო წლების მანძილზე.

ძალიან ცივი ღამე იდგა...

წვიმის წვრილ-წვრილი წინწკლები მტვერივით ეფინა მის შავ, ხუჭუჭ თმებს.

ასეთ ღამეებს, სტამბოლის ღამეებს, როცა ნესტი ძვალსა და რბილში ატანდა ხოლმე, ის „დაწყევლილ ღამეებს“ ეძახდა.

ასეთ ღამეებში ნამდვილი წვიმა არც კი მოდიოდა. ღამის უკუნეთი სასხურებელ მანქანასავით აქეთ-იქით აფრქვევდა სინესტეს.

ფარაონებმა¹, როგორც ჯევრიე ეძახდა ხოლმე პოლიციელებს, ამ

¹ ეარგონის ენაზე პოლიციელებს ეძახიან.



ლაპით თვალი იმიტომ შეასწრეს, რომ თმები ჰქონდა წვიმით დაწმენილი
 წკლული.

მან უმალ ნიშს შეაფარა თავი, როგორც კი დაუსტვინეს და შორიდან
 ფეხის ხმა მოესმა...

ჯერ ქვაფენილზე მაღალქუსლიანი ფეხსაცმელების გამაღებულ
 ბაკა-ბუკი გაიგონა... შემდეგ კუთხესთან ორი ქალის აჩრდილი გამოჩ-
 ნდა... ერთი მათგანი მსუქანი იყო, მეორე გამხდარი... მსუქანი ბურთი-
 ვით მოგორავდა.... გამხდარი, რომელსაც თითქოს უფრო სწრაფი სირ-
 ბილი და თავის შეფარების უნარი უნდა ჰქონოდა, წარამარა რალაცას
 ეღებოდა, ზანტად ირჯებოდა და ისე უხერხულად გარბოდა, თითქოს
 საცაა დაეცემაო. მათ უკან მამაკაცების ფეხის ხმა ისმოდა.

მსუქანი ქალი იცნო... ტანის მოყვანილობაზე... ეს თოფ¹-მელაპა-
 თია... ნამდვილად ის არის...

ის ასე ადვილად არავის ჩაუვარდება ხელში... ამ ბნელ ღამეში
 აუცილებლად გაქრება სადმე თავისი ჩამრგვალებული ტანით. ეხლაც
 სწორედ ასე მოხდა...

იგი თვალის დახამხამებაში გაუჩინარდა ქუფრად აღმართულ ერთ-
 ერთი სახლის სადარბაზო კარებში.

მელაპათი სტამბოლს ხელისგულივით იცნობს: სად ნიშია თავშე-
 საფარი, სად ქუჩიდან ქუჩაზე გასასვლელი, სად ნაგვის ყუთი, სადაც
 მშვიდად შეაფარებდა კაცი თავს, ან ფუნდუკი, რომლის სამზარეულო-
 შიც უკანა კარიდან შეიძლება შესვლა.

ჯევრიეც... მას ბევრად არ ჩამორჩებოდა ამ საქმეში, მაგრამ... თოფ-
 მელაპათს მთელ სტამბოლში ვერავინ სჯობნიდა...

ჯევრიე ჭიშკართან შეყუყულიყო, სამად მოკეცილი ერთმანეთზე
 შეწყობილ ნაგვის ყუთებს ამოფარებოდა, თავი მუხლებში ჰქონდა ჩარ-
 გული, მკლავები კი წვივებისთვის შემოეჭლო.

შემდეგ, როცა ჯევრიეს ხელი სტაცეს და წაიყვანეს, იჯდა და ფიქ-
 რობდა — „თოფ-მელაპათი რომ ჩავარდნოდან ხელში, ფარაონები მე
 ველარ მიპოვნიდნენო“.

ღიახ, როცა ამ ჩიხში უეცრად გაქრა მელაპათი, მაშინ კი დაიწყეს
 ჭიშკრებში ცქერა.

¹ თ თ ფ — მრგვალი.

გამხდარი გოგო მიწაზე იყო გართხმული და მალე დაიჭირეს. ხელი რომ სტაცეს, გინება მორთო... ჯევერიემ ხმაზე იცნო. ასეთ პატარა სხეულში ასეთი ბოხი ხმა...

ეს ყველას უკვირდა. ამის გამო მას ქოს¹-აითენს ეძახდნენ...

*
* * *

თმების დამალვა ჯევერიეს აზრადაც არ მოსვლია. რომც გახსენებოდა, სად დაემალა თავი.

ქუჩის კუთხეში, საკმაოდ მოშორებით, ფარანი ენთო.

სწორედ ამ ფარანის სინათლე წვდებოდა მის თმებს და ათასობით წვიმის წინწყლებს წვრილ-წვრილი ვარსკვლავებივით აკიაფებდა.

ფარაონებმა სწორედ ეს შეამჩნიეს... ასევე იყო მაშინაც, როცა ის პირველად მოხვდა პოლიციაში.

მაშინაც გაიქცა და დაიმალა, მაგრამ მის თმებში ჩამსხდარმა წვრილ-წვრილმა ვარსკვლავებმა გასცეს...

კომისარი, რომელმაც ის პირველად დაიჭირა, მსუქანი და ხანშიშესული კაცი იყო.

იმ ღამეს მისკენ მიმართულმა ელექტროფარანის სხივმა მის თმებში უამრავი ვარსკვლავი ააციმციმა.

— ერთი ფოსფორიანი აქაც არის... აბა ფოსფორიანო, ერთი ადექ მანდედან! — დაიძახა პოლიციელმა.

იმ დღიდან „ფოსფორიანი ჯევერიე“ გახდა მისი სახელი. თუმცა მას ეს სახელი სხვა მიზეზითაც შეეფერებოდა. არა მარტო თმები, არამედ თვალებიც და საერთოდ, მთელი მისი არსება მართლაც და თითქოს სინათლეს აფრქვევდა ირგვლივ.

როცა გოგოები ქუჩის ბნელ კუთხეში იდგნენ ხოლმე, მამაკაცები მაინც პირდაპირ ჯევერიესთან მიდიოდნენ. და განა იმიტომ, რომ მას ხედავდნენ ან სწორედ მას ირჩევდა ვინმე.

— ფოსფორიანია, — იტყოდნენ გოგოები, — თვალში პირველად ეგა ხვდებათ ხოლმე.

¹ ქოს—როხობა



დიახ, თითქოს მართლაც ფოსფორიანი ყოფილიყოს, მაინცდამაინც მას აირჩევდნენ ხოლმე ამდენ გოგოებში....

სიბნელეში მამაკაცები ხედავდნენ როგორ ბრიალებდნენ მისი თვალები და თეთრად ქათქათებდნენ კბილები.

შორს მბეჭუტავი ქუჩის სინათლეს საკმარისი იყო, რომ ჯვევრიე მთლად აციმციმებულიყო...

გოგოებს არა შურდათ მისი... უბრალოდ, გული სწყდებოდათ, რომ იმისთანები არ იყვნენ.

— რა გაქვს ასეთი, ფოსფორიანი?.. — ჯვევრიემ თვითონაც არ იცოდა რა ჰქონდა. და მხოლოდ იმიტომ, რომ პასუხი გაეცა, — ფოსფორიო, — ეტყოდა ხოლმე.

უკეთესი ეპითეტის გამონახვა, რომელიც ასე კარგად დაახასიათებდა ამ სიბნელის ასულს, ქალს, რომელიც ღამეს ქუჩაში ატარებდა ხოლმე... ძნელი იყო.

მისი სახელი ისევე იყო ქუჩაში ცნობილი, როგორც მისი სილამაზე. ფოსფორიანი ჯვევრიე.

ის ყველაზე უფრო მიმზიდველი გოგო იყო სტამბოლის ქოხმანებით დაფენილ ქუჩებში, ხანძრით გადაძვვარ უბნებში, სასაფლაოებზე, გალანის, თქფურის სასახლის ნანგრევებისა და ბოსტნების უბანში.

მაწანწალები მას ერთი-მეორეს ეცილებოდნენ და ჯვევრიესთან ყოფნა ყველაზე უფრო სატრაბახოდ ითვლებოდა მათ შორის...

— წუხელ მეჭიდებიქოიში¹ დილამდე ვაცეკვეთ ფოსფორიანი!

ცეკვის დროს ჯვევრიე მართლაც რომ ფოსფორივით ენთებოდა.

განა შეიძლებოდა, კაცს ჯვევრიეს ცეკვა ენახა და არ გადარეუ-ლიყო?..

რამდენ კაცს წაუწვევია ერთმანეთზე ქუჩის ამ ფოსფორიანი ვარსკვლავის გულისათვის.

რამდენი ყმაწვილი კაცის სიკვდილის ან ციხეში მოხვედრის მიზეზი ყოფილა ჯვევრიე...

ეს მხოლოდ ალაჰმა უწყოდა.

ფოსფორიანმა კი ამის შესახებ არაფერი იცოდა.

¹ უბანია სტამბოლში.



*
* *

პოლიციელი, რომელმაც ამ ღამით მისი თმების ციმციმი შეამჩნია და პირდაპირ მისკენ წამოვიდა, ერთი გამხდარი და წოწოლა კაცი იყო. მან ფარანი პირდაპირ ჯვევრიეს მიანათა და სახე რომ დაუნახა, შესძახა:

— ვაი, შენა ხარ, ფოსფორიანო?

ის ხომ მთელს სტამბოლში იყო ცნობილი. სტამბოლის პოლიცია მას ძალიან კარგად იცნობდა.

— მე ვარ, აბი¹ კომისარო, — უპასუხა ჯვევრიემ და თავშესაფრიდან გამოვიდა.

მას მთელი ტანი უთრთოდა.

ანკი, როგორ არ აიტანდა კანკალი... მას ხომ მოკლესახელოებიანი აბრეშუმის კოფთა და თხელი შალისაგან შეკერილი, ძველი, ზოლებიანი ქვედა კაბა ეცვა.

ღამის სიგრილეს შეჩვეულ ჯვევრიეს ალბათ იმიტომ აყანკალებდა, რომ ერთი წელი ციხეში გაატარა და სიცივეს გადაეჩვია.

*
* *

— ვაი, შენა ხარ, ჩემო ფოსფორიანო, — ქვითინით შესძახა ქოს-იითენმა, როცა სინათლეზე თვალი მოჰკრა ჯვევრიეს. და ისეთი გახარებული გადაეხვია, თითქოს საკუთარი და დაენახოს.

ეს ცრემლები სიხარულის ცრემლებს არა გავდა.

ჯვევრიემ იგრძნო, რომ მკლავები, რომლებიც მის კისერს შემოეჭდო, მთლად დაწვრილებულიყვნენ, ხოლო მის მკერდს მიკრული სხეული ძვალი და ტყავიდა იყო.

— გაჩუძდი, გოგო, ნუ ტირი... პატარა გოგოსი არ იყოს, იქნებ გრცხვენია რომ აქ მოხვდი და ის გატირებს.

ქოს-აითენმა კი ალბათ თვითონაც არ იცოდა რა ატირებდა...

1 აბი—შემოკლებული ალაბეი—უფროსი ძმა.

ქუჩა ბნელი და ნესტიანი იყო, ციოდა... ის გრძნობდა, რომ ძალიან სუსტია, უღონო და დღითიდღე აკლდება ძალა.

იგი თავის სიცოცხლეში პირველად არის გულნატკენი, რომ პოლიცია ამ სიბნელეში, ცივ და ნესტიან ამინდში დაედევნა დასაჭერად. იმ წუთს მას ყველაზე მეტად სურდა სადმე თბილ კუთხეში მოკალათება.

— აბა, თავს ნუ იკატუნებთ, — ცივად წარმოთქვა პოლიციელმა და ყარაულს მიუბრუნდა:

— შენ ამასთან იყავ, მე მეორეს მოვძებნი.

ათენმა მშვენივრად იცოდა, საით გაძვრა ის. ძალა არ ეყო, თორემ თვითონაც იმ გზით უნდა გაპარულიყო. ფეხსაცმელი ძალიან სრული ჰქონდა, მუხლებში კი ძალა გამოელია. ეხლა ის უკვე ჯევრიეს კისერზე იღარ იყო ჩამოკიდებული, მის გვერდით იდგა, მაგრამ მაინც მასზე იყო მიწოლილი, რადგან ასე ეგონა, მიწაზე დავეცემიო.

ფოსფორიანმა ჯევრიემ სწორედ მაშინ იგრძნო როგორ იწოდა სიცხისაგან მასზე მინდობილი სხეული.

ამ სხეულის სითბო ძალიან სიამოვნებდა ჯევრიეს და ამიტომაც ეკვროდა...

პოლიციელი ტყუილ-უბრალოდღა ეძებდა მელაპათს. — ხომ არ გაფრინდაო, გაიძახოდა ის და თავისას არ იშლიდა.

ლოგიკურად, მართალია, მელაპათი არსად გაფრინდებოდა, მაგრამ სინამდვილეში კი ის გამქრალი იყო.

ვინ იცის სად შეეფარა ის თავისი ვეება ტანით.

*

* *

ეს ბეიოდლუს¹ საპოლიციო უბანი იყო... ოთხსართულიან შენობაში მოთავსებული ეს სახლი ქუჩის პირას იდგა. იგი უპატრონოდ მიტოვებულ ქონებას წარმოადგენდა და თავის დროზე მდიდარი ბერძნის სახლი უნდა ყოფილიყო.

საპოლიციო უბნის შენობაში კარები და კიბის მოაჯირები სულ კაკლის ხისა იყო...

¹ ბეიოდლუ—უბანია სტამბოლის ევროპულ ნაწილში.

სახლში რომ შესულიყავი, ჯერ ქვით დაფენილი პატარა ეზო უნდა გაგველო, შემდეგ კი დერეფანი, რომლის კედლებიც ფერადი მკაფიო შპალერით იყო დაფარული.

ზევით მიმავალი კიბის თავში აღმართული იყო მქრქალმინიანი შუშაბანდი, რომელსაც კაკლის ხის კარები ჰქონდა. შუშაბანდის მოპირდაპირე კედელთან, შუა ადგილას, მოჩუქურთმებული, კაკლის ჩარჩოში ჩასმული დიდი სარკე იდგა. სარკე იატაკამდე წვდებოდა. მის ორივე მხარეს ოდესღაც, როგორცა ჩანს, ტანსაცმლის დასაკიდებლები უნდა მდგარიყო, რადგან იმ ადგილებში შპალერს უფრო მუქი ფერი ჰქონდა.

როცა ჯევრიე პირველად მოიყვანეს ამ საპოლიციო უბანში, მან გახარებულმა შესძახა — ა! პოლიციას სარკე აქვსო, — ტაში შემოპკრა და სარკისაკენ გაიქცა.

ეს იყო ერთადერთი სარკე, სადაც ჯევრიემ მთლიანად, თავიდან ბოლომდე, დაინახა თავისი თავი. თავიდან ფეხის ფრჩხილებამდე საკუთარი ანარეკლის პირველად დანახვა იმ საღამოს ისე ესიამოვნა, რომ უმალ გადაავიწყდა პატიმრობით გამოწვეული წუხილი.

ღიას, პოლიციაში სარკე იყო.

ამ სარკეს ყურადღებას არავინ აქცევდა. დილაობით დასალაგებლად მოსული მოხუცი ქალიც არ წმენდდა მტვერს, ამიტომ სარკე ჭუჭყიანი იყო და ცუდად აჩვენებდა.

ამ სარკეში არასდროს არავინ იცქირებოდა.

ყველა აქ მომსვლელი თავისი საქმის გამო იყო აღელვებული და განერვიულებული და სარკეში ჩახედვა აზრად არავის მოსდიოდა...

ამ სარკეში მხოლოდ ქუჩის ქალები უცქერდნენ თავის თავს... ზოგჯერ, როცა პოლიცია სპეციალურად ქუჩის ქალების დასაჭერად ჩამოივლიდა ხოლმე, აქ ბევრი ქალი იყრიდა თავს. შიდა ოთახი ქალებით ივსებოდა. კიბის ქვეშ მოწყობილ პატარა კუნჭულში იმ ღამეს დაჭერილი ჯიბგარი, კონტრაბანდისტი ან კაცისმკვლელი თუ იჯდა, რასაკვირველია, იქ გოგოების შეყვანა აღარ შეიძლებოდა და ერთი ნაწილი ამიტომ დერეფანში რჩებოდა ხოლმე. ისინიც სწორედ ამ დროს იცქირებოდნენ სარკეში, თვალებსა და პირი-სახეს ილამაზებდნენ, თმებს ივარცხნიდნენ, წინდებს და ტანსაცმელს ისწორებდნენ ან ტალახიან ფეხსაცმელს ასვლებდნენ ნერწყვით და ცხვირსახოცებით აპრიალებდნენ.

როცა ჯევრიემ თავისი თავი პირველად დაინახა სარკეში, ვარდის-



ფერი კაბა ეცვა... ეს კაბა მას ყომარბაზმა ვასიფმა დაჭერამდე უნდა
 კვირით ადრე უყიდა. კაბა მართლაც კობტა იყო. მკერდზე, შორცხესა
 მხარეს გული ჰქონდა ამოქარგული ბრჭყვიალებით.

იმ დამეს მოყვანილ გოგოებს შორის ყველაზე თვალში საცემი,
 ყველაზე უფრო მორთული და ლამაზი ჯევერი იყო.

ახლა კარებში შესულმა, სარკეში დაინახა, რომ კაბა რაღაც უშნოდ
 ედგა ტანზე და სარკეს თვალი აარიდა. მასთან შედარებით ქოს-აითე-
 ნიც კი გამობრანჭული იყო.

აითენის იისფერი კაბა მართალია ძალიან დაჭმუჭნილი იყო, მაგრამ
 აბრეშუმისა იყო მაინც.

*
 * * *

ისინი უკანა ოთახში გაიყვანეს. აქ სამი მაგიდა იდგა. ორი მაგიდა
 ცარიელი იყო. მესამე მაგიდას კომისრის მოადგილე უჯდა, თავშიშველი,
 სქელ ტუჩებიანი და თვალბდაჭყეტილი კაცი.

მის წინ ფეხზე იდგა ფერმკრთალი, სუფთად ჩაცმული ახალგაზრდა.
 ცოტა მოშორებით, ხის სკამზე, იჯდა ერთი ხნერი ქალი, რომელსაც
 ცალი წარბიდან სისხლი სდიოდა და გაწეწილი თეთრი თმა მხრებზე
 ჰქონდა ჩამოყრილი.

ქალს მუხლები ერთმანეთისთვის მიედო, თითებგადაჭდობილი
 ხელები ზედ შემოეწყო და თავდახრილი რაღაცას დასცქეროდა.

მოშორებით ფეხშიშველი, შარვალ-ხალათ დაფლეთილი გლეხის
 ბიჭი იდგა და ტიროდა.

კომისრის მოადგილეს შემოსულებისათვის არც კი შეუხედავს, მან
 მხოლოდ ბიჭს შეუტია:

— ნუ ღმუი, გეყო!

ამის თქმა და ბიჭის გაჩუმება ერთი იყო. ცრემლებიც უცბად გაქრა.
 მან ჭუჭყიანი ხელით შეიმშრალა თვალები და ტირილი შეწყვიტა. მო-
 ადგილე ისევ მის წინ მდგომ ფერმკრთალ ახალგაზრდას მიუბრუნდა:

— ეს ქალი ხომ შენი დედაა! — უთხრა მან და რაღაცეების ლაპა-
 რაკი დაუწყო.



ჯევრიეს არ გაუხედ-გამოუხედავს, გვერდზე მდგომ ხის გოგონა აკამზე ჩამოჯდა. აითენი მის გვერდით მოკალათდა და მაშინვე მხარზე მიაყრდნო თავი... ორი წუთის შემდეგ მას უკვე ეძინა. მაგრამ წარამარა კრთოდა, იჭყიტებოდა, ოთახს ათვალიერებდა და მალე ისევ ხუჭვდა ძილმორეულ უაზრო თვალებს.

*
* *

საპოლიციო უბანში ცხელოდა. მაგრამ ჯევრიე მაინც ვერაფრით ვერ გამთბარიყო. ასეთი გაუთავებელი კანკალის მიზეზი მართო სიცივე არ იყო, რომელსაც ძვალსა და რბილში გაეტანებინა მისთვის. ამ კანკალის მიზეზი, რომელიც ულმობლად უვლიდა მთელ ტანში, ალბათ ცოტა შიშიც უნდა ყოფილიყო. ეჭვგარეშე იყო, რომ ამ სადამოს ის ძველად აეტანა შიშს, როგორც მაშინ, როცა პირველად მოიყვანეს პოლიციაში.

იმ დამეს იმიტომ ეშინოდა, რომ არ იცოდა რას უზამდნენ, დღეს კი იმიტომ ეშინოდა, რომ იცოდა, რაც ელოდა, რა შეიძლება მომხდარიყო მის თავს.

ეს შიში რომ არა, ამაღამ, პოლიციის ამ ცხელ ოთახში იოტისოდენა სასოწარკვეთილებასაც არ იგრძნობდა.

მისი ძვლებისათვის ასეთი სითბო საჭიროც იყო. გარდა ამისა, აქ მეგობრებსა და ნაცნობებს ნახავდა... ისე ენატრებოდა ყველა, როგორც ნათესავს, მახლობელს ინატრებს ხოლმე კაცი. აითენის გახურებული თავი ზურგს უთბობდა.

„ძალიან გამხდარა, — ნაღვლიანად გაიფიქრა ჯევრიემ, — დაუშნობულა კიდევ, მალე ფეხებს გაფშეკს, ალბათ!“

ამ დროს კარებში შემოვიდა მთვრალი ქალი, ვერცხლისფერი ბეწვის მანტო ეცვა, შავი თმები მხრებზე ჰქონდა ჩამოყრილი.

„დარტყმული-მარიკა!“ — კინაღამ შესძახა ჯევრიემ, წამოხტა და მისკენ აპირებდა გაქცევას, მაგრამ რადგანაც აითენმა დაასწრო, აღარ დაძრულა და მოადგილეს რომ არ დაენახა, მარიკას ანიშნა — ჩემთან მოდიო.

მარიკამ ამღვრეული თვალებით გამოიხედა მისკენ. მას ჯევრიე არ დაუნახავს...

ის ფეხზე ძლივს იდგა. ქარისაგან დარწმუნლ ნორჩ ხესავით ხან მარჯვნივ გადაიზნიქებოდა, ხან მარცხნივ.

„ამ საღამოსაც კარგა მაგრად გამოლემილა,“ — გაიფიქრა ჯევრიემ და ისევ სცადა ენიშნებინა.

მარიკა კარებთან გაჩერდა და ჩარჩოს მიეყრდნო...

მოადგილემ თავი ასწია და გაბრაზებული მიაცქერდა ქალს:

— ისევ? ისევ ამ ყოფაში ხარ, მარიკავ?

მარიკამ ავტომატურად გასცა პასუხი:

— დიახ, ჩემო ფაშავ!

— არც სირცხვილი გაქვს, არც რიდი!

— დიახ, ჩემო ფაშავ!

ნეტავ თუ ესმოდა, რას ეკითხებოდნენ... ნეტავ თუ ისმენდა...

— ქალო, მე რას გეკითხები, შენ რაეზსა მპასუხობ? — უთხრა მოადგილემ. ამაზე მარიკამ თვალები გაახილა, თითქოს გაეღვიძა და მიიხედ-მოიხედა.

— ჩემი სახელი — მარიკა, მამაჩემისა — იორგო... დედაჩემისა ერიფლი, დაბადებული ვარ 925-ში, სტამბოლელი, გაუთხოვარი, შვილები არა მყავს, სახლი არა მაქვს, ქმარი არა მყავს, არავინ არა მყავს.

— გაჩუმდი და იქეთ დაჯექ, — უთხრა მას ერთმა პოლიციელმა, ხელი მოჰკიდა, ხის სკამისაკენ წაიყვანა და თან დააყოლა: — აყალ-მყალს ნუ ტეხ.

— მარიკა, მარიკა, — ეძახდა ჯევრიე, — მოდი აქ...

მარიკამ ჯევრიეს შეხედა, სკამზე დაჯდა და თავი კედელს მიაყრდნო. ნახევრად თვალღიას უკვე თვლემდა.

*

* *

ჯევრიეს აღარ უცდია მასთან ლაპარაკი.

მოადგილე პაპიროსს პაპიროსზე აბოლებდა...

ჯევრიე პაპიროსის ბოლის გადაყლაპვას ცდილობდა. ეჰ... ერთი მაინც მოაწვეინა... ნაცნობი რომ მოსულიყო, სთხოვდა...

ნელ-ნელა გვერდზე გაიწია და აითენის პატარა და გამხდარი სხეული მსუბუქად დაუშვა სკამზე.

მარჯვენა მხარი დაბუყებოდა... ცოტა შეარხია.

მხარი აითენის ოფლისაგან დასველებოდა და კიდევ გათბობოდა. მოადგრის წინ მდგომი ახალგაზრდა ძალიან ნერვიული ჩანდა. წელან პაპიროსის მოკიდება მოინდომა, მაგრამ მოადგილემ არ დაანება, წაართვა და ლუმელისაკენ მოისროლა ძირს დაფენილ სანაცრე თუნუქზე.

ჯევრიე წამოდგა და პაპიროსის ასაღებად გაემართა.

— ადგილზე დაეტიე, — შესძახა ამ დროს ახალგაზრდა პოლიციელმა, რომელმაც წელან მარიკა სკამისაკენ გაათრია.

— შენ რა, მოძრაობის მომწესრიგებელი ხარ, ძმობილო? უნომროდ ხომ არ დავდივარ. თუ რაიმე დავაშავე, დაგვაჯარიმე. — უპასუხა ჯევრიემ, დაიხარა, პაპიროსს ხელი სტაცა, ადგილზე მიბრუნდა და ისევ პოლიციელს მიმართა:

— ერთი შენი ცეცხლი მოგვიკიდე!

— შენ ისევ ძველი ფოსფორიანი ხარ, არა?

— დიახ, ენა ძველ ადგილზე მაქვს.

— სად იყავი, გოგო, ამდენი ხანი?

— შავ ბირჟაზე. — ისევ გამოსცრა ჯევრიემ.

პოლიციელს გაეცინა და პაპიროსი გაუწოდა.

— გადააგდე ეგ ნამწვავი, ჯევრიე, — უთხრა მან, — შენ ჩვენი ძველი საპატიო კლიენტი ხარ, ერთ ცალს მოგცემ.

ჯევრიემ პაპიროსი გამოართვა... ნამწვავი კი ყურში გაირჭო.

კმაყოფილებისაგან გაღიმებულმა ჯევრიემ კბილები გამოაჩინა და პოლიციელს მიაცქერდა, რომელმაც თავისი ანთებული პაპიროსი ჯევრიესაკენ გაიწოდა და მოაკიდებინა.

ჯევრიემ ღრმად მოსწია პაპიროსი და ფილტვები ნიკოტინის ბოლით გაივსო... მსუბუქი თავბრუ იგრძნო. თითქოს თვალთაც დაუბნელდა. ისეთი გრძნობა ჰქონდა, თითქოს მაგარი სასმელი დაელიოს... თვალები დახუჭა და ამ სიამოვნებისათვის რომ გემო ჩაეტანებინა, სკამზე ჩამოჯდა. ეხლა ის ხამუშ-ხამუშ აბოლებდა პაპიროსს, რომ მალე არ გათავებოდა. ის იჯდა ზურგით კედელზე მიყრდნობილი, ფეხები ქვეშ ამოეკრია და თვალები მიელულა.

ჯევრიე აღარაფერზე აღარ ფიქრობდა. უნდოდა მხოლოდ სიგარეტის გემოთი დამტკბარიყო.



იჭდა სკამზე და ისვენებდა. გამთბარმა ძველებმა თითქოს მალაქა
ბა იწყეს.

„თუ ამათ თავში არ წამოუარა და შუალამისას სამმართველოში არ
გავგზავნეს“... — ფიქრობდა ჯევრიე. კარგი იქნება, ღამეს აქ გაატა-
რებს. აქ, ამ სიბბოში, მშვიდად გამოიძინებს. ახლა მისთვის დასვენება
აუცილებელია.

„წელიწადი ციხეში ჯდომამ, „დედიკოს შვილებად გვაქცია,“—ფიქ-
რობდა ჯევრიე.

უნდა იჯდე და ისიც „წითელი ნახევარმთვარის“ სასარგებლოდ. ამ
პეროინიუმის საქმეში მას ოდნავი დანაშაულიც კი არ მიუძღოდა. ის
ჩოფურა ველი რომ არის... როგორ შეაჩეჩა პაკეტები და გაიქცა... სანამ
ფოსფორიანი მიხვდებოდა, რა მოხდა, მის წინ ფარაონები გაჩნდნენ.

- მოიტა ეგ პაკეტები.
- რომელი პაკეტება?
- ხელში რომ გაქვს.
- ესენი ჩემი რომ არ არის.
- მაშ ვისია?
- მომცეს, ერთმა მომცა და გაიქცა.
- ვინ მოგცა?

ადამიანს, ბოლოსა და ბოლოს, ღირსება აქვს, ადამიანობა აქვს, ნა-
მუსი აქვს.

ყველა თუ გასცა, პოლიციას, მოადგილეებს და ქუჩის კუთხეში
მდგომ ყარაულებს ჩააბარა, ქუჩებში მეძებრებს ენა მიუტანა, ეს
სტამბოლის ქუჩები ადამიანისათვის ციხედ იქცევა.

— არ ვიცი.

ჯევრიე ბოლომდე ასე პასუხობდა... „ვაჟაკობას სხვანაირად არ
შეეფერებაო,“ — ფიქრობდა იგი.



ბოლოს ერთი წელი მიუსაჯეს, როგორც თვითონ ამბობდა, „წითელი
ნახევარმთვარის“ სასარგებლოდ.



ერთი წელი ციხეში ჯდომა ადვილი არ იყო... გარდა ამისა, ორი წელი
ლიც ბოლუში¹ უნდა ეცხოვრა, ორი წელი ბოლუში!..

ადვილი იყო სათქმელად...

მაგრამ არც ეს იყო ყველაზე უარესი...

უსტამბულოდ ცხოვრება ძნელია... ციხეში ჯდომა ძნელია...
ბოლუში, ამ უცხო მხარეში ცხოვრება ძნელია... ძალიან ძნელია.

მაგრამ ყველაზე ძნელი ეს როდი იყო.

მისთვის ყველაზე საძნელო სტამბოლიდან წასვლა კი არა, იმ კაცთან
განშორება იყო.

ენლა ამაზე რომ ფიქრობდა, გული გამალეებით უძვერდა.

წელიწადი და ოცი დღეა მისგან ამბავი არ მიუღია.

არ იცოდა რა სჭირდა, ისევ იქ იყო თუ არა და დაღამებს ელოდა,
რომ მისი ძებნა დაეწყო....

მან ასე დაუბარა...

პოლიციას რომ არ დაეკავებინა...

შეძლებდა მის პოვნას?

ეს შიში უკვე ერთი წელიწადია აწვალეზდა მას.

ბოლოს და ბოლოს თანდათან გათბა. პაპიროსმაც ხასიათზე მოიყ-
ვანა. ფული რომ ჰქონოდა, წელან, როცა კაფეჯიმ² მოადგილესა და პო-
ლიციელს ჩაი მიუტანა, ერთს თავისთვისაც შეუკვეთავდა.

მაგრამ... ჯიბეში ერთი მეთელიქი³ არ ედო. თუმცა რა, ამ ბნელში
რომ დაძრწოდა, ამის მიზეზი მყაყუთის უქონლობა არ იყო განა? ეს ხომ
სტამბოლია... უფულოდ ნაბიჯს ვერ გადადგამ... დალოცვილი ქვეყანაა.

პოლიციელი ჩაის სვამდა და ცხელი ჩაისაგან მოჭუტული თვალებით
ჯიქურ შესცქეროდა ჯევრიეს. რამდენჯერაც პოლიციელი ჩაის მოსვამ-
და, ჯევრიეც იმდენჯერ, თავისდაუნებურად, ენით ტუჩებს მოილოკავ-
და და ნერწყვს გადაყლაპავდა. ის ხარბ კატას გავდა, რომელიც სუფ-
რასთან მსხდომთ შესცქერის და ნერწყვებსა ყლაპავს.

¹ ბოლუ — ქალაქია თურქეთში.

² კაფეჯი — ყავახანის პატრონი.

³ მეთელიქი — წვრილი ფულია.





ქართული ენის
სამეცნიერო ცენტრი

ესლა ასეთ მდგომარეობაში ჯევრიეს, აითენისა და დარტყმულ მარ-
კას ვარდა არავინ იყო.

მარიკა კუთხეში თვლემდა თავჩაკიდებული. მძინარი აითენი კი
წარა-მარა წამოხტებოდა ხოლმე და რალაც გაუგებარს ბოდავდა.

„ამ სალამოს იქნებ არ გავგვზავნონ სამმართველოში, — ფიქრობდა
ჯევრიე. — რადგან კულზე ფეხი დაგვაჭირეს, ღამე მაინც გავვატარე-
ბინონ აქა. ძლივს გავთბით, ამ სიციფეში იუქსექ კალდირიმ-ლარზე¹
ფეხით ბოტვა და ხიდის გადავლა... იქაურობა ტილებითაა გატენილი...
თან ალბათ ცივა კიდევ...“

ტანში ყრუანტელმა დაუარა...

„მოდით ერთი ცოტა მეც წავუძინო სხვებივით“, იფიქრა ჯევრიემ
მაგრამ მიხვდა, სანამ პოლიციელი ჩაის სმას არ მორჩებოდა, ის თვალს
ვერ მოხუჭავდა... და ისევ პოლიციელს მიაცქერდა... მაგრამ, ვაითუ
კიდევ დალიოს ჩაი!

ჭიქაში ჩაი ორი თითის სიმალლეზე იყო დარჩენილი... ჯევრიემ ველარ
მოითმინა:

— ძმობილო, — დაუძახა მან, — მაგ დარჩენილ ჩაის ვერ მომცემ?

პოლიციელს ჭიქა ამ დროს პირთან ჰქონდა მიტანილი. შეჩერდა.
ჯევრიეს შეხედა, ხელი წინ გაიშვირა, თითქოს ჭიქის გაწოდებას უპი-
რებსო, მაგრამ თავი შეიკავა და ჰკითხა:

— ამ სალამოს ქესატად ხარ?

— წვრილ ფულს არა ვხმარობ ძმაო, ჩეკი მიღვეს ჯიბეში...

პოლიციელი ისევ ჯევრიეს მიაცქერდა.

— მოგცემ ერთ ჩეკს, წადი ბანკში და... ცხვირი შეახოცე. -- დაა-
ყოლა ჯევრიემ და კმაყოფილებით გაიღიმა, თითქოს მარგალიტები
დაეფრქვიოს.

— კარგი, ფოსფორიანო, მოვიდეს მეჩაიე და შენთვისაც შევუკვე-
თავ ერთს.

— ნუ გაირჯებით, ძმაო...

ჯევრიე კიდევ უფრო ხალვათად მოკალათდა თავის ადგილზე და
განაგრძო:

— ამ ქვეყანას კეთილი ადამიანებით უდგას სული. დღეს სალამოს

¹ უბანია სტამბოლში.



მორიგედ რომ ჯემილი იყოს, არამც თუ ჩაის არ შეაკვეთინებდა, თვის, არამედ ფანჯრებსაც გააღებინებდა, რომ სითბოში არა დასვენდებოდა.

მოადგილემ თავი ასწია:

— გაწყვიტე ხმა, — შეპყვირა მან.

— გავჩუმდი, გავჩუმდი... ნუ ცხარობ, ძია ბატონო!

ჯევრიემ ენას კბილი დააჭირა და ჩაის დაუწყო ლოდინი. ეს საუბარი იმიტომ გააბა, უნდოდა გაეგო, წაიყვანდნენ თუ არა ამ საღამოს სამართველოში.

თუმცა აქედან იქ წასვლაც არაფერია. ხვალ რომ ექიმი გაგსინჯავს არც ისაა რამე, მაგრამ სენი რომ აღმოგაჩნდეს....

გამოხვალ ციხიდან, წახვალ საავადმყოფოში... იქ რამდენიმე თვეს დარჩები...

უცბად რაღაც გაახსენდა და ტანში კმაყოფილების ჟრუანტეღმა დაუარა. თუ სენი აღმოაჩნდა, ეს იმას ნიშნავს, რომ საავადმყოფოში წავა... საავადმყოფოში წასვლა კი სტამბოლში დარჩენას ნიშნავდა... „სტამბოლში თუ დავრჩი, მაშინ კი ვიხელთებ დროსა და ავითესები.“ ღმერთო ჩემო, როდის დააღწევს თავს ამ პოლიციას, როდის ამოისუნთქავს მშვიდად და ხელების ქნევით თავისუფლად გაივლის სტამბოლის ქუჩებში. ორი წელიც თუ ბოლუში მოუხდა დარჩენა, განა ჩამოსვლის პირველსავე დღეს დევნას არ დაუწყებენ?

„ნეტავ ვის რას ვერჩით, ვის რას ვუშავებთ? ეს ღვთის მოცემული ქუჩები მთავრობას ჩვენთვის გაუკეთებია, მაგრამ...“ — თქვა ჯევრიემ და ამოიოხრა.

ეპ, ეს ბოლუ, ლამაზი ადგილია, მაგრამ... ჯოჯოხეთის კუთხეა. განა ცოტა რამ გადახდა იქიდან სტამბოლში უფულოდ დაბრუნებაზე? იმ ოხერი შოფრის გულის მოგება ადვილი როდი იყო. „სატვირთო მანქანაზე კარგა მაგრად გავიყინე, — იხსენებდა ჯევრიე. — გულიც არ მიმიდიოდა იმ ბებრუტუნაზე“. შოფერი ხნიერი კაცი იყო. პირში კბილი აღარ შერჩენოდა და თავზე ბალანი.

„მე შენ გიჩვენებ, ბებერო!“ — მთელი გზა იმეორებდა ჯევრიე გულში და შეასრულა კიდევ სიტყვა. სტამბოლში ჩამოვიდნენ თუ არა, მაშინვე გაქრა.

როცა გაახსენდებოდა, „ვინ იცის რა გაოცებული დარჩაო“, — ეღიმებოდა ჯევრიეს.



წვერიეს კაპიკი არ ებადა. მაგრამ ეს უკვე უცხო მხარე კი არა, სტამბოლი იყო. „მის მიწასა და ქვას ვენაცვალე,“ — გულინტანჯალის ფიქრობდა ჯვერიე.

ტირილი რომ სცოდნოდა, იტირებდა ალბათ...

ჰაერს თითქოს სხვა სურნელი და სიმსუბუქე ჰქონდა...

თითქოს ყველაფერი უცინოდა ადამიანს: ისეთი გრძნობა ჰქონდა, თითქოს ყოველ კუთხეში ნაცნობი ხედებოდა და ესალმებოდა. მასაც უნდოდა რომ ყველასათვის გაეღიმა, ყველა მოეკითხა.

ხელისგულივით ნაცნობ ამ უზარმაზარ ქალაქში ჯვერიემ ჩამოსვლისთანავე მეფის სასახლეში მყოფ დიდებულ და ყოვლისშემძლე დედოფლად იგრძნო თავი.

*
* *

მან ცოტა გაიარ-გამოიარა დოღანჯიდარში¹... მასთან მისულ სამ მამაკაცს სამჯერ გაჰყვა კარაჯააჰმედის სასაფლაოზე და უკან მობრუნდა. ერთი მათგანი ახლადდემობილიზებული ანატოლიელი ბიჭი იყო, მეორე ასკერი²... მესამე კი მაწანწალა.

გაღმა გასასვლელად გემის ფულიც იშოვა და მუცლის გასაძლომიც.... უსქუდარის³ ნავსადგომში რომ მივიდა და სკამზე ჩამოჯდა ზღვის პირას, საღეჭი იყიდა და ლეჭვას შეუდგა.

ზღვას მუქი ლურჯი ატლასის ფერი ედო. ცა ტყვიისფრად ჩამოქუფრულიყო.

ბუზისოდენა გემი დინებას გვერდზე მიჰქონდა. ზღვიდან წყალმცენარეების, მთელი წლის მანძილზე სანატრელად გამხდარი თევზის, მიდიეს⁴ და მარილის სუნი მოდიოდა.

ცივი ამინდი იყო, ჯვერიესაც სციოდა, მაგრამ მაინც ძალიან უნდოდა ლურჯ წყალში გადამხტარიყო და ცურვით გული ეჯერებინა.

1 დოღანჯიდარ — უბანია სტამბოლის აზიურ ნაწილში.
2 ასკერი — ჯარისკაცი.
3 უსქუდარი — უბანია სტამბოლის აზიურ ნაწილში.
4 მიდიე — საჭმელი ლოკოინა.



*
* *

ჯევრიე გემის სულ უკანა ნაწილში იჯდა, იღვებოდა და გულიანად იბურჭყებოდა ზღვაში.

რა უნდა გაეკეთებინა, არ იცოდა, იმ წუთში არც კი უფიქრია რატომ მიდიოდა სტამბოლს.

„ჩემი საყვარელი ზღვა“, — ფიქრობდა ჯევრიე და ღრმად სუნთქავდა, რომ ზღვის სურნელი ეყნოსა.

და აი, ჯევრიე სტამბოლშია.

მაგრამ ის კაცი სტამბოლშიც რომ არ ყოფილიყო, მისი ნახვის იმედიც რომ არა ჰქონოდა, სტამბოლში ჩასვლა და სტამბოლის ნახვა მაინც ღირდა ამდენ გაჭირვებად.

„ერთი წელი ციხე, ორი წელი გადასახლება... რა გაუთავებელი უბედურებაა“, — ფიქრობდა იგი.

მართლაც და, ჯევრიეს ციხეზე მეტად ეს გადასახლება უფრო ემწარებოდა.

საპურობილეში ყოფნისას ქალაქში გასვლა კი არა, ერთი ნაბიჯის გადადგმის ნებაც კი არა ჰქონდა.

მაგრამ გადასახლებაში...

ისე თითქოს თავისუფალი ხარ, კაცმა რომ თქვას, მაგრამ რაც გინდა იმას ვერ გააკეთებ.

ეს მართლაც გულსაკლავია... ძალიან მწარე და ძნელად ასატანი.

*
* *

ხიდი¹ რომ დაინახა, სინარულისაგან დაყვირება მოუწდა. თავი ძლივს შეიკავა. ისე ლელავდა, როგორც მრავალი წლის განშორების შემდეგ მშობლიურ სახლში დაბრუნებული კაცი.

მან ხომ მთელი თავისი ბავშვობა ამ ხიდზე, მის ქვეშ და მის გარშემო გაატარა.

¹ იგულისხმება გალათის ხიდი „ოქროს რქაზე“.



მისი პირველი მოგონება ამ პონტონებთან იყო დაკავშირებული. ვინაიდან ვინაიდან დაკავშირებულია მისი პირველი მოგონება ამ პონტონებთან იყო დაკავშირებული. ვინაიდან ვინაიდან დაკავშირებულია მისი პირველი მოგონება ამ პონტონებთან იყო დაკავშირებული.

ამ კაცს მუდამ ხელი ეკიდა მისთვის. ღამე ზღვის პირას ეძინათ, პონტონებზე, ერთ კუთხეში მიკრუნჩხულებს. ცხვირში მუდამ ზღვის მკვეთრი სუნი სცემდათ. ჯვერიე მუდამ ამ კაცის პიჯაკში იყო ხოლმე გახვეული.

ერთი რამე გაახსენდა კიდევ. პონტონებზე პირაღმა წევს მკვდარი კაცი. პირი ღია აქვს. შიგ ბუზები დაფუსფუსებენ. იქ ჯვერიეს გარდა სხვა ბავშვებიც არიან. ის ტირის, სხვები არა.

რატომ? ეს მკვდარი, წვრილ, გამხდარ ფეხებიანი კაცი ის ხომ არ არის, მუდამ მასთან რომ იყო ხოლმე? ის, რომელიც მუდამ მკერდში იკრავდა მას და აძინებდა, ის კაცი, რომელიც მას მამა ეგონა და არ კი იცოდა ვინ იყო?

რატომ თვითონ ტირის მხოლოდ და სხვა ბავშვები კი არა? აი, ოქროს რქის ნავსადგური... ერთხელ აქ მძივები იბოვა. ამ მწვანე მძივებს მზეზე სულ ბრჭყვიალი გაჰქონდათ.

ჯვერიემ ეს მძივები ყელზე დაიკიდა და საკუთარი თავის სანახავად ემინენიუში¹ გაქანდა, რომ ვიტრინაში ჩაეხედა. როცა იძინებდა, მძივებს მოიხსნიდა და უბეში ინახავდა.

მწვანე მძივებს ყველა ბავშვი ემტერებოდა... ყველას მისი წართმევა უნდოდა.

ბოლოს და ბოლოს აკი წაართვეს კიდევ. დაკარგული მძივების გახსენებაზე, ჯვერიე ახლაც ცუდ ხასიათზე დადგა. ხიდზე ფეხი შედგა თუ არა, მაშინვე იქით მოინდომა გაქცევა, ნეჯათი ბეის ქუჩაზე.

მაგრამ მან დღისით მოსვლა კატეგორიულად აუკრძალა. ღამე მორდი ხოლმე, ისიც მაშინ, თუ უკან არავინ მოგდევსო... არაერთხელ გაუფრთხილებია მას ჯვერიე. ჯერ სულ ნუ მოხვალო, უთხრა, მაგრამ ჯვერიე არ ასრულებდა ამ მოთხოვნას.

ხომ გინახავთ მაწანწალა ძაღლი, ზოგჯერ ჭიუტად რომ მისდევს

¹ ე მ ი ნ ე ნ ი უ — უბანია სტამბოლში.



ზოლმე ადამიანს. სწორედ ასე იქცეოდა. ფეხდაფეხ დაჰყვებოდა ერთ ნაბიჯზეც არ უნდოდა მოშორება.

ბოლოს, როცა მიხვდა, რომ ჯევრიეს თავს ვერ დააღწევდა, ნება მისცა მის ოთახში შესულიყო და ზოგჯერ ღამეც გაეტარებინა.

ამ მოგონებამ ჯევრიეს მთელ სხეულში ცეცხლივით დაუარა. მის ოთახში გატარებული ბედნიერი ღამეები.. დიახ, მის ცხოვრებაში ულამაზესი ღამეები ეს ღამეები იყო.

ამაზე რომ ფიქრობდა, უეცრად თავბრუ დაეხვა.

— ვაი, — თავისთვის წაილაპარაკა მან. — ეს რაღაა? თითქოს გადაკრულში ვარ...

ყველასთან მასზე ლაპარაკი უნდოდა, მაგრამ ვერავისთან ხმას ვერ იღებდა... ამის თაობაზე ის იცოდა ფრთხილებდა: „ფრთხილად იყავ, არავის უთხრა, რომ მიცნობ! ჩემს შესახებ არავის ელაპარაკო!“ — „არ ვეტყვი!“ — ეუბნებოდა ჯევრიე და ფიცულობდა... ოღონდ სახლში სიარულის ნება დაერთო. და...

ჯევრიეს კი მაინც უნდოდა რომ ყველასთან „ჩემი ქმარი“ ეწოდებინა მისთვის. თუმცა რა საშინელი სიცრუე იქნებოდა! „ხელზე ხელიც კი არ დაუკარებია,“ — გაიფიქრებდა ზოლმე ჯევრიე და ამოიოხრებდა. ფოსფორიანისათვის კი ამ თავგადასავალში ყველაზე უფრო მიმზიდველი სწორედ ეს იყო. ჯევრიეს არც ახსოვდა, როდის და რამდენი უცხო კაცის ხელში გამოიარა მისმა სხეულმა. კიდევ ერთი ახალი მამაკაცის ხელში ყოფნა მისთვის დიდი არაფერი იყო. მაგრამ დიდებული და უცნაური სწორედ ის იყო, რომ ეს კაცი ჯევრიესაგან არ მოითხოვდა იმას, რასაც სხვა მამაკაცები.

*
* * *

„შენს მიწასა და ქვას ვენაცვალე სტამბოლო!“ — ერთი ასჯერ გაიმეორა მან და ხიდი გადაიარა.

გალათის¹ ნავსადგურში მივიდა. იქ შეყოვნდა. „ის მეუბნებოდა,

¹ გალათა — უბანია სტამბოლში.



ქართული ენის
სამეცნიერო ცენტრი

დღისით ნუ მოხვალთ.“ ნეტავ ეხლაც იქ არის იმ ძველ ქალაქსა და
საწყობებს შორის მომწყვდეულ იმ პატარა ოთახში?

რას აკეთებს იმ ოთახში?

ასე ძალიან რატომ ეშინია პოლიციისა?

ჩვევრიემ სიტყვა მისცა. რამდენიც არ უნდა მოსდომებოდა მისი ნა-
ხვა, დღისით მაინც არ მოვიდოდა.

ბოლოს და ბოლოს, ეხლა ხომ თვითონაც მალულად არის სტამ-
ბოლში?

გადასახლებიდან გამოიქცა და აქ ჩამოვიდა. რომ დაიჭირონ, პირ-
დაპირ ბოლუში გაგზავნიან.

მაგრამ მას თუ ნახავს, გაიგებს როგორ არის, მერე უკანაც რომ
გაგზავნონ, იმდენს აღარ ინაღვლებს. ეხლა კი „მეძებრებს“ მისთვის
თვალი არ უნდა მოეკრათ...

კოსთის სამიკიტნოში უნდა წავიდეს. ნეტავ ბარბა იქ არის თუ არა?
ჩვევრიე რომ ნახოს, ერთ ჭიქას აუცილებლად შესთავაზებს.

ციხიდან გამოვიდა, ხუმრობა ხომ არ არის. რა კარგი კაცია ბარბა.
ათასი მოწმე გინდათ, რომ მისი ვიკაურობა! დაამტკიცოთ. ამ გალათაში
მასზე უკეთეს ადამიანს ვერ ნახავ. რასაც შოულობს, ღარიბ-ღატაკს
აძლევს. განა ცოტა სიკეთე გაუკეთებია კოსთისაგან დაფარულად?

იმ ხავერდის ქურდობისათვის ჩვევრიე კინაღამ ჩავარდა ვალიედ-
დინთან ერთად. ბარბა მას მთელი თვე ინახავდა სამიკიტნოში, კოსთიმ
არც კი იცოდა.

როცა ყველაფერი გაირკვა და დამნაშავეები ხელთ იგდეს, ბარბამ
მაშინ გამოუშვა ჩვევრიე.

საქმე იმაშია, რომ ბარბას სამაგიეროდ არაფერი უთხოვია. ლოყა-
ზეც კი არ უბწყენია.

ანგელოზი ადამიანია და ეგ არის.

მერე, განა ისეთი ბებერია. ბოლუდან რომ მოფერს მოყავდა, ის
ბევრად უფრო მიღძუებული იყო.

დასწყევლოს ღმერთმა.

ჩვევრიე თავის სიცოცხლეში არც ერთ მამაკაცზე ისე არა ყოფილა
გულმოსული, როგორც იმ მოფერზე.

¹ გ ი ა უ რ ი — არამუსულმანი, ქრისტიანი.



თან კიდევ, ასეთი ხალხი ხათაბალაა. სადმე რომ შეგხვდეს, გწვდება და საცემრად წამოიწევს, სენი ამკიდევო.

ილდიზის თავგადასავლის გახსენებაზე მთელი ტანი აუთრთოლდებოდა ხოლმე. ილდიზს ოქროსფერი თმა და ანგელოზივით სახე ჰქონდა. ერთმა ღმერთგამწყრალმა — სენი შენ შემყარეო — და ქვით თავი გაუჭეჭყა მეჭიდიე ქიოიში. ვინც ნახა, თქვეს, პირისახე ისე ჰქონდა მოქცეული, ვერ იცნობდითო.

*
* *

ჯევრიემ ჩაის ჭიქა დადგა, მოიკეცა და აითენს მუხლებზე მიადო თავი. თვალეები ეწებებოდა. მიწოლა და დაძინება ერთი იყო. რამდენ ხანს ეძინა არ იცის. მაგრად ეძინა. ადამიანი ფართო ლოგინშიც კი ვერ დაიძინებდა ასე მაგრად.

უცბად რალაცაზე თვალეები გაახილა. თავდაპირველად ვერც კი მიხვდა, სად იმყოფებოდა და უაზროდ მიიხედ-მოიხედა. შემდეგ ნელ-ნელა გამოერკვა და მიხვდა რომ პოლიციის უბანშია.

ოთახში ისევ ცხელოდა. ჯევრიე გაოფლიანებულიც იყო და ცოტას კიდევ ამცივებდა.

ნეტავ ვინ გააღვიძა?

ჯევრიემ ფეხებისაკენ გაიხედა. თოფ-მელაპათი დაინახა. ალბათ, როცა ჯდებოდა, თავისი ვეება ტანით სკამი შეარხია... ის ჯევრიეს ვერ ხედავდა. იქნებ არც კი მოუხედავს მისკენ. გაქანებული ილანძლებოდა, მოადგილეს აჯავრებდა.

— გოგო, გცემ, — ისმოდა მოადგილის ხმა.

— ერთი ამას დამიხედეთ, მცემს თურმე! — ეჩინებოდა თოფ-მელაპათი მოადგილეს. მოადგილე კი თავს იქნევდა აქეთ-იქით — ამას რას გადავეყარეო.

იმ ხნის განმავლობაში, როცა ჯევრიე იქ იყო, მოადგილე ადგილიდან არ ამდგარა. სახე გაყვითლებოდა, თვალეები ჩაცვენოდა. ძალიან დაღლილი იერი ჰქონდა. წვერი ისე სწრაფად ეზრდებოდა, რომ თვალით დაინახავდით. სახე იხლა უფრო ჩაშავებული ჰქონდა, ვიდრე ამ ორი საათის წინ.

ოთახში ეხლა მეტი ხალხი იყო და ხმაურიც მეტი იდგა. ირგვლივ



სულ ქალები მოჩანდა: ზოგი ქერა, ზოგი შავგვრემანი, ზოგი ფერთმიანი. ძველმანებში გამოწყობილ ქალებს შორის მოჩანდა ოცი-ოდე წლის ახალგაზრდა ქალიშვილი ვერცხლისფერ მანტოში. ის ბატარა ტანისა იყო. ფერუმარილს არ ხმარობდა. მის გვერდით თავშიშველი, ხორცისფერლაბადიანი ახალგაზრდა იჯდა.

— ბატონო, — ისმოდა მისი ხმა, — ეს ქალბატონი ჩემი საცოლეა.

— ახალგაზრდა კაცსა და მის საცოლეს რა საქმე აქვს თაშქიშლას¹ გორებზე?

— ჩემი საცოლე არ არის? სადაც მინდა იქ წავალთ.

— არა, ბატონო. საქმე, თქვენ რომ გგონიათ არც ისეა. ეხლა თქვენი საცოლეს მამას გამოვიძახებთ.

ახალგაზრდა ქალი ხმამაღლა ტირიდა.

— ის მე და ჩემს საქმროს კინოში ერთად წასვლის უფლებასაც კი არ გვაძლევს. ეხლა რომ მნახოს, ბატონო კომისარო, მომკლავს.

ახალგაზრდას ქალიშვილის გულუბრყვილობაზე მოსდიოდა გული და გაბრაზებული უცაცხანებდა:

— ვითომ რატომ უნდა მოგკლას? მე და შენ ხომ ჯვარი უნდა დავიწეროთ. ჩემი ნდობა რომ არა ჰქონოდა, არც დავინიშნებოდით.

— კაცი გენდო, ქალიშვილი დაგანიშნინა, — ისმოდა მოადგილის მკაცრი ხმა, — შენ კი, ამის პაჟუხად, მის ქალიშვილს გორა-გორა დაატარებ? განა ამას ნდობის ბოროტად გამოყენება არ ეწოდება?

ახალგაზრდა ცხარობდა:

— ბატონო მოხელევ, თქვენ უფლება არა გაქვთ შეურაცხყოფა მოგვაყენოთ.

— გეყოთ, ჩვენ საქმე გვაქვს, თქვენ აქეთ დადექით.

— ჩვენ ეხლა უნდა წავიდეთ.

— ეგ ჩვენი საქმეა. ქალიშვილის მამას გამოვიძახებთ.

ახალგაზრდა ქალს უკვე აღარავინაი რცხვენოდა, ზღუქუნებდა და თან იხვეწებოდა:

— ნუ იზამთ, ბატონო კომისარო, ნუ იზამთ. მამაჩემს ნუ გამოიძახებთ.

ჯევრიემ დახუჭა თვალები და დაძინებამ შეეცადა. მაგრამ ყველა-

¹ თ ა შ კ ი შ ლ ა — უბანია სტამბოლში.



ფერი უკვე გათავებული იყო. ქუჩის ქალების ძილე ხანმოკლეა, მუცელსა და მე ხუთი წუთი წაუძინა, მთელი დადლილობა გაუვლის. შეჩვევის საყმეა. წამოიწია, დაჯდა და მელაჰათის ზურგს მიეყრდნო.

— გოგო მელაჰათო, მრგვალო... გორგალო!

მელაჰათმა გაბრაზებულმა მოიხედა. მისი ხელში ჩაგდება ადვილი არ გახლავთ... ეხლა ძალიან გაცოფებული იყო. ჯევრიე დაინახა თუ არა, გაბრაზებამ გაუარა და მოლუშული სახე სწრაფად გაებადრა:

— ე, ფოსფორიანო! — შესძახა მან.

— გაჩუმდი, ნუ ყვირი.

— არა ვყვირი, ვლაპარაკობ. — იყო პასუხი. — ჩვენს ხახაზეც კონტროლია დაწესებული, თუ რა? ეს რა ამბავია, კაცს ამოსუნთქვის საშუალებას არ აძლევენ.

ჯევრიემ თვალი ჩაუკრა და თავი და მხრები შეათამაშა — ყურადღებას ნუ მიაქცევო.

მელაჰათმა ჯევრიეს მხრებში ჩაავლო მსხვილი მკლავები და შეანჯღრია:

— აქა ხარ ქალო, ფოსფორიანო, ღმერთმანი ეს ქვეყანა ჩემად მეჩვენება. მე მეგონა, ფეხები გაფშიკე, რამდენი ხანია არა ჩანხარ.

— ციხეში ვიჯექი, — ხმადაბლა უპასუხა ჯევრიემ და კიდევ უფრო დაუწია ხმას: — გადასახლებული ვიყავი. სტამბოლში ჩუმად ჩამოვედი. პოლიციელებმა პირველსავე დამეს ამწიეს.

— მაშ შენ საქმეს წყალი შედგომია.

— მერე როგორ... საღამოს აქეთ შემთხვევას ვეძებ ასათესად.

— ნუ იღარდებ, რამეს მოვიფიქრებ.

მელაჰათი კარგი და მოხერხებული გოგოა. მან აღმაცერად გადახედა მოადგილეს.

— ბევრს ლაპარაკობ, — უთხრა ამ დროს მოადგილემ. — მე შენ ცალკე ჩაგკეტავ.

— რა უფლებით? მეც ხომ ამ ქვეყნის შვილი ვარ.

ჯევრიე ანიშნებდა გაჩუმდიო, მაგრამ მელაჰათი, მართალი კაცივით მაინც განაგრძობდა დავას.

— საროსკიპოების პატრონებისა არ იყოს, გადასახადს ჩვენ არ ვიხდით, არ ვიხდით, მაგრამ ჩვენც წვრილი ვაჭრები ვართ. ჩვენი შემო-



სავლიდან მუნიციპალიტეტს აბა რა უნდა ერგოს. ამიტომ ჩვენს ცალკე ხალხი ვართ. თურმე, მარტო უნდა ჩამკეტოს. რა უფლებები? ვერ ვამბობია, რა უფლებები. აქ რა, ქურდობისათვის მოვხვდი, ჯიბგრობისათვის თუ აფერისტობისათვის? ჩემი ნამუსით შემოვედი და ჩემი ნამუსით გავედი. შუბლი ღია მაქვს და სახე წმინდა. ნეტავ ვისთვის რა დამიშავებია, რომ უნდა ჩამკეტოს. სტამბოლის ქუჩები ბატონის მიწა-წყალი ხომ არ არის? ისიც დადის, ესეც დადის, თოფ-მელაპათიც დადის... ეს არის თავისუფლება? მე ასე მინდა, დღისით მძინავს, ღამე ვსეირნობ... ფეხები მთავრობისათვის არ მიჩუქნია... ღმერთო, რა დღეში ვართ ამათ ხელში? — თქვა და ერთი მაგარი გინებაც დააყოლა.

— მე შენ ეხლა ოქმს შეგიღვევ, სამსახურეობრივი მოვალეობის შესრულების დროს მოხელის შეურაცყოფისათვის სასამართლოში მიგცემ და ციხეში ამოგაყოფინებ თავს.

— საწერ-კალამი შენს ხელთაა, ბატონო მოადგილე, რაც მოგეწონება იმას დაწერ. მაგრამ მეც თუ ავიღე ხელში კალამი... საჩივარს საჩივარზე მივაყოლებ ტალღასავით.

იქ მყოფმა ერთმა ქალმა ხუმრობაზე გადასვლა სცადა:

— შენ რომელი წერა-კითხვის მკოდნე მყევხარ, ხელის მოწერაც კი ვერ მოვიხერხებია.

— ვერ მომიხერხებია? ესეც შენ... გუშინ კადიოქიოს ნავსადგომის საპირფარეოში დიდი ასოებით დავწერე ჩემი გვარი... ხვალ სასაუზმოდ რომ მიხვალ, ნახავ და წაიკითხავ...

ოთახში სიცილ-ხარხარი ატყდა. მოადგილემ თვალების ბრიალით შეხედა პოლიციელს.

— გაჩუმდით! — შეუტია პოლიციელმა.

— საყვირის დაყვირება აკრძალულია, — იხუმრა ვიდაცამ. — ქალაქის მმართველობამ აკრძალა.

ჯევრიესაც უნდოდა მონაწილეობის მიღება ამ აურზაურში, მაგრამ ძლივს იკავებდა თავს. საპოლიციო უბნებში მოთავე ყოველთვის ის იყო ხოლმე... ის ხმაურობდა, მოადგილეს, კომისარსა და პოლიციელს ის აგულისებდა და თვითონვე ამშვიდებდა ხოლმე.

მელაპათივით უხეში ლაპარაკიც იცოდა და კატასავით ლამუნიც. თავის ამხანაგებს აცინებდა და ართობდა.

ეხლა კი უსიტყვოდ ჯდომა ერჩია.



ჯობდა არავის შეემჩნია, არავის გახსენებოდა მისი არსებობა მან იცოდა, რომ ამ კარებში შემოსვლის შემდეგ მალე შევებდნენ. საქმე რომ გარკვეულიყო, ისევ ბოლუში, ან კიდევ უფრო შორეულ ადგილას გაგზავნიდნენ.

მაგრამ ჭევრიე მასზე ფიქრობდა. მისი ნახვა უნდოდა. ერთი წელიწადი ციხეში იმ დღეზე ფიქრობდა, როცა მას ნახავდა. ბოლუდან აქ ჩამოსვლამდე გული სულ ამ იმედით ჰქონდა სასვე.

აქამდე მოსვლა შეძლო და ნუთუ იხსლა მისი უნახავად უნდა წავიდეს? სულ თავის ბრალია, სულ თავისი.

ნეტავ რა საჭირო იყო რომ დასეირნობდა?

სანამ სიბნელე ჩამოწვევებოდა, სადმე უნდა შემძვრალიყო, უნდა დამალულიყო. ქუჩებში ხეტიალი არ იყო საჭირო.

მაგრამ ეს ვერ გააკეთა, პირიქით, სტამბოლში ერთი ადგილი არ დაუტოვებია უნახავი.

ჯერ ბეიოღლუში ავიდა. თარღაბაშის ქუჩა გაიარა. თაქსიმის მოედანზე გავიდა. ძეგლის¹ წინ გაიარა-გამოიარა, შემდეგ ინენიუს ბულვარზე ხის სკამზე ჩამოჯდა, გიუმუშსუიუდან დაბლა დაეშვა დოღმაბაჰჩეში, ახლად გაჭრილი გზით ჰარბიესთან გავიდა, თაშკიშლაში ცოტა დაისვენა და ისევ ინენიუს ბულვარზე მობრუნდა და თეფეუს-თუდან ქვევით დაუყვა იენიშეჰირისაკენ. მაგრამ მერე ისევ უკან დაბრუნდა. ამის გაკეთება არ შეიძლებოდა. თვითონაც იცოდა, მაგრამ... ვერ მოითმინა... მთელი წელი ხომ ციხეში იჯდა. ერთი წელიწადი მის ფეხებს ქვაფენილებზე უმიზნოდ და უდარდელად ხეტიალის სურვილი ღრღნიდა. ის კი იჯდა რკინის კარებს უკან, რკინის ცხაურს ამოფარებულნი.

ყველაზე მეტად ჭევრიეს ისა სწყინდა, რომ უდანაშაულოდ ჩასვეს, იმ უჯიმოს კი, რომელმაც ჰერონინიუმის პაკეტები ხელში შეაჩეჩა, ერთი კოლოფი პაპიროსიც არ შემოუგზავნია, რომ თავი არ გაეცა.

„ალაპი დიდია, — ფიქრობდა ჭევრიე, — ის ჭიანჭველასაც კი არ დააგდებს უყურადღებოდ.“

მართლაც, ის, რასაც ჭევრიე ალაპისაგან და ცხოვრებისაგან ითხოვდა, იმდენად მცირე და ერთგვაროვანი იყო, რომ არ მიცემა უწყალობა იქნებოდა.

¹ ივულისხმება ქემალ ათათურქის ძეგლი, რომელიც თაქსიმის მოედანზე დგას.



*
* *

მელაპათს ეხლა ჩხუბი გაეთავებია და დაფიქრებული იცქირებოდა. ოთახში ექვსი გოგო კიდევ შემოიყვანეს. ეხლა უკვე დაახლოებით ოცდახუთი კაცი იქნებოდა. ჭევრიემ თავი ისევ აითენის გამხდარ და ცხელ ფეხებს მიაყრდნო და ისევ დაძინება სცადა.

ამ დროს მელაპათმა ხელი გაჰკრა:

— ჭევრიე, ადექ, რალაც უნდა ვითხრა.

ჭევრიე ზანტად წამოდგა.

— მოადგილემ გვარების ჩაწერა დაიწყო. ამაღამ აქ არა ვრჩებით. სამმართველოში გვგზავნიან.

ჭევრიეს ნესტიანი ამინდი გაახსენდა და გააჟრჟოლა.

— მერე?

— ეხლა ერთი სიტყვა უნდა ვითხრა, ყური მიგდე, — უთხრა მელაპათმა და ყურში ჩასჩურჩულა:

— მე რომ დამიჭირეს, ჩვენი კოვბოი ნევიფი მაშინვე იუქსექკალდირიმში გაიქცა. მავროს კაფე ხომ იცი? კარგად მიგდე ყური თავდაღმართს რომ შევუდგებით, ეცადე ჩამორჩე როგორმე... მავროს კუთხესთან რომ მივალთ, იქ კუნაპეტი სიბნელეა, მაშინვე შიგ ვაგერიე. არ დაგავიწყდეს, მესამე კარია... მარცხნივ... მესამე კარი... ღია... იმ კარში გაძვერი... კარი ჩუმად მოიკეტე... თუმცა საკეტი გაზეთილია, ხმას არ გაიღებს. კარებს რომ ჩაკეტავ, მერე კედელ-კედელ იარე მარჯვნივ, იქ ფანჯრებია, ერთი მათგანი ღიაა. გადახტი ფანჯარაში... გესმის, რას გეუბნები?

— მესმის, — წაიჩურჩულა ადელევებულმა ჭევრიემ.

— იმ ფანჯრიდან ჩიფილ მუსტაფას ოთახში მოხვდები, კაფეს უკან რომ არის. კავბოი იქ უნდა დამელოდოს. უამბე რაც მოხდა... უთხარი, რომ მე გამოგაგზავნე... ავად არა ვარ, შემთხვევა არაფერი მაქვს, ხვალ გამომიშვებენ... შენ იქ ნუ დარჩები... იქვე გზაა თექესკენ¹. თექეს მარცხნივ რომ ეზოა, იქედან თოფჰანეში გადის გზა... იქიდან აითესე... დანარჩენი შენ იცი... კათალავენო²?

¹ თ ე ქ ე—დერვიშების სავანე.

² კათალავენო—გ ა ი ვ ე—(ბერძნ.).



— გავიგე, ჩემო მრგვალო.

— იცოდე, თავსა ვწირავ, ეხლა სისულელების დრო ადგილს.

— ნუ გეშინია... მოვახერხებ...

მოადგილე სათითაოდ ეკითხებოდა სახელებს.

— შენ რა გქვია?

— გიულნაზი.

ეს კბილებდამპალი, თმაშედებილი ქალი საშინელი შესახედი იყო. ყვითელი ჟაკეტი ეცვა. სახეზე ფენა-ფენა ედო ფერ-უმარილი.

მოადგილემ სახეში შეხედა:

— არც „ვარდი“ ხარ და არც „კეკლუცი“¹ — ჩაილაპარაკა მან. — მამაშენს რა ჰქვია?

— აბდულა.

— დედას?

— ჰავა.

— სად დაიბადე?

— უბატრონო ბავშვების სახლში.

— რამდენი წლისა ხარ?

— თხუთმეტი.

— რა?

— ოცდახუთი იყოს.

ვიდაც გოგომ წამოიწყო:

— აბა ვყიდი. — დაიყვირა მან. — ოცდახუთი, მეტს ვინ მომცემს?

— ორმოცდაათი. — იყვირა ზანგის ქალმა.

ამ დროს ის ქერა წამოვარდა ადგილიდან, მივარდა ზანგის ქალს და ერთი საშინელი სილა გააწნა ლოყაში.

პოლიციელებს და მოადგილეს თავი არ შეუწუხებიათ, რომ ქალების ხმაური შეეწყვიტათ ან მოჩხუბრები გაეშველებინათ... ზანგის ქალი კი მოვრალი იყო და იქვე ჩაიკეცა.

სხვა დროს ჯევრიე ისიამოვნებდა ასეთი რამეებისაგან და მონაწილეობასაც მიიღებდა. ეხლა კი მისი უდიდესი საზრუნავი პოლიციის ხელიდან დაძრომა იყო. სხვა არაფერზე ფიქრობდა, არაფერი უნდოდა.

სანამ ყველაფერი დამთავრდებოდა და გზას გაუდგებოდნენ, ჯევ-

¹ გიულ—ვარდი, ნაზ—კეკლუცი.



რიეს რაც შეიძლება მეტი უნდა დაესვენა, დალილობა ველთვის როდი ექნებოდა ასეთ თბილ ოთახში ჯდომის საშუალება.

მელაპათი ადგა და დერეფანში გავიდა. იქ, სარკის წინ, ერთი ახალგაზრდა ქალი იდგა და ლურჯ კაბასა და აჩეჩილ თმებს ისწორებდა. მელაპათი მისკენ გაემართა.

ეს ქალი ოცი-ოცდახუთი წლისა იქნებოდა. საშუალო სიმაღლისა იყო, წარბშეკრული, ზანგივით შავი, ხუჭუჭი თმა, კოხტა ტანი და ავი გამოხედვა ჰქონდა.

ერთ ლოყაზე სამართებლის სამი ჭრილობა ეტყობოდა, მეორეზე ნამუწუკარი.

მელაპათი ახლოს მივიდა მასთან.

— იედი-ბელა¹, ყური მიგდე, რაღაც უნდა გითხრა.

— ბრძანე, ჩემო მრგვალო.

იედი-ბელა გიულსერენი სიტყვის პატრონი იყო. მისი ნამდვილი სახელი ელიფი იყო, მაგრამ მერე, როგორცა ჩანს, უბრალოდ მოეჩვენა და გამოიცვალა. იედი-ბელა გიულსერენი გაქცევით მოხერხებული გოგო გახლდათ. სწორედ ეს იყო იმის მიზეზი, რომ ამდენ გოგოებში მელაპათმა სწორედ ის ამოარჩია.

მან ჯევრის მდგომარეობა უამბო. შემდეგ ჩუმად რაღაცაზე ილაპარაკეს.

სულ მელაპათი ლაპარაკობდა. ის კი გაუცინარი სახით თავს უქნევდა თანხმობის ნიშნად. როცა მელაპათმა ლაპარაკი დაამთავრა, კარგით, უთხრა იედი-ბელამ.

*
* * *

— აბა, მოემზადეთ, — დაიძახა პოლიციელმა.

ჯევრე ფეხზე ადგა. უკვე კარგად იყო დასვენებული. ამ ბოლუ-სტამბოლის გზამ ძალიან გააწამა. გული გამალებით უცემდა. შიოდა, ეშინოდა... საპოლიციო უბანში იოლად გადაჩა. სამმართველოში კი შეიძლება ყველაფერი გამოაშკარავებულიყო.

¹ იედი-ბელა — შვიდი უბედურება.



სამმართველოში მისვლამდე... ეჰ, სამმართველოში

რომ დაუძვრებოდეს ხელიდან...
როხროხა აითენის გაღვიძება ძნელი არ იყო. მაგრამ ადგომა არ უნდოდა. თავბრუ ეხვეოდა. ადგომისთანავე ეცემოდა. ვერ ლაპარაკობდა.
— ავად არის, — მიმართა ჯევრიემ მოადგილეს, — ფეხზე ვერ დგება.

მოადგილეს ზედაც არ შეუხედავს. რამდენ ასეთს უყურებდა ყოველდღე.

- მთვრალია, გაღვიძილი.
- ღმერთმანი, არ არის მთვრალი. ცეცხლი ეკიდება, იწვის.
- დენატურატის ცეცხლი წვავს.
- მოადგილე, ძმობილო...
- ენას კბილი დააჭირე!

მოადგილეს არა სჯეროდა, მაგრამ აითენი ფეხზე მაინც ვერ იდგა. ფეხზე რომ დადგებოდა, როგორც ჩანს, სიცხისაგან გული უღონდებოდა და ისევე ეცემოდა.

პირიდან რომ ასაქმა, მაშინ ხომ საბოლოოდ დაიჯერეს, რომ მთვრალი იყო.

სახანძრო კასრიდან წყალი ამოიღეს და თავზე დაასხეს გამოსაფხიზლებლად.

აითენი ეხლა უკვე გაუნძრევლად იწვა სკამზე. ეს მათ წასვლას აყოვნებდა. გოგოები გარს შემოეხვივნენ. ზოგი სახეს უმწრალეზდა, ზოგი თმას, ზოგიც კაბას უწმენდა.

იედი-ბელა გიულსერენი კბილებს აკრატუნებდა, მაგრამ ამისათვის არ ეცალა, უგნურ მოადგილეს რომ შებმოდა, მაშინ სხვა გეგმა ჩაეშლებოდა.

ფოსფორიან ჯევრიესაც უნდოდა, აითენს მიშველებოდა, მაგრამ განზე იდგა. რა ექნა. ეხლა ის არ უნდა გამოჩენილიყო.

— ააყენეთ, მხარში შეუდექით და ისე ატარეთ...

აითენი, მართალია, ფიზიკურად სუსტს არა გავდა, მაგრამ ადგილიდან მაინც ვერ იძროდა.

— პირიდან სისხლი სდის, — დაიყვირა ამ დროს ვიღაცამ.

— წითელი ღვინოაო, — უნდოდა ეთქვა მოადგილეს, მაგრამ კარგად რომ დააკვირდა, მიხვდა, რაშიც იყო საქმე და მღელვარებაშეიპყრო.



316-317-318-319-320-321-322-323-324-325-326-327-328-329-330-331-332-333-334-335-336-337-338-339-340-341-342-343-344-345-346-347-348-349-350-351-352-353-354-355-356-357-358-359-360-361-362-363-364-365-366-367-368-369-370-371-372-373-374-375-376-377-378-379-380-381-382-383-384-385-386-387-388-389-390-391-392-393-394-395-396-397-398-399-400

— სისხლი მოსდის? — შესძახა მან, წამოდგა და ქალები გაყარა. ის პასუხისმგებლობის შიშმა შეიპყრო.

— ჩქარა სასწრაფო დახმარების მანქანა მოიყვანეთ! დარეკეთ! ეხლავე საავადმყოფოში წაიყვანონ, — ყვიროდა ის.

სისხლის დენა არაფრით არ წყდებოდა, ან როგორ უნდა შეეწყვიტათ... გოგოებმა არაფერი იცოდნენ. ერთ ახალგაზრდას სახეზე ხელი აეფარებინა და ყვიროდა.

— კვდება, კვდება. რამდენი სისხლი ჰქონია საწყალს.

— რომ მოკვდებოდეს, მოისვენებდა, — წარმოთქვა მოადგილემ. —

ეს სიცოცხლე რა სიცოცხლეა.

ათენმა თვალები გაახილა. ყველა დაათვალიერა. თუმცა არავინ იცის, ხედავდა კი ვინმეს ან იცოდა თუ არა, სად იმყოფებოდა? თუმცა გამონედვა ძალიან ჰკვიანური და გრძნობიერი ჰქონდა.

ეს იყო აგონიით შეპყრობილი ადამიანის უკანასკნელი გაბრძოლება სიცოცხლისათვის.

ერთი შუახნის ქალი მის გვერდით ჩაჩოქილიყო და თმასა და შუბლზე ხელს უსვამდა.

— შვილო, შვილო, — ამბობდა ის, — ეხლა მანქანა მოვა, საავადმყოფოში ყველაფერი გაგივლის.

ამ ქალს დაღლილ-გატანჯული, შეუხედავი სახე და შავყვითელი თმა ჰქონდა. კისერზე ჭუჭყიანი, ოდესღაც თეთრი, აბრეშუმის ნაჭერი ჰქონდა შემოხვეული. კალთებდასვრილ მოკლე შავბეწვიან მანტოში ნარინჯისფერი სვიტრი და მუქი ვარდისფერი ქვედა კაბა მოუჩანდა.

ფოსფორიანი ჭევრიე, თოფ-მელაჰათი და იელი-ბელა გიულსერენი თავთავისთვის იდგნენ და შორიდან თითქოს გულგრილად შესცქეროდნენ ამ ტრაგედიას.

*
* *

სასწრაფო დახმარების მანქანა მოვიდა, ათენს სისხლის დენის შესაჩერებლად და გულის გასამაგრებლად ნემსი გაუკეთეს და საკაცებზე დააწვინეს.



— როგორ არის? — ჰკითხა ვილაცამ სანიტარს, როცა აითენის ცენტრში გაპყავდათ.

— კვდება, საავადმყოფომდე ალბათ ვერც მიატანს.

*

* * *

ამ შემთხვევის გამო გოგოების გადაყვანამ ერთი საათით დააგვიანა ყველა შეშინებული იყო. ეს ქალები, რომელნიც უკან არაფერზე იხედდნენ, ესლა ძალიან დაფრთხნენ.

მთვრალეები გამოფხიზლდნენ. ფხიზლეები მთვრალეებივით ილანძღებოდნენ. ზოგიც ზღუქუნებდა. ფოსფორიანი არ ტიროდა.

იედი-ბელა გიულსერენი საჩხუბრად იყო გამზადებული...

ქუჩაში რომ გავიდნენ, უკვე ცრიდა. ოდნავ ატალახებულ ქუჩაზე ფეხი სრიალებდა.

ჯევრეი ნელ-ნელა მიაბიჯებდა და უკან-უკან რჩებოდა.

ქალებს ორი პოლიციელი ახლდათ. ერთი წინ იყო, მეორე უკან მისდევდა.

— ოცდაოთხი თავია! — გამოაცხადეს პოლიციელებმა ტუსალების რაოდენობა, როცა კარებში გამოდიოდნენ.

— ჩემი გოგრაღ ჩათვალე! — წაიბურტყუნა ვილაცამ. ამაზე არავის გასცინებია. აითენის უბედურებით გამოწვეული შიში ყველას თავს დასტრიალებდა.

ყველა შიშმა შეიპყრო.

მათ საკუთარი თვალთ იხილეს თავიანთი მომავალი.

ერთ მშვენიერ დღეს ისინიც ასე ოხერ-ტიალი წავიდოდნენ ამ ქვეყნიდან, საპოლიციო უბანში იქნებოდა ეს თუ ქვაფენილზე, სადმე ვერანაზე ამოსულ ველურ ბალახებს შორის თუ ორმოში. დიახ, ჰაერში შიში დატრიალდა... შიში სიკვდილის წინაშე, იმ სიკვდილისა, რომელმაც თავისი მახინჯი სახე გამოაჩინა, მათ შორის გაიარა და თან გაიყოლა აითენი.

მიუხედავად ამისა, საპოლიციო უბნიდან გამოსვლისას ყოველი მათგანი ერთი წუთით მაინც შეჩერდა სარკის წინ, თავისი თავი შეათვალიერა და გამოკოხტავდა.

საპოლიციო უბანში სარკე იყო... ასეთ რამეს ყველგან ვერ ნახავ-



დით. ესენი ამ საღამოს აქ ბედმა მოიყვანა. ეს გოგოები თავიანთ სახეებს მხოლოდ სარკის ნამსხვრევებში, ტანს კი ვიტრინებში თუ ხედავდნენ ხოლმე. ეს სარკე კი ასეთ გოგოებს მთელ ნაღველს ავიწყებდა და გულისწყრომას უქარწყლებდა.

აქ ხედავდნენ ისინი თავის თავს, კოპწიაობდნენ და კოხტავდებოდნენ.

აქ ჭკრეტდნენ ისინი თავიანთ სილამაზეს, აქვე ლამაზდებოდა ის, ვინც უშნო იყო.

საპოლიციო უბანში სარკე იყო...

ჯევრიე ყველაზე მეტ ხანს შეყოვნდა სარკის წინ.

მას იმედი ჰქონდა; გაიქცეოდა, ვიდრე პოლიციელისაგან შეურაცხყოფას მოისმენდა. გაიქცევა... ცოტას მოიციდის. ნეჯათიბეის გამზირზე ქარვასლაში შეაფარებს თავს... ლამაზი უნდა იყოს.

ამაზე რომ ფიქრობდა, თბილმა ქრუანტელმა დაუარა. იგი თავის დიდი ხნის უნახავ სახეს შესცქეროდა.

რა ლამაზი იყო ჯევრიე. მაყვალივით შავი თვალები, შავი ხუჭუჭი თმა, თხელი ცხვირი. სქელი და წითელი ტუჩები. მის თვალებში წვრილწვრილი ვარსკვლავები კრთოდნენ. შავ თმებს პრიალი გაჰქონდა. ბაგეებს შორის თეთრად კიაფობდნენ კბილები.

მართლა ლამაზი იყო ჯევრიე, მისი სახე ფოსფორივით ენთო.

ციხეს არაფერი შეუცვლია. პირიქით, მის სახეს ესლა უფრო დასვენებული იერი ჰქონდა.

აუცილებლად... ამჯერად ის აუცილებლად მისცემდა თავის თავს უფლებას და ჯევრიეს გადაეხვეოდა.

ჯერაც იქა ნეტავ?.. თუ იქ არის...

„გოგო, შენა ხარ?“ — სიხარულით ეტყვის იგი და შემდეგ იმავე გამომეტყველებით იკითხავს: — უკან ხომ არავინ მოგდევდაო?

„მე რა, სულელი ვარ... რომ პოლიცია მოგაყენო, ძმაო.“

ჯევრიე მას ძმას უწოდებდა.

მისთვის სხვა სახელი ვერ გამოენახა.

„ჩემი გაცურება არც ისე ადვილია!“ — ამაყად ეტყვის ჯევრიე და განზე გადგება. ღუმელი თუ ანთია, მინდერზე! დაჯდება ღუმელის უკან.

1 მინდერი — თხელი ბალიში ან ლეიბი იატაკზე დასაჯდომად.



სახურავისაკენ გამავალ სარკმელზე მუდამ შავი ფარდა ჰკიდებდა. მისი
 ლამფით განათებულ ოთახში რკინის საწოლი დგას. ის ამ საწოლზე ჩაიძინა
 მოჯდება და ეტყვის:

- ამდენ ხანს სად იყავი? თავი მომანატრე.
- ეკ, როგორ უნდა ჯევრიეს ამ სიტყვების მოსმენა!
- რამდენი გეძებე, ჯევრიე!..

— ციხეში ვიჯექი, ძმაო.
 ამ სიტყვებს ის ამაყად წარმოთქვამს.

- სამი წელი იჯექი?
 - არა, გენაცვალე, ერთი წელიწადი... ოცი დღეა გარეთა ვარ.
 - ვაი, ვაი, მე კი მგონია, რომ სამი წელია არ მინახიხარ.
- ჯევრიესაც ძალიან მოენატრა იგი. ციხეში 'სულ მასზე ოცნებობდა.
- ძნელი იყო, გოგო, ციხეში ჯდომა?
 - აბა მაშ ადვილი, ძმაო?
 - მოდი ერთი ჩემთან, შემოგხედო!

ოთახი ისე პატარაა, რომ ადგომაც კი არ არის საჭირო, ცოტა რომ
 გადაიწიოს, ლოგინთან აღმოჩნდება.

ხელები ისეთი აქვს, თითქოს არასდროს არაფერი გაეკეთებინოს,
 პრიალა კანი, გრძელი თითები, ფართო მტევნები.

— საცოდავო, ჯევრიე, — ამბობს ის და თმაზე ხელს უსვამს. —
 საწყალო ფოსფორიანო...

— ასე თუ თქვა... ჯევრიე მაშინვე მუხლებზე მიადებს თავს და ზღუ-
 ქუნით მოჰყვება ტირილს, ისე როგორც წინათ ტიროდა, ბავშვობაში,
 ხიდის ქვეშ, მკვდარი კაცის ნეშტთან.

— საწყალო ფოსფორიანო, საწყალო ჯევრიე...

ჯევრიე რომ იტირებს, ის თავს ააღებინებს თავისი მუხლებიდან,
 მკლავებში ხელებს მოჰკიდებს, ნელ-ნელა ფეხზე წამოაყენებს, ცრემ-
 ლიან თვალებსა და ლოყებს დაუკოცნის, დაამშვიდებს და გულზე
 მიიკრავს.

შემდეგ კი მის ბაგეებს, ბაგეებს დაუწყებს ძებნას...

— შენი ფასი ეხლა გავიგე. ეხლა მივხვდი, რომ მიყვარხარ, ჯევ-
 რიე!.. — იტყვის ის და აკოცებს.

რა გიჟური, რა არაჩვეულებრივი იქნება ეს ალერსი.



ეს ოცნება ციხის გრძელი დამეების სიზმარი იყო.

ერთი წელიწადი სულ ამას ფიქრობდა, სულ ამის სურვილსა და თხზვაში იყო.

საბოლიციო უბნის სარკის წინ რომ იდგა და კოხტავდებოდა, ისევ იმ წუთზე ფიქრობდა.

მელაპათის იმედი ჰქონდა. მან თუ თქვა, გააკეთებს კიდეც. და ჯევერიე თუ ფხიზლად იქნება, აუცილებლად დაუძვრება პოლიციას.

მაშინვე იქ წავა.

თუ უკან არავინ აედევნა და ერთხელ მოხვდა იქ, მერე მის კვალს ვეღარავინ მიაგნებს.

— შენა ხარ, გოგო? — ჰკითხა პოლიციელმა და ზურგში ხელი უბიძგა. — მეჯლისზე არ მივდივართ. მორჩი პრანჭვას.

ჯევერიემ პირი გააღო საპასუხოდ, მაგრამ თავი შეიკავა. ეხლა აურზაურის ატეხვა არ ღირდა. გაქცევა, პირველ რიგში გაქცევა იყო საჭირო.

*
* * *

მელაპათმა ყველაფერი კარგად გაიანგარიშა. ჯევერიე უკან-უკან რჩებოდა, თან ცდილობდა, უკან მომავალი პოლიციელის ყურადღება არ მიექცია. ქალების გროვას, შეძლებისდაგვარად, თავს არიდებდა.

მელაპათის ნათქვამ კუთხეს რომ მიუახლოვდნენ, ჯევერიეს ისე დაუწყო გულმა ცემა, თითქოს ამოვარდნას აპირებო.

ნეტავ თუ შეძლებს გაქცევას?

ხომ არ უღალატებს თავის სიტყვას მელაპათი?

კუთხეს ოდნავ რომ გაცდნენ, იედი-ბელასა და მელაპათის ხმამაღალი ჩხუბი მოესმა. ჯევერიე ჯერ კუთხესთან არ იყო მისული. გოგოები ძალიან გაშლილნი მიდიოდნენ.

ეს მელაპათის მოწყობილი საქმე იყო. ჯერ იედი-ბელას მოელაპარაკა და გეგმა დააწყო. იმან კი გოგოებს უამბო. ჯგუფი დიდ სივრცეზე იყო გაშლილი და ორ პოლიციელს გაუჭირდებოდა თვალყურის დევნება.

როცა ჩხუბი ატყდა, ჯევერიე მიხვდა, რომ გეგმის განხორციელება იწყებოდა და გულში შიშნარევი მღელვარება იგრძნო.



ესლა ფხიზლად ყოფნა და პოლიციის ხელიდან დაძრომა დაძვრის
დამოკიდებული.

კუთხემდე რამდენიმე ნაბიჯილა რჩებოდა. უეცრად მელაპათისა და
გიულსერენის ხმები კიდევ უფრო გაძლიერდა. და ორმა გოგომ
ერთმანეთს თმებში სტაცეს ხელი. ჩხუბი გაიმართა...

სხვებმა ერთი ვაი-ვიში ატეხეს და მათკენ გაიქცნენ.

წინა და უკანა პოლიციელიც მოჩხუბრებისაკენ გაცვივდნენ.

სანამ ყველა ერთ მხარეს გარბოდა, ჯვევრიე აჩრდილივით გაქრა
ბნელ კუთხეში.

უკან არავინ მოსდევდა. შესდექიო, არავინ ეძახდა. ჯვევრიე სიხა-
რულმა შეიპყრო.

კიდევ ერთი-ორი ნაბიჯი და... იქეთ უკვე თავისუფლება იყო.

ეს ის კარი უნდა იყოს, მელაპათმა რომ დააჩივია. მიაწვა. გაიღო. ხე-
ლი ჰკრა, კარი უხმოდ მოიხურა.

შორიდან ჯერ ისევ ისმოდა მოჩხუბრების ხმა.

ჯვევრიე კატასავით უჩუმრად მიიწევდა წინ.

ღია ფანჯარა იპოვა. გადაძვრა.

იქეთ უკვე ბნელი დერეფანი იყო... სადღაც ახლოს ჩაბინძურებული
საპირფარეშო უნდა ყოფილიყო. ცუდი სუნი იდგა. სანამ თვალი სიბნე-
ლეს შეეჩვეოდა, ის ხელების ფათურით მიიწევდა წინ.

— შენა ხარ, მელაპათ? — გაისმა მოულოდნელად კაცის ხმა და
ვიღაცამ ხელში ხელი მოჰკიდა.

II

გოგოს ხელზე დალი აქვს!

— აბა დალიე, ჩემო ფოსფორიანო!
ჯევრიე სვამდა. სვამდა განუწყვეტლივ, აგერ უკვე რამდენიმე საათია.

ეს ხდებოდა დაბალჭერიან სამიკიტნოში, ქალაქგარეთ.

წინათ აქ ნამდვილად ბოსელი იყო. ბოსლებისათვის დამახასიათებელი ნაკელის მომყავო სუნი ეხლაც იდგა.

სამიკიტნოში ათი მაგიდა დგას. ცხრა მათგანი ცარიელი იყო. იმ ერთს სამი მამაკაცი და ორი ქალი უჯდა.

ხუთივე მთვრალი იყო, თუმცა ხუთივე ისე სვამდა. თითქოს ეს-ეს არის დაიწყეს სმაო.

ამ საღამოს მათ შორის ყველაზე თამამად ჯევრიეს ეჭირა თავი. ჯერ ერთი ჭიქა არა ჰქონდა დაცლილი, რომ მეორისაგან იშვერდა ხელს.

— დაასხი! — ისმოდა მისი ომახიანი შეძახილი.

— იქნებ პაპიროსი გაგიხვიო, გოგოვ?

— არაყი მოიტა, არაყი!

— პაპიროსი ხასიათზე მოგიყვანს...

არაფ-შევქი ამღვრეული თვალეზით შესცქერის ჯევრიეს:

— პაპიროსი თუ მოსწიე, მერე საჭმელს ზედაც აღარ მიჰხედავ!

— მომეშვი, — პასუხობდა ჯევრიე. — ეგ ლომის რძე მომეცი, ჩემო მავრო.

— დალიე, დალიე, ჩემო ფოსფორიანო!

ჯევრიეც სვამდა. სვამდა განუწყვეტლივ.



— იცოცხლე! იცოცხლე!— გაიძახოდა ის, ასწევდა ჭიქას და სკანდალი მიკითანი თვლემდა. ხანდახან, როცა ჯევრიე ძალიან გაიწევდა სკანდამე და ჭიქას კედელზე მიამსხვრევდა, ის თავს აწევდა, შეხედავდა, შემდეგ ისევ ჩაჰკიდებდა თავსა და განაგრძობდა თვლემას.

ამ საღამოს მიკითანი მშვიდად გრძნობდა თავს, რადგანაც მაგიდას ზომბი-რეჯები ეჯდა.

თუ მაგიდას რეჯები უზის, დარწმუნებული უნდა იყო, რომ ხარჯი სრულად დაიფარება. ის ყველაფერს იკადრებდა — გზაზე დახვდებოდა ადამიანს, სალაროს გატეხდა, კაცს მოკლავდა. მაგრამ, თუ ქალი გაიყოლა და საქეიფოდ გამოვიდა, რაც დაიხარჯებოდა, ან თუ რამე დაზიანდებოდა, ყველაფერს გადაიხდიდა, კრინტს არ დაძრავდა და ზედმეტსაც ბლომად დატოვებდა.

მეტსახელად ზომბი ერქვა. ეს ამბავი ასე მოხდა: ერთ ღამეს ის ქუჩაში იპოვეს ზურგში დანა გაყრილი. მკვდარიყო, იფიქრეს და მორგში წაიყვანეს. იქ გამოჩნა. მას აქეთ — მოსიარულე მკვდარს ეძახიან. ისე კი, არავინ იცოდა, მოგონილი ამბავი იყო ეს, თუ ნამდვილი. წინათ მას ასეთი გავლენა არა ჰქონდა თავის ამხანაგებში. მაგრამ, როცა ხმა გავრცელდა, მორგში გაცოცხლდა და ისევ დაბრუნდა თავის ამხანაგებში, ისეთი უცნაური პატივით და მორიდებით დაუწყეს მოქცევა, თითქოს ზებუნებრივი რამ ძალა ჰქონოდა. ისეთი ხალხიც იყო, რომელთაც მისი მკვდრეთით აღდგომაც სჯეროდათ.

რეჯები ერთი ახმახი ბიჭი იყო. სახე ცხენივით გრძელი ჰქონდა, ცალი თვალი მეორეზე დიდი. ფერი კი მკვდრისა ედო, მომწვანო-ყვითელი.

სმით ბევრსა სვამდა. ლაპარაკი არ უყვარდა და სიარულის დროს ტანს არ ანძრევდა. ფიცხი იყო, ღონიერი, დაუნდობელი გულისა და უგრძნობელი, როგორც მკვდარი.

იმ მამაკაცებში მეორე თორფილ¹-შერეფი იყო. გალათაში ის ყველაზე კარგ ბიჭად ითვლებოდა. ჯიბეზე დადიოდა და ას ექვსი რეგისტრაცია ჰქონდა... ვისაც ეს ბრწყინვალე რეკორდად მიაჩნდა, შერეფი ამაყად ეტყოდა ხოლმე:

— ჯიბეებს ყოველ ცისმარე დღესა ვთირავთ. აბა დათვალე, რამდენ

¹ თორფილ — ტორპედო, ნაღმი.



დღეა წელიწადში. აკვანში ვეწიე ამ ხელობას... ონდორთფ... მასწავლიდა. ხუთი წლისა ნავსადგომებში შავი ჭირივით მუსრს ვავ-
ლებდი ჯიბეებს და... ბოლოს და ბოლოს კი მხოლოდ 106 მოხვდა
სასამართლო ქაღალდებში... აბა ეს არის საქმე?

შერეფი მხიარული და უდარდელი ჯეელი იყო.

— აბა რა ვქნა? ეს ჯანი ალაჰმა მომცა. ქვეყნის ჯიბეებს საკუთარი-
ვითა ვქექავ. არიფები მუშაობენ, მე ვჭამ. ასეთი ცხოვრება რუხველტ-
საც კი არ უგემნია... — იტყოდა ის და მხრებს აიჩეჩდა.

მესამე სელე²-შეგვი იყო... ამ საზოგადოებაში ის ოპიუმის სიყვა-
რულმა მოიყვანა.

ის სხვებსავით ხიდქვეშ როდი იყო გაზრდილი. ამ ქვეყანას ის
მოვევლინა ზანგი მამისა, რომელიც ერთ ძველებურ ოჯახში იყო მსახუ-
რად, და თეთრკანიანი დედისაგან. ის ემირგანში³ იზრდებოდა ერთ
შესანიშნავ სახლში. შრომითი ცხოვრება მჭედლის შეგირდობით
დაიწყო. კარაქიოში მუშაობდა ერთ სამჭედლოში.

ოცდახუთი წლისა იყო, როცა ის და ერთი მისი ამხანაგი ერთ საროს-
კიბო სახლში მივიდნენ, იქ მან მსუქანი ჰაიგანუში გაიცნო. ოპიუმს
სწორედ ამ ქალმა მიაჩვია.

და აი, უკვე თოთხმეტი წელია, რაც სელე-შეგვი მოწყდა ნორმალურ
ცხოვრებას.

ოპიუმის კონტრაბანდას ეწეოდა და რამდენიმე წელიწადში ერთხელ
პოლიციაში ამოყოფდა ხოლმე თავს... უსიცოცხლო და ზანტი იყო...
დღემდე არავისზე დანა არ აღუმართავს. არავის ეჩხუბებოდა, ყველას-
თან კარგად იყო. ამ ბოლო დროს ოპიუმის გარდა ერთი ახალი გატა-
ცებაც ჰქონდა. ეს ჩოფურ-გიულლუ იყო.

გიულლუც მაგიდასთან იჯდა.

ეს გახლდათ ჩასუქებული, წარბშეერთებული სოფლის კახბა,
რომელსაც მწვანე თვალები, თეთრხორციანი, ღაჟღაჟა ლოყები ჰქონდა.

ჯერ კიდევ თხუთმეტი წლისა იყო, როცა მამამისთან მიჯნის თაობა-
ზე ნაჩხუბარმა ერთმა გლეხმა ფული მისცა რამდენიმე მაწანწალას და
შურის საძიებლად იგი მთაში გაატაცებინა.

¹ თოთხმეტითიანი მასწავლებელი.

² ს ე ლ ე—კალათი.

³ ე მ ი რ გ ა ნ—უბანია სტამბოლში



ის დღე იყო და ის, გიულლუ სოფლის გარყვნილი და მოქუჩის ბიჭების გასართობი გახდა და მამის სახლში აღარც დაბრუნებულა.

კმაყოფილი იყო თუ არა ასეთი ცხოვრებისა? სირცხვილს გრძნობდა ის თუ გულისტკივილს თავს გადამხდარი ამბისაგან? რამე რომ გეკითხათ, არაფერს გეტყობდათ.

ბოლოს ერთ თვრამეტი წლის სოფელ ბიჭს აეკიდა. ეს ბიჭი გიულლუში იყო შეყვარებული, მისი მთაში დატოვება არ უნდოდა და სტამბოლში წამოვიდა. მას ეგონა, სტამბოლში იოლად ვიცხოვრებო, მაგრამ უფულობისა და გაჭირვებისაგან მალე განუტევა სული და გიულლუ ცხრა თვის ფეხმძიმე დარჩა.

სელე-შევქიმ გიულლუ პოლიციის სამმართველოში გაიცნო, მეორე განყოფილებაში.

ის მეჩეთის კართან დაიჭირეს, როცა ჰასექის¹ სამშობიაროდან გამოსულს ბავშვის მიგდება უნდოდა. შევქი კი სამმართველოში მოყვანილი იყო ერთი კონტრაბანდისტული საქმის გამო, რომელიც მან დიდის გაჭირვებით მოიშორა თავიდან.

სელე-შევქიმ სამმართველოში ეს ქალი რომ ნახა ბავშვით ხელში, დაინტერესდა. საჭმელიც კი გაუნაწილა. ნეტავ რა მოეწონა ასე ძალიან? ამ კითხვაზე პასუხის გაცემა მას აზრადაც არ მოსვლია. ამის მოთხოვნილებაც კი არ უგრძვნია.

სილამაზეზე მისი პრიმიტიული წარმოდგენის მიხედვით ეს ქალი აღბათ ვენერა უნდა ყოფილიყო. ან იქნებ მისი ტუჩები დედამისის ტუჩებს ჰგავდა და ამან მოხიბლა ქვეცნობიერად?

შევქი, რომელიც ცამეტი წელია ოპიუმის გარდა არაფერს ეკარებოდა, ეხლა გიულლუს დაუტკბა რატომღაც.

და აი, უკვე ორი წელია, რაც ერთად არიან თავგადასავლებით აღსავსე ამ ცხოვრებაში.

არავინ იცის მათ შორის ვინ ვის პურსა ჭამს, მაგრამ ისინი უერთმანეთოდ არავის უნახავს.

გიულლუ ყველაზე ცნობილი კახა იყო მთაში. ნაძირალების გართობაში კი მას ბადალი არა ჰყავდა... ის რომ კონიურ² ჰანგებს დააკენე-

¹ ჰასექი—საავადმყოფოს სახელია.

² კონია—ქალაქი და პროვინცია თურქეთში.



სებდა, ჩივთეთელის¹ დაუვლიდა ან კოვზებს ააქდრებდა, ნაძვილი, მოცეკვავეც კი ვერ დაუდგებოდა წინ.

ის რომ თავისი ჩასუქებული სხეულის გამოზნეჭილ და მსუქან ადგილებს აათამაშებდა, ნაძირალებს უინი ერეოდათ. „გაუმარჯოს, გიულ-ლუს!“—გაიძახოდნენ ისინი. ისეთი ბევრი იყო, რომელიც იმ დღეს ნაშოვნ მთელ ფულს შუბლზე აკრავდა მას.

ეს გასართობი ადგილების კახბა, გაუგებარი იყო, რატომ აჭმევდა შევქის ამ თავის შემოსავალს.

როცა ფული ჰქონდათ, ვალათაში ნომერს ქირაობდნენ რომელიმე სასტუმროში. ზოგჯერ ერთად ეძინათ ნახანძრალზე, ზაფხულობით კი „ოქროს რქის“ გორაკებზე გაშლილი მდელოები აგარაკი იყო მათთვის.

შევქი რომ სამმართველოში, პოლიციაში ან ციხეში მოხვედრილიყო, ვიულლუ მას ერთ დღესაც არ მიატოვებდა. იგივე უბედურება რომ გიულლუს დაატყდებოდა თავს, შევქი, მთელი თავისი მაწანწალა ბუნების მიუხედავად, მას უსიგარეტოდ არ დატოვებდა.

არავინ იცის, თამაშობდა თუ არა რამე როლს სიყვარული ამ უცნაურ ურთიერთობაში და დამოკიდებულებაში.

*
* *

სამიკიტნოში ქორ²-აბდის გამოჩენამ მთვრალების სუფრაზე დიდი სიხარული გამოიწვია.

ქორ-აბდი არაჩვეულებრივი კაცი იყო. მანქანის სისწრაფით დადიოდა. ერთ ღამეში ბალიკფაზარიდან³ მოყოლებული ყველა სამიკიტნოს დაივლიდა ქალაქში და ქალაქგარეთ. მართალია ბრმა იყო და ჯოხის გარდა გზის მარჯვენებელი არავინ ჰყავდა, ყველაფერს ადვილად აგნებდა ხოლმე. ჯერ მოქედვების ადგილ-სამყოფელს დაივლიდა, შემდეგ ივლიდა და ქალაქგარეთ დუქნებს ინახულებდა, განთიადისას კი ასეთ ადგილებში ამოყოფდა თავს.

¹ ჩ ი ვ თ ე თ ე ლ ლ ი—ხალხური ცეკვაა.
² ქ ო რ—ბრმა.
³ ბ ა ლ ი კ ფ ა ზ ა რ ი—ბაზარია სტამბოლში.



— აბდი, მოდი აქეთ!

თავისი სახელის გაგონებაზე, აბდი თვალხილულივით იქეთ, საიდანაც ხმა ისმოდა.

დუქანში, პაპიროსის ბოლის გამო, მძიმე ჰაერი იდგა. შვექის პაპიროსების ბოლი განსაკუთრებით სიამოვნებდათ იქ მყოფთ, ხოლო ქალებს, რომელთაც უკვე ისედაც ეძინათ ალკოჰოლისაგან, საბოლოოდ აბრუებდა.

შვექის ცალი ხელი მხარზე დაედო გიულლუსათვის, თავი მეორე მხარეზე ჩამოედო და ეძინა.

ჯვერიეს თავი უკან გადაეგდო, უსმენდა თორფილ-შერეფის ნაამბობს და განუწყვეტლივ კისკისებდა შეზარხოშებული. ის მთელი ტანი თრთოდა, სიცილის დროს მაღალი გულ-მკერდი უთამაშებდა. ზომბი-რეჯებს მისთვის წელზე მოეხვია ხელი, ოდნავ თავისაკენ მიეზიდნა და ასე იჯდა გაუნძრევლად.

ის-ის იყო აბდი კარებში შემოვიდა, რომ რეჯებმა მარჯვენა მუშტი მაგიდას დაჰკრა და შესძახა:

— აქ მოდი, აბდი, მოდი ერთი რამე დაგვიკარ

აბდი მაგიდას მიუჯდა. ჭუჭყიანი ტომრიდან უდი ამოიღო და მომართვას შეუდგა. თან კიდევ ჩაახველებდა ხოლმე დროდადრო, თითქოს ხმას იყენებო.

— „ჯვერიე“ დაუკარი, აბდი, „ჯვერიე“. ოღონდ ჯერ იქნებ დალიო? — უთხრა რეჯებმა.

— არა ვსვამ, შვილო!

ყველამ იცოდა რომ აბდი არა სვამდა. ალბათ ამიტომაც შერჩენოდა ომახიანი ხმა, თუმცა საკმაო ხნისა იყო.

დიდი გმირობაა ყოველ ღამე ას სხვადასხვა მაგიდასთან იჯდე და ერთ წვეთ სასმელს პირი არ დააკარო.

— მაშინ იქნებ ჭამო რამე?

— თქვენ იმხიარულეთ, ბიჭებო, — უპასუხა აბდომ, — საჭმელი ბლომადაა, თუ მინდა, შეეჭამ.

— ძია აბდი, — ჩაერია ლაპარაკში თორფილ-შერეფი, — შენ ღმერთმა მოგცეს და ჩვენზე უფრო გიჭრის თვალი. როგორ მიხვდი, რომ საჭმელი ბლომადაა?

— მე თვალი კი არ მიჭრის, შვილო, ყნოსვა მაქვს.



საქართველოს
საქართველოს
საქართველოს

— მაშინ სანადიროდ უნდა იაროს შენთან კაცმა, ფულის სუფსად გრძნობ?

— ვგრძნობ შვილო. ამ მაგიდაზეც არის... მერე იცი სადა? ზოპხის ჯიბეში.

მაგიდაზე სიცილ-ხარხარი ატყდა.

— ჩემი „ჭვერიე“ დაუქარ,—ზანტად გაიმეორა ზომბიმ, კიდეც უფრო მაგრად მოხვია ხელი ჭვერიეს და უფრო მაგრად მიიხუტა მკერდზე-უდი აქდერდა. შერეფმა სიმღერაში აყოლა გადაწყვიტა.

— გაჩუმდი, ხრინწიანო მამალო,—იყვირა ზომბიმ.—აბდის უსმინე.
„პოლიციას სარკე აქვს, სარკე აქვს“.

დაიწყო აბდიმ სიმღერა...

ჭვერიემ სიმღერა რომ გაიგონა, შეკრთა. საპოლიციო უბანი გაახსენდა.

თვალწინ დაუდგა ის ღამე, როცა ბოლუდან სტამბოლში ჩამოვიდა. ზამთრის პირი იყო. ჭერ არ მოეთოვა. სველი, ნესტიანი ღამე იდგა. იმავე ღამეს დაიჭირეს, როგორც კი სტამბოლში ფეხი შემოდგა და პოლიციაში წაიყვანეს. როგორ შეეშინდა იმ ღამეს, როცა უთხრეს ბოლუში გაგაგზავნიან...

იმ საპოლიციო უბანში, სადაც მან სტამბოლში ჩამოსვლის პირველი ღამე გაატარა, სარკე იყო.

იმ დღის შემდეგ საკმაო ხანმა განვლო. მაგრამ სიმღერას რომ ისმენდა, გაახსენდა როგორ გამოდიოდა პოლიციიდან, როგორ ათვალე-ერებდა თავის თავს სარკეში, გაახსენდა თავისი გამოსახულება, რომელიც იმედითა და მღელვარებით სავსე თვალებით შემოსცქეროდა სარკიდან. „შევძლებ კი გაქცევას?“ — თითქოს ეკითხებოდა სარკეში გამოსახული ჭვერიე სარკის წინ მდგომ ჭვერიეს.

აკი გაქცეულები იყვნენ კიდეც... და აი, საცაა ზაფხულიც დადგებოდა. ის ფარაონებს მერე აღარ ჩავარდნია ხელთ.

„გოგოს ხელზე დაღი აქვს, დაღი აქვს“.

ამის თქმა და ჭვერიემ უცბად დააწყო ხელები თეფშებითა და ბოთლებით გაწყობილ სუფრაზე.

მაგიდაზე ერთი წკარა-წყურთი ატყდა, ყველა მაგიდაზე დაწყობილ ამ ნაზ და ლამაზ ხელებს დააცქერდა.



ორივე ხელის მაჯაზე სვირანგებით გამოყვანილი იყო ნატურალური ზომის ხელბორკილები.

ჭევრიეს ასეთმა მოძრაობამ ყველას ყურადღება მის ხელებზე გადაატანინა.

ჭევრიე, რომელსაც სიმთვრალისაგან თავი ხან აქეთ გადაუვარდებოდა და ხან იქეთ, ჭიქურ დააცქერდა ხელებზე გამოყვანილ სამაჯურებს და შესძახა:

— გაჩუმდი, ძია აბდი, სიმღერა შეწყვიტე-მეთქი, გეუბნები. — თქვა ჭევრიემ, ხელი გადაუსვა მაგიდას და რაც მარჯვნივ თეფშები, ბოთლები და ჭიქები იყო, სულ იატაკზე გადაუძახა.

— ნუ ურევ, გოგო, — ჩასჩურჩულა გიულლუმ ყურში.

აბდი ჭურჭლის ზრიალს აღარ დალოდებია, ჭევრიეს ხმა გაიგონა თუ არა, გაჩუმდა.

ჭევრიე კი ისევ თავის ხელებს დასცქეროდა და თვალს არ აშორებდა.

„გოგოს ხელზე დადი აქვს“, — წაიბურტყუნა მთვრალმა ჭევრიემ. ეხლა მას ორივე ხელი მალლა ჰქონდა აწეული, ყველას აჩვენებდა და გაიძახოდა:

— ხედავთ, ორივე ხელზე მაქვს დადი.

— კარგა მაგრად გამოტრეტილა, — წარმოთქვა თორფილ-შერეფმა. გიულლუმ თავი დაიქნია, თითქოს რამეს გაგება ჰქონოდა. დუქანი დაბალჭერიანი და იმდენად შეუხედავი იყო, რომ ადამიანსაც ნაღველსა ჰგვრიდა.

ჭევრიე ისევ ჭიუტად დასცქეროდა თავის ხელებს.

სტამბოლში ჩამოსვლის პირველ ღამეს საპოლიციო უბნის სარკეში თავის მკლავებს რომ დახედა, მაჯებზე ეს ნახატები არა ჰქონდა, ისინი მერე გააკეთებინა. ბარბასა სთხოვა და გალათის ყველაზე კარგი ოსტატი მოაძებნინა, ჭევრიემ მას მკლავები გაუწოდა და უთხრა:

— ორივეზე ხელბორკილები გამომიხატე, ნატურალური ზომისა იყოს.

— უფრო ლამაზი რამე დავხატოთ, გოგო, — ურჩია მოხუცმა.

— ლამაზი არაფერი მინდა... ხელბორკილი იყოს. — იყვირა ჭევრიემ და დაამატა:



— მეგობარი მყავს ციხეში, გესმის... მეგობარი მყავს ციხეში, როგორ უნდა, რომ ის მისი მეგობარი იყოს. მეგობარი, რომელიც ყველასთან მოიწონებდა თავს.

მაგრამ ის არაფერი არ იყო მისთვის, არც არაფერი გახდა. ჯევრიემ არც კი იცოდა, კიდევ ნახავდა თუ არა მას, დაელაპარაკებოდა თუ არა. სახელიც კი არ იცოდა მისი.

მან სიკვდილამდე უნდა ატაროს ეს ხელობრივები და ამით ყველას გააგებინოს, რომ მისი უბედური ბედი გაიზიარა.

*
* *
*

იმ ღამეს, როცა პოლიციას გაექცა და თავს უშველა, კოვბოი-ნე-ჯიფმა ის ყავახანის უკანა კარიდან ერთ ეზოში გაიყვანა, იქიდან კი თოფჰანესკენ მიმავალ ტალახიან გზაზე დააყენა.

— აბა, ჰაიდა, — უთხრა მან, — ესლა კი მოუსვი.

მოსმა ძნელი საქმე აღარ იყო. ჯევრიე საკუთარ ფეხებს კი ენდობოდა, მაგრამ ეშინოდა კიდევ არ ჩავარდნოდა ხელში პოლიციას.

დაბნეული აქეთ-იქით იცქირებოდა... ერთი წელია აქეთ არა ყოფილა. ამ ერთ წელიწადში კაცმა არ იცის ვინ მოკვდა და ვინ დარჩა. სტამბოლში ნესტიანი ზამთარი იცის. მერე კიდევ, ყველას როდი ჰქონდა საჭმელად დედ-მამის ქონება...

ზოგი დაიჭირეს, ზოგი ჩავარდა. ვინ ვის დანა გაუყარა. ერთი სიტყვით, ჯერ კარგად უნდა გაეგო, რა მოხდა ამ ხნის განმავლობაში. მაგრამ კადე კი თავის ადგილზე იდგა, მაგრამ ბარბას დუქანი რა იქნა? ამბობენ, რომ მისი პატრონი საეჭვო კაცია... პოლიციასთან ძალიან ძმაცატურად არის... ყველას გაყიდის, ოღონდ თავისი საქმე იყოს კარგად.

ეს-ეს არის თავი დააღწია პოლიციას... ჯერ არც კი იცოდა საბოლოოდ გადაჩა თუ არა. ამიტომ ნეჯათიბის ქუჩაზე წასვლა არ შეიძლებოდა.

ჯევრიეს ვერ გადაეწყვიტა რა ექნა, მაგრამ ნიავეით კი მიქროდა ქუჩაზე. ბნელ ქუჩებში გუბებულ დამდგარ ტალახში მიალაჯებდა და გონებაში ადგილს ეძებდა თავის შესაფარებლად. დოღმაბაჰჩეს! გორა-

¹ დოღმაბაჰჩე — უბანია სტამბოლში.



კებს რომ მიაშუროს?.. თაშლიქში¹ რომ გავიდეს? ზამთრობითი ზოგჯერ არ ანგრევენ ხოლმე ზაფხულში გამართულ ქოხებს... თუმცა ჩივილი ქის პარკში დამალვასაც რა უშავს...

მიუხედავად იმისა, რომ არ უნდოდა თოფჰანეს გამზირზე გასვლა, გზას მაინც იქეთ მიჰყავდა ის. გზა ბნელი, მაგრამ სწორი და გრძელი იყო. ჭვერიე ღროღადრო უკან იხედებოდა და კარგად ხედავდა რომ არავინ მისდევდა.

როცა დარწმუნდა, რომ არავინ უთვალავალეებს, ნეჯათიბეიზე მდებარე სახლში მისვლის ნატვრა დაუძლეველ სურვილად გადაექცა.



არა, წელიწადი და ოცდარვა დღეა ის არ უნახავს და კიდევ ერთი დღე მისი უნახაობა ჭვერიეს ძალიან ეძნელებოდა. ეხლავე უნდოდა მისი ნახვა.

რაც საკუთარი თავი ახსოვს, მის ნაცნობებში ის იყო ერთადერთი კაცი, რომლის ნახვაც მას მუდამ უნდოდა ხოლმე.

ჭვერიესათვის არავითარი მნიშვნელობა არა ჰქონდა იმას, რომ ის უცხო და უცნობი კაცი იყო და არაფერი იცოდა მის ცხოვრებასა და საქმიანობაზე.

ჭვერიეს მთელმა ცხოვრებამ ხომ უცნობ, გადამთიელ, უცხო პირების ხელში გაიარა.

მერე რა უშავს, რომ არც სახელი იცის მისი, არც ასავალ-დასავალი.

ამ ვეებერთელა სტამბოლში განა ვისი სახელი იცოდა, ან ვის წარსულს იცნობდა. მას რომ გზაზე ხალხი ხვდებოდა, ისინი, უბრალოდ, ადამიანები იყვნენ.

და ეს ჭვერიესათვის საკმარისი იყო.

ჭვერიე მას ყველაზე არაჩვეულებრივ ადამიანად თვლიდა. ეს ალბათ იმის ბრალიც იყო, რომ ისინი უცნაურ პირობებში შეხვდნენ ერთმანეთს და შემდეგაც არაჩვეულებრივი ურთიერთობა ჰქონდათ.

მათ შემოდგომის ერთ ცივ ღამეს გაიცნეს ერთმანეთი. ჭვერიემ

¹ თ ა შ ლ ი ქ — უბანია სტამბოლში.



— აბა, ამოდი მანდედან და სხვაგან დაიძინე...
ახალმოსულს ხმაზე მღელვარება ეტყობოდა. ჭევრებმა დააპირა, მაგრამ თავბრუ დაეხვა და ისევ ნავში ჩავარდა.

— რასა შვრები? — იკითხა კაცმა.

— ვდგები, ძმაო, თავბრუ დამეხვა და დავეცი. — უპასუხა ჭევრი-
ვმ და დაატანა: — საავადმყოფოდან დღეს გამოვედი. აქ ერთ ნაცნობ-
თან მოვედი, ფული მინდოდა. ის კი ტრაპიზონში წასულა. ტრამვაის
ფული აღარ დამრჩა. თანაც დაქანცული ვარ. ვიფიქრე, აქ გავათენებ
და ხვალ ღმერთთა-თქო მოწყალე.

ლაპარაკის დროს ჭევრიე კბილებს აკაწკაწებდა და ხმა უკან-
კალებდა.

— მოეფი ეხლა მაგეებს, ამოდი ნავიდან! — უთხრა კაცმა, ხელი
წაავლო ჭევრიეს და ფეხზე ააყენა.

მაგრამ ფეხზე უეცარი წამოდგომისაგან ჭევრიეს კიდევ უფრო
ძლიერ დაეხვა თავბრუ და იმ კაცის მკლავებში გული წაუვიდა.

ნეტავ რატომ ნაპირზე არ მიატოვა ის ამ კაცმა და გაშორდა იქაუ-
რობას? იქნებ შეეშინდა, როცა ხელში ქალის უძრავი და მოშვებული
სხეული შერჩა და იფიქრა, მართლა გული წაუვიდა თუ იქნება მოკვდა
კიდევცო?

რატომ ჩააწვინა ნავში, ნიჩბები მოუსვა და როცა საკმაოდ მოშორდა
ნაპირს, მის გონს მოყვანას შეეცადა?

ის კი აღარ უნახია ჭევრიეს, როგორ გაუშვა მან ხელი ნიჩბებს, მის
გონზე მოყვანას შეუდგა და თავისი სქელი შავი პალტოც დაახურა.

შემდეგ, როცა ჭევრიემ უფრო ახლოს გაიცნო მისი ცხორება, ჰისა-
რიდან მათი წასვლა და თან თავისი წაყვანა ასე ახსნა:

მისთვის აუცილებელი იყო მაშინვე განშორებოდა ნაპირს. როცა
მიხვდა, რომ ნავში დამხვდური მას კი არ უთვალთვალებდა, არამედ
უბრალო ქალი იყო, რომელსაც გული წასვლოდა, წვალუბასა და ნაპირ-
ზე მის დატოვებას ამჯობინა სასწრაფოდ გაცლოდა იქაურობას.

მერე მაინც რატომ არ მიატოვა? ნაპირზე რომ გადმოდიოდნენ,
რატომ არ უთხრა—შენ ისევ აქ დარჩი დილამდეო და ნავი არ მიიბა?
ის ნავიდან გადმოსვლაშიც ეხმარებოდა. ჭევრიეს ჭერ ისევ ესხმოდა
თავბრუ. ნაპირზე რომ გადმოვიდნენ, შემთხვევით მის მკლავს დაეყრ-
დნო. მან რომ ხელი გამიშვას, ისევ დავეცემიო, შიშობდა ჭევრიე.



საქართველოს
ქრონიკა

კაცმა ნავიდან გაჭირვებით ამოიღო მძიმე პაკეტი და მარჯვენა იდლიაში ამოიღო, მარცხენა ხელით ის ჯევრიეს ეხმარებოდა.

ჯევრიესათვის ხელი არ გაუშვია, ებრალებოდა ალბათ.

ნავში მათ სულ რამდენიმე სიტყვა უთხრეს ერთმანეთს:

— ეხლა როგორ ხართ? — ჰკითხა მან.

— უკეთ. — უპასუხა ჯევრიემ და გაღიმება სცადა. ამით მას უნდოდა ეჩვენებინა, თითქოს არ ეშინოდა სიკვდილისა, უფრო სწორად, ცდილობდა დაეფარა შიში სიკვდილის წინაშე და აკანკალებული ხმით დაამატა:

— მე კი მეგონა ვკვდებოდი... მომეჩვენა, რომ ეს ლამაზი ქვეყანა უცბად გამომაცალეს ფეხქვეშ... და ისე მივდივარ, რომ გაფიქრებაც ვერ მოვასწარი, ფეხებს ვჭიმავთ ჯევრიე-თქო.

ჯევრიე გულაღმა იწვა. ზედ მისი სქელი პალტო ეხურა. ზღვის მძაფრი სურნელი... ქარი და მილიონობით ვარსკვლავი ჩაბნელებულ ცაზე...

ის ვერ ხედავდა მის წინ მჯდომი კაცის სახეს. ჯერ არც კი დენახა როგორი იყო.

ჯევრიე შესცქეროდა ვარსკვლავებს, ბედნიერი იყო რომ არ მოკვდა. კმაყოფილი შესცქეროდა ცას, თუმცა გრძნობდა, რომ ძალიან იყო დაქანცული.

მან ერთი წუთით ხელი შეუშვა ნიჩბებს, ცალი ხელი მისკენ წამოიღო, მაჯაზე მოჰკიდა და პულსი გაუსინჯა.

— ეხლა ბევრად უკეთესად ხართ. — უთხრა მან ცოტა ხნის შემდეგ.

ამ ბნელ ღამეში „ოქროს რქა“ რაღაც არაჩვეულებრივი იყო.

ნავში გაწოლილ პალტოწახურულ ჯევრიეს სეირნობა ძალიან სიამოვნებდა. ეს კაცი, ასე მძლავრად რომ უსვამდა ნიჩბებს, მას „თქვენობით“ მიმართავდა ნაზი და ტკბილი ხმით.

ჯევრიეს მეტყველებისათვის „თქვენ“ სიტყვა დამახასიათებელი არ იყო და ამიტომ ასეთი მიმართვა ძალიან სიამოვნებდა. რაც თავი ახსოვს, მისთვის „თქვენ“ ჯერ არავის უთქვამს. არც თვითონ მიუმართავს ვინმესთვის თქვენობით.

ეს სიტყვა უცნაური და მომაჯადოებელი იყო.

ჯევრიემ დაცინვაც კი მოუწოდება. — „ეს რა ქალაქუნას წავაწყდი



ამ საღამოსო,“ — გაიფიქრა, მაგრამ ამ დროს იგრძნო, რომ თვალში
ცრემლი მორეოდა.

ზღვა ყველაზე საყვარელი რამ იყო მის ცხოვრებაში. ჯერ სულ პატა-
რა იყო, როცა ბიჭებთან ერთად ზღვაში სტებოდა ხიდის პონტონები-
დან და თევზის მოჭნილობით და მოტორიანი ნავის სისწრაფით დაცუ-
რავდა. მისთვის, ისევე როგორც ზღვისპირის ყველა უპატრონო ბავშვე-
ბისათვის, ცურვა თითქოს თანდაყოლილი თვისება იყო. ცურვა როდის
ისწავლა, არ ახსოვდა ისევე, როგორც ვერ გაიხსენებდა, როდის აიღვა
ენა ან ფეხზე როდის გაიარა.

ამიტომ უყვარდა მას ზღვა. უყვარდა ეს ბნელი ცა, ეს ვარსკვლავე-
ბი, სტამბოლის ეს ნესტიანი და ზღვის სუნით გაყენთილი ჰაერი.

*
* * *

— რამდენი ვარსკვლავია, — უთხრა მას ჯეკრიემ. — ხომ იცი, რომ
ამ ვარსკვლავებში თითო-თითო ჩვენი ვარსკვლავია?

მასაც სურდა „თქვენობით“ მიემართა ნიჩბებთან მჯდომი კაცისათ-
ვის, მაგრამ არ გამოუდიოდა. ასე ლაპარაკი ნაძალადევად ეჩვენებოდა
და თუ ილაპარაკებდა, ეგონა, დამცინებსო.

— არა, არ ვიცოდი.

— დიახ, დიახ, ასე ყოფილა. ჩიმაჯი¹-მუსტაფამ მიაგებო. ამ ვარ-
სკვლავებში თითო-თითო ჩვენი ყოფილა. და ჩვენ რომ მოვკვდებით
თურმე, ისიც მოწყდება ცას. ჩვენც ვხედავთ ხოლმე, როგორ წყდება
ცაზე ვარსკვლავი. იმ დროს თურმე ვილაცა კვდება. ვარსკვლავის ყოველ
ჩამოვარდნაზე... ჩიმაჯი-მუსტაფამ დაიფიცა... ერთ საღამოს თურმე
ზღვის პირას ისხდნენ და სვამდნენ. ერთი მათგანი ამდგარა, ზღვაში შე-
სულა და მიდის... უცბად დაუნახავთ რომ ვარსკვლავი მოწყდა... თქმა
ვერ მოასწრეს, ვილაცა კვდებაო, რომ ზღვაში მყოფი ამხანაგი გაქრა,
ცას რომ ვარსკვლავი მოწყდა, თურმე მისი ყოფილა. როცა ზღვაში კა-
ცი იხრჩობოდა, მისი ვარსკვლავიც მოწყდა.

¹ ჩიმაჯი — მეზღვაური, რომელიც ნავმისადგომზე დგას და გემზე გამობმულ
თოქს ეწევა.



— ნეტავ ჩემი ვარსკვლავი რომელია? — თქვა ჯევრიემ ვებს დაუწყო თვალღებვა და ცაზე ერთი ძალიან პატარა, კონტა, სხივიანი ვარსკვლავი იპოვა...

— აი ის პატარა იქნება, ფოსფორიანივით რომ ანთია!

ის მსხვილ-მსხვილ ვარსკვლავებსაც ხედავდა. ძალიანაც მოსწონდა, მაგრამ, ვერც კი ბედავდა, ისინი თავისად ენატრა. „ვინ იცის, ის რომელიმე მეფის ვარსკვლავიაო“, — ფიქრობდა ჯევრიე.

— მე რომ მოვმკვდარიყავ, ნეტავ რომელი ვარსკვლავი მოწყდებოდა. რომ ვიცოდე რომელია ის ურჯულო, ჩემი ვარსკვლავი, ღმერთმანი, ცას კიბეს მივადგამ, ავალ და ვარსკვლავს ლურსმნით მივაჭედებ.

ნიჩბებთან მჯდარ კაცს ხმაზე ეტყობოდა, რომ იღიმებოდა.

— ასე ძალიან გიყვართ ცხოვრება?

— სული ტკბილია, ძმავო, განა შეიძლება არ გიყვარდეს?

ჯევრიემ წამოდგომა დააპირა, მაგრამ ისევ თავბრუ დაეხვა და შეშინდა.

— თავბრუ მესხმის. ამაღამ ალბათ ფეხებსაც გავფშეკ. — წარმოთქვა ჯევრიემ.

მისი დიდი ხელი ისევ წამოვიდა ჯევრიესაკენ და მაჯაზე შემოეჭდო.

— არაფერია, ცოტა ხანს კიდევ იწეკით, ნუ გაინძრევით. საკმაო გზა გვაქვს კიდევ. მისვლამდე უკეთ განდებით... საავადმყოფოდან დღეს გამოხვედით?

— დიახ, დღეს გამომწერეს. თუმცა კი ბევრი ვეხვეწე იმ ურწმუნოებს. არაფერი ვაქვსო და ძალღივით კარში გამომავდეს.

კაცს არაფერი უთქვამს. ნიჩბებს უსვამდა.

*

* *

ხელეთზე სად გამოვიდნენ აღარ ახსოვდა. ნაპირზე გადმოვიდა თუ არა, მაშინვე თავბრუ დაეხვა და ორივე ხელით მკლავზე დაეკიდა მას.

— ძალიან ცუდად ვარ, — ჩაიჩურჩულა ჯევრიემ, — თავი მიბრუის.

ჯევრიე მხარს ვერ მიწვდა და ამიტომ თავი მკლავზე ჩამოსდო. როცა კაცმა დაინახა, ჯევრიე ბარბაცებსო, ხელი წელზე შემოხვია, რომ არ დაცემულიყო.



გზას ერთად გაუდგნენ. პაკეტი, რომელიც მას მარჯვენა ჰქონდა ამოდებული, ეტყობოდა, ძალიან მძიმე იყო.

თავბრუს გამო ჯევრიე თვალუბმინაბული მიაბიჯებდა.

— სადა ვართ? — იკითხა მან.

— თითქმის თოფჰანეში ვართ მოსულნი.

— მართლა?

— თქვენ საით წახვალთ?

— არ ვიცი, — უპასუხა ჯევრიემ. — წასასვლელი არსადა მაქვს.

— რატომ? — იკითხა მან და იქვე დაამატა: — მაშინ ჩემთან წამოდით.

— კარგი, — დათანხმდა ჯევრიე, მაგრამ იქვე შიშმა შეიპყრო, ძალიან დასუსტებული იყო და მამაკაცის თავი არა ჰქონდა.

შემდეგ ჯევრიეს ბევრჯერ უფიქრია — რატომ მიმიყვანა იმ ღამეს საიდუმლო ბინაზე? და ესლა, როცა გაიგო, რომ ის დაპატიმრებულია, ასე გადაწყვიტა: „მას პოლიცია ეძებდა. სამალავი ადგილისაკენ მიმავალს ხელში მძიმე პაკეტით კი არა, ქალის თანხლებით რომ ნახავდნენ, ეს ალბათ ნაკლებ ეჭვს გამოიწვევდა. ასე თუ იფიქრა და მეც ამიტომ წამიყვანა შინ.“

მაგრამ ჯევრიეს არ უნდოდა, რომ ასე ყოფილიყო.

მას ერჩია, სიბრალულის გამო წაეყვანათ შინ.

სიბრალული იყო თუ ხრიკი, ჯევრიე მაინც ლოცავდა იმ ღამეს — თავისი აქ მოსვლის მიზეზს.

მასთან განშორება რომ გაახსენდებოდა, შიში იპყრობდა.

ეს კი სულ ადვილი იყო.

„მეგდივარ!“ — შიშით ფიქრობდა ჯევრიე... ის იმ შიშისმომგვრელ ჟრუანტელს შეეპყრო, რომელიც ამ ქვეყნიდან სამუდამოდ წასვლის გრძნობას ახლავს ხოლმე.

ჯევრიეს, ქუჩის ქალ ჯევრიეს, ამაღამ ქუჩაში მარტო დარჩენისა ეშინოდა. შიშობდა, რომ ვარსკვლავებისკენ მაცქერალს შეიძლება სადღაც, მიყრუებულ ადგილას, ჩაჰკეცვოდა მუხლები, თავისი თვალით ენახა, როგორ მოწყდებოდა ის ვარსკვლავი, რომლის მისაჭედებლად კიბის მიღმას აპირებდა ცაზე. ეშინოდა რომ თავბრუ დაეხვეოდა, გული აუფანცქალდებოდა.

რამდენიმე ბნელი ქუჩა გაიარეს და დიდი ქარვასლის ჭიშკარს მოადგნენ, გამოაღეს ჭიშკარში გაჭრილი ცალფრთიანი პატარა კარი



და შევიდნენ. მან ჯვერიე იქვე დატოვა, კარი რკინის ურდულით დასაფარა, და რომ უფრო სწრაფად აევლო კიბეები, ხელში აიტაცა ჯვერიე და კიბეებს აპყვა.

აქ ალბათ საწყობი თუ იყო, რადგან პაერი მანქანის ზეთისა და ტყავის მძაფრი სუნით იყო გაჟღენთილი.

ბნელოდა. ცალ ხელში ჯვერიეთი და მეორეში მძიმე პაკეტით მან მალე აიარა საკმაოდ გრძელი კიბე.

ის ფეხაკრეფით მიაბიჯებდა.

— ხმა არ ამოიღოთ, არ ილაპარაკოთ! — გააფრთხილა მან ჯვერიე. ბოლოს, როცა სადღაც მივიდნენ, გაჩერდა და სული მოითქვა. კიბეზე ორი ტვირთი ამოიტანა და დაღლილი იყო.

— ჩამომსვი! — ჩუმად უთხრა ჯვერიემ, — ეხლა უკეთა ვარ. თვითონ ვივლი.

ის წინ მიდიოდა. ჯვერიეც შეეჩვია სიბნელეს, მოაჯირისთვის ხელი ჩაეგლო და კიბეს მიჰყვებოდა.

ცოტა ხნის შემდეგ ჯვერიეს ფეხები ჩაეკეცა და ადგილზევე ჩაჯდა.

— რასა შვრებით?

— აღარ შემიძლია, — ამოიკვნესა ჯვერიემ.

კაცი მობრუნდა და ისევ წელზე შემოაჭდო ხელი.

— ცაში ხომ არ ავდივართ?

კიბეები ჯერ არ მოთავებულყო. კიდევ ცოტა ხანს იარეს ბოლოს ჯვერიე ერთი კარის წინ ჩამოსვეს. კაცმა ჯიბიდან გასაღები ამოიღო და კარი გააღო. ჯვერიე წინ შეუშვა, თვითონ უკან მიჰყვა და კარი ფრთხილად მოიხურა. შემდეგ რაღაც კიდევ გააკეთა. სანამ ლამფა არ აინთო ჯვერიე ვერ მიხვდა რას აკეთებდა. ლამფა გვიან აინთო.

ლამფა მკრთალ ლურჯ სხივს გამოსცემდა და ძლივს ანათებდა ოთახს.

ეს იყო ოთხკუთხედი, სახურავდაქანებული სხვენის ოთახი.

ჯვერიემ შეამჩნია, რომ ფანჯრებზე და კარებზე სქელი ფარდებია ჩამოფარებული.

ოთახში შესვლისას ის მაშინვე მიატკერდა ფეხზე მდგომ შავალ-ტოიან, მოსულ მამაკაცს.

ლურჯ სინათლეზე მან თმის ფერი ვერ გაარჩია. მხოლოდ სახის ნაკვთების შემჩნევა მოახერხა.



სუსტი სინათლის გამო ეს კაცი არაჩვეულებრივად დიდი და და ქანდაკებას ჩამოგავდა.

როცა ჯევრიე ლოგინისაკენ წავიდა, კაცმა ის მძიმე პაკეტი დიდი სიფრთხილითა და ყურადღებით დადო მაგიდაზე.

ოთახში ერთი რკინის ლოგინი, შაქრის ყუთებისაგან შეკრული ტახტი და ფართო მაგიდა იდგა. მოშორებით იატაკზე ტომრები და ყუთები ეწყო.

ჯევრიემ ლოგინზე ჩაიმუხლა. კაცმა პალტო გაიხადა, ჩამოჰკიდა და ჯევრიეს მიუბრუნდა:

— დაწექით, დაისვენეთ!

შემდეგ პიჯაკი გაიხადა, თუნუქის ღუმელთან მივიდა და გამოალო. ღუმელი შეშით იყო სავსე და ცეცხლი რომ წაგეკიდებინათ, ავიზვიზებოდა.

მან ღუმელი დაანთო, კარი მოკეტა და საწოლისაკენ წამოვიდა. ჯევრიემ, ჩემსკენ მოდისო, იფიქრა.

ის, მართალია, ძალიან შეუძლოდ იყო, მაგრამ ამ კაცმა იმდენი სიკეთე გამოიჩინა მის მიმართ, რომ წინააღმდეგობა არ უნდა გაეწია.

მაგრამ, წინააღმდეგ მოლოდინისა, ის ჯევრიესთან არ მისულა. ფარდები შეამოწმა. ალბათ გაგება უნდოდა, სინათლე ზომ არ გადისო. როცა დარწმუნდა, რომ სინათლე არ გადიოდა, ელექტრონის მეორე დილაკს დააჭირა თითი. დიდმა ლამფამ იქაურობას სხივი მოჰფინა. კედლებს, ნივთებს, ფარდებს, კარებსა და ადამიანის სახეს თავისი ფერი დაუბრუნდათ.

ჯევრიემ ერთხელ კიდევ შესედა კაცს, რომელმაც ის აქ მოიყვანა. მას ქერა ხუჭუჭი თმა, მწვანე თვალები და წითური სახე ჰქონდა.

დაახლოებით ოცდათხუთმეტი წლისა იქნებოდა.

მის სახეს ფერთან ერთად გამომეტყველებაც დაუბრუნდა და ეს გამომეტყველება, ჯევრიეს აზრით, ძალიან სასიამოვნო და კეთილი იყო.

ისიც მობრუნდა ჯევრიესაკენ და სახეში შეაცქერდა.

ჯევრიე გაფითრებული იყო და შავი თმები აწეწილი ჰქონდა. მისი ცოცხალი თვალები, რომლებიც გატანჯულ სახეზე ეხლა უფრო დიდრონი ჩანდა, აქეთ-იქეთ იცქირებოდნენ. მის მუდამ წითელ ბაგეებს, ფერი გაკრთომოდათ.



საქართველოს
ქრონიკა

— მე მივბრუნდები, — უთხრა კაცმა, — თქვენ კი გაიზაღეთ და ლოგინში შეწეით.

— რატომ უნდა მიბრუნდე? — გაკვირვებით იკითხა ჯევრიემ. ეს ისეთი ალალი გულუბრყვილობით იყო ნათქვამი, რომ კაცმა ღიმილისაგან თავი ვერ შეიკავა.

— უფრო მშვიდად გაიხდით-მეთქი და იმიტომ ვითხარით.

ჯევრიემ ტუჩები აიბზუა და შეხედა:

— გინდა შემომხედე, გინდა არა, ჩემთვის სულერთია, — უბასუხა ჯევრიემ და ნელ-ნელა დაიწყო გახდა. კაბის ქვეშ ცისფერი ყერსეს პერანგი ეცვა, მაგრამ საავადმყოფოში დეზინფექციის შემდეგ ფერა დაჰკარგოდა. ჯევრიემ ქვედა კაბაც იქვე ჩაიძრო მუხლებამდე.

საავადმყოფოდან ახლადგამოსულ ჯევრიეს ტანი სუფთა ჰქონდა.

სანამ ის იხდიდა, კაცი განზე იცქირებოდა. როცა ჯევრიე ლოგინში შეწვა, ისიც ლოგინისაკენ წამოვიდა.

— შენც წვები? — იკითხა ჯევრიემ და გვერდზე გაიწია.

— არა. მე არ დავწვები. ცოტა საქმე მაქვს.

ჯევრიე განცვიფრებული თვალებით უყურებდა მას. თუ მასთან არ დაწვებოდა, ნეტავ რაღას მოჰყავდა შინ. კიბეზედაც ხომ ხელით ამოიყვანა.

ის ერთადერთ მამაკაცს იცნობდა, რომელიც ადამიანს ბინას მისცემდა თავის სახლში და სამაგიეროს კი არაფერს სთხოვდა.

ეს კაცი ბარბაა.

ოღონდ ის ერთი ბებრუცუნა იყო. ეს კი ჯერ ახალგაზრდაა. მერე, რაც არ უნდა იყოს, ჯევრიე ბარბას ხელში გაიზარდა. ბარბას ჯერ კიდევ იმ დროიდან ახსოვდა ჯევრიე, როცა ის „თითის სიგრძე ლაწირაკი“ იყო. და ეს ასე იყო მუდამ, სანამ ის „ფოსფორიანის“ სახელით არ გახდა ცნობილი. ესლა ბარბაც შეეჩვია მის ახალ მეტსახელს (და ისიც „ფოსფორიანს“ ეძახის).

*

* — *

უცხო კაცმა ჯელი ჯევრიესაკენ წაიღო და მუბლი მოუსინჯა:

— ცოტა სიცხე გაქვთ, ალბათ, — თქვა მან.

— არ ვიცი.

— აბა ვნახოთ.



მან უჯრიდან სიციხის საზოში ამოიღო და ისევ ჯვერიესთან სიციხის საზოში იდლიაში ჩაიდევო უთხრა, თვითონ ტახტზე ჩამოჯდა და დაელოდა.

— თერმომეტრი მომეცით, — უთხრა მან ცოტა ხნის შემდეგ, სიციხის საზოში გამოართვა, სინათლისკენ დაიჭირა და დაჰხედა. შემდეგ კი ისევ პულსი გაუსინჯა და დააყოლა:

— ეხლა სიციხის დასაკლებ წამალს მოგცემთ.

ჯვერიე გრძნობდა, რომ ღირსეულად უნდა ჰქეროდა თავი. გაახსენდა, რომ საავადმყოფოში მის პალატაში ერთი მოხუცი ქალი ექიმზე ამბობდა „თერაპევტიო“. ჯვერიემ ის მაღალფარდოვან სიტყვად აღიქვა და ამ უცხო კაცსაც ასე მიმართა:

— შენ თერაპევტი ხარ? — ჰკითხა ჯვერიემ.

კაცს ისევ გაელიმა.

— არა, ექიმი არა ვარ, მაგრამ როგორც ყოველ ადამიანს, ცოტა რამ მეც გამეგება ავადმყოფობისა, — უთხრა მან ჯვერიეს და წყალი და აბი მიუტანა.

— ეხლა ეს გადაყლაბეთ. ხვალ ღამემდე აქა ხართ, ჩემი სტუმარი იქნებით. მთელი ღამე და მთელი დღე უნდა იწვეთ. თუ კარგად გახდებით, ღამე წახვალთ. ეხლა კი კარგად დაიძინეთ და დაისვენეთ.

ჯვერიე ვერაფერს ხვდებოდა:

— კარგი მაგრამ, შენ რაღა უნდა გააკეთო? — იკითხა მან.

— მე ტახტზე დავწვები.

— მე აქ რისთვის მომიყვანე? — გაკვირვებით ჰკითხა ჯვერიემ და სახეში მიაცქერდა. ის თითქოს ვერაფერსა ხვდებოდა.

— ავადა ხართ... დაისვენებს-მეთქი და წამოგიყვანეთ.

— სულ ეგ არის?

— დიახ.

ჯვერიე ისევ მიაცქერდა. ვერ მიმხვდარიყო რა ხდებოდა მის თვალწინ.

— მამაკაცებს, რომელთაც ქალები მოჰყავთ თავის სახლში, ჩვეულებრივ... — დააპირა ჯვერიემ რაღაცის თქმა, მაგრამ აღარ გააგრძელა.

— მე თქვენ აქ ავადმყოფობის გამო წამოგიყვანეთ, — უბასუხა მან და ტახტისაკენ წავიდა.

— ეხლა დაიხურეთ, დილაზე ყველაფერი გაგივლით. მე კი ჩაის მოგიმზადებთ. ჩაის შემდეგ კარგად დაგეძინებათ.

*
* *

თუკი ასე ეშინოდა ყველაფრისა და ეგონა, რომ უთვალთვალებენ, რატომ მიიყვანა სახლში და სიარულის ნებაც დართო?

ჯევრიე იმ ღამის შემდეგ მთელი კვირა იწვა გაცივებულში. ის კი უვლიდა ამ ახალგაზრდა ქალს. ჯევრიე მართალი იყო, როცა ის ექიმი ეგონა, ის ხომ ექიმივით უვლიდა ავადმყოფს.

— ჯევრიეს არასდროს არ ესმოდა, რატომ, რა მიზეზით მოექცა ის ასე კეთილად. მას შემდეგ ბევრი დრო გავიდა და ჯევრიემ ეხლაც არ იცოდა, რას ფიქრობდა ის მათ ურთიერთდამოკიდებულებაზე.

კვირის თავზე, როცა გამოკეთდა და ერთ ღამეს უკვე უნდა წასულიყო ამ სახლიდან, ჯევრიემ იკითხა:

— ისევ მოვიდე შენთან?

ის სახეზე მიაცქერდა, თითქოს ეკითხებოდა რისთვისაო და ბოლოს უთხრა:

— აბა, რაღად გჭირდება?..

ეს პასუხი ჯევრიეს საწყენად მოხვდა.

— შენ მე ბევრი სიკეთე მიყავ, მთელი დღეები შენს საწოლში გამატარებინე. წამალი არ დამაკელი და მოვლა. სამაგიეროდ კი არაფერი გითხოვია...

— რა, ფული ხომ არ გინდა მომცე ღამის გათევისა და მკურნალობისათვის? — ჰკითხა მან.

კაცი თითქოს ვერ მიხვდა, რისი თქმა უნდოდა ჯევრიეს. ქალმა უხერხულობა იგრძნო მის წინაშე.

ამ კაცთან შეხვედრის შემდეგ ეს პირველი იყო, როცა მან სირცხვილი იგრძნო.

პირველად კი მაშინ შერცხვა საშინლად, როცა მის სახლში მისული მის ლოგინში ჩაწვა და გვერდზე გაიწია, რომ მისთვის ადგილი დაეთმო, ის კი თითქოს ვერ მიხვდა ამას.

*
* *

— ჩემი მეგობარი ცხეშია! — გაიძახოდა მაგიდაზე ხელბდაწყობილი ჯევრიე.



თუმცა არც მის სახლში, ისადაც მან ერთი კვირა გაატარა, არც შემდეგ, არასდროს, ისინი ერთმანეთს არ გადახვევიან. შათი ურთიერთობა სულ სხვა იყო და სხვა მამაკაცებთან ურთიერთობას არაფრით არა ჰგავდა.

მაგრამ მის სახლში, მის საწოლში გატარებული შეიდი დღე ყველაზე უფრო სასიამოვნო მოსაგონარი იყო მის ცხოვრებაში. რა იყო ამ ბედნიერების მიზეზი?

პირველ ხანებში ფიქრობდა, რომ ეს იყო მადლიერების გრძნობა ავადმყოფობის დროს გაწეული დახმარებისათვის.

„საავადმყოფოდან გამოსული, უფულო, სიკვდილის პირზე მისული, ნავიდან რომ გადმოვეგდე და გაქცეულიყო, ხომ ნამდვილად მოვკვდებოდი“ — ფიქრობდა ჯევრიე.

შინ წაიყვანა, ახლობელივით მოუარა, წამალი და ცაცხვის ჩაი არ დააკლო, — ყველაფერი ეს მადლიერების გრძნობით ავსებდა ჯევრიეს მიამიტ გულს.

განსაკუთრებით კი ის აკვირვებდა და აფიქრებდა ჯევრიეს, რომ არასოდეს მას ქუჩის ქალივით არ მოქცევია. ეს ზოგჯერ თავმოყვარეობის შელახვადაც ეჩვენებოდა, მაგრამ მაინც ძალიან მოსწონდა ასეთი დამოკიდებულება. ქუჩის ქალობა იქეთ იყოს და ისიც კი არასოდეს უგრძობინებია, რომ ქალი იყო.

ის პირველსავე დღეს პატივით შეხვდა მას, თქვენობით მიმართა და ახლაც თქვენობით მიმართავდა ხოლმე.

მთელი იმ ხნის განმავლობაში, ჯევრიე ლოგინიდან არ ამდგარა. „ამერიკის მეფეც კი არ ნებვირობს ასე“, — ფიქრობდა ის და, ნებვიერად გაწოლილი, კმაყოფილებას გრძნობდა, რომ თავს ევლებოდნენ. დაჰხედავდნენ, რძეს და ჩაის მოუტანდნენ.

როცა ჯევრიე პირველად შევიდა ოთახში, კარ-ფანჯრებზე ფარდები, ლურჯი სინათლე და მისი სიფრთხილე შენიშნა, მიხვდა, რომ ამ კაცს ჩვეულებრივი ცხოვრება არა ჰქონდა, ხოლო როცა ერთი კვირა იცხოვრა მასთან, ნახა, რომ ეს კაცი ფარულად ცხოვრობდა აქ.

ჯევრიე ბავშვი არ იყო. ყველაფერი კარგად ესმოდა. ეს ისეთი კაცი იყო, რომელიც პოლიციას გაუბრბის, დევნისა ეშინია და რაღაც საიდუმლო საქმეებს აკეთებს. დღისით ის მუდამ შინ იჯდა. გულაღმა

იწვა ტახტზე, ზედი-ზედ ეწეოდა პაპიროსს, არ ინძრეოდა, არ სუნთქავდა და თითქოს და ჭევრიესაც აფრთხილებდა, არ გაინძრე და არ ეხმარებოდა.

— მე უმუშევარი ვარ. ეს ერთი ვაჭრის საწყობია. ამ ვაჭრის ყარაული ჩემი ნათესავია. ეს ოთახი ცარიელია და მე მომცა. არავინ არ იცის, რომ აქა ვარ. — ეუბნებოდა ის ჭევრიეს.

ჭევრიეს არ უნდა, რომ ჩაეკითხოს. გინდ უსაქმური იყოს, რომელიც შინ იმალება, გინდ ბოროტმომქმედი, ათი კაცის ცოდო რომ ადევს კისერზე. ჭევრიეს თვალში მისი ფასი და მნიშვნელობა მაინც არასდროს არ შეიცვლებოდა.

ის ერთადერთი კაცი იყო, რომლის ლოგინშიც მან ერთი კვირა გაატარა, ერთი კვირა მარტო იყო მასთან და მას კი ხელზე ხელიც არ დაუკარებია მისთვის, ხელის ხლებაც კი არ უცდია.

მისი ქალობის მიმართ ასეთმა გულგრილობამ, რასაკვირველია, ძალიან იმოქმედა ჭევრიეს თავმოყვარეობაზე.

მაგრამ ამ კაცის საქციელში ისეთი რამეც იყო, რაც ჭევრიეს ძალიან სიამოვნებდა.

„ის მე არ მექცევა ისე, როგორც ქუჩის ქალს! — ფიქრობდა ჭევრიე. — ნუთუ ვერ ხვდება რა საქონელიცა ვარ. არც ისეთ არიფსა გავს, რომ ვერ მიხვდეს. რაღაცისა ეშინია ძალიან“.

ის მხოლოდ ღამ-ღამობით დგებოდა ტახტიდან. კარგად რომ დაბნელებოდა, გარეთ მაშინ გავიდოდა.


— ფრთხილად იყავი, არსად გახვიდე! — დაიბარებდა ხოლმე წასვლისას.

ჭევრიეს ძალიან აინტერესებდა რა იდო ტომრებში, მაგრამ ეშინოდა, ვაითუ მითვალთვალებს რას ვაკეთებო და ელოდებოდა მის დაბრუნებას.

ღუმელს მთელი დღე არ აქრობდა ჭევრიე, რომ მისი მოსვლისათვის თბილი ყოფილიყო.

კიბეებზე მისი ფეხის ხმის გაგონება შეუძლებელი იყო. ის მოულოდნელად დააკაკუნებდა ხოლმე კარზე. ჩუმად იცოდა დაკაკუნება... ჭევრიე ლოგინიდან წამოდგებოდა, კარებს მიუახლოვდებოდა, დიდ სინათლეს ჩააქრობდა, ლურჯს აანთებდა და კარებს გააღებდა.

შემდეგ კარგად ააფარებდნენ კარის ფარდას და ისევ აანთებდნენ დიდ სინათლეს.



— თქვენ დაწეით, დაისვენეთ. — ეტყოდა ხოლმე ის ჯევრიეს. ის ყოველთვის მოზრდილი და მძიმე პაკეტით მოდიოდა. ამ მძიმე პაკეტს სადმე დადებდა და გამზადებულ ჩაის რომ საყვედურით ეტყოდა ჯევრიეს:

— თქვენ ავადა ხართ, რატომ გააკეთეთ. მე მოვიდოდი და ავადულებდი.

ჯევრიე მაშინ ხვდებოდა, რომ სრულიად ქვეცნობიერად, თითქოს თავის ჩვეულებრივ საქმეს აკეთებდა, ჩაის ახვედრებდა ხოლმე მას.

*
* *

იმ დღეებში, როცა გამოკეთება დაიწყო, ისევ გაახსენდა, რომ ქუჩის ქალი იყო.

იწვა ჯევრიე ლოგინში და ცდილობდა ეგრძნობინებია, რომ ლამაზი და სასურველი ქალი იყო.

მაგრამ ის ფარდის უკან გადიოდა და ყოველ საღამოს რაღაც ლითონის პატარა ნაჭრებს ალაგებდა ყუთიდან.

„ნამდვილად კონტრაბანდისტია“, — ფიქრობდა ჯევრიე.

ნეტავ რას აკეთებდა ღამ-ღამობით?

ჯევრიემ იცოდა, რომ მთელი მისი ყურადღება მაგიდაზე დაწყობილ ლითონის ნაჭრებისკენ იყო მიპყრობილი.

„ნამდვილად ყავს მეგობარი, ის უყვარს და ამიტომ არ უყურობს ქალებს, — ფიქრობდა ჯევრიე. — ნეტავ სადა ყავს ის მეგობარი? ნუთუ ყოველ საღამოს მის სანახავად დადის? არა, ის არა ყავს ისეთ კაცს, რომელიც სატრფოს სანახავად დადის...“

„კონტრაბანდისტია.“

„ღიახ, ნამდვილად, ან ქურდია, ან კონტრაბანდისტი. ღამე მუშაობს.“ ნავი რომ გაახსენდა, კიდევ უფრო დარწმუნდა, რომ კონტრაბანდისტი იყო.

ასეთ შემთხვევაში მთლად გაუგებარია ამ მარტოხელა კაცის საქციელი, რომელსაც ერთი კვირა ქალი ეწვა ლოგინში და ზედ არც კი შეუხედავს.

„ნამდვილად არ მოვწონვარ“, ფიქრობდა ჯევრიე. იგი სუფთად იცვამდა და უფრო მაღალ საზოგადოებას ეკუთვნოდა, ვიდრე ყველა ის მამაკაცი, ვინც აქამდე ჯევრიეს შეხვედრია ცხოვრებაში.



იმ უჩინარ ნათესავს, რომელიც დილაობით საჭმელს ტოვებდა ხოლმე კარებთან და შიგ არასდროს შემოდებოდა, მისთვის ყველა გაზეთებიც მოჰქონდა.

ეს კაცი ნასწავლი უნდა ყოფილიყო, რადგან დროს გაზეთების, ზოგჯერ კი წიგნის კითხვასა და წერაში ატარებდა.

*
* * *

— ხელახლა რომ მოხვიდე, რა გინდა? — უთხრა მან ჯვერიეს. მაგრამ მიუხედავად ამისა, ის მაინც ბევრჯერ იყო იმ სახლში.

აქედან მან ისევე გააცილა ჯვერიე, როგორც თავის დროზე მოიყვანა კიდეც. სახლი გამზირის ყველაზე უფრო ჩაბნელებულ ადგილზე იდგა. ეხლა ჯვერიე ავად აღარ იყო, თავბრუ არ ესხმოდა და ყოვლად შეუძლებელი იყო, რომ ის ადგილი ვერ ეპოვნა. ის ხელის გულივით იცნობდა გალათას...

სტამბოლი მისთვის საკუთარ სამფლობელოსავით იყო. მთელმა მისმა სიცოცხლემ ქუჩებში განვლო და ქალაქში კუთხე არ იყო, რომ ჯვერიეს არა სცოდნოდა. მასთან განშორებისას პირველად იგრძნო განშორების გულისტკივილი. ეს ბნელ კუთხეში მოხდა.

— აბა, ბედნიერად იყავით.

— შენგან იმდენი სიკეთე მახსოვს, რომ... — უთხრა ჯვერიემ, ორივე ხელი სტაცა თავის მხარზე ჩამოდებულ მის ხელს და აკოცა.

ეს ყველაფერი ისე უცბად მოხდა, რომ ახალგაზრდა კაცმა ხელის გაწევა ვერ მოასწრო.

— რასა შვრებით! — ხმადაბლა უთხრა მან ჯვერიეს.

ეხლა კი გაქცევა იყო საჭირო, რადგან ამ გაჭიანურებულ გამოთხოვებაში რაღაც გულსაკლავს გრძნობდა.

„ვინ არის ეს კაცი ჩემთვის?“ — თავისთვის გაიფიქრა ჯვერიემ და ნიავივით გაქრა ბნელ ქუჩაში.

ქუჩები სველი და ტალახიანი იყო. ჯვერიე ისე ღრმად სუნთქავდა, თითქოს ღვინის სარდაფებიდან და ღუქნებიდან ამოსულ სურნელს თავის ფილტვებში უპირებდა მომწყვდევას.

„ეხლა მაინც ამოვისუნთქავ თავისუფლად,“ — ფიქრობდა ჯვერთე საავადმყოფოსა და შემდეგ სხვენზე იმ უენო და უცნაურ ადამიანთან გატარებული ერთი კვირის შემდეგ.

ეხლა მას აღარ ეშინოდა, რომ თავბრუ დაეხვეოდა და ბინა არა ჰქონდა თავშესაფარად ამ უცნობ ქუჩებში. მან ხომ მთელი თავისი სიცოცხლე ასე გაატარა. იშვიათად ყოფილა შემთხვევა, რომ ერთი კვირა ზედღებდ ერთ ადგილას ეცხოვრა, ერთ ადგილას სძინებოდა.

განშორების გულისტკივილი თითქოს უკვე გაითქვიფა კმაყოფილების იმ გრძნობაში, რომელსაც მას თავისუფლად ხეტიალი გვრიდა.

პირველი, სადაც ჯვერთე იმ ღამეს მივიდა, ბარბას დუქანი იყო.

ბარბა, როგორც ყოველთვის, წვერგაუპარსავი და თმაგაწეწილი, ჭუჭყიანი წინსაფრით იჯდა დახლთან. მოქეიფეები წასულ-წამოსულიყვნენ. დუქანში აღარავინ იყო.

— ვაი, შენა ხარ, ფოსფორიანო? — შესძახა ბარბამ და სიხარულით ხელები მოიფშვნიტა მის დანახვაზე.

— მე ვარ, ჩემო ბარბავ, მე. — უპასუხა ჯვერთემ, დახლზე გადახარა, კისერზე მოეხვია ბებერ ბერძენს და ორივე ლოყა დაუკოცნა.

— უჰ, უჰ, რასა შვრები, გოგო!

— შენა გკოცნი, ჩემო ტკბილო, შვიდი კვირაა დღუზაზე ვდგავარ. ეხლა ისევ ავიშვი. ცოტა უნდა ვიბალახოთ, ჩემო ბარბავ.

— გეყო, ფოსფორიანო...

— ხომ იცი, რომ მიყვარხარ.

— ყველა გოგოებს ბარბა უყვართ, როცა მეგობრები არა ყავთ ხოლმე...

— ბარბა, განა შენს გარდა ვინმეს მივეყარები.

— მენავე მაჰმული სად არის?

— მოეშვი ერთი იმ უჯიშოს. მისი ნაბიჭვრის მოსაშორებლად საავადმყოფოში დავწეტი, მას კი ერთი კოლოფი „იენიჯე“ კი არა, „ფაშაც“¹ არ მოუტანია. გამოვედი საავადმყოფოდან, გავიხედ-გამოვიხედე, სად არის, ფრრრ!

— ბავშვი რა უყავი, ფოსფორიანო?

¹ „იენიჯე“ და „ფაშა“ სიგარეტებია, ერთი ძვირფასი, მეორე იაფი.



- მე რა ვუყავი, ბარბა, ალაჰმა უყო...
- ალაჰმა? ცოდნა ჯევრიე. ალაჰი მაგისტანებს არა შერჩებოდა...
- არაო, ამბობ. მაშ შენი ფანაია!... რას იტყვი?
- თავი დაანებე ფანაიას..
- არ ეპრიანება და თავი დაანებე! ფანაიამ თუ ქნა — სიკეთეა, ფოსფორიანმა თუ ჩაიღინა — ცოდნა. იმას საანთელს დაუნთებ, მე...
- შენთვის გული მეწვის, ჯევრიე...
- ბარბა ჯევრიესთან მივიდა და ლოყაზე ხელი მოუთათუნა.
- ეხლა რა გინდა ჩემგან...
- ჯერ ერთი, ფარა არა მაქვს... თუ მენდობი, ერთი კარგად უნდა მაჭამო, მშია. თუ არა და დამპატიყე... შენს ხარჯზე...
- საავადმყოფოდან ხარ გამოსული, ეს ერთი ჩემგან დალოე...
- მეორე რომ იყოს?
- ის ნისიად...
- აი, იცოცხლე ბარბა. ღმერთს იმიტომ გაუჩენიხარ, რომ მე ობოლი არ ვიყო. — წამოიძახა ჯევრიემ და იქვე დახლთან ორი არაყი გადაჰკრა.
- ერთი მითხარ, ბარბა, ბიჭებიდან არავინ გამოჩენილა?
- ცოტა ხნის წინ ფანთომმა¹-ათიფი იყო, მაგრამ დიდ ხანს არ დარჩენილა... ფეხზევე ყლურწა სამი და მოუსვა...
- საით წავიდა ნეტავ?
- ანკესის სროლას აპირებდა... ოღონდ არ ვიცი რა ტალღაზე.
- ის კაცი მუდამ ადელვებულ ზღვასავითაა. ტალღები არ აკლია. ან ბანკში წავიდა სალაროს გასატეხად, ან კიდევ ვინმე ქალი ჰყავს და ფული უნდა შეაწეროს.
- შენ რა უნდა გააკეთო ამ საღამოს?
- მეც ვისვრი ანკესს, ბარბა, თუ ყისმათი მაქვს, რამე ამოყვება, თუ არა და... მოვალ და უკანა ფანჯარაზე დაგიკაცუნებ... საავადმყოფოდან ახალი გამოსული ვარ, ღამე სიცივეში რომ გავატარო. ხომ გავჭიმე ფეხები.
- მობრძანდი, ფოსფორიანო. რა ჩვენი ოთახი და რა ოტელ „იმპერიალი“ ან „გრანდ ოტელი“...

¹ ფ ა ნ ა ი ა — ღვთისმშობელი.
² ფ ა ნ თ მ ა — მოჩვენება, აჩრდილი.



ორი ჭიქის შემდეგ საკმაოდ შეხურებული ჯევრიე დუქნის ვარკვში გავიდა, გუჩვიით მოიარა კარაქიოისა და ბეიოლლუს ქუჩებში და ლამის დანარჩენი ნაწილი ერთ ახალგაზრდა რეციდივისტთან გაატარა, რომელიც გზაში შეხვდა.

ჯევრიეს უცბად გაახსენდა სახლი ნეჯათიბეის ქუჩაზე, ფარული ოთახი იმ სახლის თავზე, ბრჭყვიალა სინათლე, სასიამოვნო სითბო, მისი სახე... და გულზე ნაღველი მოაწვა.

„ნეტავ რა მემართება?“ — გაიფიქრა ჯევრიემ.

რასაც იმ წუთში ჯევრიე გრძნობდა, თავის ცხოვრებაში არასოდეს უგრძნებია წინათ...

ის მთლად გულგრილი როდი იყო მამაკაცებისადმი.

მამაკაცებს ან უბრალოდ ფულისათვის ანდა დროს გასატარებლად დაჰყვებოდა.

მაგრამ ყოველთვის ფულის გულისათვის როდი თმობდა ხოლმე თავის სხეულს. ხან ვინმე შავტუხა ბიჭი მოეწონებოდა, ხან ქერა ახალგაზრდა, ხან ვინმე წაბლისფერთმიანი ვაჟკაცი და რამდენიმე საათს ან მთელ ღამეს გაატარებდა მათთან მხოლოდ იმიტომ, რომ მოსწონდა. მაგრამ ის გრძნობა, რომელიც მას აქამდე ჰქონია მამაკაცისადმი, არასოდეს არ ვასცილებია ამ მოწონებასა და სიმბათიებს. არასოდეს არა სდომებია მათი ნახვა ერთზე მეტად და თუ უნახავს, მხოლოდ იმიტომ, რომ ისინი მოითხოვდნენ დაჟინებით ან კიდევ შემთხვევიანო თუ შეხვდებოდნენ ერთმანეთს.

იმ ღამეს კი, სავსე სუფრასთან, მწვანეთვალემა ქერა გულუხვი ახალგაზრდის გვერდით, რომელიც არც შესახედად იყო ურიგო ბიჭი, ჯევრიეს უცბად ის მოენატრა...

მის გახსენებაზე თვალწინ წარმოუდგა დღეები, როცა ავად იყო და ლოგინში იწვა. გაახსენდა როგორ იწვა ნავში, ზედ მისი სქელი პალტო ეხურა და ვარსკვლავებს შესცქეროდა, გაახსენდა უცნაური მოგზაურობა ბნელით მოსილ ზღვაში.

გაახსენდა ქერა მამაკაცი, როელიც თქვენობით მიმართავდა მას და რომლის სახელიც არასოდეს არ იცოდა. გაახსენდა მისი ხმა... და საშინელმა ნაღველმა... სამშობლოს ნატვრის მსგავსმა, მთელი ეს სუფრა მოუშხამა... ჯევრიეს შეზიზღდა ეს გულუხვი ყმაწვილი და იმაზე დაიწყო ფიქრი, რომ როგორმე მალე მოეშორებინა ის თავიდან.

ჯვერიეს კარგად ახსოვდა მისი პასუხი:

— რისთვისღა უნდა მოხვიდე, — უთხრა მან, როცა, კიდევ მოვიდე თუ არაო, ჰკითხა ჯვერიემ.

მართლაც, თითქოს ნამდვილად არ არსებობდა ამისი საჭიროება.

მაგრამ ეხლა, ამ წუთში იქ წასვლა ჯვერიესათვის უბრალო საჭიროება როდი იყო. ეხლა მისთვის ეს ყველაზე გადაუდებელ აუცილებლობას წარმოადგენდა.

ღიახ, ეს ჩვეულებად ქცეული მოთხოვნილება იყო.

ამ დაუძლეველი მოთხოვნილებით შეპყრობილი გამოვიდა ის დუქნიდან და ფინდიქლიში გაპყვა ქერა ახალგაზრდას.

ფინდიქლიში ტუბილულობის დუქნის უკანა კიბით ისინი მალლა ავიდნენ ერთ ოთახში, აქ ერთი საწოლი იდგა. ფანჯარაზე დამტვრეული სარკე მოჩანდა. ელექტრონის შნური, რომლის ბოლოზეც ლამფა დაფავდა სულს, ბუზებს წაებლიწათ.

ამ ოთახში გატარებული დრო, უეჭველია, ყველაზე უფრო სატანჯველი წუთები იყო ჯვერიეს ცხოვრებაში.

ასე ეგონა, არასოდეს მოეღებოდა ამას ბოლო. ამ მთვრალი კაცის მკლავები არასოდეს დაეხსნებოდნენ მის სხეულს.

ჯვერიემ შვებით ამოისუნთქა, როცა თავი დააღწია ხვევანა-ბლლარძუნს, რომელსაც მისი სხეული გულგრილად იტანდა, ხოლო თვითონ მასში ზიზღს იწვევდა. როცა ჯვერიე სარკის წინ თმას ისწორებდა, მძინარე მამაკაცი უკვე დიდი ხნის ამოშლილი იყო მისი მეხსიერებიდან.

წასვლის წინ ჯვერიე მიუახლოვდა მას და შეანჯღრია:

— რა ცხენივით ხვიხვინებ, ფული დაყაჭე.


კაცმა თვალეზი გაახილა. ჯვერიეს შეხედა და ერთი მაგრად შეივივნა. შემდეგ იატაკზე დაგდებული პიჯაკის ჯიბე მოიქექა და ჯვერიეს ხელში ფული მიაჩეჩა.

მართალია, ჯვერიეს ძალიან სწყუროდა აქედან წასვლა, მაგრამ პროფესიონალურმა ცნობისმოყვარეობამ მაინც სძლია: მუჭი გაშალა და ფულს დაჭედა. შიგ ერთი ვერცხლის ლირა და ორი ყურღუში იდო.

გახარებულმა ისევ შეკრა მუჭი და კიბეებისაკენ გასწია.

ქუჩაში ჯვერიემ ღრმად შეისუნთქა ჰაერი. არყისა და იაფი შეჭამანდის შემდეგ იმ უჰაერო ოთახში ყოფნამ, სადაც ქუნჯუთის ზეთის,

მუცლის ქონის, ტკბილი ცომისა და თამბაქოს სუნი იდგა, ჯევრიეს გული აურია. ამიტომ, სიცივის მიუხედავად, სუფთა ჰაერი მანცვენსაღი მოვნა.



საავადმყოფოდან ახალი გამოსული იყო, თავს ჯერ კიდევ სუსტად გრძნობდა. მაგრამ ფინდიქლიდან კარაქიოიში მაინც ფეხით წავიდა.

მთელი გზა მუხლები უკანკალებდა. სულ სადმე ჩამოჯდომა და დავ-ვენება ენატრებოდა, მაგრამ თავს ძალას ატანდა და ცდილობდა ჩქარა ევლო.

მოთმინება აღარ ყოფნიდა ნახვამდე...

ჯევრიეს ერთი სული ჰქონდა, სანამ იმ ოთახში შევიდოდა, რომლის არსებობაც ნეჯათიბეის ქუჩაზე მყოფ სახლში აზრადაც არავის მოსდი-ოდა... იმ კოხტა, სუფთა და თბილ ოთახში შესულიყო და...

ჯევრიეს ისე მოენატრა ეს ოთახი, თითქოს წლების განმავლობაში ცხოვრობდა იქ. ისე მოენატრა, რომ მიახლოებისას გულმა სინარულით დაუწყო ძგერა. ამ სახლიდან რომ მიდიოდა, ღამე იყო, მაგრამ ყურად-ღებით იცქირებოდა აქეთ-იქით, რომ მერე ხელახლა ეპოვნა, ნიშნებს ეძებდა, განუწყვეტილვ იმეორებდა მათ, ერთხელ კი დღისით მოვიდა და იქაურობა კარგად დაათვალიერა.



სწორედ ამიტომ მაშინვე მონახა საჭირო კარი, თუმცა ბნელოდა და ამისთანა კარები აქ სხვაც ბევრი იყო.

ჯევრიე უყოყმანოდ გაემართა იმ კარისაკენ.

როცა კარს ხელი ჰკრა, ის, ისევე როგორც პირველ ღამეს, ღია დახვდა.

სიბნელეში ჯევრიე ჩრდილივით გაძვრა კარებში.

ვინმე უცხო რომ შემოხვდომოდა და ეკითხა, აქ რას აკეთებო, ის, რასაკვირველია, სიმატლეს არ უპასუხებდა და ეტყოდა, სახლი არა მაქვს და დასაძინებლად შემოვედიო.

დიდი-დიდი, ქურდი ეგონებოდათ და დაიჭერდნენ.

ეს არც ისე დიდი ამბავი იყო. ბოლოს და ბოლოს, პოლიციაში მას



ყველა იცნობდა. იქამდე ქურდობისათვის იქ არასოდეს ყოფილა
ლა-ყველა და, ამ ხნის განმავლობაში ქურდობის არც ერთი რეგისტ-
რაცია არა ჰქონია. ამიტომ ადვილად დაუჭერებდნენ, რომ საქურდ-
ლად კი არა, ღამის გასათევად იყო მისული.

რომც არ დაეჭვებინათ, მაინც უნდა გაეშვათ, რადგან არაფერი
მოუპარავს.

ამის თაობაზე ჭევირის საკმარისი გამოცდილება ჰქონდა.

ეზო გაიარა... რამდენადაც ახსოვდა, კიბე მარჯვნივ იყო...

ქვის საფეხურები დაბალი იყო და განიერი... კიბეს ნელ-ნელა შეჰყვია.
ყოველ საფეხურს თვლავ. ჩამოსვლისასაც ასე მოიქცა, საფეხურებს
ითვლიდა. ასე უკეთ მიხვდებოდა სად უნდა ასულიყო.

ასი საფეხური დათვალა...

მისი ანგარიშით კიბე აქ უნდა გათავებულყო. მაგრამ კიბე გრძელ-
დებოდა... ან მაშინ შეცდა, როცა ჩამოდიოდა... ანდა ეხლა კარგად ვერ
დათვალა... უცბათ შიშმა შეიპყრო... რა ქნას... ბოლომდე იაროს ამ
კიბეზე? ნეტავ ბევრია კიდევ ასასვლელი? იქნებ სართულია ორად
გაყოფილი? მისი ოთახი კი სხვენშია, მაგრამ იქნებ შენობა ორი ნაწი-
ლისაგან შედგება? ცალ მხარეს უკანასკნელი სართული იქნებ მეორე-
ზე უფრო დაბლაა? აქ ხომ ბევრი სახლია ასე აშენებული?

ჭევირე გაჩერდა... დაბნეული და შეწუხებული იყო. ამ კაცის
დაკარგვამ ჭევირეში ისეთივე პანიკა გამოიწვია, როგორც პატარა ბავ-
შის გულში, ხალხში დედის დაკარგვამ. საცაა ტირილი წასკდებოდა.

„რა უნდა ვქნა?“ — იფიქრა მან და გადაწყვიტა ბოლომდე აევლო
რკინის კიბეები და კიბის პირველსავე მოედნამდე მისულიყო... კიდევ
რვა საფეხური აიარა.

ეხლა ის კიბის ვიწრო მოედანზე იდგა. ჯერ მარჯვნივ წავიდა...
რამდენიმე ნაბიჯის შემდეგ კარებს მიაღწია... კარებს გვერდი აუარა
და მარცხნივ წავიდა. კიდევ ერთი კარი. მერე მარცხნივ იარა და მარ-
ჯვენა კარის პირდაპირ კიდევ ერთი კარი ნახა... შემდეგ ისევ კიბე
იყო... მისი კარი ერთი ამ სამთაგანი იყო. მაგრამ რომელი?

ოთახიდან რომ გამოვიდნენ, პირდაპირ იარეს. ნამდვილად შუა
კარი უნდა იყოს, მაგრამ ჭევირე კარგად არ იყო ამაში დარწმუნებუ-
ლი.



მაშინ ჭევრიემ სამივე კარს ჩამოუარა და ისე დააკაუნა, როგორც
საჭმლის მომტანი აკაკუნებდა ხოლმე მისი იქ ყოფნის დროს.
ეს ძნელი არ იყო... ჭერ ორჯერ დააკაუნებდა ზედი-ზედ. შემდეგ
სამჯერ დააკაუნებდა და გაჩერდებოდა, ბოლოს კი ერთხელ დააკაუ-
ნებდა.

ფრთხილად დააკაუნა სამივე კარზე...

მაგრამ ხმა არავინ გასცა...

ის ან შინ არ არის, ანდა არც ერთი ეს კარი მისი ოთახისა არ
იყო. იქნებ წასულაც იყო აქედან.

ეს უკანასკნელი შესაძლებლობა ჭევრიემ მაშინვე ამოიგდო
თავიდან.

ის ხომ კარგად იყო მოწყობილი ამ სახლში. ნეტავ რატომ უნდა
წასულიყო ასე უცბად?

ჭევრიე ბევრ ხალხს შეხვედრია თავისი სიცოცხლის მანძილზე.
ზოგი მხოლოდ ერთხელ უნახავს.

ის ხალხი ჭევრიეს ქუჩის კუთხეში ხვდებოდა და ასევე ქუჩის კუთ-
ხეში შორდებოდა ხანმოკლე ურთიერთობის შემდეგ.

ხალხის ბრბოდან მოდიოდნენ და ბრბოშივე იკარგებოდნენ...

ჭევრიეს არცერთი მათგანის ნახვა ისე არ მონატრებია, როგორც
ამ უცხო კაცის ნახვა ენატრებოდა. და არასდროს ისეთი შიში არ
უგრძენია, როგორც ეხლა, როცა გაიფიქრა — ნეტავ თუ ვნახავო?

„რა ვქნა?“ — იფიქრა ჭევრიემ, როცა ნახა რომ კარს არავინ
აღებდა. ალბათ გასულია. ნამდვილად ასეა. უფრო გვიან მოვა. უმჯო-
ბესია დაელოდოს... ჭევრიე უკანასკნელ საფეხურზე ჩამოჯდა და
მტვრიან მოაჯირს მიაყრდნო თავი.

ძალიან დაღლილი იყო... სხვა დროს ძილი ტყვიასავით დაუმიძიმებდა
თვალის ქუთუთოებს და ჭევრიე იქვე ჩათვლემდა. მაგრამ ეხლა არ
იძინებდა.

ისე კი, განა სულ ასეთ მდგომარეობაში არ ეძინა ხოლმე მთელი
თავისი სიცოცხლე, ასე სადღაც მიმჯდარსა და მიკრუნჩხულს. თითე-
ბზე შეიძლებოდა ისეთი ღღეების ჩამოთვლა, როცა ლოგინში ეძინა
მშვიდად.

რამდენმა ხანმა გაიარა ასეთ მდგომარეობაში არ იცოდა — ნახევარმა
საათმა თუ რაზღენიმე საათმა.



ეს დრო ჭევრიეს ძალიან გრძლად მოეჩვენა, ასე ეგონა რამდენიმე თვემ განვლო.

როცა უკვე საშინელმა ნაღველმა მოიცვა და მთლად გადაიწყვიტა მისი ნახვის იმედი, კიბეებზე ფაჩუნი გაისმა.

ეს ფაჩუნი არ ჰგავდა ადამიანის ფეხის ხმას. მაგრამ ირგვლივ ისეთი იღუმალი გარემო შეიქმნა, რომელიც ლოდინში მყოფ ყურადღება-დაძაბულ კაცს აფრთხილებდა — ვიღაცა მოდისო.

ის ვიღაცა ძალიან ფრთხილად მოდიოდა. ისე ფრთხილად, თითქოს ფეხსაც კი არ აკარებს საფეხურებსო.

„ის არის“, — გაიფიქრა აღელვებულმა ჭევრიემ, ხელი მოაჯირს ჩასჭიდა, სუნთქვა შეიკრა და ყური მიუგდო.

ღიახ, ვიღაცა უახლოვდებოდა, მოდიოდა, მოდიოდა... კიბეები უკვე დიდი ხანია ამოიარა... საცაა... ჭევრიე შიშმა შეიპყრო. ვაითუ ის არ არის... ვაითუ სხვაა. ვაითუ ყარაულია და ამოწმებს... არ უნდოდა რომ მის უნახავად შეეპყროთ.

ჭევრიემ იგრძნო, რომ ის ვიღაცა უკვე იმ კიბის ბოლოში იმყოფებოდა, რომლის თავშიც თვითონ იყო. კუნაპეტ სიბნელეს შეჩვეული ჭევრიეს თვალები ეხლა კარგად ამჩნევდნენ მუქ აჩრდილს, რომელიც ვეება კლდესავით უახლოვდებოდა მას.

ჭევრიე არ განძრეულა, რომ მისი ყურადღება არ მიექცია. აჩრდილი ზედ მას მოადგა. საცაა ფეხს დააბიჯებდა, მისი პალტოს კალთებო უკვე სახეზე მოედო.

სანამ პალტო სახეზე არ მოხვდა, ჭევრიემ ვერ იცნო ვინ მოდიოდა.

მაგრამ პალტო შეეხო თუ არა, ისე გაიხარა, როგორც ძაღლმა, პატრონს რომ იცნობს ხოლმე და მღელვარებისა და სიხარულისაგან გული აუფანცქალდა.

ამ ოდნავ ნამიანი პალტოს კალთებს წყალმცენარეებისა და ზღვის სუნი ასდიოდა. პაპიროსის სუნიც იგრძნო ჭევრიემ. ეს ის პაპიროსი იყო, რომელსაც ის ეწეოდა. ასეთი სუნი მის ოთახშიც იდგა. ეს მისი სუნი იყო... მას თავისი სუნი ჰქონდა.

ამ ნაჭერს, რომელიც მას სახეზე მოედო, სწორედ ის სუნი ასდიოდა, რომელიც ჭევრიემ ნავში იგრძნო... როცა ის გულადმა იწვა, გასცქეროდა უსასრულო ცასა და უთვალავ ვარსკვლავებს... როცა ის საშიშროების წინაშე იდგა, უფსკრულის პირას... ეს იმ ღამის სურნელი



იყო, როცა სიკვდილი ასე ახლო და, ასეთი გარდუვალი იყო, ხოლო თვით დამე, თავისი სისასტიკის მიუხედავად, არაჩვეულებრივ ლამაზი და წარმოუდგენლად ნაღვლიანი ჩანდა.

ამ ნაჭერს იმ მშვიდი, თბილი და გამოჯანსაღების ტკბილი ღღეების მოგონებაც ახლდა, ღღეებისა, რომელიც ჯევრიემ მის ოთახში გაატარა.

*
* *
*

ჯევრიესათვის ფეხის წამოდება და უკან გაბტომა ერთი იყო. მან ვლვის სისწრაფით დაიხია უკან, თან დაიხარა და ხელი წაატანა ჯევრიეს... მაგრამ როცა შიშველ მკლავს წააწყდა, მიხვდა ვინც შეიძლება ყოფილიყო. მას ძალა აღარ დაუტანებია მკლავისთვის. ასევე სწრაფად მოსწია ჯევრიე მკლავში, ფეხზე დააყენა.

ჯევრიე ძალიან დაფრთხა, ისიც კი იფიქრა, არაფერი მიქნასო, მაგრამ გაახსენდა, რომ მას ძალიან ეშინოდა თავის გამოძეღვენებისა, ამიტომ ენას კბილი დააჭირა და კრინტი არ დაუძრავს.

ეხლა იბინი უკვე ერთმანეთის გვერდით იდგნენ. ჯევრიე ორი საფეხურით უფრო მაღლა იდგა და შუბლზე გრძნობდა მის თბილ სუნთქვას.

მისი სხეული, რომელიც ცოტა ხნის წინ გულგრილი იყო ვიღაც მამაკაცის ხვევნა-ფერებისადმი, ეხლა უცნაურ სიამოვნებას გრძნობდა მისი თბილი სუნთქვისაგან.

მას ჯევრიესათვის ხელი აღარ გაუშვია. ისინი ერთად შევიდნენ ოთახში....

ოთახში შესვლისას მან ჯერ ლურჯი სინათლე აანთო. ჯევრიეს ძალიან უყვარდა მისი სახის ჭკრეტა ამ სინათლეზე.

ასეთ სინათლეზე იგი ქანდაკებას გავდა. ისეთი იერი ჰქონდა, როგორიც მას სხვაგან არსად უნახავს.

სანამ ის ფანჯრისა და კარის ფარდას ამოწმებდა, ჯევრიემ ნელი ნაბიჯით ლუმელისაკენ გასწია, იატაკიდან ასანთი აიღო, გაჰკრა და ლუმელთან მივიდა.

მან ფარდები გაასწორა, დიდი სინათლე აანთო და ჯევრიესკენ



მიბრუნდა. სახე მოღუშული ჰქონდა. გამომეტყველებაზე იტყობოდა, რომ სულაც არ იყო კმაყოფილი ჯევრიეს მოსვლით.

— რისთვის მოხვედით? — აკანკალებული და თავშეკავებული ხმით იკითხა მან. — განა არ გაგაფრთხილეთ რომ აღარ მოსულიყავით?

ჯევრიე დანაშაულზე წასწრებული ბავშვის თვალებით შესცქეროდა მას.

— დიახ... — წაილულლულა ჯევრიემ.

მართალი იყო... იგი მოითხოვდა, რომ ჯევრიე აღარ მოსულიყო აქ. აფრთხილებდა. ეგონა, ვეღარ მოაგნებდა აქაურობას.

ჯევრიე მიხვდა, რომ ამ საქციელით ძალიან წააგო მის თვალში.

— მაშ რატომ მოხვედით? — ჰკითხა მან ისევ გაბრაზებული ხმით.

განა ფარვანას ეკითხებიან, თავს რატომ იწვავ ცეცხლზე? მოვიდა და გათავდა. ნებისყოფაზე უფრო ძლიერმა გრძნობამ გამოსწია აქეთკენ. ის ყოველთვის ივლის. იმ ცთომილების მსგავსად, რომლებიც მზის ორბიტაში არიან მოქცეულნი და მისგან იღებენ სიცოცხლის უნარს, ისიც სულ ამ ღერძის, ღუმელ-აგიზგიზებული ოთახის ირგვლივ იტრიალებს. მხოლოდ მეორედ მოსვლა თუ გაუქარწყლებს ამ გრძნობას, მოაშლევინებს ღერძის ირგვლივ ტრიალსა და მოწყვეტს აქაურობას.

*

* * *

და აი, უეცრად დაიქცა ქვეყანა, მოიშალა ყველაფერი, ჯევრიე ძალით მოსწყვიტეს მზეს და წაიყვანეს. მას ერთი წლით წაართვეს მზე. მაგრამ როცა ის ხელახლა დაუბრუნდა ცხოვრებას, მიუხედავად ყოველგვარი აკრძალვისა, ისევ მზეს, თავის მზეს დაედევნა.

მაგრამ ვეღარ იპოვა...

ვერ იპოვა, მაგრამ გაიგო, რომ დაპატიმრებულია. ეხლა ის ციხეშია.

— გოგოს მაჯებზე მართლა ჰქონია დაღი, — ამბობდნენ მეინახეები.

ჯევრიეს ორივე მაჯაზე ხელბორკილი ჰქონდა გამოხატული. ჯევრიეს თავისი გულუბრყვილობით სჯეროდა, რომ ეს სასჯელს თუ არა, ნაღველს მაინც შეუძლებულებდა მას.



როცა მთვრალი ჭევრიე ბანცალ-ბანცალით გაემართა კარებთან, ღრმად
ზომბი მას აჩრდილივით აედევნა.

— ეხლა კი დამანებეთ თავი, თქვე ნაძირალებო, — ილანძღებოდა
ჭევრიე, — ხელებზე კი არა, გულზე მაზის დაღი.

„ჩემს ჭევრიეს შავ თვალებზე ეტყობა!“

განაგრძობდა ბრმა მუსიკოსი, რომელმაც კარგად იცოდა, რაც
იყო ნაღველი და ყურადღებას არ აქცევდა კარებისკენ მიმავალ
მთვრალ ქალს.

III

ჩემს ჯევერიეს შავ თვალეზზე ებჟობა

ღიას, ჯევერიეს თვალეზზე ეტყობოდა... მის გულუბრყვილო, ბრიალა თვალეზს სხვებსავით არ შეეძლოთ სულში მომხდარი ძვრების დამალვა.

ჯევერიეს ღიდრონ შავ თვალეზში სარკესავით ჩანდა მთელი მისი გრძნობები და შინაგანი სამყარო. ამ თვალეზში პირწმინდად ამოიკითხავდით მთელ მის გრძნობებს.

ჯევერიეს რომ თავისი თავი მაშინ დაენახა სარკეში, როცა მას უტკეპრდა, რასაკვირველია, ვერ იცნობდა. შესაძლებელი რომ ყოფილიყო და ჩეშმემეიდნელებს აქ ენახათ ჯევერიე, გაუკვირდებოდათ — განა ეს არის ჩვენი ფოსფორიანიო?

აქ მის თვალეზში არ ჩანდა ის მუდმივად გაცვეთილი, უსირცხვილო და ცინიკური გამოხედვა.

ეს თვალეზი ცხოვრებაში ახლად გამოსულ ახალგაზრდა გოგონას თვალეზებით ყველგან და ყოველ წამს სასწაულის მოლოდინითა და სიწმინდით იყო სავსე.

ასე ალაღად და ასე იმედით მხოლოდ ისეთი თვალეზი იცქირებიან, რომელთაც ჯერ არაფერი უნახავთ ცხოვრებაში და ყველაფერს მისგან მოელიან.

ეს ქუჩის ქალი, რომელიც კარგად იცნობდა მამაკაცებს მთელი თავისი ბილწი მიდრეკილებით და არასოდეს არ ყოფილა უმწიკვლო არც სულიერად და არც ხორციელად, ამ კაცს ისე შესცქეროდა, თითქოს არ იცის რა სიამოვნებას ანიჭებენ მამაკაცები ქალებს, უტკეპრდა



რალაც გრძნობების კარნახით შეპყრობილი, უცხო ბედნიერებაზე მეოცნებე პატარა და უცოდველი ძუ, უცქერდა და გრძნობდა, რომ მის სულში იღვიძებდა დღემდე უცნობი გრძნობები, რომელთა ფესვებიც მხოლოდ ცქერაში როდი იყო.

ეს რალაც გაურკვეველი და უცნაური შეგრძნება იყო. ეს იყო ძლიერი და ჟრუანტელის მომგვრელი გრძნობა, რომელსაც განცვიფრებაში მოჰყავდა ჯვერიე. ეს გრძნობა მას არასოდეს განუცდია, ეს იცოდა მან და ამიტომ არც სახელი ჰქონდა მისთვის.

ჯვერიეს ეშინოდა, რომ ის მის თვალებში ამოიკითხავდა ამას, ამიტომ, დღემდე უცნობი ალლოთი, სახეს არიდებდა და ამ რიდიანობისა კიდევ ცალკე რცხვენოდა.

— თუ აქ მეტს აღარ მოხვალთ, უკეთესი იქნება,—უთხრა მან იმ საღამოს. — სრულებით ნუ მოხვალთ.

ჯვერიემ თანხმობის ნიშნად ისე ნაზად დაუქნია თავი, თითქოს ცდილობდა, შეუმჩნეველი დარჩენილიყო, რადგანაც შიშობდა, არ მითხრას—ეხლავე წადიო—და არ გამაგდოსო. მას ცოტა ხანს კიდევ უნდოდა ამ ოთახში დარჩენა. წადიო, რომ ეთქვა, ხომ იძულებული გახდებოდა წასულიყო.

მას ხშირად უთქვამს — მეტი აღარ მოხვიდეთ, და ბარემ ამ მოსვლაზე მაინც დარჩენილიყო რაც შეიძლება მეტ ხანს.

მან პალტო თავის ადგილზე დაკიდა და მძიმე პაკეტი, რომელიც ყოველ მოსვლაზე მოჰქონდა ხოლმე, ჩვეულებრივად ფარდის უკან დადგა.

ის სხვა რალაცით იყო გართული. ჯვერიე ფხიზლად უთვალთვალებდა. ასე შერებოდა ის ყოველთვის. მას რომ დაძინებული ეგონა ან სხვა საქმით გართული, ჯვერიეს მაშინ თვალები მოჭუტული ჰქონდა და მას უცქეროდა.

მასაც მუდამ ისე ეჭირა თავი, თითქოს ვერც კი ამჩნევდა ახალგაზრდა ქალს.

ამჯერადაც ასე იყო...

თითქოს ჯვერიეს აქ ყოფნას ვერ ამჩნევსო, ეხლაც არ იცქირებოდა მისკენ და რალაც წვრილმანი საქმეებით იყო გართული.

პიჯაკი გაიხადა, პერანგის მკლავები აიკეცა, მაგიდას მუშამბა გადა-



ათარა და თეფშები დააწყო. მაგრამ ყველაფერს უხერხულად აკეთებდა და ეტყობოდა, რომ ასეთ საქმეში გამოუცდელი იყო.

ცოტა ხნის შემდეგ, როცა ღუმელზე დადგმული ჩაიდან ადუღდა, მან ყუთიდან ჩაი ამოიღო და შიგ ჩაყარა.

— ძობრძანდით, ჩაი დალიეთ, რამე შექამეთ!—მიმართა მან ჯვერიეს ცოტა ხნის შემდეგ, როცა უკვე ჩაი გამოიხარშა.

ჯვერიე იმედს არ კარგავდა: რადგანაც ჯერ არ გამავდო, ამალამაც აქ დამტოვებსო.

ხოლო, როცა მაგიდასთან მიიპატიჟა, ეს სათუთო იმედი უეცრად დიდ სიხარულად იქცა.

მისმა თვალებმა ველარ დამალა ვერც სიხარული, ვერც მადლიერების გრძნობა მისი აქ დატოვებისათვის.

— კარგი!—უპასუხა ჯვერიემ, მიაპყრო დიდრონი შავი თვალები, და მის პირდაპირ მიუჯდა მაგიდას.

ასე ერთად ისინი ჯვერიეს ავადმყოფობის დროსაც კი არა მსხდარან. ჯვერიე კმაყოფილი იყო, რომ მის პირდაპირ იჯდა მაგიდასთან.

ჯვერიეს ჯერ არ უნახავს, რომ ვინმე ასე ჭამდეს... კარაქი... საკარაქეში იღო. ის დანით აიღებდა კარაქს, პურზე ჩამოუსვამდა, შემდეგ ყველს დაადებდა და შეჭამდა.

ჯვერიემ კი პურის მთელ ნაჭერზე დააცხო კარაქი, მარჯვნა ხელის ორი თითით ყველი დააჭირა, დიდრონ ლუკმებს დაუწყო კბეჩა და განცვიფრებული მიაცქერდა მას.

ყველაფერი უცნაურად ეჩვენებოდა ჯვერიეს. ისიც, როგორ ეჭირა მას დანა, და როგორ ლეჭავდა ლუკმას.

*
* * *

ჯვერიე ეხლაც თვალებმოჭუტული ათვლიერებდა ოთახს.
„ცოლ-ქმარი ალბათ ასე ერთმანეთის პირდაპირ ზის თავის სახლში და ჭამს საჭმელს“,—ფიქრობდა ჯვერიე.

ჯვერიეს სხვა მამაკაცებთანაც უცხოვრია.
ერთხელ საბრძოლველ კარაქიოში ნომერი იჭირავა. სასტუმროს პატრონის ნებართვით ჯვერიეც ცხოვრობდა იქ რამდენიმე დღე.



იმ ხანებში საბრძოლო ბლომად იშოვნა ფული...

მთელი კვირა ის უვლიდა ჯეჯერის.

საქმელი და სასმელი სულ მისი იყო. ტანსაცმელი უყიდა, საცვალი, ჩანთა, პალტოც და ფეხსაცმელიც.

მაგრამ მერე კი, იცოცხლე, სულ ძმრად აღინა ცხვირიდან...

იმ დღეებშიც კი არა მსხდარან ჯეჯერიე და საბრი ერთად ოთახში და საქმელი არ უჭამიათ.

საბრი ხელკავს გაუკეთებდა ჯეჯერიეს, კინოში წაიყვანდა, საღამო-ობით დუქანში დადიოდნენ.

ღამე კი სანდიკბურნუში¹ მიდიოდნენ ხოლმე. მეჭიდოეჭიოიში თუთის ჭალაში რა დროს ატარებდნენ! ერთი კვირის შემდეგ საბრი პოლიციამ გაბაწრა.

არა, იმ ერთ კვირას, რომელიც ჯეჯერიემ საბრისთან გაატარა, ცოლ-ქმრის ცხოვრებასთან საერთო არაფერი ჰქონდა.

ცოლ-ქმრული ცხოვრება აი ეს იყო. ასეთ ოთახში, ყოველ დღე მამაკაცთან ერთად, ოღონდ ერთიდაიმავე კაცთან.

უეცრად ეს, ცოტა არ იყოს, მოსაწყენად მოეჩვენა... სულ ერთსა-დაიმავე კაცთან...

ქმრებს შორის, ალბათ, ვინ იცის რამდენი მახინჯი, რამდენი ბრიყვი და უქმური კაცია. „საწყალი გათხოვილი ქალები! — ფიქრობდა ჯეჯერიე და გულში ებრალებოდა კიდევ ისინი.—ბებერი, უშნო, რეგენი და საზიზღარიც რომ იყოს, მაინც უნდა იცხოვრო ქმართან, ყოველ საღამოს უნდა მიუჯდე ამ ბეხრეკ ქმარს და საქმელი ჭამო მასთან. მე რომ ვიყო, ერთ დღესაც არ მეყოფოდა მოთმინება, ვიფეთქებდი, ცოლ-ქმრული ცხოვრება ციხესა გავს“. — თქვა მან გულში და კაცს შეხედა.

„კი მაგრამ, მისი ცოლი რომ ვიყო?“—გაიფიქრა ჯეჯერიემ და გულმა ბაგა-ბუგი დაუწყო.

ღიახ, ასეთი ზღაპარიც კი აღელვებდა მას.

მისი ცოლობა... ეს ნამდვილად კარგი იქნებოდა. ჯეჯერიე მიხვდა, რომ მთელი სიცოცხლე არ მოსწყინდებოდა მასთან პირისპირ ჯდომა, საქმლის ჭამა.

¹ ს ა ნ დ ი კ ბ უ რ ნ უ — უბანია სტამბოლში.



ამან ძალიან გააკვირვა ჯევრიე.

„ნეტავ ცოლი თუ ყავს?—გაიფიქრა მან და როცა დაინახა რომ თითზე საქორწინო ბეჭედი არ ეკეთა, განაგრძო,—არ ატარებს ამ დაწყევლილ ბეჭედს, თუმცა რა მნიშვნელობა აქვს. რამდენი მამაკაცი ბეჭედს ჯიბეში ატარებს, რომ არ აჩვენოს, ბორკილი მადევსო“.

ამიტომაც დაინტერესდა—ცოლი თუ ყავსო.

„ყოველ შემთხვევაში, ცოლიანიც რომ არ იყოს, ვინმე ქალთან მაინც ექნება საქმე“, — გადაწყვიტა მან, რადგან კარგად იცნობდა მამაკაცებს. ბოლოს და ბოლოს, ისიც ხომ მამაკაცი იყო!

ჯევრიეს თავისი ცხოვრების გზაზე ბევრი მამაკაცი შეხვედრია, მაგრამ არ უნახავს, რომ რომელიმე მათგანი ამასავით გულგრილი ყოფილიყო მის მიმართ.

„რა გაპრანჭულ ვაჟბატონებს არა სდომებიათ ჩემი ერთი საღამოთი მაინც ხელში ჩაგდება!“

ერთხელ ერთმა პატროსანმა კაცმა, შიშლიში, ზედ გამზირზე ერთ დიდებულ სახლში მიიყვანა იგი.

მთელი სახლი აბრეშუმით, ხავერდით და ხალიჩებით იყო მორთული.

ასეთ სახლებში მცხოვრები ვაჟბატონებიც კი არ იწუნებდნენ მას.

გაახსენდა, როგორ ეხვეოდა მას ეს ხნერი კაცი და ეუბნებოდა: „ჩემო მეუფეო, ჩემო მეუფეო, შენისთანა ქალი ჩემს დღეში არ მინახავსო“. ჯევრიე კი დასცინოდა: „ჯერ ტუჩებზე რძე არ შეგშრობიაო“. — „მართლა, მაგრად გავაშაყირე ის კაცი!“

იმ კაცმა მთელი მუჭა ფული მისცა ჯევრიეს. ისიც კი უთხრა: „როცა გინდა, მაშინ მოდი ჩემთან, შენთვის ჩემი კარი ყოველთვის ღია არისო“.

მაგრამ სანამ ჯევრიემ იმოდენა ფული დახარჯა, იმდენი ხანი გავიდა, რომ იფიქრა, რომ მივიღე, ვაითუ ვერ მიცნოს და კიდევ გამომავდოსო.

მას ღრმად სწამდა, რომ ეს პიუონები უცნაური ხალხია.

ეს ვაჟბატონები ერთხელ დაგელაპარაკებიან, დაგიდნებიან, ცაზე აგიყვანენ, გეთაყვანებიან, მაგრამ თუ საღმე შეხვდი, შიშის კანკალი



აუტყულებათ, არ მიცნოსო. ამ რწმენას სხვა გოგოებშიც ჰქონდათ და ახლა
გადგმული.

ეჰ, ეს სტამბოლი, ადამიანების ეს ნამდვილი იარაღო! ვინ არ
უნახავს აქ ჭევრიეს.

„ასეთი კი ჭერ არ შემხვედრია“, — ფიქრობდა ჭევრიე.

ნეტავ რა ნახა ამ კაცში ასეთი არაჩვეულებრივი?

ის არც გარყვნილ პიუონებს გავდა და არც ნაძირალებს.

მაშ ვისა გავდა? განა სხვანაირი ადამიანებიც არსებობენ პიუონე-
ბისა და ნაძირალების გარდა?

ასეთ ადამიანებს ჭევრიე აქამდე არ იცნობდა.

*

* *

ის ჩაის სვამდა, ჭევრიეს არ უცქეროდა.

ისეთი სახე ჰქონდა, თითქოს დაავიწყდა, რომ ჭევრიე იქ იყო.
თეფშს კი დასცქეროდა, მაგრამ მისი გონება სადღაც სხვაგან დაქროდა.
იქნებ ჭევრიეზე იყო გაბრაზებული, რომ მოვიდა?

ალბათ მისმა მოსვლამ იმოქმედა და ამიტომ ჩანდა ასეთი განე-
რვიულებული და თავშეუქავებელი?

წარბშეკრული სულ ერთ წერტილს დასცქეროდა... უმადოდ ჭამდა.

ჭევრიე კი მის პირდაპირ იჯდა და ნელ-ნელა წრუპავდა ჩაის,
რომ ღრო გაეყვანა.

თბილ ოთახში ყოფნა, მის პირდაპირ ჯდომა და ჩაის სმა ისე
სიამოვნებდა ჭევრიეს, თითქოს ეს მისი დიდი ხნის ტკბილი ჩვევა ყოფი-
ლიყო და მასზე უარის თქმა ვერ წარმოედგინა.

ერთი რამ იყო მხოლოდ, რომელიც ამ გრძნობას უქარწყლებდა.

ჭევრიე ხედავდა, რომ ის ვერ გრძნობდა ამავე სიამოვნებას. და როცა
მიხვდა, ცოტა არ იყო გაუნაწყენიანდა, თუმცა ნათლად თვითონაც
ვერ წარმოედგინა რაში იყო საქმე.

*

* *

რა უნდოდა ჭევრიეს ამ კაცისაგან? რატომ მოვიდა მასთან?
რატომ უნდოდა მისი ნახვა, მისი სიახლოვეს ჯდომა, მისთვის სახეში
ცქერა, მ ა ს თ ა ნ, მ ი ს გვერდით ყოფნა?



ჯვერიეს უჭირდა საკუთარი თავისათვის ამის ახსნა. მაგრამ ჯვერიე, ფოსფორიანი ჯვერიე, ხომ სტამბოლის ქუჩების ყვავილი იყო. როცა მასთან მამაკაცი მივიდოდა, ან თვითონ მივიდოდა მამაკაცთან, ძალიან კარგად იცოდა, რაც უნდოდათ ერთმანეთისაგან.

ჯვერიემ ძალიან კარგად შეისწავლა საკუთარი თავი, ცხოვრების ყველა მხარე და განსაკუთრებით კი მისი ცუდი მხარეები.

აქამდე ჯვერიეს რაღაც სხვა გრძნობა ეზიდებოდა მამაკაცებისაკენ. ამ უცნობ, საიდუმლოებით მოსილ კაცთან კი, რომლის არც სახელი იცოდა ჯვერიემ და არც ვინაობა, მას სულ სხვა გრძნობა აკავშირებდა.

მაგრამ ამ ახალ გრძნობაში იმ ძველისაც ერია რაღაც.

ეს გრძნობების უცხო ნაერთი, გრძნობათა ხლართი იყო. მასში ნოხიბლულობის წილიც ერია.

როცა ჯვერიე ლურჯ ზღვასა და ფირუზ ცას უცქეროდა, მას აღფრთოვანების უსაზღვრო და რაღაც აუხსნელი გრძნობა იპყრობდა. ეს იყო რაღაც არარაობის გრძნობა დიდებულის წინაშე.

ეს კაცი ჯვერიეს თავისთავთან შედარებით უსაზღვროდ დიდებულები ეჩვენებოდა. მის გვერდით ჯვერიეს უმწეო და უსუსური ეგონა თავი. მისი დამოკიდებულება ჯვერიეს მიმართ ყოველთვის მასზე ზრუნვაში გამოიხატებოდა და როცა ჯვერიე ამ ზრუნვას ვერ ხედავდა, იბნეოდა. ჯვერიემ თითქმის დაიჯერა, რომ უიმისოდ ცხოვრება აღარ შეეძლო.

ეს რაღაც უცნაური, მრავალწახანგოვანი გრძნობა იყო.

ხანდახან ამისთანა მამასაც ნატრობდა ჯვერიე.

ამდენ გრძნობებს კიდევ მადლიერების გრძნობაც ემატებოდა.

როცა მასზე ფიქრობდა ხოლმე, ყოველთვის ამბობდა: „მან ხომ ბევრი სიკეთე მიყო“. შემდეგ გაახსენდებოდა, რომ ამგვარი სიკეთე სხვასაც მიუძღვის მის მიმართ, მაგრამ იმასაც აღიარებდა, რომ სხვების მიმართ არასოდეს არ უგრძნვია ასეთი დამოკიდებულება.

მაგალითად, ბარბას, ყომარბაზ-ლაქლაქას ან თუნდაც იმავე მატრაბაზ-ნურის, ოპიუმის მწვეველთათვის ბუნაგი რომა აქვს, რამდენი სიკეთე მიუძღვით. განსაკუთრებით კი იმ არაბ ქალ ჯემილეს.

ჯვერიეს ამათგან ყველაზე მეტად ბარბა უყვარდა და ისიც იმიტომ, რომ ბავშვობიდან იცნობდა მას. საწყალ ჯემილესთან ხომ დასავით იყო.



დანარჩენი ორისა კი ძალიან მადლობელი იყო. მუდამე მსახურად მათი სიკეთე და მოვიდოდა დრო, როცა სამავიეროს გადარჩენის შესახებ სიტყვისათვის. სხვა რამ გრძნობა მათ მიმართ ჯვერის არა ჰქონდა.

ბარბა კარგი კაცი იყო და ჯვერიე შვილივით უყვარდა.

გაჭირვების დროს ბარბას ქისა ყოველთვის ღია იყო მისთვის... თუ ვერაფრით დაეხმარებოდა, მუშტრებს მოპარავდა და ჩუმად აჭმევდა ჯვერიეს, რომ დუქნის პატრონს თვალი არ შეესწრო.

თავის შეფარება სჭირდებოდა ჯვერიეს თუ დროებით დამალვა, ბარბას ოთახი ყოველთვის საიმედო საფარი იყო მისთვის.

ბარბას ოთახი, დუქანი, სადაც ბარბა მუშაობდა, ბარბას ქისა და ბარბას გული, ყველაფერი, ყველაფერი ღია იყო ჯვერიესათვის.

ამ შესაძლებლობას ჯვერიე განსაკუთრებულ შემთხვევაში იყენებდა ხოლმე. არყისა და საჭმლის გარდა, ჯვერიე მხოლოდ მაშინ მიმართავდა მათ, როცა ძალიან უჭირდა. მის ოთახს მაშინ შეაფარებდა თავს, როცა ავად იყო, ან აუტანლად ციოდა, ქარბუქი ტრიალებდა ან ყინვიანი ღამეები იდგა ხოლმე. ერთი-ორჯერ კი მაშინ მივიდა, როცა ერთ ხათბალა მეგობარს და პოლიციას ემალებოდა.

ერთხელ, მან და გიდინიანთ ჰალილმა რესტორან „ცისფერ ვარდში“ ერთ ღამეში ას ორმოცდაათ ლირას გამოუყვანეს წირვა. ეჰ, რა ღამე იყო! დილით გამოირკვა, რომ ჰალილს კარაქითიში დამზღვევი საზოგადოების სალარო გაუტეხია. როცა ჯვერიე და ჰალილი ხიდისაკენ მიდიოდნენ, რომ ტაქსი დაეჭირათ და დროსტარება განეგრძოთ, სამოქალაქო ტანსაცმელში გამოწყობილი ორი პოლიციელი ამოუდგათ აქეთ-იქიდან, სწვდნენ ჰალილს ხელებში და გაქცევის კი არა, იარაღის ხმარების საშუალებაც აღარ მისცეს. ჯვერიე მაშინვე ხალხში შეერია და მთელი კვირა სანამ არ გაირკვა, რომ ქურდობაში მას არავითარი წილი არ ედო, ბარბას სტუმარი იყო.

ერთხელ კიდევ მთელი რვა დღე გაატარა აქ... როცა საბრის ემალებოდა. ამის დავიწყება, რასაკვირველია, არ შეიძლებოდა. მერე კიდევ, ბარბა გალათის სხვა ნაძირალებს არა გავდა... აი მაგალითად, სასტუმრო „მწვანე ტრანსვალის“ პატრონი... ბარბაზე უფრო ხნიერი კაცია... მაგრამ, ერთხელ, როცა ჯვერიემ თავისივე ხარჯზე სთხოვა სასტუმროში ღამის გათევა, რომ პოლიციას დამალვოდა... რაები არ მოუწოდომა... ის გაფუჭებული, ისა!

ძალიან ცუდი ხალხია ამ სტამბოლში.



მართალი იყო იამალი ჰოჯა. ამ ქვეყანას პატიოსანი ხალხი ჰყავდა, რომ არ ედგას, ის მამაძაღვლები სულ დააქცევდნენო. მართლაც და უცნაური ქმნილებებია ეს ადამიანები... აი ეს ყომარბაზი-ლაქლაქა რა ოინბაზია და რა ყაჩაღია?.. ანზავურია! პირდაპირ. რამდენ კაცს გაუყარა დანა ყომარზე ატეხილი ჩხუბის დროს... ვისაც არ უნდა ჰკითხო, გეტყვიან, რომ წმინდა წყლის დამლევი არ არისო.

მაგრამ... ერთხელ, საპოლიციო ალყის დროს, ჯევრიე კედელს გადაახტა და ფეხი იღრძო. გასიებული ფეხით სიარული უჭირდა, კოჭლობით მიდიოდა. სწორედ ამ დროს, გზაზე ყომარბაზი-ლაქლაქა შემოხვდა:

— რა ამბავია, გოგო, ეს რა ინგლისური გემივით წელს მიითრევ? — ჰკითხა მან. როცა გაიგო, რაც მოხდა, ტაქსი დაიჭირა და ეთიემეზში². სადღაც, ვიღაც ჯარა-ექიმთან მიიყვანა. ფეხი რომ შეუხვიეს, ისევ ჩასვა მანქანაში, გალათაში მიიყვანა სუმბულ-დუდუს³ სახლში. სუმბულ-დუდუ ცნობილი ქალია გალათაში. ხერხემლის ავადმყოფობის გამო, იგი მუხლუხო ჭიასავით მოკეცილია და ამიტომ თავი მუხლებთან აქვს. ხანდახან, როცა თავს აწევს და სახეს გამოაჩენს ხოლმე, ამ მოკრუნჩხულ ტანზე უფრო ადამიანს შიშსა ჰგვრის მისი გრძელი, თეთრი ბალნებით დაფარული ნიკაბი, წინ გამოშვებული ორი ჩაშავებული კბილი, ელაში თვალები და მოღუშული წარბები.

არავინ დაიჯერებს, რომ ასეთი საზიზღარი და საშინელი ქმნილება შეიძლება ქალი იყოს.

ეს ქალი იმდენად უშნოა, რომ მართლაც ცხოვრებას შეაძლებს და უიმედობას შეჰყრის ადამიანს.

როგორც თვითონ ამბობს, ის შანსონეტკა ყოფილა აბდურრეზაკის თავის დროზე ცნობილ დასში. „შამრანსა და პატარა ვირჟინიას ზედ არავინ უყურებდა. იმ დროს ერთი ცხოვრებული ფერუზა იყო და მეორე მეო.“

¹ ანზავურ — ეანდარმი, რომელმაც სულთანისაგან ფაშის წოდება მიიღო. 1918—1922 წლებში ხელმძღვანელობდა ნაციონალურ-გამათავისუფლებელი მოძრაობის წინააღმდეგ მიმართულ ბანდებს. მისი სახელი დაუნდობელი და ვერაფე კაცის სიმბოლოდ იქცა თურქეთში.¹

² ეთიემეზ — გარეუბანია სტამბოლში.

³ დუდუ — ქალი, ქალბატონი. იხმარება ხნიერი სოფლის ქალებისადმი მიმართვაში.



მის ოთახში, კედელზე ფოტოგრაფია „დილაში“ გადაღებულია. ეს სურათი ჰკიდია. ეს ჩემი სურათია — ირწმუნება სუმბულ-დუდუმა.

სურათზე მოჩანს ოცი-ოცდახუთი წლის ქალი, ტრიკოტაჟის ვიწრო კოფთაში და მოკლე პანტალონებში. მას გრძელი და გაშლილი თმა აქვს. თავზე ყვავილების გვირგვინი ადევს, მხარზე კი ხელოვნური მტრედი აზის. ის დგას მოაჯირთან, რომელზეც ყვავილების ქოთანის მოჩანს და ხელში ბეწვის ბოა უჭირავს. ამ ქალს კონტა ტანი აქვს, შესახედადაც არა უშავს. თუ ეს მართლაც სუმბულ-დუდუმა, მაშინ ბუნებას მის სხეულში მართლა სასტიკი გარდაქმნები მოუხდენია. ეხლა ვინ დაიჯერებდა, რომ ეს დაღვარპნილი, ჯადოსმსგავსი ქვე-წარმავალი სწორედ ამ სურათზე გამოხატული ქალი იყო.

ყომარბაზმა-ლაქლაქამ ჯვერეი სწორედ ამ სახლში მოიყვანა და სუმბულ-დუდუმა დაუბარა:

— ამ გოგოს შენ გაბარებ, მიმიხედე. ფეხი აქვს ნაღრძობი... დედ-ოფალივით უნდა მოუარო, დავკი თავისთვის და აჭამე.

სუმბულ-დუდუმ, თითქოს საკუთარ მუხლისთავეებს ელაპარაკებო, უპასუხა:

— დარდი ნუ გექნება, ჩემო უფლისწულო, სუმბულ დეიდა შენს მობარებულს ისე მოუვლის, როგორც ალექსანდრე მაკედონელის ჩამომავალ ნამდვილ დედოფალს. ჩემს პანსიონს მსოფლიო ბაზარზე *Première classe*¹-ის სახელი აქვს გავარდნილი.

როცა ყომარბაზმა-ლაქლაქამ ხელში რამდენიმე ქალაღის ფული მიაჩეჩა, ქალი კიდევ უფრო კარგ ხასიათზე დადგა, „წამო შვილო, წამო“, — უთხრა, წინ წაუძღვა და ზედა სართულისაკენ წავიდა.

ეს სახლი სამსართულიანი იყო. ქვევით, ქუჩის კარების გასწვრივ, სამზარეულო მოჩანდა. მეორე სართულზე ორი ოთახი იყო, მესამეზე სამი. მეორე სართულის ქუჩისპირა ოთახში გახუნებული და ძველი, წითელი ხავერდით დაფენილი დივანი და ორი სავარძელი იდგა.

კედელზე ეკიდა კორსეტების რეკლამა და გერმანიის იმპერატორის კაიზერის სურათი. იგი მანქანაში იჯდა. სურათი მისი სტამბოლში

¹ *Première classe* (ფრანგ.)—პირველი კლასი.



ყოფნის დროს იყო გადაღებული. ეს ფოტო ვაზეთიდან დას ამოჭრილსა ჰგავდა.

ხედ კარის თავზე ერთი უღვაშა კაცის ფოტოგრაფია ეკიდა, ეს კაცი ძალიან გავდა ჩასუქებულ ძველ სომეხ ადას.

იატაკი ხისა იყო. დავენის წინ ჭუჭყიანი და გაცვეთილი ლომის ტყავი ეფინა. ჩუქურთმიან მრგვალ მაგიდაზე ტუჩჩამოტეხილი ლარნაკი იდგა გახუნებული, დამტვერილი და ბუზებისაგან წაბიწული ხელოვნური ყვავილებით. ერთ-ერთი ფანჯრის რაფაზე მოჩანდა ყვავილების ორი ქოთანნი, რომელთაც გახუნებული და ჭუჭყიანი ქალადი ჰქონდა შემოხვეული. ერთ ქოთანში რაღაც დიდფოთლიანი ყვავილი იყო, მეორეში კი გამხმარი ღეროებიდა მოჩანდა. ფანჯრებზე დაკიდებული ქალადის ფარდები, რომელსაც ბოლო არშისავით ჰქონდა დაჭრილი, იატაკზე ეშვებოდა.

სუმბულ-დუდუმ ჯერ ამ ოთახის კარი შეაღო და ყომარბაზ-ლაქლაქას მიმართა:

— იქნებ მოსვენება ვსურს, ჩემო უფლისწულო? მარტო დაგტოვებთ შენ და შენს ქალბატონს.

ამის გავგონებაზე ყომარბაზმა-ლაქლაქამ ერთი მაგრად შეიგინა:

— ვერა ხედავ, ჯოჯოხეთის მოციქულო... ქალს ცალი ბორბალი დაუკარგავს და ფორდის მანქანასავით გვერდს მიითრევს? აქ გულის საჯერებლად არ მოქსულვართ!

— ღმერთო ჩემო, ასე ძალიან რატომ ბრაზობ, ჩემო კარგო. ადამიანი ნაზი ქმნილებაა, გაბრაზებისაგან შეიძლება საგულე დაუზიანდეს. ერთბაშად ძნელი მისახვედრია. ხომ იცი, რომ შენისთანა ჯენტლმენები ჩვენს ვალათაში თითებზეა ჩამოსათვლელი.. ქალი მოიყვანო და მაშინვე მიატოვო, იმიტომ, რომ შეუძლოდ არის... ეს ღვთიური კეთილშობილების ნიშანია.

— ქალი კი არა, ტყვიამფრქვევი ხარ, — უთხრა ყომარბაზმა-ლაქლაქამ. — ღმერთმა ტყუილად როდი დაგადო ნიშანი... ერთი ამ გოგოს ოთახი მაჩვენე!..

სიმაართლე რომ ითქვას, ჯვერზე ამდენი სიკეთის შემდეგ სხვა რაღაცას ელოდა.

მაგრამ ლაქლაქამ ის მესამე საართულზე რომ დატოვა ერთ ოთახში, სადაც საწოლი, პირსაბანი და ერთადერთი სკამი იდგა, თვითონაც

ადარ სჯეროდა, როგორ შეიძლება მომხდარიყო ასეთი რამ. ხოლო, როცა ჯარა-ეჭიმის დახელოილი და გაჭიმული ფეხი მთლად ატეხდა და ლოგინზე დაეგდო, მაშინ კი იფიქრა რომ ამ ქვეყანაში უფრო დიდებული ადამიანი ეს ყომაზბაზი ყოფილაო და მთელი ნახევარი დღე ისე ეძინა, ფეხი არ გაუნძრევია...

სუმბულ-დუდუ მთელი ერთი კვირა, როგორც თვითონ ამბობდა, ისე უვლიდა ჯვერიეს, როგორც ალექსანდრე მაკედონელის ქალი-შვილს.

ერთი მოხუცი ქალი, სუმბულ-დუდუზე ხუთი წლით მაინც უმცროსი, რომელსაც ის დედამთილს ეძახდა, საჭმელს აკეთებდა და ლანგ-რით ოთახში შემოაქონდა მისთვის.

საჭმელი ძალიან გემრიელი იყო. ასეთი გემრიელი და ნაირ-ნაირი საჭმელი ჯვერიეს თავის დღეში არ ენახა.

— ჩემი პანსიონის ბადალი, — ამბობდა სუმბულ-დუდუ, — არც ამერიკის პარიზში და არც ევროპაში არ არის. დედაჩემის დამზადებული საჭმელებისა და შეჭამანდის მსგავსი თოკათლიანის¹ ოტელებშიც არ მოიპოვება.

ჭეშმარიტად, ეს საჭმელები და განსაკუთრებით შეჭამანდი, ძალიან ცნობილი უნდა ყოფილიყო, რადგან, მეორე სართულის წყვილ-წყვილი მობინდარენი, რომლებიც დღეში რამდენჯერმე იცვლებოდნენ, სახლში შემოსვლისთანავე იძახოდნენ:

— სუმბულ-დუდუ, აბა ერთი შენებურად კობტა ფესტივალი მოგვიხერხეო.

ფესტივალს ამ სახლში ისეთ სუფრას ეძახდნენ, სადაც ბლომად საჭმელი და არაყი იდგა.

სუმბულ-დუდუ ხელზე ხელს შემოკრავდა და დედამთილად წოდებულ ქალს გასძახებდა:

— დედი, დედი...

— რა იყო, ჩემო გოგონავ?

— უფლისწულის ბრძანებაა. საჩქაროდ ერთი კობტა ფესტივალი გააწყე.

ამის შემდეგ მოხუცი ქალი სამზარეულოში მიდიოდა ხოლმე და მალე სახლს მადის მომგვრელი შემწვრის სუნი ეღებოდა.

¹ თოკათლიან — უბანია სტამბოლში.

მუშტრები ერთ-ორ ჭიქას რომ შესთავაზებდნენ სუმბულ-დუღუს
მალე ქვემო სართლიდან ისეთი ახალგაზრდულ სიმღერას გაიგონებ
ბდით, რომ არც კი დააჯერებდით თუ სუმბულ-დუღუ მღეროდა:

გავიკეთებ ლურჯ სათვალეს,
კოხტა ბეგებს ვუთვალთვალე.
კოხტა ბეგი თუ შემხედავს,
კარგ სალამსაც ვანაცვალე.
ლეღ, ლეღ, ლარი, ლეღ, ლეღ, ლარი,
ვტირი მოთქმითა და ზარით¹.

ეს სუმბულ-დუღუს ყველაზე საყვარელი სიმღერა იყო.
როგორც კი ოდნავ შექეიფიანდებოდა, პირველ რიგში ამ სიმ-
ღერას წამოიწყებდა. შემდეგ მის რეპერტუარში ისეთი სიმღერები
იყო, რომელიც არავის არასოდეს არ გაუგონია:

თვლები აქვს და იალა,
ეტლიცა აქვს, იალა.

ერთი მხიარული სიმღერა ჰქონდა მას, მაგრამ ჯევერიემ ვერ
დაიმახსოვრა.
კიდევ ერთი სიმღერა მოსწონდა ჯევერიეს.

მსხალის ტოტზე გოგო რხევით თვალებს ნაბავს ვაი, ვაი.
ირხევა და ლალის ბავს დაითაფლავს, ვაი, ვაი.
ვისთვის იწვის ჩემი გული, საყვარელო,
შენთვისა ვარ დადაგული, საყვარელო!

განსაკუთრებით კი მოსწონდა სიმღერა: „გაღმა ქურთების სახლები
მოჩანს“, მაგრამ არ იქნა და ვერ დაიმახსოვრა.

ჯევერიე ლოგინზე იწვა და სიმღერებს ისმენდა.

როგორც კი სახლს საჭმელების სურნელი მოედებოდა, ჯევერიემ
უკვე იცოდა, რომ მალე დუღუ გამოჩნდებოდა ხელში თაბახითა და
მუხლებს შორის მოქცეული თავ-პირით.

— მოგშივდა, დუღუს ჯიგარო, საჭმლის სუნი მთელ სახლს
მოედო, მემრე ფორთოხალი და დიარბექირული საზამთრო იქნება.

¹ ლექსები თურქულიდან თარგმნა ირინე გოცირიძემ.



— ეტყოდა ის, შემოვიდოდა და თან შემოიტანდა თაბახს, რომელზეც
ათსგვარი შემწვარ-მოხრაკული ეწყო.

— რა პეწიანი თავადიშვილები და ნაირ-ნაირი ვაჭრები გინდა,
ჩემთან არ ყოფილიყვნენ, — ეტყოდა ხოლმე ხანდახან სუმბულ-
დუდუ, — მაგრამ შენ ღვთისაგანა ხარ მობარებული. ჩემი სხეულის
გალიაში ისეთი სინდისი არა ზის, რომ მობარებულს უღალატოს.

ღიან, ეს მოგონებები, მოგონებები სუმბულ-დუდუს სახლში
გატარებულ დღეებზე, ერთ-ერთი ყველაზე სასიამოვნო იყო ჯევრიეს
ცხოვრებაში. „ბლომად ჭამე, ბლომად სვი... სულთანით იცხოვრე და
მამაკაცების უბედურებისაგანაც შორს იყავი“.

ეს შესანიშნავი კვირა ყომაობაზე-ლაქლაქას მადლო იყო. ამ სიკე-
თისათვის არც მაშინ და არც შემდეგ მას არაფერი მოუთხოვია ჯევ-
რიესაგან. ამიტომ ის ეხლაც მადლიერი იყო. მაგრამ მადლიერების
ამ გრძნობას ჯევრიეს გულში არასოდეს არ გამოუწვევია ისეთი დამო-
კიდებულება, როგორსაც ამ უცნობი კაცის მიმართ გრძნობდა. ის,
უბრალოდ, დავალებულად თვლიდა თავს ლაქლაქას მიმართ. ამგვარი
მადლიერი შეიძლება იყო ისეთი კაცისა, რომელმაც გაჭირვების
დროს ფული გასესხა და შენ უკანვე ჩაასესხებ პირველივე შესა-
ძლებლობისთანავე. ეს იყო და ეს...

მატრაბაზ-ნურის რაც შეეხება... ის მთელ გალათას აზანზარებდა.
მას სიტყვას ვერავინ შეუბრუნებდა... რა თავზე ხელაღებული
მძარცველი, თავგასული ხულიგანი უნდა ყოფილიყო, რომ მას არ
მოეთოკა. და აი, ამ კაცმა, ერთხელ, და ეს იყო სულ მისი სიკეთე,
უცბად ორმოცდაათი ლირა მისცა ჯევრიეს.

ეს ბეიოღლუში მოხდა. ჯევრიე ვიტრინასთან იდგა და თვალებ-
დაჭყეტილი შესცქეროდა ფეხსაცმელებს, რომელთა შორის ერთი,
გველის ტყავისა, ძალიან მოსწონდა. სწორედ ამ ფეხსაცმელს დას-
ცქეროდა, როცა უცბად ნურის ხრინწიანი ხმა მოესმა:

— გოგო, ეგრე ღვთის გლახასავით რას უყურებ მანდა?

ჯევრიემ თითით ფეხსაცმელზე უჩვენა:

— ამას ვუთვალთვალე, ძმაო ნური... ხან ერთ თვალს ჩავუკრავ,
ხან მეორეს— მოდი-მეთქი, მაგრამ ღუზაზე დგანან, ჩემს ნიშნებს
ვერა ხედავენ!

სწორედ მაშინ გაივლო მატრაბაზ-ნურიმ ჯიბეზე ხელი, რაღაც
ამოიღო და ხელში შეაჩეჩა ჯევრიეს:

მხოლოდ ჭევირედ ყოფნა იყო საჭირო იმისათვის, რომ ამ ფეხსაცმლებით გამოწვეული სიხარულისა და თავმოწონეობის გამო ვეგრძნოთ.

ამ შემთხვევიდან სამი თვის შემდეგ, ერთხელ, როცა ხელახლა შეხვდა ნური ჭევირეს, ჭერ ისევ ის გველის ტყავის ფეხსაცმელი ეცვა...

მის მოუსვენარ ფეხებზე ისინი უკვე საკმაოდ დაძველებული და ფორმადაკარგული იყო, მაგრამ ძველი პეწი მაინც არ დაკარგვოდათ.

მის დანახვაზე, ჭევირე ცოტა არ იყოს შეკრთა, ვაითუ ფული უკან მომთხოვოსო. ჭევირემ კარგად იცოდა რა კაციც იყო ნური.

მაგრამ ნურის ეს არ გაუკეთებია. პირიქით, როცა ჭევირემ ფეხსაცმელები დაანახვა და უთხრა: „ესენი ჩვენი ძმა ნურის წყალობით მაქვს ნაყიდიო“, — მან უპასუხა:

— დარაბები დახურე, თორემ უბერავს.

— რომ იცოდე, როგორ გამეხარდა, როცა ვიყიდე, ძმაო ნური, — არ ეშვებოდა ჭევირე.

ნურიმ ნაღვლიანად შეხედა მას და უთხრა:

— მე შენოდენა ქალიშვილი მყავს ერთ ყოვლად დაწყევლილ ქალთან. მაგრამ სად ჯანდაბაშია ეხლა, არავინ იცის. — ნურიმ ამოიოხრა და განაგრძო: — ის რჩულძალი ქალი ბერძენი იყო... საროსკიპოს ვარდი... ჩემთან თურმე ვერ ძლებდა ის ქვეყნის ნათრევი... მე მაშინ ასეთი როდი ვიყავი, ვარდივით ვყვარდი... ერთ დღეს აიჩემა ათენი და ათენიო... და აფრინა ტაქსი... თანაც საათში ასოცით... ერთ დღეს მოვედი შინ და... ვინ დაგიტოვებია, ვის ეძებ... გოგო პატარა იყო. — ხელით აჩვენა ნურიმ, — ერთი წლის იყო, როცა მიმატოვა, ამის შემდეგ არც მისი ამბავი ვიცი, არც ბავშვისა. ან საიდან უნდა შემეტყუო? მთავრობის დაწესებულებებთან საქმის დაჭერა ხელს არ გვაძლევს. — თქვა ნურიმ და ნაღვლიანი თვალებით მოშორდა ჭევირეს.

*

* *

დიახ, ერთი კიდევ არაბი ჭემილე იყო, რომლისგანაც ბევრი კარგი ახსოვს ჭევირეს. მაგრამ ხდებოდა, რომ თვეობით ვერა ხვდებოდნენ ერთმანეთს. თუმცა ჭევირეც არა გრძნობდა მოთხოვ-



ნილებას, რომ წასულიყო და ენახა. იმ კაცის მიმართ სახელიც არ იცოდა, ჯევრიე მადლიერების გარდა, დიდ პატივისცემასაც გრძნობდა.

რა უნერგავდა მას ასეთ პატივისცემას? ალბათ ის, რომ ჯევრიე მიჩვეული არ იყო ასეთი ადამიანების ნახვას.

ის თითქოს სხვა ქვეყნიდან იყო მოსული.

ისიც ხომ თურქულად ლაპარაკობდა, მაგრამ მისი თურქული განსხვავდებოდა იმ ენისაგან, რომელზეც ჯევრიე ლაპარაკობდა, ან რომლის მოსმენასაც ჯევრიე იყო შეჩვეული. ის სხვა სიტყვებს ხმარობდა, ესენი კი სხვას.

მისი ხელების კანი არ იყო დახეთქილი. ჩანდა, რომ არასოდეს მიძიმე საქმე არ უკეთებია... ფრჩხილები და ტანსაცმელი ყოველთვის სუფთა ჰქონდა. წიგნებსაც და გაზეთებსაც კითხულობდა. ე. ი. ნასწავლი, განათლებული კაცი იყო. ბევრს კითხულობდა და თან ბევრსაც წერდა.

ჯევრიეს, როგორც ჩანს, მისი ასეთი ყოფა და ლაპარაკის მანერა აკვირვებდა.

ჯევრიე ბევრ მამაკაცს იცნობდა, რომლებიც მისი წრისა არ იყვნენ, მაგრამ, ის, არსებითად, არც იმ ადამიანებსა გავდა. იგი ყველასაგან გამსხვავებული იყო და ჯევრიეს აზრით „ადამიანები სწორედ ასეთები უნდა ყოფილიყვნენ“.

ჯევრიე მათ ღვინის სარდაფებში შეხვედრია, დროს გასატარებლად რომ იყვნენ მოსულნი. მათ სახლებშიც ყოფილა, მათ ლოგინში წოლილა. მაგრამ მისთვის უცხო იყო მათი გარეგნობა, მეტყველება და ჭამა-სმა. ჯევრიეს არც ენა ესმოდა მათი.

ერთ დღეს ერთმა კაცმა ჯევრიე შინ წაიყვანა. სასამელი დაუდგა წინ და თვითონ ლერწმის ღერით შეუდგა სმას. ჯევრიეს ეს არ გაკვირვებია. პირიქით.

— ოჰო! — შესძახა, ხელი ხელს შემოკრა და დაცინვაც კი დაუწყო: — ერთი ამას დამიხედეთ, წყალსადენის მილი თუ არ გამოიბა, ისე მისი კუჭი არ მუშაობსო.

ბიყონებს ძალიან მოსწონდათ ჯევრიეს ასეთი ხასიათი. თუმცა არაფრად აგდებდნენ, დასცინოდნენ და მაშინაც კი არ მიაჩნდათ ალა-



მიანად, როცა მკლავებში ყავდათ მომწყვდეული და
ექლოდნენ. არც ჭევრიე სცემდა მათ პატივს.

— ბიჭო, ადამიანი ხარ თუ ადამიანის პროვოკაცია, რამდენი ხანია
კამასხარავებ და შენ კი აინუნშიაც არ მოგდის, შე რეგვენო, შენა. —
უთხრა ერთ მათგანს ერთხელ ჭევრიემ და ხახამშრალი დატოვა.

— ეპ, როგორ დავწვი, როგორ დავწვი, — იტყოდა ხოლმე ჭევ-
რიე ერთ ბებერ მდიდარ კაცზე, რომლის სახლშიც მან მთელი კვირა
გაატარა.

ეს ამბავი ზაფხულის ერთ თბილ საღამოს მოხდა...

კაზინოს ნათურებს ჩახჩახი გაუდიოდათ. ასფალტი სინათლით
იყო მოფენილი.

ხელი-ხელ გაყრილი ჭევრიე და არაბი ქალი ჭემილე ასფალტზე
დასეირნობდნენ. ჭემილეს მაშინ ერთი ნაყინით მოვაჭრე უყვარდა,
რომელიც იქვე იყო ქუჩის კუთხეში. აივლიდნენ და ჩაივლიდნენ...
ჭემილე თითო-ოროლა სიტყვას ესროდა ხოლმე... ის კი პასუხობდა
„დავიწვი, ჩემო შავო“.

ჭევრიეს მთელი შოფრები იცნობდნენ. მას ყოველი მხრიდან ესალ-
მებოდნენ მაწანწალები -- როგორა ხარ ფოსფორიანო? — ისმოდა
ირგვლივ.

ჭემილე და ჭევრიე კარგ ხასიათზე იყვნენ. ნაყინით მოვაჭრემ
ერთი ამხანაგი გააგზავნა და ბოთლი ღვინო აყიდინა. ისინი დროდა-
დრო ქვევით დაეშვებოდნენ თაშკიშლასაკენ და ღვინოს დალევდნენ.
ღვინო თანდათან ერეოდათ, მხიარულება და თავშეუკავებლობა სულ
უფრო ემატებოდათ. მერე ისევ ამოდიოდნენ ზევით და მანქანიდან
გადმოსულ კაზინოში მიმავალ წყვილებს უტყუროდნენ.

სწორედ ამ დროს ერთი რაღაც განსაკუთრებული მანქანა გაჩერ-
და და ის მდიდარი ბებერი პიჟონი გადმოვიდა, რომელთანაც ჭევრიე
ერთხელ მთელ ერთ კვირას იყო.

ეს იყო დაბალი, მელოტი კაცი, მუშმულასავით დაპრანჭული სახით.
მან ხელი მანქანის კარისკენ გაიწოდა და ვიღაც მოსული ტანის ქალს
უშველა გადმოსვლა.

ქალი შუა ხნისა იყო. მორთულობა არ აკლდა. მხრებზე თეთრი
მელიების მოსასხამი ჰქონდა მოგდებული. ყოველ მოძრაობაზე შე-
სანიშნავ სურნელებას აფრქევდა.



— იმ ტიპს ხედავ? — მიმართა ჯევრიემ არაბ ჯემილეს. — უხერხულად რომ აქვს გაჭრილი. დაინახე? აი ის, რომ იღიმება, ვერა ხედავ, ლაფშებანი კაცი, გაპრანჭული ქალი ახლავს, თეთრი ბეწვით... ხედავ? აი მის სახლში მე მთელი ერთი კვირა ვცხოვრობდი...

ჯემილემ მხრები აიჩეხა:

— აქლემია.

— რა აქლემი, ქალო?

ქალბატონს, როგორც ჩანს, რაღაცა დაუვარდა მანქანაში. ეძებდა და ამიტომ აღარ გადმოდიოდა.

— მივიდე, ხელი ჩამოვართვა?

— მიჰქარავ, ნისიაა.

— რა, ვერ ვიხამ, განა?

— ნუ იქაჩები, გაწყდება და გადაგახდევინებენ.

ჯემილეს ასეთმა განწყობილებამ მთლად გადარია ჯევრიემ.

— მივალ და ნახავ... თანაც მიყურე, როგორ გავაშაყირო.

ესა თქვა და უცბად მოშორდა ამხანაგს. ელვასავით გაძვრა სიბნელეში და თავისი ყვითელ-მწვანე ჩითის კაბითა და ბასანოშკებით კაზინოს განათებულ კარებთან ამოჰყო თავი.

მოხუც კაცს ჯევრიეს დანახვაზე ისე შეეცვალა სახე, რომ მართლაც შეგეცოდებოდათ. მან იცნო ჯევრიე და მიხვდა, რომ თავის მოკატუნება არაფერს უშველიდა. ის ხედავდა, როგორ წამოვიდა ჯევრიე მისკენ და ხელი გაუწოდა ჩამოსართმევად.

— მომე ხელი, მამიკო, — დამცინავად მიმართა მას ჯევრიემ. — ჩვენც ვიცით ალაფრანსე. მოდი ერთი ჩაგებონეუროთ ერთმანეთს.

კაცი ჯერ ვერ მიმხვდარიყო რა მოხდა, რომ ჯევრიემ ორივე ხელი ერთად ჩამოართვა მას, მაგრად შეარყია და გაშორდა.

თეთრბეწვიანი ქალი განცვიფრებული შესცქეროდა ხან თავის ქმარსა და ხან ქუჩის ქალს. ქმარი კი ცოლის დამშვიდებას ცდილობდა:

— ნამდვილად მთვრალია ვიღაც, — ეუბნებოდა ის და ამით ცდილობდა საქმის გამოსწორებას.

— ეჰ, რა კარგი ღამე იყო ის ღამე. — იტყოდა ხოლმე ჯევრიე, ამ ისტორიის გახსენებაზე. — ნაყინით მოვაჭრემ, შოფრის თანაშემწე



ახმედმა, დიზდიზ¹-მუსტაფამ და არაფ-ჯემილემ იმდენი იტყვეს, რამდენი
კინალამ მუცლები დაასკდათ.

დიახ, ჯევრიეს გულის მოსაგებად მარტო ის არა კმაროდა, რომ
სხვა წრისა ყოფილიყო.

*
* * *

ჯევრიე არ მარტო ანგარიშს უწევდა მას, არამედ ეწინოდა კი-
დეც. ეწინოდა ისე, თითქოს მისი ბედი მასზე ყოფილიყოს დამო-
კიდებული, ისე ერიდებოდა, თითქოს მას ძალა-უფლება ჰქონოდას ჯევ-
რიეზე. თუმცა, ჯევრიე ძალიან უბრალო გოგო იყო იმისათვის, რომ
ამ გრძნობების მნიშვნელობაში გარკვეულიყო.

ჯევრიეს სურდა, რომ მისი მოსაწონი ყოფილიყო. მაგრამ სადღაც
გულში ნატრობდა, ეს მოწონება ცოტა უფრო სხვანაირი ყოფილი-
ყო, ვიდრე...

- გოგო, რა ლამაზი მკლავები გაქვს!
- გოგო, რა გულ-მკერდი გაქვს!
- დამწვი და ეგ არის, ფოსფორიანო!

ასეთი სიტყვების გაგონება ჯევრიეს მისგანაც უნდოდა, მაგრამ ეს
საკმარისად არ მიაჩნდა.

თვითონ ჯევრიე თუმცა ვერ ხვდებოდა, მაგრამ უნდოდა კი, რომ
მისთვის უფრო ძვირფასი ყოფილიყო.

ჯევრიეში რომ ამ გრძნობამ გაიღვიძა, ისევ მისი ბრალია.

ის პირველი მამაკაცი იყო, რომელიც ჯევრიეს პატივისცემით მო-
ექცა.

ის პირველი მამაკაცი იყო, რომელსაც ჯევრიე პატიოსანი ოჯახის
ქალებისაგან არ გამოურჩევია და არ უგრძნობინებია მისი მდგომარეობა.
ის პატივსაცემდა ჯევრიეს... აქობამდე „თქვენ“ — მისთვის
არავის უთქვამს. ის კი ჯევრიეს თქვენობით მიმართავდა.

ის ჯევრიეს სხვა თვალით უცქერდა. ჩანდა, რომ აფასებდა ჯევრიეს.
მასთან ყოფნისას ჯევრიე ძალაუვნებურად ცდილობდა ყოფილიყო

¹ დ ი ზ დ ი ზ — ზუზუნი.



ისეთი, როგორც მისთვის იყო სასურველი, უფრო სწორად, ისეთი
ფილიყო ისეთი, როგორც მას არ უნდოდა.

ამ კაცს ჰქონდა ისეთი ძალა, რომელსაც ჯევრიეს გარდაქმნა შე-
ეძლო. სწორედ ეს ძალა იზიდავდა მისკენ ჯევრიეს.

როცა ჯევრიე მას ხედავდა და ელაპარაკებოდა, მასში რაღაც ძლი-
ერი სურვილი იღვიძებდა. ეს იყო სურვილი იმისა, რომ ყოფილიყო
კარგი, ყოფილიყო უკეთესი, სრულყოფილი, ეჯობნა ყველასათვის.
ეს მისი სულის პირველი გამოღვიძება იყო.

ჯევრიესათვის რომ გეკითხათ, ის ვერც სხვას აუხსნიდა ამას და
ვერც საკუთარ თავს. მაგრამ გრძნობა, რომელიც ჯევრიეს მასთან
აკავშირებდა, უეჭველად ასეთი სურვილებისაგან შედგებოდა.

ჯევრიეს არასოდეს უფიქრია, რომ ცხოვრებაში შეიძლება სხვანა-
ირი ყოფილიყო, რომ მისთვის შეიძლება სხვანაირად შეეხებოდათ, რომ
მამაკაცთან ცხოველური გრძნობების გარდა შეიძლება სხვა დამოკი-
ლებულებაც ჰქონოდა.

ბავშვობიდან მოყოლებული, მას უცქეროდნენ როგორც მათხო-
ვარს, უპატრონოს, ქუჩის ნაძირალას, იაფფასიან კახპას.

მასთან ურთიერთობა ჰქონდათ უსახელო და ხშირად უსახურ ადა-
მიანებს. ისინი ველური გრძნობების დაკმაყოფილებას ისწრაფოდნენ
მხოლოდ. ძალიან ხშირად ეს ნაცნობობა ქუჩის ბნელ კუთხეებში და
ბნელ ნახანძრალეებზე მთავრდებოდა. თუ არადა, მას შეურაცყოფას
აყენებდნენ პოლიციელები, რომლებსაც ერთი საპოლიციო უბნიდან
მეორეში გადაჰყავდათ ან სამმართველოში დაატარებდნენ სამედიცინო
შემოწმებისათვის.

ყველასათვის, ვისაც კი ის უყვარდა ან არ უყვარდა, ბარბასთვი-
საც კი, ის „ფოსფორიანი ჯევრიე“ იყო. პოლიციაშიც ფოსფორიანი
იყო, ქუჩაშიც, ღუქნებში, ნახანძრალეებზე, აპირკაფის გამოქვაბულებ-
ში, თექვსურის სასახლის ნანგრევებში, ჩემემედიდანში, ყველგან.
ყველგან „ფოსფორიან ჯევრიედ“ იხსენიებდნენ და ასევე მიმარ-
თავდნენ.

*
* *

მაგრამ როგორც კი აქ მოვიდოდა, მასთან, მაშინვე ქრებოდა
ხოლმე მისი პიროვნება, როგორც ფოსფორიანისა.

ის თითქოს ამ კარიბჭესთან ჩამოირეცხდა ქუჩის მთელი კუთხისა და წარსულს და ოთახში შედიოდა სულ სხვა, უბიწო, უმწიკლო მთლად განწმენდილი.

მის წინაშე ის არ მიმართავდა მამაკაცების გამაღაზიანებელ მდაბიო და ცხოველურ ილეუებს, უხეშ და ვნებების ამშლელ ხუმრობებს, აქ ის ივიწყებდა ყველა იმ ოინებს და ხრიკებს, რომელსაც თავისი ქალობის გასაყიდად ხმარობდა ხოლმე, და თან ნატრობდა — იქნებ არ გაიგოს, რომ მე ასეთი რამეები ვიციო.

არ მიმიხვდესო, — შიშობდა ჯევრიე და რაღაც, ღღემდე მისთვის უცნობი გრძნობა მღელვარებას და ნაღველსა ჰგვრიდა.

ეს სირცხვილი იყო...

სირცხვილის უნარი...

რა უცნაური გრძნობაა!

ეს პირველი შემთხვევა იყო მის ცხოვრებაში, როცა სირცხვილი იგრძნო. და ეს მოხდა მის წინაშე...

სირცხვილის საშინელი გრძნობა ჯევრიემ პირველად იმ ღამეს განიცადა, როცა ავადმყოფი, ნახევრად გონებადაკარგული ჯევრიე მან თავის ოთახში მიიყვანა. ეს ის ღამე იყო, როცა მან თავისი ლოგინი ჯევრიეს დაუთმო. ჯევრიეს კი ამ საქციელის მნიშვნელობა გაუგებრად ეჩვენა. პირველად აქ გაღვიძებულმა გრძნობამ შემდეგ მთელი მათი ურთიერთობა განსაზღვრა.

რა უნდოდა ჯევრიესთან ისეთ გრძნობას, რომელიც თითქოს მხოლოდ უცოდველი და წმინდა ქალების ბუნებას ახასიათებს?

მისი სულის ნეტავ რომელ კუნჭულში ღვიოდა აქამდე ეს წმინდა გრძნობა, რომ ერთბაშად ასე გაიზარდა, მომწიფდა და ჯევრიემ სირცხვილი იგრძნო?

მან ჯევრიეში უეცრად გააღვიძა რამდენიმე გრძნობა, რომელთა არსებობა აქამდე თვითონაც არ იცოდა. სწორედ ამ გრძნობებმა მიაჩაქვეს ჯევრიე ამ კაცს...

*

* *

ხშირი გაფრთხილება, — აქ აღარ მოხვიდეთ, — სულ ტყუილ-უბრალო გამოდგა.

ჯევრიე მაინც დადიოდა, მაინც სულ მასთან მიდიოდა.



უმისოდ, იქაური ჰაერის გარეშე, ჯვერიე, დიდი-დიდი, ათ-ათობით, მეტი დღე თუ გაძლებდა და ყოველ მოსვლაზე მის ნახვას მარტოხელა ბული, ნახვის სურვილით უფრო შეპყრობილი მოდიოდა.

ნეტავ თუ სიყვარული იყო ეს?

განა შეეძლო სიყვარულის განცდა ისეთ ქალს, რომელსაც ასეთი ახლო ნაცნობობა ჰქონდა ადამიანების უმდაბლეს გრძნობებთან?

განა შეეძლო მას საზრდო მიეცა სიყვარულისათვის, რომელიც თავისთავად ასეთი უმწიკვლო, მატერიალურ ინტერესს მოკლებული და სულისათვის ტკბილი სატანჯველი იყო?

როცა ეს კაცი გაიცნო, ყველაფერი არაჩვეულებრივი ეჩვენებოდა. თითქოს რაღაც ჯადოს ძალით, ჯვერიესათვის უცხად შეიცვალა სტამბოლიც. შემოდგომის ცივ საღამოებში ჯვერიე აპირკაფის ფარნების ძირას ჩამოჯდებოდა, ჩამავალი მზის სხივებზე ტყვიისა და ბრინჯაოსფრად შეღებილ ტალღებს დასცქეროდა და ეჩვენებოდა, რომ წინათ ასეთი ტალღები მხოლოდ სიზმარში თუ უნახავს.

ფერები მას ისეთივე ბრჭყვიალა და ლამაზი ეჩვენებოდა, როგორც მის საყვარელ ფერად ფილმებში.

მაშინაც კი, როცა არავითარ სასმელს არ ეკარებოდა, თავს მუდამ მთვრალივითა გრძნობდა. ეს რაღაც ძლიერი და ტკბილი სიმთვრალე იყო... „ვერ გამოვიდა რა მჭირს, — ამბობდა ჯვერიე, — მუდამ შეზარხოშებულივითა ვარ“. მას მუდამ კარგ ხასიათზე ყოფნის მოთხოვნა ჰქონდა. მასთან მოსულ მამაკაცებს დამცინავად უცქეროდა, — აქაოდა, გროშიც კი არ არის თქვენი ფასიო. ეს კი კიდევ უფრო იზიდავდა მისკენ მუშტრებს.

მასა და ჯვერიეს შორის არაფერი არა ყოფილა და ამიტომ ერთგულებაზე ლაპარაკიც არ შეიძლებოდა.

მამაკაცებთან ყოფნა ხომ ისეთივე ჩვეულებრივი მოვლენა იყო მისთვის, როგორიც ჭამა ან ძილი...

იმ ცხოვრებაში, რომელიც ნეჯათიბის გამზირზე მდებარე საიდუმლო ოთახის გარეთ მიმდინარეობდა, ჯვერიე ისევ ძველი ჯვერიე იყო.

სხვანაირ ცხოვრებას ის ხომ არც იცნობდა... დადიოდა ქუჩებში, ქონხანებში, მარტოხელა მამაკაცების ოთახებში, ნახანძრალეებზე და

ყველა მსურველს უთმობდა თავის სიყვარულსა და ქალობას... ხომ უხნდა ეცხოვრა...

ეს მისი ჩვეულებრივი ცხოვრება იყო... მისი ცხოვრების უჩვეულო მხარე ზღაპარში და რომანში აღწერილსა ჰგავდა... ეს იყო ორკვირაში ერთხელ, მის ოთახში გატარებული დღეები.

*
* *

ის ჯვერიეს მიმართ არ ამუღავნებდა არც ერთ იმ გრძნობასა და დამოკიდებულებას, რომელიც მამაკაცს ქალის მიმართ აქვს ხოლმე. მიუხედავად ასეთი განმარტოვებული და განდევილი ცხოვრებისა, ის წარმოუდგენელ გულგრილობას იჩენდა.

ჯვერიე კი ისეთი ქალი იყო, რომ მის მიმართ გულგრილად დარჩენა არც ისე ადვილი გახლდათ.

ჯვერიემ კარგად იცოდა, რომ მასთან მოახლოებისას ყველა მამაკაცს ვნება ეშლებოდა ხოლმე.

და მასთან ყოფნისას ჯვერიეს სწორედ ის ანცვიფრებდა, რომ ეს მამაკაცი მის მიმართ აბსოლუტურად ცივი იყო.

*
* *

ჯვერიემ იცოდა, რომ მას რაღაც საიდუმლო ჰქონდა. მისმა ცხოვრებამ ხომ სულ ისეთ ხალხში გაიარა, რომელიც პოლიციას გაურბოდა. მან იცის, როგორ იცქირებიან ისეთი ადამიანების თვალები, რომელთაც დაპატიმრებისა ეშინიათ ან ჰგონიათ, რომ ვინმე ადევნებს თვალყურს. იცის, როგორ კრთებიან ისინი ყოველგვარ ფაჩუნზე, როგორ ეჭვის თვალით უცქერიან ყველას და მეგობრობას ერიდებიან.

ერთხელ, სიკვდილმისჯილმა, ვინმე თაკაჯი¹-სულეიმანმა, რო-

¹ თაკაჯი — ნალბანდი, მენაღე.



შელმაც განაჩენის დამტკიცებამდე მოახერხა ციხიდან გაქცევა. რიეს თვალწინ თავის საუკეთესო მეგობარს ლუთფის სამკურნალო დახმარება და მოკლა. თურმე ეჭვი შეპარვია, ჩემი გაცემა უნდოდაო... ლუთფი კი, გაცემა იქეთ იყოს და, იმისათვის მოსულა, რომ ეთქვა, შენს დასამალად ერთი საიმედო ადგილი ვიპოვეო.

ისინი თავს უფროთხილდებიან, ყველას ეჭვის თვალით უცქერენ. ალბათ შიშის გამო ერიდება ის ჯევრიეს.

მასთან მისვლის პირველ ღამეს არც ერთს დილამდე თვალი არ მოუხუჭავს. „რატომ არ იძინებს? — რამდენჯერ ჰკითხა ჯევრიემ თავის თავს და არცერთხელ არ გაუცია დამაკმაყოფილებელი პასუხი. — იქნებ იმიტომ არა სძინავს, რომ ეჭვით მიყურებს, ეშინია არაფერი დავუშავო? — ფიქრობდა ჯევრიე და მის გულს ნაღველი ეღებოდა. — იქნებ ისიც ვერ იძინებს?“ — გაუელვებდა ჯევრიეს ხანდახან თავში და რაღაც გაურკვეველი და უცნაური იმედი ეუფლებოდა.

ჯევრიემ მთელი ღამე ციებ-ცხელებით შეპყრობილი ადამიანივით კრიჰაშეკრულმა გაატარა.

უცნაური ამბავია. მამაკაცებთან ყველაზე უფრო ფარულ გრძნობებზე აშკარად ლაპარაკსა და უწმინდური სიტყვების ხმარებას შეჩვეული ჯევრიე, რომლის არც ხორცსა და არც სულს ინტიმური აღარაფერი შერჩენოდა, ესლა გაუნძრევლად იწვა და იმას შიშობდა, ვაი თუ გამიგოს, რომ არა მძინავს და მიმიხვდეს რა გრძნობითაცა ვარ შეპყრობილიო.

ღიას, სირცხვილი ყველაზე უფრო ძლიერი გრძნობა იყო იმათ შორის, რომლებიც ამ კაცმა მასში გააღვიძა.

ეს კაცი ვერ ხედავდა, ვერ გამოეცნო ჯევრიეს ნამდვილი პიროვნება, უფრო სწორად, თავი ისე ეჭირა, ვითომ ვერა ხედავს და ვერა ხვდებო. მის წინაშე კი ჯევრიეს, რომელიც ცუდს ვერაფერს ხედავდა თავის საქციელში, აუტანელ ტვირთად ეჩვენებოდა წლების მანძილზე უდრტვინველად გამოტარებული კახბა ქალის ცხოვრების სიმძიმე. მის დაუდგრომელ სულს ესლა ეწადა სისხლთან, ხორცთან და ნერვებთან დაკავშირებულ გრძნობებში გარკვევა.

ჯევრიე ვერ ხედავდა ლოგინში განძრევას. მას ესლაც ეუფლებოდა რაღაც გრძნობა და ეს გრძნობა ძალიან გავდა ქალწულის ინსტინქ-



ტურ შიშს — ვნება არ გაედვიძებია მის მახლობლად მყოფი ცისათვის.

დიახ, ფოსფორიანი ჯვერიე, ჩაქოლილივით უძრავად იწვა ამ სუფთა ლოგინში და სირცხვილით იწოდა, როგორც ქალწული, რომელიც ვერ მიმხვდარყო რა თბილი ოცნებები დაუფლებოდა მას.

და აი ეს ჯვერიე, რომელიც შიშვლდებოდა სტამბოლის ნაძირალა მაწანწალებთან, ჩივთეთელისა და მუცლის ცეკვას ასრულებდა ლოთების სუფრასთან, ფულით თუ უფულოდ, უყოყმანოდ ეძლეოდა ყველას, ვინც კი ხელს მოკიდებდა და სურვილს გამოთქვამდა, სტამბოლის ქუჩების ეს ცნობილი ფოსფორიანი ჯვერიე, როცა მიხვდა, რატომ არ ეძინებოდა, ადგილიდან აღარ იძვროდა, არ შემიტყოს რა გრძნობა მომრევიაო.

*
* * *

იმ დილით სარკის წინ მოინდომა თმების დავარცხნა და მაშინ დაინახა, რა დასვენებული ჰქონდა სახე და განაზებული სახის ნაკვთები, მიუხედავად იმისა, რომ მთელი ღამე არ უძინია.

უძილობის მიუხედავად, მისი შავგვრემანი კანი ეხლა უფრო ქორფა, ხოლო შავი თვალები უფრო ცეცხლის მტრქვეველი იყო, ვიდრე ოდესმე.

ჯვერიე მასზე აღრე ადგა და დიდხანს იბანდა ჩუმად დერეფანში, რომ ის არ გაედვიძებინა.

ხელი, პირი და ფეხები კარგად დაიბანა. ბრაზობდა, რომ ტალახისა და ჭუჭყის მოსაშორებლად დილას უნდა დაჰლოდებოდა.

მის ნაბან თასში წყალი მეღანივით შავი იყო.

წყალს რომ შეხედა, მიხვდა, რომ არ ზრუნავდა თავის თავზე! „ალბათ ვეზიზღები, — გაიფიქრა მან. — ჭუჭყიანი ვარ და არ უნდა რომ მომეხვიოს“.

ამ ჭუჭყის გამო, ჯვერიემ შელახულად იგრძნო თავმოყვარეობა.

„ის ოთახში ცხოვრობს. ჩემსავით ქუჩაში არა სძინავს სადღაც-სადღაც მოკუნტულს,“ — ამბობდა ჯვერიე და ამით უნდოდა გაემართლებინა ის უყურადღებობა, რომელსაც საკუთარი თვისადმი იჩენდა.

*
* *

ნეჯათიბეის გამზირზე მეორედ მისასვლელად ჯევრიე გულმოდგი-
ნედ ემზადებოდა.

ის ცოტაოდენი ფული, რომელსაც მთელი კვირა ატარებდა ჭუჭყი-
ან ცხვირსახოცში, ჯევრიემ ძველ წინდებში გადადო. იმ დილას, როცა
იქ წასვლა გადაწყვიტა, კაფალიჩარშის¹ მიაშურა და მაჰმუთ-ფაშას²
მხრიდან გაშლილ დახლებზე ოდნავ დაზიანებული წინდები, ყერსეს
ცისფერი პერანგი და ტრუსიკი იყიდა. უკანასკნელი ფული აბანოში
დახარჯა, ერთი კარგად დაიბანა და ნაბანზე კიდევ უფრო დახუჭუჭე-
ბული თმა დაივარცხნა. მეწვრიმალის კალათში ნადებ, დაჰმუჭვნილ ახალ
საცვალს რომ იცვამდა, ტანში რაღაც სპსიამოვნო ყრუანტელმა დაუ-
რა. მეაბანოვე ქალს სთხოვა და ქვედა კალთები და კოფთა გააუთო-
ებინა. იისფერ ქვედა კაბასა და წითელ-შავ უჯრედებიან ბლუზკაში
გამოწყობილმა ჯევრიემ ზედ მწვანე ჟაკეტიც ჩაიცვა, რომელიც ქოს-
აითენისათვის გამოერთმია იმ დღისათვის და აბანოდან გამოვიდა.

აბანოდან რომ გამოვიდა, გარეთ უკვე ბნელოდა... ეხლა მას აღარ
უნდოდა, რომ ვიღაც კაცთან ხვევნა-კოცნის შემდეგ ენახა იგი. რა
ექნა? ის, თმაგაუწეწავი, ტანსაცმელდაუჭმუჭნავი, სუფთა, პირდაპირ
მასთან უნდა წასულიყო.

გალათაში მისასვლელად ხიდზე მიმავალს გაახსენდა, რომ როგორ-
მე მაწანწალებისათვის უნდა აერიდებინა თავი და უცბად სუმბულ-
დუდუს სახლი მოაგონდა.

მას შემდეგ, რაც ჯევრიემ ერთი კვირა გაატარა ამ სახლში, ის და
სუმბულ-დუდუ უკვე მეგობრები იყვნენ. ის სტუმრადაც კი იყო
რამდენჯერმე, მარტოც ბევრჯერ ყოფილა მასთან. დასხდებოდნენ
ხოლმე ჯევრიე, სუმბულ-დუდუ, მისი დედამთილი და ტკბილად უზი-
არებდნენ ერთიმეორეს თავ-თავიანთ დარდებს. სუმბულ-დუდუ
აბდი-ეფენდის თეატრში გატარებულ დღეებს იგონებდა და გზადაგზა
ცოტა შაქარსაც წააყრიდა თავის ნაამბობს.

— ეჰ, რა დრო იყო, რა დრო! — ამბობდა სუმბულ-დუდუ. — აი

¹ კაფალიჩარში — დახურული ბაზარი სტამბოლში.

² მაჰმუთ-ფაშა — ქუჩა, რომელიც ჩრდილოეთით ჩაუდის კაფალიჩარშის.

მაშინ უნდა გენახათ, რა ფრანტები იყვნენ. ერთხელ ცხონებულმა ფეკიმ-ფაშამ დამპატიჟა. და მარტო იმიტომ, რომ მასთვის მხოლოდ მიღებული ვიჯეტი, ისე მაჩუქა ძვირფასქვიანი ბეჭედი, ვითომც არაფერი იყო... ეხლა რას მიყურებთ... მაშინ სუმბული სუმბული გახლდათ. იმდროინდელ პოეტებში ერთი ნასუპი-ბეი იყო. შესანიშნავ ყაზალებსა და სიმღერებს თხზავდა. ჩემი ნამდვილი სახელი დიქრანუია. სომხურად ეს ძალიან მაღალფარდოვანია, მაგრამ ცხონებულმა ნასუპი-ბეიმ ერთ საღამოს შიგ თვალებში ჩამხედა და ეს თვალები კი არა, სუმბულიაო ბრძანა. დიქრანუი რა საშენო სახელია, მე ამას იქეთ სუმბულ-ჰანუმს დავიძახებო.

იმ დღეს დიდებულ სუფრასთან რამდენიმე არტისტი ვისხედით. ის დღე იყო და ის დღე, დიქრანუი მოკვდა. დარჩა სუმბული. ჯევრიე, შვილო, შენ ჩემ ეხლანდელ ყოფას რას უცქერი... მე დიდი ტანჯვა გამოვიარე. გამთვალეს, ის ჩემი სილამაზე, ახალგაზრდობა, ის ხაჭოსავით თეთრი ჩემი ტანი გაქრა. ლამაზი ქალი ყოველთვის უბედურია. ჩემს კარებთან ერთმა თვრამეტი წლის მედიკოსმა შიგ საგულეში დაიხალა დამბაჩა. მე რე მიიხრეს, თურმე დედამისი იწყევლებოდა: „ჩემი ნორჩი გარდი მიწაში ჩავიდა. ღმერთო, ისე დაკრუნხე მისი დამღუპველი სუმბული. რომ სახე დედამიწისაკენ მოუქციე, მის თვალებს მიწის გარდა ნურაფერს ანახებო!“—მისმა სიტყვებმა ფეხი აიღგეს და წელში მეცნენ. იმ დღიდან წელის ტკივილმა ასე მუხლუნოსავით დამკრუნხა. მამაკაცებს რამდენიც გინდა იმდენი ეთამაშე... შეიძლება, შეიძლება, მაგრამ ძალიან ნუ შეტობავ. თავს ნუ დაიტეხ მათი დედების, ქალი-შვილების რისხვას.

*

* *

სუმბულ-დუდუ იმ დღეს მარტო იყო.

— ჩემი დედამთილი ბაზარში წავიდა სურსათისათვის. მე სახლი დავასუფთავე და ეხლა ტახტზე ვზივარ თავისუფლად. — უთხრა მან ჯევრიეს, გაჭირვებით ასწია თავი, შეათვალიერა და დააყოლა:—ო, ჯევრიე, დღეს შენი მეგობარი უნდა ნახო? რაღაც ექსტრად მეჩვენები...



ჯევრიე უცხად გაურკვეველმა დაბნეულობამ შეიპყრო, რომ პასუხის გაცემა გაუჭირდა.

— არა, ჩემო სუმბულ-დუდუ, აბანოში ვიყავი და...

— თვალების აღმაცერი გამოხედვაც ქისით ახეხვინე? შენი თვალე-
ბი მზესავით ბრწყინავენ.

ჯევრიემ გაიღიმა, თუმცა მისი ნათქვამი ხეირიანად არც გაუგია. სუმბულ-დუდუ და ჯევრიე ქვედა სართულზე მდებარე ოთახში შევიდნენ. კუთხეში ნახშირის ღუმელი ენთო. ღუმელის წინ გაკრიალებული შავი კატა იწვა მოკეცილი.

— შენ დღეს რაღაც განსაკუთრებული ხარ. მარტო აბანოში ნამ-
ყოფს არა გევხარ, ჩემო ჯევრიე, თვალეებზე გეტყობა, რომ რაღაც
არაჩვეულებრივს შეუპყრინხარ. აბა მითხარი, ვის დაუნიშნე დღეს
პაემანი?

ჯევრიეს უეცრად მოუნდა გულის ნადები გაეზიარებინა მისთვის,
და თუმცა ლოგიკისა და მსჯელობის თავი არა ჰქონდა, მაგრამ ქუჩის
ქალის ინსტინქტით მიხვდა, რომ მისი ცხოვრების ამბავი საიდუმლოდ
უნდა შეენახა.


მასზე ლაპარაკი საჭირო არ იყო. ქუჩის ქალი ბევრ რამეს ხედავს,
ბევრ რამეს ისმენს, ბევრი რამის მოწმე ხდება და რაც უფრო გაჩუმ-
დება, მით უფრო მოსვენებული იქნება.

— სუმბულ-დუდუ, განა მე ისეთ სულელსა ვგავარ, რომ მეგობარი
ვიყოლიო?

— აბა რა ვიცი, შვილო, კაცმა თუ ერთხელ ვახსნა გულის კა-
რები, მერე თურმე ვერც პროფესორები უშველიან და ვერც ჯარი
დაუდგება წინ. შენ რომ ერნანის პიესაში ჩემთან ერთად გეთამაშნა,
დღეს ასე აღარ იფიქრებდი... — უპასუხა სუმბულ-დუდუმ, ღრმად ამო-
იოხრა და ყავა შესთავაზა ჯევრიეს.

— ეს ბოლომდე დალიე, მერე კარგად აურიე და დააბირქვავე.
მე კი მერე ძირზე დავხედავ და გავიგებ შენი გულის წადილს...

ჯევრიეს ტუჩები ექავებოდა, ისე უნდოდა მის შესახებ ლაპარაკი,
მისი ამბის მოყოლა, მაგრამ გაჩუმდა. თუ რამეს იტყოდა, ასე ეგონა,
თილისმა ძალას დაკარგავდა და ვეღარ ნახავდა მას... მაგრამ ცხელი ყა-
ვა მაინც დალია და ჭიქა მაშინვე გადმოაბირქვა.



ოთახი ბნელი იყო, ცნელოდა. ირგვლივ გემრიელი საჭმლის სუნები იდგა. კატას მშვიდად ეძინა... ჯევერიეც ისე იყო აბანოსაგანს მთვარითადაა, რომ საცაა ჩაეძინებოდა.

მოხუცი სუმბულ-ლულუ რაღაცეებს ყვებოდა, მისი ნაამბობი ზღაპარსა გავდა:

— მე რომ შენსავით უზადო ვყოფილიყავ, მთელ სტამბოლს აკ-სარაის! ნასახლარებად მოვაქცევდი. შენ კი, შვილო, უსწოროდ იქცევი. ხარჯავ და ნიავს ატან ახალგაზრდობას. შენ ერთი სახლი გჭირდება შიშლიში²... ბეწვის მანტო... თანაც ისეთი, ჩვეულებრივი კი არა, არამედ არგენტინული. ამ შუა ზამთარში ხელის კანი დაგსკდომია... მეძებარი ძალივით ქუჩა-ქუჩა წაწალი შენ არ შეგფერის. მე კი კარგი ნაჭრები მყავს გამოჭერილი... ერთი ვაჭარი არის, საყვარელს ეძებს. პირდაპირ საშენო ვაჟკაცია... დიდი-დიდი ორმოცი წლისა იყოს, ყველაფერი ადგილზე აქვს... ღმერთმანი, მეც თანახმა ვარ თხუთმეტი წლისა ვიყო, რომ მის მკლავებში ჩამავორა.

ჯევერიეს თანდათან უძძიმდებოდა თვალის ქუთუთოები.

— პაროლ ღონერი³ მაქვს მიცემული, გამოგიძებნი რამეს-თქო. შენთვის რომ გასაგები იყოს, პატიოსანი სიტყვა მივეცი... მერე რა ენა აქვს, რა სასიამოვნო საუბარი იცის, რომ განახვა, ღმერთმანი, პირს წყალი მოგადგება... მე მითხრა: „სუმბულ-ლულუ, შენისთანა საყვარელი და კულტურული ქალი ქვეყნის გულზე არ მოიძებნება, მაგრამ შენც იცი, რომ ტომარაში კატა და ზღვაში თევზი არავის დაუფასებიაო. ასეთიაო, ისეთიაო, იტყვი, ფულს მოგცემ და შიგ კი ქეციანი კატა აღმოჩნდება. შენ მეტყვი სკუმბრიანაო, დოშიაო, ზღვის ქორჭილაო, და თინუსი ან ლოქო კი დამხვდება. ჯერ გოგო უნდა ვნახო, ჭაშნიკი გავუსინჯო, ბალიკფაზარში არასდროს ყოფილხარ? უბრალო ბასთურ-მასაც რომ ყიდულობ, ვაჭარი ჩამოჭრის და გავასინჯებს. შენ რომ ამბობ, კარგი რამეები მყავსო, ამოარჩიე ერთი, მოიყვანე და ჭაშნიკი გამასინჯე. ჩვენც გემოს გავუსინჯავთ, თუ მოგვეწონა, ბეს დაგიტოვებთ, თუ არა და ზარალს ავუნაზლაურებთ, ადიოს⁴ გეტყვით და

¹ აკსარაი — უბანია სტამბოლში.

² შიშლი — უბანია სტამბოლში.

³ Parole d'honneur — პატიოსანი სიტყვა (ფრ.).

⁴ ადიო — ფრანგული adieu — მშვიდობით.



ჩვენს გზას ვეწვევით.“ სიმართლე თუ გინდა, შვილო, ჯეჯერე, სიტყვები მეც ჰკუთხა დამიჯდა. შენ თუ არ გამხსენებოდე, ახა, ეს ორი თვალიდა დამრჩა და ისიც დამიბრმავდეს... მაგრამ სტამბოლში „ფოსტორიანის“ ნახვა განა ასე ადვილია? აქეთ ვიკითხე, არავის უნახავს, იქეთ ვიკითხე, არავის უნახავს... ყისმათი ყოფილა ნამდვილად, რომ შენი ფეხით მოხვედი.

ჯეჯერიე თავს ძალას ატანდა, თვალებს ახელდა და უსმენდა სუმბულ-დუდუს.

— ჯერ მე და შენ შევთანხმდეთ პაემანზე, იმ კაცსაც იმ სალამოსათვის მოვიწვევ. თუ დაითანხმე საყვარლობაზე, ხომ კარგი... თუ არა და რა გიშავს, ქალწულობას ხომ არ კარგავ? მე შენ გეტყვი, ქვები გექნება საზიდი და მკლავები დაგაწყდება.

სუმბულ-დუდუმ შეატყო, რომ ჯეჯერიე კარგად არ უსმენდა და მისი გამოფხიზლება სცადა.

— ფინჯანი უკვე გაცივებულა, მოდი ერთი გიმარჩიელო.

სუმბულ-დუდუმ რომ ფინჯანი ხელში აიღო, ჯეჯერიე უტბად გამოფხიზლდა. მან იფიქრა, იმ კაცზე იქნებოდა ლაპარაკი, რამეს გავიგებო მის შესახებ და იმედმა თბილად დაუარა ტანში.

სუმბულ-დუდუ ბებერი მგელი იყო და ფსიქოლოგიც ნამდვილად კარგი იქნებოდა. აქი უთხრა კიდეც — თვალებზე გეტყობა, ჯეჯერიეო. დიახ, ის ყველაფერს კითხულობდა მის თვალებში. მან ფინჯანი აიღო ხელში და თითქოს ფინჯანზე კითხულობსო, ნელ-ნელა დაიწყო ლაპარაკი:

— ჯეჯერიე, ჩემო გოგონავ, აბა ერთი ყურები ცქციტე... ერთი ვიდაც უტხო კაცი გველივით დახვეული გიზის შიგ გულში... შენ პირადად ძალიანა ხარ მისგან მოხიბლული... შენი საყვარელი სუმბულ-დუდუ სიტყვას გეუბნება და დაუჯერე. ძაღლსა და მამაძაღლს არ გადაეყარო და ცხოვრება არ გაიფუჭო. ბედს ორი გზა გადაუშლია შენთვის. ერთთ გზის თავში ფარშევანგი დგას, ო ღმერთო, შენს ფეხის გულებს ვენაცვალე, — ფარშევანგის წინ კი შენა დგახარ. შუა გზაზე თევზია. ფარშევანგი სიმდიდრეა, თევზი — ბედნიერება, სიმშვიდე, სიუხვე. ყველაფერი ამ გზაზეა — სიმდიდრე, სახელი, ბრწყინვალეობა. მეორე გზაც არის. ამ გზაზე ახალგაზრდა კაცი დგას, ლამაზი... მის დანახვაზე გული გიფართხალებს და ყელში გებჯინება, თავზე კი

მდულარე გესხმის, მაგრამ, ჩემო გოგონა, შენ იძულებული ხარ ყურე მიგდო, შენს სიყვარულს ის არ პასუხობს, შენ გიყვარს, მაგრამ უყვარხარ.

ჯევრიე ისმენდა და „რა სიმართლეს ლაპარაკობსო“, — იმეორებდა თავის გულში.

— ვილაც სხვა ქალიც არის.

ჯევრიემ უსასრულო ნაღველი იგრძნო. „რასაკვირველია, არის, — გაიფიქრა მან, — სხვანაირად განა ასეთი მორიდებული იქნებოდა?“

— აი, ფოსფორიანო, თვალები კარგად გაახილე და შენ წინ გადაშლილი ორი გზიდან ის აირჩიე, რომელიც ბედნიერებას გიქადის... გასაგებია?

— აი, შენ იცოცხლე, სუმბულ-დუღუ, — უპასუხა ჯევრიემ. სუმბულ-დუღუმ ფინჯანი აიღო, წამოდგა და ჯევრიეს მიმართა:

— ჩვენს ჰაჯი ალას როდისათვის დავუნიშნო რანდეკუ? ოღონდ არ გამაწბილო, ჩემო ჯევრიე.

— არა, მე ტყუილი არ ვიცი, სუმბულ-დუღუ. ჩემი სიტყვაც ერთია და ალაპიც ერთია.

— ხვალ სალამოს ადრეა... ალბათ ვერა ვნახავ ... ზეგ სალამოს მოხვალ?

— კარგი, სალამოს აქა ვარ დარჯობილი, ოღონდ შენც კარგა პურ-მარილი გაამზადე... ის ტიპი თუ ვაჭარია, მოხსნას ქისას პირი...

ჯევრიემ გემრიელი საჭმელებით გაწყობილი სუფრა წარმოიდგინა და ნერწყვი მოადგა.

ოთახში თანდათან ჩამოხნელდა. სუმბულ-დუღუმ კარებისაკენ გასწია:

— შენ ალბათ მშვიერი ხარ, ჩემი ფოსფორიანი ვარიკა ფორდის მანქანა როდია, რომ სტამბოლში დუჟინობით იშოვებოდეს. ოღონდ. ჯევრიე, იმ ღამეს შენი თავი ოქროსა და ბრილიანტივით სულ დირ-ჰემებად და კარტებად უნდა გაყიდო.

როცა სუმბულ-დუღუ ოთახიდან გავიდა, ჯევრიემ ფეხები მიწ-დერზე შემოაწყო და მიწვა, დაძინებას ფიქრობდა, მაგრამ არ ეძინებოდა.

„შენს წინ ორი გზა არისო. ერთზე მამაკაცი დგას, მის დანახვაზე



ეროვნული
ბიბლიოთეკა

ელეთ-მელეთი მოგდის. მართლაც რომ სინამდვილე მითხრობს, მაგრამ შენ მას არ უყვარხარ, მას სხვა ქალი ყავსო“.

სხვა ქალი... ჯევრიე გრძნობდა, რომ ეჭვმა მოიცვა, მაგრამ რა უფლებით?.. დღემდე მას თავის ცხოვრებაში არვისზე პრეტენზია არა ჰქონია... და ამიტომაც ყურადღებას არ აქცევდა მამაკაცს, რომელიც წელან მას ეხვეოდა, ხუთი წუთის შემდეგ, მის თვალწინ, სხვა ქალთან მივიდოდა და ახლა იმას მიესიყვარულებოდა.

რა უფლება ჰქონდა ჯევრიეს, რომ ეჭვიანობა დაეწყო ან დაესაკუთრებინა ის კაცი?

მის მიმართ ის სალ კლდესავით, კუნძივით, უსულო საგანივით გულგრილი იყო.

ის ხომ არც სიყვარულსა და არც ერთგულებას შეჰპირებია ჯევრიეს, რომ ესლა გული მოუვიდეს — სად არის შენი სიყვარული და ერთგულების ფიციო?

ჯევრიეს ესმოდა, რომ არა ჰქონდა ამის უფლება, მაგრამ თავის გრძნობებს მაინც ვერ ეუფლებოდა, ვერ ძლევდა მათ და ეჭვიანობდა. სხვა ქალი...

ნეტავ თუ ძალიან ლამაზია ის ქალი? ვინ იცის რა ღირსებები აქვს იმ ქალს? ალბათ იმანაც იცის წერა-კითხვა, ლამაზად ჭამა და ტკბილად საუბარი.

ჯევრიემ ერთ ხანს თვალეზი დახუჭა... დაძინება უნდოდა, რომ დრო გასულიყო...

ჰაჯი აღას... თურმე საყვარლად სდომებია ის, გაიფიქრა ჯევრიემ. სუმბულ-დუდუ რაღაც სახლზე ელაპარაკებოდა შიშლის უბანში.

„ჩემსავით უბედურს სახლს ვინ დაუქირავებს?“ — ამბობდა თავის-თავის ჯევრიე და თან სახლზე, სავარძლებზე და ლითონის პრიალა საწოლებზე ფიქრობდა, რომელშიც ადამიანს თავისი თავის დანახვა შეეძლო. რბილი ლეიბი, ყოველდღე მაგიდასთან საჭმლის ჭამა, ნეტავ თუ მართლა უყიდის ის კაცი არგენტინულ ქურქის მანტოს? — გაიფიქრა ჯევრიემ და უცბად თვალწინ წარმოუდგა მექურქეების ვიტრინაში ნახული renard argenté¹-ები. მან თავის თავიც კი დაინახა ამ შესანიშნავ ქურქში გამოწყობილი... ეს შეუძლებელი იყო... ასეთ რამეს ის ჯერ

¹ Renard argenté (ფრანგ.) — ვერცხლისფერი მელა.



არასოდეს შეხვედრია თავის სიცოცხლეში... ასეთი რამე არ მოხდებოდა ეს სინამდვილე რომ იყოს. მაშინ ხომ ერთ დამესაც ვერ გაატარებდა ნეჯათიბების ქუჩაზე მდებარე სახლში.

ჯვერიე თავის ცხოვრებაში არც ერთ კაცთან სერიოზულად არა ყოფილა დაკავშირებული. მაგრამ დარწმუნებული იყო, რომ თუ სუმბულ-დუდუს მოყვანილ ჰაჯი ალასთან დაიწყებდა ცხოვრებას, მას ვეღარ ნახავდა.

„განა ფულს მოგცემს ის კაცი და ვეტყვის სადაც გინდა იარეო?“ გაიფიქრა ჯვერიემ და უცბად შეწუხდა, თითქოს გული ყელში მიეპჩინა.

„სახლიც მასა ჰქონდეს და ბეწვიც“. — გაივლო მან გულში და აღგილიდან წამოვარდა. ჯიბიდან სიგარეტის კოლოფი ამოიღო, აიღო ერთი სიგარეტი, ღუმელთან მივიდა და მოუკიდა. ღუმელთან ისევ იწვა კატა, თვალები დახუჭული ჰქონდა და ძილში იშმუშნებოდა.

„ალბათ რა კარგია თბილ ღუმელთან მთელი დღე უდარდელად ძილი“, — გაიფიქრა ჯვერიემ და თავის თავს გამოუტყდა, რომ თუკი ვაჭარი მას წინადადებას მისცემდა, უარის თქმა არა ღირდა.

ამასობაში ისევ გაიღო კარი. ოთახში სუმბულ-დუდუ შემოვიდა: — ჭა, სიბნელეში რასა ზიხარ? სიხარული ხომ არ მოგერია? ან-თე, ერთი, ევ ელექტრონი, უფალ ღმერთს განა შენთვის და ჩემთვის არ გაუჩენია? — შესძახა სუმბულ-დუდუმ, ასწია ხელი, რომელიც თითქოს კისერში ამოზრდოდა და სინათლე აანთო. შნურის ბოლოზე გამოზმულმა ლამფამ სუსტად გაანათა ოთახი, ჯვერიემ თვალები მოჭუტა.

სუმბულ-დუდუს ხელში „სინი ეჭირა. ზედ რამდენიმე თეფში საჭმელი და პური იდო.

— დღევანდელმა დღემ ძალიან ქესატად ჩაიარა, დილას აქეთ ერთ სტუმარსაც კი არ დაურეკავს ჩვენი კარების ზარი... დასვენებით კი ვისვენებთ, მაგრამ, რაც არ უნდა იყოს, ამით გვიდგია სული... ცოტა არაყი იყო, გუშინდელი დარჩენილი, ცოტა საჭმელიც მოვაკვარახჭინე, სალამოს კაცს ყელი ექავება ხოლმე.

სუმბულ-დუდუმ არაყი ჭიქებში ჩაასხა და ერთი ჯვერიეს გაუწოდა.

— აბა, გამომართვი, ჯვერიე, შენი კარგად ყოფნისა დავლიოთ.



საქართველოს
ქრონიკები

ჩვევრიემ არაყი ერთ ყლუპზე დალია, ხელის ზურგით, ტუჩებზე მო-
იწმინდა და: „იფ, შენი გულისაო“. — დააყოლა.

სასმელი ჩვევრიეს ძალიან უყვარდა. ვალეშილი სიმთვრალეც
უყვარდა. მაგრამ ეხლა მასთან მიდიოდა და მეტის დაღვევა აღარ
ინდომა. თუმცა ცხრა საათისათვის მაინც თავბრუ ესხმოდა.

შვიდი საათის შემდეგ წასული დედამთილიც უკვე დაბრუნებულ-
იყო და ცოტა რაღაც მოემზადებია სამზარეულოში. ამ დროს ერთი
სტუმარიც მოვიდა. ცხრა საათზე მეორე გამოჩნდა და სუმბულ-დუღუ
ოთახიდან გავიდა.

მინდერზე მოკეცილი ჩვევრიე შუა ღამეს ელოდა რომ მასთან წა-
სულიყო. ხან თვლებმდა, ხან თვალები ეხილა, ხან ეძინა. ასე გავიდა
რამდენიმე საათი. თორმეტი ხდებოდა, როცა ჩვევრიე ადგა. ოთახში
ამ დროს სუმბულ-დუღუ შემოვიდა:

— აბა, ფრრრ, — მიმართა მან სუმბულ-დუღუს, — მე მოვუსვი.

— ბარემ თქვი, რომ პაემანის საათი დაგიდგა, რას მალავ, ჩემო
ფოხფორიანო.

ჩვევრიემ თვალი ჩაუკრა.

— ყოველი კაცის გულში ზის თითო ლომი! — უბასუხა მან, მოიჯა-
ხუნა კარი და ნიაგვივით გაქრა.

*
* *

ამჯერად ის შინ იყო.

ჩვევრიეს ისევ ძველებურად შეხვდა და ბრაზმორეული ხმით
უთხრა:

— მე თქვენ ბევრჯერ აგიკრძალეთ აქ მოსვლა.

— დიახ, ასე იყო, მაგრამ ვერ გავძელი და მაინც მოვედი.

ეს სიტყვები რაღაც აღსარებასავით გაისმა. მაგრამ ის თითქოს
ვერაფერს მიხვდა.

— დიახ, — თქვა მან, — გარეთ ძალიან ცივა. თქვენ ალბათ ღამის
გასათევი ადგილი არა გაქვთ.

ჩვევრიეს შერცხვა წელან ნათქვამი სიტყვებისა, მაგრამ კმაყოფილო
დარჩა, რომ მან სხვანაირად გაიგო ისინი.



— დიახ, ამდამ ძალიან ცივა, — უპასუხა ჯვერიემ და მერე
ბლა დააყოლა: — შენი ნახვაც მინდოდა.

ეს თქვა ჯვერიემ, მაგრამ ის ისე მოშორდა, თითქოს არაფერი
გაეგონოს.

იმ ღამეს ჯვერიეს და მას მეტი აღარც უღაპარაკნიათ. ჯვერიემ
ისარგებლა მომენტიტო, როცა ის არ უცქერდა, ადგა, ფარდის უკან
გავიდა და დაგროვილი ჭურჭლის რეცხვას შეუდგა. თავისი ქალური
ინსტინქტის კარნახით ის ცდილობდა, თავისი აქ ყოფნა კანონიერი და
ბუნებრივი გაეხადა.

ჯვერიე ისე ტრიალებდა ოთახში და საქმიანობდა, თითქოს ეს
არამც თუ უფლება, არამედ მისი მოვალეობაც კი ყოფილიყო.

— ხომ არაფერსა ჭამთ, ჩაის ხომ არ დალევთ? — გაისმა ამ დროს
ფარდის მეორე მხრიდან.

მას ეგონა, რომ ჯვერიე აქ ყოველთვის საჭმელად მოდიოდა. ამან
ძალიან გააბრაზა ჯვერიე:

— არა, არაფერი არ მინდა. იმდენი ვჭამე, რომ ვასკდომაზე ვარ.

ჯვერიე ხომ მისი გულსათვის ეცადა ამდენს, ასე გულმოდგინედ
მოერთო და გამოეწყო, მას კი ერთხელაც ზედ არ შეუხედავს. ჯვერიე
გულმოსული იყო და ბაგეები უთრთოდა. რალაცეების თქმა უნდოდა,
მაგრამ ბაგეები მაგრად ჰქონდა მოკუმული. რალაც შინაგანი დისცი-
პლინა, რომელიც მას აქამდე არასოდეს არ უგრძენია, ენაზე კლიტეს
ადებდა.

*
* *

— თქვენ თქვენს ლოგინში დაწექით, მე ტახტზე მინდა დაწო-
ლა. — უთხრა მას ჯვერიემ, როცა დაწოლის დრო მოვიდა.

ამ სიტყვებში დამალული საყვედურის გაუგებრობა არ შეიძლე-
ბოდა. მან პირველად გაიღიმა მთელი ღამის განმავლობაში და თქვა:

— სტუმარი როცა მყავს, ლოგინში მე როგორ დავწვე.

სიტყვა „სტუმარი“ ძალიან ესიამოვნა ჯვერიეს... ბოლოს და
ბოლოს სტუმრად მიიღო.



— მე თუ შენი სტუმარი ვარ, რატომ მაგდებ ყოველ მისვლაზე? —
ჰკითხა ჯევრიემ და გაუკვირდა, როგორ მოწყდა მის ენას ეს კითხვა.

— კი მაგრამ, მე ბევრჯერ ვითხარით, — დაიწყო მან მასპინძელი-
ვით, რომელიც პატიებას ითხოვდა თავისი უხეში საქციელის-
თვის, — რომ აქ საიდუმლოდ ვცხოვრობ, არც ამ სახლის პატრონმა,
არც ამ ოთახის ნამდვილმა დამქირავებელმა არ იცის, რომ აქა ვარ. და
თუ ვინმემ გაიგო, რომ აქ ვიმალები...

არყის, მღელვარებისა და სიცხისაგან ჯევრიეს ლოყები დაწითლე-
ბოდა.

— ძმაო, — დაიწყო მან, — დედა შემერთოს ცოლად, ლუკმა ყელზე
დამადგეს, თუ ან შენ გაგცე, ან ის, ვინც შენ გმალავს. დამრთე ნება,
რომ მოვიდე ხოლმე, რა მოხდება?

ის ჯევრიეს მიაცქერდა.

ღიახ, ჯევრიეს ყველაფერი ეტყობოდა თვალებზე. ეს თვალები
ძაღლის ერთგულებითა და ვედრებით შესცქეროდნენ მას.

კაცი გრძნობდა, რომ ვერაფრით თავს ვერ დააღწევდა ამ ქალს.
მის თვალებში ამოკითხულ ვნებაზე, სიყვარულზე და მორჩილებაზე
ის ხედავდა, როგორ იყო ეს ქალი მასზე მიჯაჭული და რა ძნელი იყო
ამ ჯაჭვის გაწყვეტა.

— მე არავინა მყავს, ძმაო, — თხოვნით განაგრძო ჯევრიემ. ის აღარ
ფიქრობდა რას ამბობდა. — რა იქნება, ნება დამრთე, ხანდახან მაინც
მოვიდე აქ როგორც საკუთარი მამის სახლში... აქ მოუსვლელად ვერა
ვძლებ...

მას არაფერი უთქვამს. შეცქეროდა ამ ლამაზ გოგოს, რომელსაც
დაბანილი, პრიალა თმა, გრძნობიერებით სავსე ბაგეები და ანთებული
თვალები ჰქონდა.

ნეტავ თუ ვინმე უყვარს? იქნებ საიდუმლოდ რომ ცხოვრობს,
ამიტომ ერიდება იმ ქალთან და საერთოდ ქალებთან უფრო ახლო,
უფრო მჭიდრო ურთიერთობის დაჭერას.

ჯევრიე უძლური იყო ამის გადასაწყვეტად. მაგრამ ვისაც არ უნდა
ენახა, მიხვდებოდა, რომ ამ კაცს არ სურდა მისთვის კეთილ-განწყობი-
ლებების ჩვენება, არ აპირებდა თავის ცხოვრებაში ამ ქალის შემოშვებ-
ბას.



ეს მდგომარეობა რომ აღარ გაგრძელებულიყო, მან უცხად შეაქცია
ჯევრიეს ზურგი და უთხრა:

— გვეყოფა, ესლა დავწვეთ და დავიძინოთ... თქვენ ჩემს ლოგინ-
ზე დაწვებით... მე ტახტზე.

ეს მართლაც არაჩვეულებრივი ამბავი იყო.
განსაკუთრებით კი ჯევრიესათვის...
ასეთი არაფერი უნახავს თავის ცხოვრებაში.
მას გული უტკვდებოდა. ასე მოირთო, ასე დაიბანა და ის კი მაინც
არ ეკარებოდა...

„მარჩიელობისას სხვა ქალი გამოვიდა, — ამბობდა თავისთვის ჯევ-
რიე, — ნამდვილად ყავს... იმან მოაჯადოვა“.

ჯევრიემ ინანა, რომ თავისი გულის დარდი სუიმბულს არ გადაუ-
შალა, სუიმბულისნაირმა ქალებმა ნაირ-ნაირი ჯადოები იციან.

მაგრამ შერცხვა, რომ ასეთი რამ გაიფიქრა.

არ უნდოდა ჯადოთი თავის შეყვარება. სიყვარული თავისთავად
უნდა მოსულიყო უჯადოდ, რომ ჯევრიე ბედნიერი ყოფილიყო.

„თორემ ისეთი ჯადოც ყოფილა თურმე, რომ ბაყაყს შეგაყვარებს“.

თვითონ არც ბაყაყზე შეყვარებული კაცი უნახავს არასდროს,
მაგრამ მნახველები უამბობდნენ და თან იფიცებოდნენ.

ჯევრიეს არც იმ ღამეს სძინებია, მიუხედავად იმისა, რომ არაყი
ჰქონდა დალეული.

*
* *

ჯევრიე მხოლოდ მესამე თუ მეოთხე მოსვლაზე მიიღო იმ კაცმა
უჩხუბრად.


ის იძულებული შეიქნა დათანხმებოდა ამ ძალად მეგობრობას,
რომელსაც ვერაფრით წინ ვერ აღუდგა. მათ პირველად ილაპარაკეს
დიღხანს, დიღხანს.

— თქვენ არაფინა გყავთ, ჯევრიე?

— არა.

— დედ-მამა როდის დაკარგეთ?

ჯევრიე სიამოვნებით ისმენდა თქვენობით მიმართვას. „აღბათ
ვინმე ქალბატონი ვგონივარ,“ — ამაყად გაიფიქრა ჯევრიემ.



— ღმერთს არ მოუცია ჩემთვის დედა და მამა, ძმაო. — უპასუხა ჯევრიემ, — ერთი ობოლ-ოხერი ვარ, სოკოსავით ამოსული.

— სტამბოლელი ხართ?

ჯევრიემ ისე შესხედა, თითქოს ამ ქვეყნად სტამბოლის ვარდასხვა ადგილი არ ყოფილიყოს.

— რასაკვირველია. მაშ ხიზო ხომ არა ვარ. სტამბოლის ქვაფენილზე ვარ გაჩენილი, ძმაო.

მისი ცხოვრებით დაინტერესებამ და კითხვებმა ძალიან გაახარა ჯევრიე. იგი ადგა და უაქეტის ჯიბეში სიგარეტს დაუწყო ძებნა.

— ეძებთ რამეს? — ჰკითხა მან.

— დიახ, გაბოლება მინდოდა.

მან ჯიბიდან სიგარეტის კოლოფი ამოიღო და ჯევრიეს გაუწოდა:

— ინებეთ, თითო სიგარეტი მოვწიოთ.

*
* *

დიახ, მათ შორის მეგობრობა და ამხანაგობა ისახებოდა. ჯევრიეს თავიდანვე არა სჯეროდა, რომ ის ფარულად ცხოვრობდა, რადგან მას არც სამუშაო ჰქონდა და არც თავშესაფარი.

ჯევრიემ მთელი თავისი სიცოცხლე ციხიდან გაქცეულებსა, რეციდივისტებსა და კანონის გარეშე მყოფ ნაირ-ნაირ ადამიანებს შორის გაატარა.

ეს კაცი ძალიან დიდ სიფრთხილეს იჩენდა და ჯევრიე გრძნობდა, რომ ის მთლად კანონგარეშე იდგა და საიდუმლოდ ცხოვრობდა. ეს კაცი მარტო პოლიციას კი არა, ყოველ ადამიანს გაუბროდა, ყველაფერს ერიდებოდა და ცდილობდა, ხმა არ გაეღო, არავის დაენახა, არა მარტო მაშინ, როცა ქარვასლა სავსე იყო ხალხით, არამედ მაშინაც, როცა არავინ ჰაჭანებდა.

ჯევრიე ხედავდა, რომ ის უაღრესად ფრთხილ ცხოვრებას ეწევა.

თანდათან კაცმაც იგრძნო, რომ ჯევრიეც ხედებოდა რაშია საქმე და მისგან ამის დამალვას აზრი აღარ ჰქონდა. და აი, ერთ დღეს მან გულახდილად უთხრა ჯევრიეს:

— აქ როცა მოდიხართ, ყურადღება მიაქციეთ, ჩემო კარგო, პოლი-

ცია ან ვინმე არ აგედევნოთ, თორემ ეჭვს აიღებს და მოგვავნებს. —
უთხრა მან, შემდეგ ხმას დაუწია და დაამატა: — გესმით ან არა? —
მინდა, რომ პოლიციამ იცოდეს ჩემი ადგილ-სამყოფელი.

ჯვერიემ ქუჩის ბიჭივით გაიღიმა და თვალი ჩაუჭრა:

— მაგას დიდი ხანია მივხვდი, ძმაო. უღვაშები მომპარსე თუ
ერთი პოლიციელი მაინც მოვიყვანო.

სერიოზული საუბრის დროს ჯვერიეს მიერ წარმოთქმულმა ამ
ფიცმა, ის უეცრად გააცინა.

ამჟამად იყო, რომ ერთგვარად ისიც შეეთვისა ჯვერიეს. მის ფარულ
და განდევნილ ცხოვრებაში შემოსულმა ამ ქალმა თან შემოიტანა მთელი
ქუჩა და იმ ცხოვრების სითბო, რომელსაც ის ეხლა იძულებით იყო
მოკლებული.

როცა ჯვერიემ მისი მხრიდანაც იგრძნო სითბო, უფრო თავისუფ-
ლად ეჭირა თავი ოთახში, უფრო მეტს ლაპარაკობდა მასთან, უფრო
ადვილად უზიარებდა თავის უეშმაკო ამბებს, გადაუშლიდა ხოლმე
გულუბრყვილო სულს.

მაგრამ ის თავს მაინც ისე აჩვენებდა, თითქოს არ იცოდა, რომ
ჯვერიე ქუჩის ქალია. მას არასდროს გადაკრული სიტყვა არ უთქვამს
ჯვერიესათვის, არასოდეს მიუმართავს ლაპარაკის ისეთი მანერისათვის,
როგორითაც, ჩვეულებრივ, მამაკაცები ელაპარაკებიან ხოლმე ასეთ
ქალებს.

ერთხელაც არ უგრძნობინებია, რომ იცის, ვინც იარის სინამდვილე-
ში ჯვერიე.

ის ესაუბრებოდა არა როგორც ქუჩის ქალს, არამედ როგორც
ჩვეულებრივ ოჯახიშვილს.

მასთან ურთიერთობაში, ამ უცნაურ მეგობრობაში ბევრი ისეთი
რამ იყო მოსაგონარი, რაც ბედნიერებასა ვგრიდა ჯვერიეს. მაგრამ
მათ შორის ყველაზე ტკბილი, მის ოთახში გატარებული ზაფხულის
ერთი ღამე იყო.

ეს ღამე მას ციხეშიც კი ტკბილი სიზმარივით აგონდებოდა. ხშირად,
ციხის ცხაურიანი საკმელოდან ცას რომ შესცქეროდა ხოლმე, აგონდებ-
ოდა ის ღამე, როცა სხვენში გაჭრილი ფანჯრიდან გასცქეროდა ვარ-
სკვლავებით მოჭედულ ცას.



იმ ღამეს მასთან ოცდახუთი დღის უნახაობის შემდეგ, ოცდახუთი დღის წანწალის შემდეგ, ჯევერიეს გულში შეცრად გაჩენილი მისი ნახვის ნატვრა სურნელოვან არომატივით მოედო მთელ მის არსებას და მთვრალივით გააბრუა. მას დაავიწყდა თავისი მაწანწალა ცხოვრება და, საშინელი გულისწადილითა და ნაღველით სავსე, მასთან გაიქცა.

ისიც თითქოს მონატრებული იყო დიდი ხნის უნახაობისაგან, ჯევერიეს გაღიმებული შეეგება და ჰკითხა:

— სად იყავით ამდენ ხანს?

ძალიან ცხელოდა და ამიტომ ფანჯრების გაღება აუცილებელი გახდა. ამის გამო არც სინათლე იქნათ. ერთი ფანჯარა ზედ მისი საწოლის თავზე იყო.

ფარდები და ფანჯრები გახსნილი იყო. ჯევერიე გულაღმა იწვა მის საწოლზე და ღია ფანჯრიდან ცას გაჰყურებდა.

ცას იმ ღამეს მუქი ლურჯი ფერი ედო. რა ბევრი, ბევრი ვარსკვლავები იყო ამ ცაზე.

ჯევერიეს ყველაზე მეტად ორი რამ უყვარდა ამ ცხოვრებაში — ზღვა და ცა.

ზღვა თითქოს მისი საკუთარი აუზი იყო მამის ბაღში, ცა კი საწოლი ოთახის ჭერი...


ეს უკანასკნელი ოცდახუთი დღე იმიტომ არ მოსულა, რომ ამ ზღვასა და ცას ვერ შეეღია. ყოველ დღე ზღვაში ბანაობდა და ყოველ ღამე კი მინდორში ღია ცის ქვეშ დაწოლილი ცის თაღს უცქეროდა.

მაგრამ იცხლა ის ცის მხოლოდ პატარა ნაგლეჯს ხედავდა ფანჯრიდან და ასეთი ღამაში ცა დღემდე არ ენახა.

ძალიან ცხელოდა. ნერვების ამშლელი, სხეულის მომთენთავი სიცხე იდგა.

ის კი ტახტზე იწვა და სიბნელეში პაპიროსს აბოლებდა. ჯევერიეც ზედიზედ ეწეოდა პაპიროსს — ერთს რომ ჩააქრობდა, მეორეს მოუკიდებდა და ეს ორი პაპიროსი ხან ინთებოდა, ხან ქრებოდა ციციანათელებსავე.

ცისკენ მომზირალმა ჯევერიემ ტკბილი მოთენთილობა იგრძნო სხეულში და მასთან საუბარი მოუნდა.



— ყოველი ვარსკვლავი ცალკე სამყაროა თურმე, არა? — იკითხა ჯვერიემ.

— თქვენ ვინ გითხრათ?

ეს ერთმა ლიცეის მოსწავლემ უთხრა. ისინი ამასწინათ გაეცვინენ ერთმანეთს ზღვის პირას. ისიც ჯვერიესავით პლიაჟის მახლობლად ბანაობდა. ისინი მიუახლოვდნენ ერთიმეორეს, გამოელაპარაკნენ და მერე ღამე იეშილქიოის მინდორზე გაატარეს. ის ვაჟი მთელი ღამე რაღაც უცნაურ ამბებს უყვებოდა ვარსკვლავების შესახებ — რა მანძილით იყვნენ ისინი დაშორებულნი დედამიწას და ერთიმეორეს, და ყოველივე ამას ისეთი დაბეჯითებით ამბობდა, თითქოს თვითონა ჰქონდა გაზომილი. ბოლოს, ჯვერიეს მოსწყინდა ყურის გდება და ვაჟს შეუბღვირა:

— გეყოფა, ბიჭო, რახა-რუხი, თორემ მოგიქციე ყბა და ეგ არის. უხლა კი რატომღაც შერცხვა ამის თქმისა და:

— ღმერთმანი, აღარ მახსოვს... ვაცონილი კი მაქვს და... — უპასუხა და იქვე ეშმაკური ღიმილით დააყოლა, ისე, რომ მას არ დაუნახავს: — მითხრეს კი, მაგრამ არ დავიჯერე... ასეთი პატარა რაღაცეები როგორ იქნება ცალ-ცალკე სამყარო. იქ საიდან უნდა გაჩნდნენ ბერძნები, ინგლისელები, ამერიკელები, თურქები, სომხები ან ფრანგები? სად არის მათი სტამბოლი, სად არის მათი იზმირი¹?

კაცს ხმაზე ეტყობოდა, რომ იღიმებოდა.

— ისინი ძალიან შორს არიან და მიტომ ჩანან ასე. თორემ ისე, პატარები როდღი არიან.

— რა შორსაც არ უნდა იყვნენ, ყოველი მათგანი თითო სამყარო მაინც არ იქნება.

ერთ ხანს ორივენი დუმდნენ. მერე ისევ ჯვერიემ წამოიწყო:

— უფრო კარგი იქნებოდა, რომ ისინი სამყაროები არა ყოფილიყვნენ.

— რატომ?

— ვარსკვლავი უკეთესია. მათ მხოლოდ სინათლე უნდა გამოასხივონ მუნიციპალიტეტის ფარნებივით. ვარსკვლავები ღმერთის ფარნები უნდა იყვნენ. ისინი ალბათ ცის მოსართავად არიან გამოკიდებულინი. ცას რომ ვუყურებ, იცი რა მაგონდება, ძმაო?

¹ იზმირი — ქალაქი და ნავსადგური ეგეოსის ზღვაზე.



იმ ღამეს მასთან ოცდახუთი დღის უნახაობის შემდეგ ოცდახუთი დღის წაწალობის შემდეგ, ჭევრიეს გულში უეცრად გაჩენილი მისი ნახვის ნატვრა სურნელოვან არომატივით მოედო მთელ მის არსებას და მთვრალივით გააბრუა. მას დაავიწყდა თავისი მაწანწალა ცხოვრება და, საშინელი გულისწადილითა და ნაღველით საეხე, მასთან გაიქცა.

ისიც თითქოს მონატრებული იყო დიდი ხნის უნახაობისაგან, ჭევრიეს გაღიმებული შეეგება და ჰკითხა:

— სად იყავით ამდენ ხანს?

ძალიან ცხელოდა და ამიტომ ფანჯრების გაღება აუცილებელი გახდა. ამის გამო არც სინათლე ენთო. ერთი ფანჯარა ზედ მისი საწოლის თავზე იყო.

ფარდები და ფანჯრები გახსნილი იყო. ჭევრიე გულაღმა იწვა მის საწოლზე და ღია ფანჯრიდან ცას გაჰყურებდა.

ცას იმ ღამეს მუქი ლურჯი ფერი ედო. რა ბევრი, ბევრი ვარსკვლავები იყო ამ ცაზე.

ჭევრიეს ყველაზე მეტად ორი რამ უყვარდა ამ ცხოვრებაში — ზღვა და ცა.

ზღვა თითქოს მისი საკუთარი აუზი იყო მამის ბაღში, ცა კი საწოლი ოთახის ჭერი...

ეს უკანასკნელი ოცდახუთი დღე იმითომ არ მოსულა, რომ ამ ზღვასა და ცას ვერ შეეღია. ყოველ დღე ზღვაში ბანაობდა და ყოველ ღამე კი მინდორში ღია ცის ქვეშ დაწოლილი ცის თაღს უცქეროდა.

მაგრამ ესეც ის ცის მხოლოდ პატარა ნაგლეჯს ხედავდა ფანჯრიდან და ასეთი ღამაში ცა დღემდე არ ენახა.

ძალიან ცხელოდა. ნერვების ამწლევი, სხეულის მომთენთავი სიცხე იდგა.

ის კი ტახტზე იწვა და სიბნელეში პაპიროსს აბოლებდა. ჭევრიეც ზედიზედ ეწეოდა პაპიროსს — ერთს რომ ჩააქრობდა, მეორეს მოუკიდებდა და ეს ორი პაპიროსი ჩან ინთებოდა, ხან ქრებოდა ციციანათელებსავე.

ცისკენ მომზირალმა ჭევრიემ ტკბილი მოთენთილობა იგრძნო სხეულში და მასთან საუბარი მოუხდა.



— ყოველი ვარსკვლავი ცალკე სამყაროა თურმე, არაუკვერთქუდი
ჯევერიემ.

— თქვენ ვინ ვითხრათ?

ეს ერთმა ლიცეის მოსწავლემ უთხრა. ისინი ამასწინათ გაეცვენენ
ერთმანეთს ზღვის პირას. ისიც ჯევერიესავით პლიაყის მახლობლად ბან-
აობდა. ისინი მიუახლოვდნენ ერთიმეორეს, გამოელაპარაკნენ და
მერე ღამე იეწილქიოის მინდორზე გაატარეს. ის ვაყი მთელი ღამე
რადაც უცნაურ ამბებს უყვებოდა ვარსკვლავების შესახებ — რა მანძი-
ლით იყვნენ ისინი დამორებულნი დედამიწას და ერთიმეორეს, და
ყოველივე ამას ისეთი დაბეჯითებით ამბობდა, თითქოს თვითონა ჰქონ-
და გაზომილი. ბოლოს, ჯევერიეს მოსწყინდა ყურის გდება და ვაყს
შეუბღვირა:

— გეყოფა, ბიჭო, რახა-რუხი, თორემ მოგიქციე ყბა და ეგ არის.
ეხლა კი რატომღაც შერცხვა ამის თქმისა და:

— ღმერთმანი, აღარ მახსოვს... ვავონილი კი მაქვს და... — უბასუხა
და იქვე ეშმაკური ღიმილით დააყოლა, ისე, რომ მას არ დაუნახავს:—
ნითხრეს კი, მაგრამ არ დავიჯერე... ასეთი პატარა რაღაცეები როგორ
იქნება ცალ-ცალკე სამყარო. იქ საიდან უნდა გაჩნდნენ ბერძნები,
ინგლისელები, ამერიკელები, თურქები, სომხები ან ფრანგები? სად
ირის მათი სტამბოლი, სად არის მათი იზმირი¹?

კაცს ხმაზე ეტყობოდა, რომ იღიმებოდა.

— ისინი ძალიან შორს არიან და მიტომ ჩანან ასე. თორემ ისე,
პატარები როდი არიან.

— რა შორსაც არ უნდა იყვნენ, ყოველი მათგანი თითო სამყარო
მანც არ იქნება.

ერთ ხანს ორივენი დუმდნენ. მერე ისევ ჯევერიემ წამოიწყო:

— უფრო კარგი იქნებოდა, რომ ისინი სამყაროები არა ყოფილი-
ყვნენ.

— რატომ?

— ვარსკვლავი უკეთესია. მათ მხოლოდ სინათლე უნდა გამოასხი-
ვონ მუნიციპალიტეტის ფარნებივით. ვარსკვლავები ღმერთის ფარ-
ნები უნდა იყვნენ. ისინი ალბათ ცის მოსართავად არიან გამოკიდე-
ბულნი. ცას რომ ვუყურებ, იცი რა მაგონდება, ძმაო?

¹ იზმირი — ქალაქი და ნავსადგური ეგეოსის ზღვაზე.

— არ ვიცი, ჯეჯი.

— მომღერლების ოქრომკედლიანი ტანსაცმელი მაგონდება... ვეყვ-
ლები ასეთი კაბებისათვის. შენ არ ვეყვარს?

— მე კარგად არც კი ვიცი როგორია მომღერლების ოქრომკედლიანი
ტანსაცმელი.

— სულ არ ვინახავს?

— ძალიან პატარა რომ ვეყავი, დედამ წამიყვანა, მაგრამ კარგად
არც მახსოვს.

— დედამ?

— რატომ გაგიკვირდათ? მეც ძსევე მყავს დედა, როგორც ყვე-
ლას. მე რა, არ შეიძლება, დედა მყავდეს?

— შეიძლება... ყველას ყავს დედა. შენც გეყოლება. — ჯეჯი
შეეცადა, რომ ხმის კანკალი დაეთარა: — დედაშენი ცოცხალია?

— დიახ.

— სტამბოლშია?

— არა, შორსაა, ძალიან შორს... — თქვა მან და ხმაზე ნაღველი
დაეტყო.

— შორსაც რომ იყოს, ხომ გყავს და...—რაც უცნაური გრძნო-
ბით წარმოთქვა ჯეჯიემ... — მე სულ არა მყოლია დედა.

— განა ბავშვი უდებოდ ჩნდება?

— მე კი გავჩნდი და... დედა არასოდეს მყოლია... თითქოს ციდან
ვიყო ჩამოვარდნილი... არც კი ვიცი მართლა ქალმა გამაჩინა თუ არა.

ციდან ჩამოვარდნილი ვარო რომ თქვა, ვარსკვლავებს ახედა და ისე
მოეწონა მათი ციმციმი, რომ გაუნათლებელი კაცის გულუბრყვილო-
ბით იკითხა:

— ვარსკვლავები თუ მართლა სამყაროებია, მაშინ მე ნამდვილად
ერთ-ერთი მათგანიდან ვარ ჩამოვარდნილი ჩვენს დედაშიწაზე.

ჯეჯიეს ძალიან მოეწონა ასეთი კაშკაშა ვარსკვლავების მკვიდრობა.

— ალბათ ფოსფორიანსაც ამიტომ მეძახიან, — წარმოთქვა მან. და
უცნაური სიხარული იგრძნო.

კაცი დუმდა და ყურს უგდებდა ჯეჯიეს აბდა-უბდა ლაპარაკს,
რომელიც მას ბავშვის ტიტინს აგონებდა.

ჯეჯიეს თავისი ნათქვამი აღარ მოეწონა.



— ამ სიმაღლიდან რომ ჩამოვარდნილიყავ, ხომ გადასაღებელი სურვილი
თივით გავბრტყელდებოდი.

უეცრად ერთი საშინელი სცენა წარმოუდგა ჯევრიეს თვალწინ.
ერთ დღეს, ერთმა გოგომ, რომელსაც კუმრუ¹-ფათომს ეძახდნენ,
ყველას თავი გადასჭამა — გინდა თუ არა ბეიაზითის² სახანძრო კოშკზე
ავიდეთო.

ოთხნი იყვნენ... ივნისის შესანიშნავი დღე იდგა. არა ცხელოდა. ცა
ისეთი მოწმენდილი და ლურჯი იყო, როგორც თოვზე გაფენილი, ლი-
ლაში ამოვლებული თეთრეული.

კუმრუ-ფათომმა ყველას ფული გადაიხადა და კოშკზე აიყვანა.

ყველა იცინოდა და ხუმრობდა, ისიც ერთობოდა. ამ დროს, რა
მოხდა, არავინ იცის, ფათოში უცბად გადახტა კოშკიდან. გოგოები
ხედავდნენ როგორ მიფრინავდა ქვევით.

შემდეგ კი საწყალი ფათოში ქვებზე ნახეს გაბრტყელებული. საამი
გოგო წივილ-კივილით ჩაჰყვა დახვეულ კიბეს.

რა საშინელი იყო იმ დღეს იმ კიბეზე დაშვება, რა საშინელი იყო.
ნეტავ რატომ გადმოვარდა კუმრუ-ფათოში კოშკიდან? ნეტავ რა
იყო ამის მიზეზი, როცა ისიც საუბრითა და სიცილით იყო გართული?
თავბრუ დაეხვა, წონასწორობა დაკარგა თუ წამიერმა სიგიჟემ წამოუ-
არა?

ვერც ჯევრიემ და ვერც სხვა გოგოებმა ეს ვერასოდეს ვერ გაიგეს.

კუმრუ-ფათოში კარგი გოგო იყო. მუდამ მხიარული, სოფლელი
გოგო. ერთ-ერთი მიწისძვრის დროს ობლად დარჩენილი, ქალაქში
წამოუყვანიათ და გაუზრდიათ. ფილაცამ იშვილა, მაგრამ რაღა შვილო-
ბილი... მან ველარ გაუძლო იქაურ წვალეებს და გაიქცა ერთ ახალ-
გაზრდასთან, რომელიც კარისკაცად მუშაობდა მახლობელ სახლში.
მაგრამ მასთან მხოლოდ ერთი ღამე იცხოვრა. სახლის პატრონებმა
მაშინვე შეუტყვეს და კარისკაცმა, რომელსაც სოფელში ცოლი ჰყავ-
და, სამუშაოს დაკარგვას ფათოშის გაგდება ამჯობინა.

ფათომმაც უკან დაბრუნება ველარ გახედა და ასე განაგრძო ცხოვ-
რება.

¹ კუმრუ — გვრიტი.

² ბეიაზით — უბანია სტამბოლში.



ჯევერიეს კიდეც ერთი ამბავი გაახსენდა და ხმამაღლა დათქვა:

— ერთხელ ერთი კაცი გადმოაგდეს თეჭფურის სასახლიდან. მე მდებლობზე ვიყავი წამოწოლილი. იმ კაცს არაფერი დამართნია. კატასავით ფეხებზე დაეცა. მერე აღგა და გაიქცა. არც კი კოჭლობდა.

— მაშ თქვენც ალბათ ოთხზე დაეცით ციდან ჩამოვარდნისას?

— მე, ძმაო, სადაც არ უნდა დავეცე, ყოველთვის ოთხზე ვეცემი. ზღვას ქვიშა აქვს, მე კი ბედი... ეგეც რომ არა, ხმელეთზე დაცემა რა აუცილებელია. არასდროს გინახავს როგორ ხტებიან ხილიდან ზღვაში? ერთხელ მეც გადავხტი უნკაფანის¹ ხილიდან... ზღვაში ჩავარდნის არაფერი ემართება... მეც ვარსკვლავებიდან ალბათ ზღვაში ჩავვარდი.

კაცმა გაიღიმა.

— ეგ კარგი აზრია, მართლაც.

— რესპუბლიკის დღესასწაულზეც² მინახავს თვითმფრინავიდან პარაშუტით გადმომხტარები... ქანავ-ქანავით ეშვებიან მიწაზე... არაფერი ემართებათ.

კაცს ხმაზე ეტყობოდა, რომ ჯერ ისეც იღიმებოდა.

— იქნებ ღმერთმა პარაშუტით გადმოგაგდოთ ვარსკვლავებიდან?

— არა, — უპასუხა ჯევერიემ. — არა მგონი. ვარსკვლავებიდან მე ნამდვილად პირდაპირ ზღვაში ჩავვარდი. რაც თავი მახსოვს, ხილის ქვეშ მეძინა და სულ ზღვაში დავცურავდი.

ერთხანს ორივე გაჩუმდა. მერე ჯევერიემ განაგრძო:

— ხიდის ქვეშ ზღვა ძალიან ლამაზი ფერისაა. მწვანეა, როგორც ბოთლი და ტალღებიც აქვს... აი ისეთი, ბეიოლლუს ვიტრინებში გამოდებულ მატერიებს რომ ახატია... გალათის ხიდის ქვეშ ზღვა საშინლად ღრმაა. ერთხელ ჩავყვინთე, რამეს ამოვიღებ-თქო ძირიდან, მაგრამ დავრჩი ხახამშრალი. ძირს ვერაფრით ვერ მიაღწევ, რამდენიც არ უნდა ყვინთო, ძირს ფერ დაინახავ. ბიჭები ამბობდნენ, იქ ზღვა შვიდი მინარეთის სიმალეს აღწევსო... ნამდვილად ასეა... ხიდზე სეირ-

¹ უნკაფანის ხიდი — ხილია „ოქროს რქაზე“, რომელსაც ეხლა ათათურქის ხიდი ეწოდება.

² რესპუბლიკის დღესასწაული — თურქეთის რესპუბლიკად გამოცხადების დღე — 29.XI.1923 წ.



ნობა გიყვარს? წყალმცენარეების და გემების ბოლის სუნი დგას
შესანიშნავია.

ჯევრიემ ფანჯრისაკენ მიიბრუნა სახე და ჰაერი შეიყენოსა.

— აქაც ყოველთვის წყალმცენარეებისა და ბოლის სუნია. ზღვის სურნელი დგას. ამიტომ მიყვარს. ზღვისა და თევზის სუნია. ზღვას ხომ საზამთროს სუნი აქვს? დამე, როცა ზიდის ქვეშ ჩამოვჯდები, ფეხებს ზღვაში ჩავკიდებ და მის სურნელეზას ვყნოსავ, საზამთრო მობინდება ხოლმე.

ჯევრიემ გაიციხა და დააყოლა:

— ზოგჯერ ნაგვის საზიდი ნაგებიდან ზღვაში ნაგავს ყრიან. იმ დროს თუ ლოდოსმაც¹ დაჰბერა, ეს ბინძური ნაგავი ხილისაკენ მოდის. ჩემი საყვარელი ზღვის სუნს ნაგვის სუნი ერთვის და ადამიანი ცუდ ხასიათზე დგება... სამაგიეროდ მაშინ თოლიების პანტომიმას უნდა უყურო... საწყალი თოლიები... თითქოს განძს რამეს მიაგნესო, განუწყვეტილად ესევიან ნაგვის გროვას... ხოლო როცა ნაგავს ნაპირთან გამოიტანს, მაშინ ქუჩის ბავშვებიც თოლიებივით იქექებიან მასში. რომ იცოდე, ძმაო, რა არ არის ამ ნაგავში. ლამაზ-ლამაზი კოლოფები, ხის ნაჭრები... ხის ნაჭრებს იმზე გვაშრობ, მოხუც ქალებს საწვავად მიჰყიდი და პურს ყიდულობ... ჩემი ბავშვობა სულ ასე გავატარე ზღვის პირას, ზღვაში.

— მამ არც დედა გახსოვთ, არც მამა?

— დედა სრულიად არ მახსოვს... ძალიან პატარა რომ ვიყავი, ერთი ავადმყოფი კაცი დამყვებოდა ხოლმე, გამხდარი, მაღალი კაცი... მახსოვს, ძალიან მიყვარდა ის კაცი. ეხლაც მიყვარს, როცა გამახსენდება... რატომ მიყვარს, არ ვიცი... იქნებ ის კაცი იყო მამაჩემი...

ჯევრიე ერთი წამით დადუმდა და მერე ლიმილით და ხუმრობით განაგრძო:

— ეს იქნებ ის კაცი იყო, რომელმაც ზღვაში მიბოგნა ვარსკვლავებიდან ჩამოვარდნილი.

ამ საღამოს ისიც ეხუმრებოდა ჯევრიეს.

— თქვენ მგონი მართლა გჯერათ, რომ ვარსკვლავებიდან ხართ ჩამოვარდნილი.

¹ ლოდოსი — სამხრეთის ქარი.



— ამ ლამაზი ვარსკვლავების დანახვაზე, რა მოგატყუოფი და, ჩემი...
კუბოში გენახოთ ჩემი თავი, ძალიან მომწონს იქედან ჩამოვარდნის
ამბავი... არა განა, ძმაო? აბა რა, სოკო ხომ არა ვარ, რომ მიწიდან
ამოვიდე...

ჯვერიე უცბად გაჩუმდა. მან უსასრულო ნაღველი იგრძნო. შემდეგ
კი ცნობისმოყვარეობით ჰკითხა:

— შენ დედა გყოლია, ძმაო, მითხარი, ძალიან საყვარელია დედა?
მისი ხმა ნაღველით იყო სავსე:

— დედა ძალიან საყვარელია, ჯვერიე!

— ის გამხდარი და ავადმყოფი კაცი, ალბათ მამაჩემი იყო. ამიტომ
უხლაც მიყვარს, როცა გამახსენდება. ის ხიდის ქვეშ მოკვდა ერთ დღეს.
ის რომ მამაჩემი არ ყოფილიყო, ისე არ ვეყვარებოდი. კარგად არ მო-
მივლიდა... სანამ ის ცოცხალი იყო, სულთანვივით ვცხოვრობდი...
ცხელ-ცხელ წაბლს ყიდულობდა ჩემთვის... თვითონ არა ჭამდა, მე
მაჭმევდა... როცა ვიწექით, ჩემს ცივ ფეხებს გულზე იკრავდა, პიჯაკს,
პალტოს, ყველაფერს, რაც ჰქონდა, მე მახურავდა.. თავისი ტანით მე
მიფარავდა სიცივისაგან.

ჯვერიე გაჩუმდა. შემდეგ კი უცბად განაგრძო:

— შენც, ავად რომ ვიყავი, იმ ღამეს, შენი პალტო დამახურე.

ამის გახსენებაზე ჯვერიე თრთოლამ აიტანა. განცვიფრებულს გაახ-
სენდა, რომ ამან მოაგონა კაცი, რომელიც ხიდის ქვეშ პალტოს აფა-
რებდა და სიცივისაგან იცავდა მას და დაბალი ხმით დააყოლა:

— მამაჩემსავით...

ჯვერიეს არასოდეს არავისთვის არ უამბნია ეს ძველი მოგონებები
და მათ გახსენებაზე არასოდეს არ უგრძვნია თვალზე მდუღარე ცრემ-
ლი. უხლა კი, როცა მას უყვებოდა, უჩვენებოდა, თითქოს გაყინული
და გაქვავებული ძველი მოგონებები ცხოვრებისეულმა სითბომ დაად-
ნო და გააცოცხლა.

ყველაფერი ისეთი მნიშვნელოვანი გახდა, თითქოს იმ წუთში ხდებო-
და. ძველი სიხარული და ძველი დარდები ახალი სიხარულივითა და
ახალი ნაღველივით მოედო მის გულს. ჯვერიე ავადმყოფივით ბოდავ-
და. ძველმა ამბებმა როგორც კინოფირზე, ისე გაირბინეს მის თვალ-
წინ.

— დიახ, დიახ, ის კაცი ნამდვილად კარგი ადამიანი იყო... თავს მეგ-



ლებოდა. ხიდის ქვეშ ისე კრძალავენ ღამისთევას, თითქოს მამამკათნი სახლი ყოფილიყოს. ღამღამობით მამაჩემს პონტონების ყველაზე იო-
ყუყულ ადგილას მივყავდი ხოლმე. იქ ვწვებოდი. ღმერთმანი, ისე მივლიდა, ისე მივლიდა, რომ... ლორდების პალატაში ცხოვრება მიმი-
ქარავს... უჭმელს მაჭმევდა და უსმელს მასმევდა. რაც მინდოდა წინ
მედო, რაც არა და არა...

ხიდის ქვეშ იმ საწყალ სნეულ კაცთან გატარებულმა ცხოვრებამ
მართლაც დატოვა მასში ასეთი ალალი მოგონებები. ამას ჯევრიე ისე
იგონებდა, როგორც თავისი ცხოვრების უბედნიერეს და უტკბეს პე-
რიოდს.

ბოლოს და ბოლოს ჯევრიეც ზომ არ იყო დიდი მოთხოვნილების
აღამიანი, ის ასეთივე კმაყოფილებით იგონებდა თავისი ცხოვრების
თითქმის ყოველ დღეს. მას ხომ ბუნებით უყვარდა სიცოცხლე. მისთვის
ყოველგვარი ცხოვრება საყვარელი, ლამაზი და კარგი იყო.

— ის რომ მოკვდა, ბევრი ვიტირე... შემდეგ, არ ვიცი იმ დღეს
იყო თუ სხვა დროს, ოღონდ ახლაც თვალწინ მიდგას, როგორ თითით
უჩვენებდნენ ჩემზე ხიდქვეშ მცხოვრები მთელი მაწანწალები. არ კი
მახსოვს რაში იყო საქმე, დავაშავე რამე, თუ მშენიციპალიტეტს დრო
დაუდგა და ქუჩის ბავშვებს დასდევდა დარულაჯეზე¹ გასაგზავნად...
არ ვიცი რა იყო.. ირგვლივ პოლიცია შემომიხვია. მე გავბოდი, პონ-
ტონიდან პონტონზე ვბტებოდი. თავვის სოროს მსგავს ხვრელებში
ვძვრებოდი. ისეთ ადგილებში დავძვრებოდი, რომ პოლიციას კი არა,
ისევე ჩემი ტანის ბავშვს თუ შეეძლო გაძრომა. როგორ მოხდა არ ვიცი
და, ვიბტუნე, გაძვერი, გამოვძვერი და პოლიციას დაეუსხლტი ხე-
ლიდან. მტკავლისოდენა ლაწირაკი ვიყავი.

ამ ოინის გახსენებაზე ჯევრიემ ყაჩაღანა ბიჭვიით, გულიანად გა-
დაიხარხარა:

— მერე რანაირად მივბოდი არ მახსოვს, ამომშრალ წყაროს შე-
ვაფარე თავი. ეს ამბავი ალბათ უნკაფანის ხიდთან მოხდა... მაშინ ეს
ლამაზი ხიდი ჯერ არ იყო. ნამდვილად არ იყო, რადგან ახალ ხიდს
რომ აშენებდნენ, მახსოვს, ღამღამობით გამოვიდოდი წყაროსთავიდან.
სადლაც დავხეტილობდი, ვპოულობდი ბოსტნეულის ნარჩენებს და
თოლიასავით ამ ნარჩენებში ვიქექებოდი.

¹ დარულაჯეზე — უპატრონო ბავშვთა სახლი.



ჯევრთე გაჩუმდებოდა და მერე განაგრძობდა უღრტვინედად
ჩილებით:

— ღმერთი დიდია. ყველას სადღაც გამოუჩენს საკვებს... ჩემთვის
ნაგავში გამოხანა. ის იყო ჩემი წილი. მე არ უნდა მოვმკვდარიყავ...
ღმერთს ფიცაცავ, სტამბოლი სიცოცხლისათვისაა გაჩენილი. რამდენ გა-
ჭირვებულს აცოცხლებს... აქ, მუქთად შეიძლება ცხოვრება... ტყუი-
ლად როდი უთქვამთ, სტამბოლს ქვა და მიწა ოქროსი აქვსო...

— ეგ თქვენი საყვარელი ღმერთი საკვებს უფრო სუფთა სახით
ვერ მოგაწვდიდათ, ნეტავ? — ჰკითხა მან.

— ალაჰის საქმეებში ჩარევა არ იქნება! შუბლზე როგორც გვა-
წერია, ისე ვცხოვრობთ, ჩვენი ბედი სადაც არის, მას იქ ვპოულობთ.

განა ბედი არ იყო ის, რამაც ჰისარში¹ ჯევრთე ამ კაცის ნავამდე მიი-
ყვანა?

ჯევრთე არ უჩიოდა თავის ბედს. მას არ ეგონა თუ ცხოვრებაში
უკეთესი რამე არსებობდა. უკეთესს არაფერს იცნობდა და ამიტომ არც
არაფერს ნატრობდა.

ეხლა ის ვარსკვლავებს შესცქერის, იგონებს ძველ ამბებს, რომელ-
თაც ყველაზე მეტი კვალი დააჩნიეს მის ცხოვრებას. ხან გამხიარ-
ულდება, ხან მოიწყენს, ხან გადაიხარხარებს, ხანაც სერიოზულ სა-
ხეს მიიღებს.

— მაშინაც ალაჰი გვაძლევდა საკვებს და ახლაც. ჩვენც ვცხოვ-
რობთ. მაშინაც ვწვალობდით, ახლაც ვწვალობთ. ღმერთი მოწყალეა,
ჯევრთე.. განა ცოტა ზომე ამ სტამბოლის ქუჩები. განა ღმერთმა ხელი
აიღო ჩემზე?... არა... ამ ქვეყნად არც დედა მყავს, არც მამა, ეს ვეება
ქალაქიც, სადაც არ უნდა მიხვიდე, გერეკება როგორც ვიაურს და მიუ-
ხედავად ამისა, მე მაინც რა ჯორის ტანი მოვიყარე, ვინა მკვებავდა წლი-
დან წლამდე... ამ ქვეყნად ჩემს სახელზე ერთი ქვა არ ჭაჭანებს...
ღმერთი დიდია... მაღლიერი ვარ მისი... თორემ ასე, ამოდენა ტანისას,
რა მომყრიდა. ბავშვები სადმე ცარიელ ნავს დავინახავდით თუ არა,
შიგ ჩავხტებოდით და ზღვაში გავიდოდით სათევზაოდ... ჩვენ შორის
ერთი ჩირთლაკ²-ჰამდი იყო. ერთ დღეს ის სამმართველოს მეორე გან-

¹ ჰისარ — უბანია სტამბოლში, იგულისხმება რუმელი ჰისარი, რომელიც
სტამბოლის ევროპულ ნაწილში მდებარეობს.

² ჩირთლაკ — კრიჭინა.



ყოფილებიდან ეზოში თავდაყირა გადაეშვა... ის იყო და... რომ თევზით ვბრუნდებოდით ხოლმე, მას ზეითუნის ზეთი მოჰქონდა. სად შოულობდა, არ ვიცი... მოჰქონდა კი... მაშინვე ცეცხლს გავაჩაღებდით სადმე ცარიელ ადგილზე, ზედ ზღვაში და ნაგავში ამოკრეფილ კონსერვის კოლოფებს დავაწყობდით, შიგ ზეთს ჩავასხამდით და ვხრაკავდით თევზებს. ზამთრობით თოვლში მახეს ვაგებდით, კაკანათს ვდგამდით, ჩიტებს ვიჭერდით, ვწვავდით და შევექცეოდით. ჩვეულებრივ კი, ხილითა და მწვანილეულით დატვირთულ ნაგებსა ვცლიდით. საქონლის პატრონი ფულს არ გვაძლევდა — რამდენსაც შეჭამთ, ჭამეთო, — გვეუბნებოდა. ერთხელ, მუშმულით სავსე ნავი გადმოგტვირთეთ. პატრონმა კალათები ჩამოგვირიგა და საღამომდე სული ამოგვართვა მუშაობით, მაგრამ მე რე სავსე კალათა მუშმულა მოგვცა. დავსხედით და სულ შევჭამეთ. იმდენი ვჭამე, რომ ავად გავხდი... მუშმულა ხომ საწამლავი არ არის... არ არის, მაგრამ... მეტის მეტი, თავში რეტიო და... ავად გავხდი. ქუჩაში დავგარდი. საავადმყოფოში წამიყვანეს... კუჭი ამომირეცხეს... კინალამ კოლონიაში მიკრეს თავი... საპოლიციო უბნის ფანჯრიდან გადავხტი და თავს ვუშველე... არასოდეს დამავიწყდება. იმ ღამეს ჩვენს საწყალ შასი¹-ფათის ტრამვაიმ ფეხები გადაჭრა. შენ ალბათ იცი, ზემოთ, ფათიპის² მახლობლად ძველი მედრესე არის. მის ოთახებში ღარიბები არიან თავშეფარებულნი. იქ ერთი ჯადოქარი ცხოვრობდა, ჯადალოზ³-ემინეს იძახდნენ. მან ერთხელ მე და რამდენიმე ბავშვი დავგიყოლია — ჩვენ უნდა მოწყალეობა გვეთხოვა და საღამოს მისთვის ფული მიგვეტანა. ის კი მოგვივლიდა: დავებანდა, დავასუფთავებდა, გვაჭმევდა... ჩვენ უნდა გვემუშავა, ფული მისთვის მიგვეტანა.. ყველანი ცალ-ცალკე ჩამოვსხედით ქუჩის კუთხეებში. საკმაო ფული გავაკეთეთ... საღამოს მივუტანეთ. იმ საღამოს ჩვენთვის ღვეზელები გამოუცხვია და გვაჭამა, მაგრამ ისეთი იყო, რომ კინალამ თითებიც თან შევატანეთ. კმაყოფილნი დავრჩით. იმ ღამეს ყველას ერთი ჭილოფი დავგიგო, ერთმანეთის გვერდით ვიწექით. მეორე დღით ისევ ქუჩაში გავვისტუმრა. ისევ ვიმუშავეთ. მაგ-

¹ შ ა ს ი — ელამი.
² ფ ა თ ი პ — უბანია სტამბოლში.
³ ჯ ა დ ა ლ ო ზ — ავი.



ეროვნული
ბიბლიოთეკა

რამ იმ საღამოს ღვეზელი კი არა, ცარიელი ლობიო მოგვცა, მესამე დღეს ბურღულის სუფი დაგვალევინა, მეოთხე დამეს მართო ბუბლიკები. მივხვდით, რომ ქალს ჩვენი გაცურება უნდოდა... ვითომ ის არა კმაროდა, რომ გვაშიმშილებდა, დღისით ჩვენს ადგილებსაც დაივლიდა და თუ იქ არა გვენახავდა, საღამოს ჯოხს მოგვცხებდა ხოლმე და ყვირილს მოჰყვებოდა — აი თქვე ცოდვის შვილებო, თქვენაო, ემინენინე თქვენთვის არის მოსული ამ ქვეყნად, თუ როგორა გგონიათო? მე თქვენ უნდა გიაროთ, თქვენ კი იხეტიალთ და მერე ლოგინი და თბილი საჭმელი მომთხოვოთო. ერთ დღეს ბავშვები შეეყარე და ლექცია ჩავუტარე: „ეგ პატრონმკვდარი ოხერი ჯაღო ყმებივით გვამუშავებს, არც ფვივლის და გვიბათქუნებს-მეთქი. ნეტავ რატომ უნდა ვიმუშაოთ მისთვის. უმისოდ განა მშვიგრები ვისხედით, თუ რა-მეთქი“. ერთი სიტყვით, კარგა ბევრი ვროშე. ბავშვებმა ყველაფერი გაიგეს. იმ დღეს გადავწყვიტეთ, რომ მისთვის აღარ გვემუშავა. მე ალბათ ყველაზე უფროსი ვიყავი და ამიტომ გამოფუცხადე: „ყური მიგდე, მეგობარო-მეთქი, ჩვენ მოვილაპარაკეთ და გადავწყვიტეთ, რომ შენთან კავშირს ვწყვეტთ. ჩვენ ყოველდღე მოგვაქვს შენთვის ფული, შენ კი ჩვენს წილს არ გვაძლევ... ჩვენისთანა ღლაპებს რომ ლუქმას ართმევ, ცოდო არ არის განა? შენ ცალი ფეხი სამარეში გიდგას... მესაჯულავე მაჰმუდმა უკვე დაგნიშნა. საცაა ჯვარს დაგწერს... ნუთუ ალაპისა არ გეშინია? ობლების დომხალი გგონივართ თუ ვირების კოლექტივი? ამის შემდეგ ჩვენთან საქმე აღარა გაქვს“.

ეს ჯაღო აღუღდა, წამოავლო ცოცხის ტარს ხელი, მომდგა და წვენი ხომ მადინა და მადინა, ჩემს ნეკნებს, კიდევ, სულ დიმიტაური აძახებინა. მე რომ ვიყვირე, ოთახში ჩვენი ხროვა შემოცვივდა, რომლებიც გარეთ იცდიდნენ. ყველა ქუჩის მაწანწალა იყო, მაგრამ უკეთესს მაინც ვერ ინატრებდი. ჩვენ შორის ერთი ყოჩ-მუსტაფა იყო. ის ეხლაც გალათის რისხვავა. მხოლოდ თავით ჩხუბობს, ყოჩივით... ერთი თავური თუ მოსდო, წინ ზაალის ძე როსტომიც ვერ დაუდგება. მის თავს დაზვის ტყვიამფრქვევიც ვერაფერს დააკლებს. ისეთია, რომ ტანკი გეგონება. მაშინ მუჭისტოლა იყო, მაგრამ მისი თავი მაშინაც თავობდა. ერთი თავური რომ მოსდო, იქვე დასვა ის ჯაღო. ამასობაში დანარჩენმა ჭია-ღუებმა საჩხრეკად გასწიეს. საბან-ლოგინი გადაქექეს. მაყუთი საკმაოდ აღმოჩნდა. ქალს ხელები შევუბოროკეთ. მის თვალწინ



საქართველოს
ხალხთა ეროვნული
ბიბლიოთეკა

გავყავით და ერთი წილი მასაც ვარგუნეთ. თვითუღოს ოთხი-სუთი ქა-
ლაღდი გვერგო. შემდეგ ხელები გავუსხენით და წავედით. მერე კი
გვეწინოდა, პოლიციაში არ გვიჩივლოს-თქო. სანამ პოლიცია წაგვარ-
თმევდა, ამ ფულს ჩვენ თვითონ მოვუღეთ ბოლო. ჯერ ნამცხვრება
გეახელით და მერე მუჰალები¹ დავაყოლეთ. მანამდე მუჰალები არას-
დროს არ მეჭამა. მეღუქნემ ზედ ვარდის წვენი დავვისხა... ისეთი სუნი
იღგა, თავი ვარდის ბალში გვეგონა. ერთი შევეჭამე... მეორეც ვჭამე...
მერე გამზირზე გამოვედი. დუქნის ვიტრინებში მზა ტანსაცმელს ვა-
თვალიერებდი. ამ დროს ერთი ბუს თვალებიანი კაცი გაჩნდა ჩემს
გვერდით. დუქანში რომ შევიდე, პატარა ხარო და ტანსაცმელს არ
მომცემენ, თანაც შემეწინდა — არა მკითხონ, ამდენი ფული ვინ მოგ-
ცაო. მაშინ ამ კაცს მივუბრუნდი: „ძია, — ვუთხარი, — აი ფული,
შედი და ეს წითელი კაბა მიყიდე-თქო“. ჩემი ფული ნამდვილად არ
იკმარებდა იმ კაბის საყიდლად, მაგრამ კაცს ხმა არ ამოუღია. ფული
გამომართვა და შევიდა. შევიდა და აღარც გამოჩენილა. ქარის მოტა-
ნილს ქარი წაიღებსო... გაქრა ჩემი ქალღლებიანად. იმ ბებერ ქალს
თვითონ ჰქონდა რეგისტრაცია და ამიტომ ალბათ პოლიციაში აღარ
მისულა. ჩვენთვის ხელი არავის უხლია. ერთხელ კიდევ წავაწყდი ერთ
კარგ საქონელს. კინალამ ოპიუმსა და ჯიბგირობას შეგვაჩვია. ყური
მიგდე და გაგიკვირდება რა ნომრები ხდება ამ სტამბოლში. ერთ დღეს
მუხლამდე მოთოვა. ქარბუქიც ამოვარდა. ტრამვაის ლიანდაგებს წმენ-
დენ, ისევ თოვლსა დებს. ტრამვაები კანტი-კუნტად დადიან. ისეთი
ქარბუქიანი დღეები იყო, რომ... გეგონებოდა სტამბოლელები სადღაც
გაქრენ და მთელი ქალაქი მარტო უპატრონო ქუჩის ბავშვებს დაუ-
ტოვესო. მაშინ ჯერ კიდევ არ იყო მისირჩარშისი² და მისი სკვერი.
ბავშვები მანქანების (ეხლა სამარშრუტო ტაქსების) სადგომ კუთხეში
ვიდექით. სტამბაში აწეულ ქალღლებს ცეცხლი წავუკიდეთ, შემოვე-
ხვიეთ და ვთბებოდით. მანქანებს ჯაჭვები ერთყაათ საბურავებზე და
იშვიათად, მაგრამ ხმაურით მიდი-მოდიოდნენ. ემინენიუს მოედანზე,
იენიჯამის³ თაღებქვეშ, სიცარიელე იყო, — ცხენზე შეჯექ და შეაჯი-

1 მუჰალები — ბრინჯის ფქვილით შეზავებული რძის კისელი.
2 მისირჩარშისი — ბაზარია სტამბოლში.
3 იენიჯამი — მეჩეთია სტამბოლში.



რითე... ჩვენც სწორედ აქ გვენთო ცეცხლი, ვთბებოდით და ვკვამლობდით. ამ დროს ერთი ვიღაც ახმახი მოგვადგა. საკმაოდ ახალი შავი პალტო ეცვა. ყელზე წითელი კაშნე ეხვია. ცალი თვალი მეორეზე პატარა ჰქონდა. ცხვირი ყვავის ნისკარტს მიუგავდა. ვიღაც ვიგინდარა იყო. ჯიბეებში ხელუბრაწყობილმა ერთხანს გვიყურა და მერე შემოგდახა:

— ეი, ლაწირაკებო, თქვენ აქ სული ამოგძვრებათ. სახლ-კარი არა გაქვთ, თუ რა? შინ წასულიყავით... სად არის თქვენი პატრონი?

მე ხელი გაგკარი ჩემს გვერდით მყოფს და ჩაეხურჩულე:

— ეს ტიპი პოლიციელსა ჰგავს, ძმობილო, ჩვენს ასაკრეფად მოვიდა ალბათ!

ჩემს გვერდით მდგომი თოფალ-შევექეთი ყოფილა.

— კიდევ უკეთესი, ალბათ კარაქიოის სკოლაში წაგვიყვანენ. — მიპასუხა მან და მერე იმ კაცს მიუბრუნდა:

— სახლი გვაქვს თუ არა, შენ რა? — მოუჭრა შევექეთმა.

— ჰაი, თქვენს გამჩენს გადმოექცა გულ-მუცელი, არ გეძებენ?

— დედაჩემი მაწანწალებთან ატარებს დროს და ჩემზე საფიქრლად დრო აღარა აქვს, — უპასუხა შევექიმ. — ქალი დღე-ღამეში ოცდახუთი საათი მამაკაცებთან არის ლოგინში. შინ რომ წავიდე, რა გააკეთო? რქები ვჭედო ზარნიშით, თუ რა?

ჩვენი თოფალ-შევექეთი მაშინ სულ შვიდი-რვა წლისა იყო. მისი სიტყვები, როგორცა ჩანს, ეუცნაურა იმ კაცს, რადგან გაიცინა და უთხრა:

-- ბრიყვო, შენ ხომ ძუძუს ბატკანი ხარ ჯერა, რქა სადა გაქვს, რომ ზარნიშით მოჭედო. აქ კბილების კაწკაწს, შინ წახვიდე? დედაშენის ნაძირალებთან რა საქმე გაქვს?

— ძმაო, შენ შენს საქმეს მიხედე, — მამლაყინწასავით უპასუხა თოფალ-შევექეთმა. — ჩვენ მაგის იმტანზე არა ვართ...

თოფალ-შევექეთი ძალიან კარგი ბიჭი იყო. მან ბოლომდე ვეღარ შეძლო საკუთარი თავის მოტყუება, ათი წლის შემდეგ მოკლა თავისი კახბა დედა. თვითონ კი ჩამოახრჩვეს.

ამ პასუხმა ის კაცი მთლად გაამხიარულა:

— ვხედავ, — უთხრა მან. — თქვენ წასასვლელი არსადა გაქვთ. არც ქარბუქი აპირებს ჩადგომას. ჩემ სახლში წაგიყვანთ. ცოტა საქმე



მაქვს გასაკეთებელი. ჯერ გათბებით, გაგაძლებთ კიდეც, მე შემდეგ მეს გააკეთებთ.

— ეს კაცი წმინდა სულისას არ გავს, — ვეუბნები მე ჩემს ამხანაგებს ხმადაბლა. — დედა შემერთოს ცოლად თუ უპატრონოების სახლში არ წავგვასხას. თქვენ ბიჭები ხართ, რა გიშავთ, თქვენთვის კარაქიონი სკოლა არის. მე, მე რა უნდა ვქნა?

— შენ კიდეც შარვალი ჩაიცვი, — მითხრეს მათ, — თუ ემინენიუს საპოლიციო უბნის გზას დავადგებით, მაშინ ყველანი ერთ მხარეს მოვკურცხლავთ, გავაცურებთ ამ კაცს, შენ კი ამასობაში თავს უშველი... ძალიან გვციოდა. მისი წინადადება მივიღეთ.

გავყევით. თაპთაკალეში¹ მივედით... იქ მან ქოხის მსგავს ერთ უცნაურ ადგილას მიგვიყვანა. ეს ადგილი ქარვასლის უკანა მხარე იყო, ოღონდ შემოსასვლელი ქარვასლის ეზოდან კი არა ჰქონდა, არამედ სხვა კარიდან. ირგვლივ შიგნეულის საშინელი სუნი ტრიალებდა. შუა ოთახში, რომელშიც ჩვენ შევედით, თუნუქის ღუმელი იდგა.

— ჯერ ძვალ-რბილი გაითბეთ და მერე ვილაპარაკოთ, — გვითხრა მან.

ჩვენ რამდენიმე საათი ვისხედით ღუმელთან. ჩაიც შემოგვთავაზა... ჩაიჩი² ბუბლიკებიც მოიტანა.

ძალიან კმაყოფილები ვიყავით. მაგრამ კარგად ვიცოდით, რომ აქედნ ბავშვს ერთად სიკეთეს არავინ გაუკეთებდა. რომელიღაც ჩვენგანი, ეხლა აღარ მახსოვს ვინ იყო, წამოხტა და იმ კაცს მიმართა:

— ძია, ყური მიგდე, თუ გინდა რომ მათხოვრობა დაგვაწყებინო, მე უკან ვიხევ.

აქ მეორეც ჩაერია:

— ჩვენ მაგისტანა საქმისაგან ყელამდე ვართ. ერთხელ უკვე მივიღეთ, რაც გვერგებოდა. — დაუდასტურა მან.

კაცმა შემოგვხედა და გაიცინა:

— ნუ ლელავთ, ჩვენი საქმე გასართობი საქმეა. ოღონდ ვხედავ, რომ ახალ გამთბარზე მოდუნებულები ხართ. ცოტაც დაისვენეთ და მერე ვილაპარაკოთ.

¹ თაპთაკალე — უბანია სტამბოლში.

² ჩაიჩი — ჩაიხანის პატრონი.

სხვებმა რა ქნეს, არ ვიცი. მაგრამ ჩაიმ, ბუბლიკმა და სიტბომ მე საშინლად მომთენთა. ეს კაცი რომ სასიკეთოს არაფერს აწუთებდა, კი ვიცოდი. მაგრამ მაინც მომერია ძილი, ნელ-ნელა მივლულე თვალები და ჩამეძინა.

რამდენი მეძინა არ ვიცი. როცა გავიღვიძე, დავინახე, რომ ჩემს გვერდით არავინ იყო. ბავშვები სადღაც წასულიყვნენ. ელექტრონის ლამფა ენთო. გარეთ ბნელოდა... მაშინვე ავდექი და გვერდით კარს მივაშურე. კარს მივუახლოვდი თუ არა, გულს მომეშვა. კარებს იქედან ჩემი ამხანაგების ხმა ისმოდა. კარებში თავი შევყავ. იმ კაცს პალტო გახდილი ჰქონდა. ტანზე საკმაოდ ახალი ყავისფერი ტანსაცმელი ეცვა. წითელი კაშნე ისევ კისერზე ეხვია. პიჯაკის ქვეშ მწვანე შალის ჟილეტი მოუჩანდა. იდგა ბავშვებს შორის და რაღაცას ურიგებდა. დამაინტერესა რას არიგებს-მეთქი. პაპიროსი იყო. მეც შევედი ოთახში.

— ძია, მეც მომეცი ერთი ცალი! — ვუთხარი მე.

შემომხედა. გაიღიმა. და ერთი სიგარეტი მეც მომცა. მერე კი გვითხრა:

— პაპიროსი მოსწიეთ და გათბით. დღეს ძალიან ცუდი ამინდია. საქმე არ გაკეთდებაო.

ყველანი მეორე ოთახში დაგბრუნდით ღუმელთან. ისევ გავაჩაღეთ ცეცხლი და პაპიროსები გავაბოლეთ.

ჭევრიე ცოტა ხანს გაჩუმდა.

— შენ მოგიწევია ოდესმე ოპიუმისანი პაპიროსი? — იკითხა მან ღუმლის შემდეგ.

— არა, ჭევრიე.

— კარგი გიქნია... ამ ქვეყნად ამაზე უარესი არაფერია... რამდენი ვაჟკაცი მინახავს, რომ ევრე შეეჩვია და მერე დაიღუპა მისი საქმე. ღმერთმა ნურავინ შეაჩვიოს... ხანდახან მეც ვეწეოდი... არც მომწონებია და არც მინდა... იმ დღეს პირველად მოვწიეთ ოპიუმისანი პაპიროსი. თავბრუ დამეხვა და რადგანაც ჯერ ლაწირაკი ვიყავი, გონება დამიკარგავს. ჩემი დაძინების შემდეგ კი ყოფილა ამბავი. ყოჩ-მუსტაფას შეუხანახავს, მერე მოვწევო. ამიტომ, რასაკვირველია, თავბრუც არ დახვევია და ყველაფერი კარგად უნახავს. ჩვენ ყოჩ-მუსტაფამ გვიამბო. მე აღარ მახსოვს, მაგრამ გამოვსულვარ და სიმღერა დამიწყია. ჩირთლაკ-ჰამდიმ თავი თურმე რეგულიატორად წარმოიდგინა, კარაქიო-



იში რომ უნახავს, დადგა შუა ოთახში და მანქანების და ტრამვაების ხმა-
 რაობის რეგულირება დაიწყო, ვილაცას უყვირია—ცოფიანი ტანდრით
 დისო და კუთხეში შემძვრალა. რომელიღაც ბავშვს დასძინებია. ერთი
 სიტყვით იქაურობა საგიჟეთს დამსგავსებდა. ყოჩ-მუსტაფას შეშინებია.
 ეს პაპიროსი გააგიჟებს ადამიანსო და თავისი ცეცხლში შეუფდია. თუმცა
 ჩვენი პაპიროსების ბოლს ცოტათი მაინც უმოქმედნია მასზე... იმ საზიზ-
 ჶარმა და ურწმუნო კაცმა ბოლოს და ბოლოს ჩირთლაკ-ჰამდი და
 თოფალ-შევექეთი მაინც მიაჩვია ოპიუმს. როცა გავიღვიძე, უბედურ
 დღეში ვიყავი. თავი მტკიოდა. ნუ დამზრახავ და, მალეზინა და მალეზი-
 ნა. ვიფიქრე, ვკვდები-მეთქი და გარეთ გამოვედი, სუფთა ჰაერზე. გა-
 მოვედი და გამოვედი... უკან აღარ მივბრუნებულვარ... მერე შევიტყუე,
 რა შეილიცა ყოფილა ის კაცი. თურმე ბინა ჰქონია, სადაც ოპიუმს
 ეწვეიან. გარდა ამისა, პატარა ბავშვებს აჩვენებდა ოპიუმს, რომ მერე
 ხელში ყოლოდა, ქურდობას ასწავლიდა და აქეთ-იქით აგზავნიდა. თი-
 თებით თურმე ისე მუშაობდა ეს კაცი, რომ პირდაპირ სასწაული იყო...
 ისე მუშაობდა, ის ოხერი, თითქოს თითები სულ არა ჰქონდა. ჩვენი
 ამხანაგები მან გაწვრთნა. ერთი კი უნდა ენახა ის საწყალ ჩირთლაკ-
 ჰამდის, სანამ ტვინს მიახსამდა ბეტონზე... ზათი-სუნგური შევირდად
 თუ გამოადგებოდა... ტრამვაიში ადამიანს რომ ჩაუვლიდა გვერდით,
 პირიდან ისე ამოაცლიდა გულ-ღვიძლს, რომ კაცი აზრზეც ვერ მოვი-
 ღოდა. ასეთი სწრაფი ხელი ქვეყნად არავის ჰქონდა... მის მასწავლე-
 ბელს უთქვამს კიდევ მისთვის — ჩემი მასწავლებელი შენა ხარო...
 ერთხელ ციხეში თორმეტი კაცის თანდასწრებით ხელებიც დაუკოცნია
 მისთვის — „ჩემი მასწავლებელი ხარ, შენისთანა ილტეები მე არ ვი-
 ციო...“ იმ დღეს რომ არ წამოვსულიყავით იქედან, ნამდვილად არ მო-
 გველოდა კარგი ბოლო. ჩვენც ვისწავლიდით ამ ხელობას. ხომ გაგი-
 გონია — ნედლი ხე კარგად იდრიკებაო.

* * *

დიახ, ის დიდ სიამოვნებას გრძნობდა, როცა ყვებოდა ბავშვობის
 დროინდელ წარსულს, მოგონებებს, როცა ჯერ კიდევ არ იცნობდა
 მამაკაცების ხვეენა-ალერსს.

ეს თავგადასავლები, რომელთაგანაც მთელი მისი ცხოვრება შედ-



გებოდა, ჯეგრიეს არასოდეს არავისთვის არ უამბუნია. ასეთი თანაგონობით მისთვის ჯერ არავის არ უსმენია. დღემდე ის მხოლოდ ყოველი გავლილი წუთით ცხოვრობდა და არასოდეს არ უფიქრია, რომ მის ცხოვრებას ჰქონდა წარსული და მომავალი...

ეხლა კი, როცა ყვებოდა, გრძნობდა, რომ ყველაფერი მას ეხებოდა, რომ ეს იყო ის, რამაც წარმოშვა ჯეგრიე, იყო ის მასალა, რომლისგანაც მისი ცხოვრების სახურავი იყო გაკეთებული.

თხრობის დროს ჯეგრიე დროდადრო გაჩუმდებოდა ხოლმე და ცდილობდა მოგონებათა ბნელ ქაოსში ისეთი რამე ამოერჩია, რომ საამბოდ შესაფერი ყოფილიყო.

— სტამბოლის გალავნის ახლოს, მგონი ჩათლადიკაფიში¹, ერთი ბაღი იყო. ბაღის ერთი კუთხე სასაფლაოს წარმოადგენდა. პატარა სასაფლაო იყო... სულ ოთხი-ხუთი საფლავი და ერთი დიდი აკლდამა. ამ ბაღში ლეღვი იყო, თითო მუშტის ტოლა იქნებოდა, ღმერთმანი... მთელ სტამბოლში ასეთი ლეღვი არსად მოიძებნება. ზედ ბაღის უკან კი, ღვთის მოცემული, უდაბური ადგილი, ნანგრევები და ძველებური სათოფურები იყო... ეს ადგილი ძალიან ხელსაყრელი იყო ღამის გასათევად... ლეღვობის დრო დადგებოდა თუ არა, მთელი ჩვენი ჭია-ღუები იქეთ გადასახლდებოდნენ... საჭმელი ბლომად... სუფთა ჰაერი... ჩემს სანატრელ სტამბოლში, სადაც უნდა მიხვიდე, ყველგან მაძლარი ცხოვრებაა... ღმერთმანი, მეფესავით შეიძლება ცხოვრება... როცა მებაღე დაგვიჭერდა, იცოცხლე, დაგვასველებდა უწყლოდ... მაგრამ, როცა ის არ იყო, მაშინ მატლებივით მივესეოდით. საუკეთესო ლეღვი სასაფლაოს მხარეს იყო, საფლავებს შორის ჩამწყვრივებული, ერთი მეორის გვერდით. განსაკუთრებით კი აკლდამასთან, მწვანე ჩალმიან ევლიას² თავთან. ჩვენ გვეშინოდა მისი ყაუხისა³ და იმ შესანიშნავ ხეს ვერ ვეკარებოდით. ერთმა ჩვენგანმა თქვა — ეს ლეღვი წმინდანისაა და თუ ხელი ვახლეთ, ჭკუას გადავალთო. ჩვენც გაგიყებისა გვეშინოდა და გულებს ისეთი ბაგა-ბუგი გაუდიოდა, როგორც სამბაქნიანი „მაჰმუდი-ეს“⁴ ხრახნებს.

¹ ჩ ა თ ლ ა დ ი კ ა ფ ი — უბანია სტამბოლში.

² ე ვ ლ ი ა — წმინდანი.

³ ყ ა უ ხ ი — ქულია ერთგვარი.

⁴ „მ ა ჰ მ უ დ ი ე“ — გემის სახელია.

დანარჩენი ხეები პირწმინდად გავკრიფეთ. ერთხელ მე მთელი დღე ვუთვალთვალე საფლავზე მდგარ ლეღვს... ჩვენ შორის ნიშნობის ცერემონია ჩატარდა... საღამოს, ღვთის ნებითა და მოციქულის ლოცვა-კურთხევით, ჯვარი დავიწერე... პირველი ღამეც დადგა... მე სასიძო-სავით ცეცხლი მეღებოდა. ხორცები რომ დაეგლიჯათ, ვერაფერს ვიგ-რძნობდი... თვალის ჩინი ლეღვმა დამიბნელა... ერთი წმინდანი კი არა, ათასიც რომ აღმდგომოდა წინ, ვერ გამაჩერებდნენ. როცა დაღამდა, ერთი კი მოვავლე კედლებს თვალი და ბაღში ამოვყავი თავი... ბაღში ჩახტომა და ხეზე ასვლა ერთი იყო. იმდენი ლეღვი ვჭამე, იმდენი რომ... სათვალავი არა ჰქონდა... იმ საღამოს ცაც თეფშით იყო მოწ-მენდილი... მთვარე ისე ანათებდა, ისე, რომ ნულარ იტყვი. ხეებზე დარ-ჩენილი ლეღვისათვის მუსრის გასაგლებად ამ დროს ბავშვებიც მომ-ზადებულან. ის იყო ბაღს მოუახლოვდნენ, რომ შეამჩნიეს — ხეზე რაღაცა მოძრაობს. ხომ იცი, რომ ლეღვის ხეს კვიპარანს ეძახიან. თან კიდევ ეს ხე ზედ ჩაღმიანი საფლავის ქვის თავთან დგას... ბავ-შვებმა რომ დამინახეს, ვიღაცა ხტის ტოტიდან ტოტზეო, იფიქრეს გიჟიო, მოიბუზნენ და მოუსვენს იქიდან.

მე ისინი არც კი დამინახავს... ზიდან რომ ჩამოვედი, სიარულის თავიც აღარ მქონდა, იქვე მოვიკეციე და საფლავებს შორის დავიძინე.

ჯევრიე გაჩუმდა, რაღაცას ფიქრობდა, მერე ამაყად წარმოთქვა:

— მას შემდეგ სასაფლაოებისა სრულებით არ მეშინია. სასაფლა-ოზე სიჩუმეა ხოლმე. არც წმინდანები დგებიან საფლავებიდან... იქ თითქოს მკვდრები კი არ არიან, არამედ ყველაფერს ღრმად სძინავს... მე ბევრჯერ მძინებია სასაფლაოზე, მაგრამ მკვდარი არასოდეს მინა-ხავს.

ჯევრიეს არა მარტო სძინებია სასაფლაოზე, არამედ აქ, საფლავებს შორის არიგებდა ის თავის სიყვარულს. მაგრამ სირცხვილის რაღაც უცნაური გრძნობის გამო ვედარ უთხრა. მას მხოლოდ ბავშვობის-დროინდელ ამბებსა და გულუბრყვილო ისტორიებს უამბობდა.

ბავშვობის შემდეგდროინდელი მოგონებების მოყოლა მას არც კი უფიქრია.

სრულიად ქვეცნობიერად, მას სურდა, რომ მისთვის თავისი თავი გულუბრყვილო, ალალ და ყაჩაღანა ქუჩის ბავშვად ეჩვენებინა.

ნეტავ თუ მიიყვანდა ეს თხრობა ქალიშვილობის დროინდელ ამბე-



ბამდე? თავისდაუნებურად თუ უამბობდა თავისი ცხოვრების ჩრდილოვან მხარეებსა და შეცოდებებს?

ჯევრთე შეუსვენებლივ ყვებოდა. ეხლა უკვე სხვა ამბავზე იყო გადასული.

— მარტობის სიძნელე ავადმყოფობის დროს იგრძნობა... თუ ღმერთმა ჯანმრთელობა მოგცა, ნუ გეშინია, სტამბოლის ყოველი კუთხე მოწყალებით არის გამოტენილი... მაგრამ თუ იერთხელ მოგიგრიხა კისერი, მაშინ კი მშვიდობით, გაჭიმე ფეხები. იმ უღმერთო ავადმყოფობამ ერთ ზაფხულს ისე დამაგდო, ისე დამაგდო, რომ... სიცხით ვიწვოდით... თავის განძრევისა და გადაბრუნების ილაჯი მქონდა გაწყვეტილი... ზაფხული იდგა და მთელ დროს ბოლაზზე¹ ვატარებდით. ემირგანს² ზემოდან, ოდნავ მარჯვნივ, ტყის ვადაღმა ერთი პატარა აგარაკი იდგა. ის აგარაკი დაიწვა. იქაურობა მოწმინდეს და ოთხკუთხედი სახლი ააშენეს. ჯერ მხოლოდ ოთხი კედელი იდგა იმ დროს. ღამე იქ გვეძინა... ერთ საღამოს ჩვეულებრივ, მივაშურე იქაურობას... დავწექი. დილას ვეღარ გავინძერი. მარტო არ ვიყავი ხოლმე. ოთხი-ხუთი ბავშვი მუდამ ერთად დავდიოდით... მანჯღრიეს, მაქანავეს. ძვლებს მამტვრევს, გული მერევა... — „გოგო, რა ვემართება, — მეკითხება არაფ-ჯემილე. — სახეზე ფერი აღარ გადევს... წერილი ხომ არ მივაქვს?“ — მომიახლოვდა, შუბლზე თმები გადამიწია, ხვეწრდევით შავი პატარა ხელები და ღამაზი სადაფგადასმულივით ფრჩხილები ჰქონდა. „ძალიან ცუდად ვარ, ჯემილე-აბლა!³“ — ვუთხარი მე. ჯემილე ჩემზე უფროსი იყო. „დღეს აქედან არ გაინძრე, — მითხრა. — ჩვენ ერთს წავინადირებთ და სადილად რამეს მოგიტანთ“. ყველა წავიდა. ქვეშ ძველი შალის მინდერი მეგო. ის ამ სახლის ბაღში ვიპოვეთ, სახურავჩამონგრეულ ბოსელში. იმ მინდერზე მე და ჯემილე ვიწექით... ჯემილე რომ წავიდა, მარტო დავრჩი. ცხელოდა. მწერებს ბზულილი გაჰქონდათ. ბუზები მესეოდნენ... შუა დღისას არაფ-ჯემილემ რძე მომიტანა. რძესაც ვერა ვსვამდი. უარესად გავხდი. — „გოგო, ჯევრთე, ნუ გეშინია, — მეუბნებოდა ის. — მე აქა ვარ. დედასავით მოგივლი. საავადმყოფოში არ გავატან შენ თავს“.

¹ ბოლაზ — ბოსფორის სრუტე.
² ემირგან — უბანია სტამბოლში.
³ აბლა — უფროსი და.



ჩვენ, ქუჩის ბავშვებს, ყველაზე მეტად მთავრობის ხელშეწყობა დადინისა გვეშინოდა. ყველამ იცის, რომ მაშინვე გიყებთან საგიჟეთში...

საწყალი ჯემილე მე მეუბნებოდა, ნუ გეშინიაო. თვითონ კი ერთი გაწირილი გოგო იყო. მერე გაიფურჩქნა... ტანი მამაკაცით აიყარა. წვრილი წელი, მრგვალი თეძოები, პატარა და მაღალი მკერდი დაუდგა... ყველა მამაკაცი მისთვის გიჟდებოდა. შარშან ერთმა ახალგაზრდამ ზურგში ჩასცხო დანა და იქვე გაათავა... არ ვიცი რამდენ ხანს ვიყავი ავად. იმან რომ მე მომიარა, ისე ქვეყნად არავის არავისთვის არ მოუვლია. ჯემილე ჯერ პატარა იყო, მაგრამ დადიოდა საზაფხულო კაფეებსა და კაზინოებში და ინგლისურის მიბაძვით მღეროდა კინოებში მოსწენილ სიმღერებსა და არაბულ ცეკვებს ასრულებდა. ღმერთმანი, ისე კარგად ბაძავდა, ძმაო, რომ, მასთან შედარებით, ის შავი არტისტები არაფერი იყო. შემდეგ ჯემილე მართლა არტისტი გახდა. მუმჰანეს პროსპექტზე, არტისტების კაფეში, ერთი ჩოფურა ტიპი დადიოდა. იმან პრიმადონად აქცია ჯემილე. ანატოლიაში! სოფელი არ დარჩენილა, სადაც ისინი არა ყოფილიყვნენ. საბერძნეთსა და არაბეთშიც იყვნენ. ბოლოს ის მაჯლაჯუნა შეუყვარდა... ის უსინდისო კაცი ლამაზი მაინც ყოფილიყო. ცალი თვალით ცერად უმზერდა გამჩენ ღმერთს. პირი მუდამ ქვევრივით ღია ჰქონდა... თუმცა დუგლასის უღვაშები არ აკლდა... პირს რომ გააღებდა, უნდა გაცლოდი, რომ გული არ აგრეოდა... საწყალ ჯემილეს ისე შეუყვარდა ეს ტიპი, ისე, რომ... ჯემილეს არტისტობაც მოკვდა და ბოლოს თვითონაც შავ მიწაში ჩაბრძანდა... რას ვამბობდი? ჰო, მე რომ ავად ვიყავი, ჯემილე დადიოდა საზაფხულო კაფეებსა და კაზინოებში; მღეროდა, მაცუთს აგროვებდა, სალამოს კი მოდიოდა და თავს მეგვლებოდა, მაჭმევდა.

დიდხანს ვიყავი უგონოდ. ის იყო ჩემი პატრონი, მაგრამ მერე ღმერთმა მთელი ეს სიკეთე სულ ცხვირში ადინა. ბოლოს აიღო და ტყუილუბრალოდ დაღუპა...

ჯვერიე გაჩუმდა. ცოტა ხანს რაღაცას ფიქრობდა. მერე ღრმად ამოიოხრა:

— ეჰ, ეს გული! — და დაღუპდა.

¹ ანატოლია — თურქეთის აზიური ნაწილი.



ოთახი რომ განათებული ყოფილიყო... მაშინ კი ნახავდით მათ... წამოწითლდა და შეცბა ჯეჯერიე. მაგრამ უმალ შეეცადა დასაბრუნებლად შეწყვეტილ ამბავს და განეგრძო თხრობა. ის შიშობდა, არ მიმიხვდეს რატომ შევკრთი და რატომ წამოვიძახე — ეჰ, ეს გულიო.

ბოლოს მაინც მოიკრიბა ძალა, ხმას ისევ დაუბრუნა წელანდელი ბუნებრივი კილო და თხრობა განაგრძო. ამ თხრობაში მას ისევ წარსული დაეუფლა და განსაკუთრებული ცდა აღარ დასჭირვებია იმისათვის, რომ მშვიდი ხმით განეგრძო ლაპარაკი.

— არაფ-ჯემილეს ერთ ხანს მართლაც ხელზე ატარებდნენ. არაფერი აკლდა... ერთხელ მას თეფეუსთუში¹ ვუყურე. მათი დასი იქაც გამოვიდა... აღამიანი რომ ასე ცეკვავდეს, ჩემს სიცოცხლეში არ მი-ნახავს, ღმერთმანი... ვაი მის მკვლელ ნაძირალას. ამბობენ თხუთმეტი წელი მისცესო... ღმერთსა ვთხოვ, რომ იქედან ცოცხალი არ გამო-სულიყოს... თვალეები იქ დაეხუჭოს... ამ ახალგაზრდა გოგოზე როგორ ასწია ხელი... ასეთი კაცი მეგობარი კი არა, ღვთის რისხვაა. იშვიათი ეგზემპლარია. ვითომ მას გამოეზარდოს, მას მოეყვანოს ამ ასაკამდე... იარლიყის დაკვრა არ მოუნდომა... რა ეგონა ნეტავ, ჯემილეზე პატენტს მისცემდნენ თუ ნასყიდობის ქალაქს... არტისტია. პროფესია აქვს ასეთი, უნდა შენთან ივლის, უნდა სხვასთან... მერე, ჯემილე ფანტაზი-ებსაც იყო მიჩვეული. ბოლო დროს მხოლოდ „ბაფრას“² ეწეოდა. ახ-ლა ის ნეილონის ქამრები... ის ნეილონის საცვალი... ისეთი იყო, რომ გადაყლაპავდი... მაგრამ თავს არ გასვლია. სადაც ნაცნობს დაინახავდა, გადაეხვეოდა, კოცნიდა და კოცნიდა.

დიახ, მათ ნამდვილად დებივით უყვარდათ ერთმანეთი. მთელი ცხოვრების მანძილზე ეხმარებოდნენ ერთმანეთს. ოლონდ, როცა ის არტისტი გახდა და დასში შევიდა, მაშინ დიდი ხნით დაშორდნენ. თუმ-ცა სტამბოლში უკანასკნელად ჩამოსვლისას, სიკვდილის წინ რამდე-ნიმე დღით ადრე მან ნახა ჯეჯერიე, და გალათაში ერთად იყვნენ ერთ ნაცნობ ღუქაწში.

— ჯეჯერიე, — უთხრა მაშინ ჯემილემ, — მე შენს შესახებ ველაპა-

¹ თ ე ფ ე უ ს თ უ — უბანია სტამბოლში.

² ბ ა ფ რ ა — ქალაქია სამსუნის ვილაეთში, სადაც უმაღლესი ხარისხის თურ-ქული თამბაქო მოდის.



რაკე ჩვენს პატრონს და ვუთხარი, რომ კარგად ასრულე **სტამბოლის** ცეკვებს. ერთ თვეში ტურნე გვაქვს და შენც წაგიყვანთ.

მაგრამ ჭევრიემ არ მიიღო ეს წინადადება. რადგანაც არაფ-ჯემილეს უკანასკნელი ჩამოსვლის დროს, ის უკვე იცნობდა ამ კაცს და სტამბოლიდან შორს წასვლა შიშსა ჰგვრიდა.

მისივე გულისათვის არ მიიკარა ჭევრიემ სუმბულ-დუდუს ჰაჯი ალა,¹ რომელიც მას საყვარლობას სთავაზობდა.

რამდენს კი არიგებდა სუმბულ-დუდუ:

— ჭევრიე, — ეუბნებოდა ის, — სწორედ შენისთანაზე იტყვიან, ვირის ჭკუა აქვსო... ნამდვილად დაკარგე ჭკუა? თუ შეყვარებული ხარ და გონება აღარ გემორჩილება? კაცი მორთულ სახლს ყიდულობს შენთვის კურთულუშში², ნუთუ სახლის პირველი სართული უარესია, ვიდრე კარაჯააჰმედის სასაფლაო ან თაშკიშლას ვერანები? კაცი ჭკუას არის ვადასული შენგან. სულ ყურები გამომიჭედა — ფოსფორიანი და ფოსფორიანო. გუშინ საღამოს ისევ გამოცხადდა, ცოტა საჭმელ-სასმელი დაუდგით. ცოტა ათაბეის შესახებ ვილაპარაკეთ... ისე, ანთირ ფარანთე³ და, ის კაცი ათაბეის დიდი დოსტია... ისე ტრაბახობს, ისე ტრაბახობს, რომ... ფუთიანებს ატრიალებს... შენი სახელიც ახსენა, ღმერთმანია... მინაყიან ეფენდის დასში რომ ცხოვრებული ბინემეჯიანი იყო, უკეთ ისიც ვერ ითამაშებდა შეყვარებული გრაფის როლს. რაც მეტი ილაპარაკა, მით უფრო გათამამდა და რაც უფრო გათამამდა, ილაპარაკა და ილაპარაკა. ბოლოს არ ვიცი, შენ ვეგონე თუ რა, გადამეხვია და ორივე ლოყა არ დამიკოცნა? მართალი ვითხრა, ცოტა არ იყო, შავშინდი, სხვა რამეც არ დამიპიროს-თქო...

ჭევრიე სიცილით ისმენდა ამ სიტყვებს.

იმ კაცის საყვარლობა არ ინდომა...

მან აშკარად მისცა წინადადება იმ დამეს, როცა სუმბულ-დუდუს წინა ოთახში იყვნენ. ეტყობოდა, რომ ფული აქვს... იმ დამეს ბლომად მისცა ფული და შეპირდა, თუ მასთან ცხოვრებაზე დათანხმდებოდა, ყელსაბამსა და ოქროს სამაჯურს უყიდდა.

¹ გამდიდრებული პროვინციელი მღაბიო.

² კურთულუშ — უბანია სტამბოლში.

³ entre parenthèses (ფრ.) — სხვათა შორის.



ჯევრიე კი ეხუმრებოდა:

— გალათაში რომ ოქროს სამაჯური და ყელსაბამი გაიკეთო, ვინმე ან თავს მოგაჭრის, ან ხელს. მოდი, მე და შენ კვირაში ერთხელ შეგვვდეთ, ჰაჯი ალა, — უთხრა ჯევრიემ და ხელი კისერზე შემოხვია... — ყოველდღე რომ ერთმანეთი ვნახოთ, რა უნდა ვაკეთოთ? შენც ხომ იცი, კაცს ყოველდღე ფახლავისა და ღვეზელის ჭამაც მოწყინდება.

ჰაჯი ალამ სიმთვრალისაგან მოჭუტული თვალები ჯევრიეს მიაპყრო და უთხრა:

— მე შენ სიკვდილამდე არ მომწყინდები, ჯევრიე... — და მხურვალედ ჩაიკრა გულში. ჰაჯი ალა პროვინციელი იყო და ამიტომ დროზე ადრე დაბერებულსა გავდა... მართალია, შვილიშვილებიც ყავდა, მაგრამ ისე კი, ორმოცი წლის კაცი იყო... უღვაშებსაც ატარებდა, სოფლად რომ მეტი პატივი ჰქონოდა. უღვაშები დიდი და ჭაღარაშერეული ჰქონდა.

ცოლს, რომელიც პროვინციაში იყო, ის დიდი ხანია აღარ გაჰკარებია. ეს ქალი ხუთი წლით იყო ქმარზე უფროსი. ადრე მის უფროს ძმასა ჰყავდა ცოლად. ძმა რომ მოკვდა, მაშინ დაიწერა ჯვარი... იმ დროს ქალი ოცი, თვითონ კი თხუთმეტი წლისა იყო. ძალიან დიდხანს, ისეთივე გრძნობით უყვარდა ეს ქალი, როგორც ეხლა ჯევრიე... ათ წელიწადს... მერეც... ბოლოს, როცა თვითონ ოცდახუთი წლისა გახდა და ის კი ოცდაათის, ცოლი ბებრად მოეჩვენა... იმ დროიდან სულ ღალატობდა.

მაგრამ ჯევრიესთან შეხვედრამდე მასზე არც ერთ ქალს ასეთი შთაბეჭდილება არ მოუხდენია...

ბოლო დროს ის ხშირად ჩამოდებოდა სტამბოლს, საქმეები ჰქონდა.

სუბულ-დუღუ რომ ბინას ამბობდა, ეს იყო არა ყველაფრით გაწყობილი ბინა, არამედ ორი ოთახი ბერძნის სახლის პირველ სართულში. აქ ბერძნის დატოვებული ბარგიც იდგა.

ადრე აქ ერთი ახალგაზრდა ბერძნის გოგო ჰყავდა. ექვსი თვე სულ მასთან მოდიოდა ხოლმე. ერთ ღამეს, როცა ის მოულოდნელად ჩამოვიდა სტამბოლში, გოგოს ერთ ახალგაზრდა, ლამაზ ბერძენთან წაასწრო.

— ჩემი ზმაა, ღმერთმანი, ჩემი ზმაა...

ირწმუნებოდა ის გოგო, მაგრამ ყველა პროვინციელის მსგავსად,



არც ჰაჯი აღას უნდოდა ქალაქელებისათვის მოეტყუებინა თავი და ხი-
ხო გამოსულიყო, ამიტომ არ დაუჯერა, ერთი მშვენივრად მოხევეს ის
დაუიცი და გოგოც და გარეთ უკრა თავი.

ბინის ქირა ამ კაცს ერთი წლისა წინასწარ გადაუხდია და ეხლა
ქალი სჭირდებოდა, რომელიც მასთან იცხოვრებდა დარჩენილი ნახე-
ვარი წლის განმავლობაში.

ჯევრიეს მიყვანაც სწორედ ამ ხუთნახევარი თვით უნდოდა.
სხვა ღროს უეჭველია, რომ ჯევრიე, ისევე როგორც სხვა ქუჩის
გოგოები, ასეთ წინადადებას მადლობის გრძნობით მიიღებდა, მაგრამ
ეხლა არ უნდოდა...

არ უნდოდა და ის იყო... ჰაჯი აღასთან ცხოვრებას რომ დათანხმე-
ბოდა, მაშინ აქ როგორღა მოვიდოდა სანატრელი ადამიანის სანახავად...
ჯევრიეს ბორკილებად ეჩვენებოდა კისერზე შემოხვეული ჰაჯი აღას
მკლავები. „ამ საქონელს ერთხელ თუ შეხვდება კაცი. ყოველ დღე
ერთსადამიშავე კაცთან რა გაძლებს?“ — ფიქრობდა ჯევრიე.

*
* * *

ღიან, ჯევრიეს არ სურდა თავისი ცხოვრების ასეთი მხარეების
შესახებ ლაპარაკი. ასეთი რამეები მოაგონდებოდა თუ არა, მაშინვე
თავის მეხსიერების შორეულ, ბნელ კუნჭულებში გადაისროდა და
მხოლოდ ისეთ სურათებს დატოვებდა წინა პლანზე, რომლებიც სასირ-
ცხო არ იყო.

— იმ ურჯულომ დანა შიგ ზურგში ჩასცა არაფ-ჯემილეს, — თქვა
ჯევრიემ. ამოიოხრა და განაგრძო:

— საკუთარ დასავით მიყვარდა. ერთხელ ფული უნდა შეეგაროვო
და მევლუდი! წავაგითხო მისი სულის მოსახსენებლად. მევლუდი კარ-
გია, არა? თურმე მევლუდს რომ წაუკითხავ, მიცვალებულები ძალიან
მშვიდდებიან. მევლუდი თურმე პირდაპირ მათ სულს მიუღით.

1 მევლუდ — ლოცვა, რომელსაც პანაშვიდზე კითხულობენ მიცვალებუ-
ლის სულის მოსახსენებლად.



- საიდან იცით ყველაფერი ეს?
- ესენი კირკ-იამა ჰოჯასაგან ვიცი.
- ვინ არის ეს კირკ-იამა ჰოჯა?
- კირკ-იამა ჰოჯა? ნასწავლი კაცია, ძმაო... სულთანაჰმედზე¹

ვერმანელების წყაროსთან ზის და მოწყალეებას ითხოვს, წითური წვე-
რი აქვს... არც ბებერია, იმ ხნისა არ არის, რომ საღვთო კაცი იყო.
მორწმუნეა... არის ხალხი, რომელთაც მოუხმენიათ მისთვის, ძალიან
კარგი ხმა ჰქონია წინათ. ჰაფიზი² ყოფილა... ისე კითხულობდა თურმე
ყურანს, ისე, რომ... მერე გაუგიათ, რომ კარგი ხმა აქვს და კაზინოში
წაუყვანიათ სამღერლად, ბევრი ფული მიუციათ და ისიც დათანხმე-
ბულა. მაგრამ ღვთის სადიდებლად მინიჭებული ხმა სიმღერის პირველ-
სავე ღამეს ჩაწყდომია... ეხლა ძლივს იღებს ხმას... ამის შესახებ არა-
ფერს ამბობს, მალავს. მეველუდის ამბავი მან მასწავლა. ალაჰის არსე-
ბობა და ალაჰის სიყვარულიც მან მასწავლა. ძალიან მიყვარს მასთან
საუბარი.. როცა კი ვხვდები, გვერდით მივუჯდები ხოლმე... მისი სიტ-
ყვები გულში წვდება ადამიანს... ჯემილე რომ მოკვდა, ბევრი ვიტირე...
ბევრი ვიტირე იმ დღეს... მერე, გიჟივით რომ დავძრწოდი, გზაზე შე-
მომეჭარა. მივედი და გვერდით მივუჯექი, ბევრ რალაცეებზე მელაპა-
რაკა. კირკ-იამალი ჰოჯა ამბობს, რომ ადამიანმა თუ ერთხელ მოინანია,
რა ცოდოც არ უნდა იყოს, ღმერთი აპატიებს. ოღონდ ერთხელ მთე-
ლი გულით უნდა მოინანიო.

ჯევრიეს, მართალია, ხმამაღლა არ უთქვამს, მაგრამ თავისთვის
კი გაიფიქრა: „მეც მოვინანიებ ერთხელ. ჯერ ახალგაზრდა ვარ. როცა
დავბერდები და სიკვდილი მომიახლოვდება...“ — შემდეგ ხმამაღლა
განაგრძო:

— როცა ჯემილეს დავტიროდი, კირკ-იამალი ჰოჯამ დამინახა და
მკითხა: „რა გატირებს ჯევრიე?“ — მე ვუპასუხე: „გახსოვს, წინათ
ერთი გოგო დამყვებოდა ხოლმე. არაფ-ჯემილეს ეძახდნენ. არ ვიცი
გინახავს თუ არა? ერთმა ურწმუნომ ზურგში ჩასცა დანა და მოკ-
ლა“. — „ძალიან გიყვარდა?“ — მკითხა. „აბა ეგ რა სათქმელია. —
საკუთარ დასავით ახლობელი იყო ჩემთვის. თანაც ბევრი სიკეთე მახ-

¹ სულთანაჰმედ — უბანია სტამბოლში.
² ჰაფიზი — ყურანის ზეპირად მცოდნე.



სოვს მისგან“. — ვუპასუხე და ყველაფერი ვუამბე. — „შენ ვალში ყოფილხარ მის წინაშე, მეველუდი მოუწყე, შენც მოისვენებ და ისიც“. მე მას ყოველთვის ვაძლევ ხოლმე ფულს, რომ ჩემთვის ილოცოს. ალაჰმა ყველაფერი იცის. ის რომ ილოცებს, ეცოდინება, რომ ჩემთვისაც ლოცულობს... ალაჰს აბა რა გამოეპარება, მისი თვალების ჭირიმე...

— ალაჰი ძალიან გიყვართ, ჯევერიე?

— აბა, სხვა არავინა მყავს, ძმაო, რომ მიყვარდეს. — ღრმავარდნად უპასუხა ჯევერიემ.

— რისთვის გიყვართ?

— მწამს და მიყვარს.

— ძალიანა გწამთ?

— მწამს, რასაკვირველია. მაშ ვილა ვიწამო თუ არა ღმერთი?

კაცი გაჩუმდა. მის უკან ცის უსასრულო ნაფლეთი და უთვალავი ვარსკვლავი მოჩანდა.

— რაც ამქვეყნად გვაკლია, ღმერთი თურმე ყველაფერს მოგცემს იმქვეყნად... საიქიოს... იქნებ დედაც მარგუნოს იქ...

ჯევერიე იცინოდა. ეს აზრი მას უცნაურად ეჩვენებოდა.

— იქნებ ის ბუმბულიანი და ყვავილებიანი ქუდი და ქსოვილიც მომცეს, რომელსაც მე, როგორც კატა ძეხვს, ვუცქერი ხოლმე ბეი-ოღლუს მალაზიების ვიტრინებში... თურმე ყველაფერს მოგცემს, რაც შენს სულს უნდა...

უცბად ჯევერიეს თვალწინ გაუელვა კაფალიჩარშის ერთ დუქანში ნახულმა საპატარძლო კაბებმა, ფატებმა და ისე მოეჩვენა, თითქოს ზედაც ეცვა. მან წარმოიდგინა თავისი თავი თეთრ კაბასა და ფატაში, ხოლო თავის გვერდით ის, მისი საქმრო, წითელი ცხვირსახოცით გულის ჯიბეში, ფეხზე ახლად გაპრიალებული ფეხსაცმელით, ყელზე ვარდებიანი ჰალსტუხით. რა შესანიშნავი სასიძო იქნებოდა ლურჯ პიჯაკში და ნაცრისფერ გატკეცილ შარვალში. ის სუნამოიან ხელს გამოუწვდიდა ჯევერიეს, მკლავში მოჰკიდებდა... შემდეგ კი, ქალაქის მმართველობაში შესვლისას, აუცილებლად გადაიღებდნენ სურათს მობეტიალე ფოტოგრაფთან...

ასეთი ოცნებისაგან ჯევერიეს გულმა ტკბილად დაუწყო ცემა. თუმცა თავისთვის კი ფიქრობდა: „ნეტავ რა საჭიროა ეს უცხო საკენკი,



ამქვეყნად ასეთი რამეები არ ხდება. ეს მხოლოდ იქ შეიძლება მოხდეს, სამოთხეში, სადაც გულის ყველა წადილი სრულდება.

— ჩვენს გულს რაც ენატრება, თურმე ყველაფერი ასრულდება სამოთხეში, — ჩურჩულით წარმოთქვა ჯევრიემ. — ყველაფერი უმაღვე გაჩნდება, რასაც კი ჩვენი სული ინდომებს... საჭმელი, სასმელი, ტანსაცმელი, ყველაფერი...

— მიცვალებულებს ხომ ხორცი არა აქვთ, — თქვა მან, — და საჭმელ-სასმელი რად უნდათ?..

— მეორედ მოსვლის დღეს თურმე ეს ქვეყანა ხელის გულივით გასწორდება და სუღარებში გახვეული მიცვალებულები საფლავებიდან ამოცვივდებიან...

— ვინ ვიამბოთ ესენი?

— კირკ-იამალი ჰოჯამ... განა შენ არ გაგიგონია?

— არა!..

ჯევრიე ერთი წამით გაჩუმდა.

— შენ იქნებ ღმერთი არა გწამს? — ჰკითხა მან ცოტა ხნის შემდეგ.

— არა! — უბასუხა მან ყრუდ, მაგრამ რიხიანად.

ჯევრიე შეკრთა:

— როგორ, ღმერთი თუ არა გწამს, მაშ საიდან ხარ ასეთი კეთილი... დაიფიცე... ვისაც ღმერთი სწამს, სამოთხეც სწამს. სამოთხე თუ არ ვიწამეთ, მაშ რიღას იმედი უნდა გვქონდეს ამ ქვეყნად...

— მეცა მწამს სამოთხე, მაგრამ ჩემი სამოთხე კირკ-იამალი ჰოჯას სამოთხე არ არის....

*

* *

ჯევრიეს არასოდეს არავისთან არ უსაუბრია ასე დიდხანს. მას არ ახსოვს, რომ ასე დიდხანს ელაპარაკოს. ჯევრიე სასიამოვნო მოთენთილობას გრძნობდა. გულაღმა იწვა და ცას გასცქეროდა.

ვარსკვლავები სინათლის წვიმასავით ხშირ-ხშირად ცვიოდნენ დაბლა.

არა! მართალია, მათ შორის არაფერი ყოფილა, მაგრამ ეს ღამე, რო-

ცა ჭევრიემ მის წინ გადაშალა ყველაზე უფრო ტკბილი მოგონებები, სიკვდილამდე არ დაავიწყდება. ამ ღამის მოგონება მუდამ მის გულსა და გონებაში, როგორც მისი ცხოვრების ყველაზე ბედნიერი წუთების მოგონება.

*
* *
*

გადიოდა დღეები და ჭევრიე სულ უფრო ხშირად იმეორებდა გულში: „ვინანებ, ვინანებო“, რადგან გრძნობდა, რომ ის მის გულში ალაპისთვის განკუთვნილ ადგილს იკავებდა.

ჭევრიე გრძნობდა, რომ პატივსა სცემდა მას, უყვარდა, გრძნობდა რომ მის თვალში ის ყველაზე მაღლა იდგა და ყველაზე ძლიერი იყო.

ეს გრძნობა ძალიან გავდა იმას, რომელსაც ჭევრიე ალაპის მიმართ განიცდიდა.

ეხლა ამ უცხო კაცის მიმართ ჭევრიეს ისეთივე გრძნობა ამოძრავებდა, როგორიც ალაპისადმი კირკ-იამალი ჰოჯას შთაგონებებით გამოწვეული სიყვარული და პატივისცემა.

ჭევრიე ისევე იყო აღფრთოვანებული და ისევე სცემდა თაყვანს მას, როგორც ღმერთს და ისევე არ ელოდა მისგან თანაგრძნობას, როგორც ღვთისაგან არ ელიან მორჩილებისა და თაყვანისცემის სანაცვლოს.

კირკ-იამალი ჰოჯას მიერ მოწყალე და გამჩენი ღმერთის მიმართ ჩანერგილი რწმენა თუ ის კუნჭული იყო, სადაც შინაური ცხოვრების ყველა ცოდვებისაგან შეიძლებოდა განწმენდა, სამაგიეროდ ჭევრიეს გრძნობები იმ კაცისადმი ყოველდღიური ცხოვრების სიბინძურისა და ცოდვილი გრძნობებისაგან თავის დასაცავ თავშესაფრად იქცა.

ჭევრიე მისგან არ მოითხოვდა იმას, რასაც სხვა მამაკაცებისაგან და არც ის ელოდა ჭევრიესაგან ისეთ რამეს, რასაც მისგან სხვა კაცები მოელოდნენ.

მიუხედავად ამისა, უფრო სწორედ, ამის გამო ის გადაიქცა იმ ღერძად, რომლის გარშემოც ტრიალებდნენ მთელი მისი ფიქრები და გრძნობები.

მისი ოთახი სამოთხის ერთ პატარა კუთხესა ჰგავდა.



ჯევრიე აქ სულ სხვა ჰაერით სუნთქავდა, სულ სხვა ცხოვრობდა. ასეთი რამ მას წინათ ვერც კი წარმოედგინა.

სატრფოსთან მიმავალი ადამიანის მსგავსად, რომელიც ყოველდღიურ ტანსაცმელს გაიძრობს და ახალს გადაიცვამს, ჯევრიეც თავიდან იშორებდა გარყვნილებას, ქუჩას, სამიკიტნოებს, სამართებლის ტრიალს, ჩხუბს, უწმაწურ სიტყვებს და ისე მიდიოდა მასთან.

იცვლებოდა მთელი მისი არსება, დიდრონ შავ თვალებში ისადგურებდა სიყვარულის შთაგონებული ცეცხლით ანთებული და ღრმა იღუმალებით სავსე გამოხედვა, პირის კანზე ქორთა ბავშვივით სპილოს ძვლის ფერი ედებოდა, ხოლო წითელი ბაგეების კუთხეებში იმედის სხივი უთამაშებდა. შიში და იმედი, ნაღველი და ბედნიერება, სირცხვილი და მღელვარება ცინიზმისა და გარყვნილების საფარისაგან წმენდდა მის სახეს.

ჯევრიეს, რომელიც ყველა გამვლელ-გამომვლელს უთმობდა თავის სხეულს, განსაცვიფრებელი სულიერი სიწმინდით უყვარდა იგი და მის ოთახში შესვლისას ისე როდი უბზინავდა თმა, როგორც ქუჩაში ფარნის ძირას მდგომს, როცა ის გამვლელებს ეპატიჟებოდა ხოლმე. ეს არ იყო შეცოდებით აღსავსე და კუნძაპეტ ღამეებში მამაკაცების ვნების აღმგზნები ის ბზინვა, რომლის გამოც სტამბოლის ქუჩებში მას მეტსახელად „ფოსფორიანი“ შეარქვეს... არა, მის ოთახში და მის გვერდით ყოფნისას ეს ბზინვა გავდა იმ ნათელს, რომელიც საფოსტო ბარათებზე გამოხატულ ანგელოზებს ადგათ თავზე. ეს ნათელი დვთაებრივ იერს ანიჭებდა მას. ჯევრიე, „ფოსფორიანი ჯევრიე“, მასთან თავისი ნამდვილი სახისაგან გაძარცვული მოდიოდა.

„ფოსფორიანი ჯევრიე“, რომელმაც არც სახე, არც სახელი და არც რიცხვი იცოდა მასთან დრონატარები მამაკაცებისა, დიახ ეს ქუჩის ქალი, ამ მამაკაცის წინაშე, რომელიც არამც თუ უცქერდა მას როგორც ქუჩის ქალს, არამედ არც კი უგრძობინებია ეს, ისეთი მორცხვი. ისეთი წმინდა და უმწიკვლო იყო, თითქოს არასოდეს არც მამაკაცის ხელი შეჭებოდეს და არც მამაკაცის მზერა ეგრძნოს.

ჯევრიე ამას ვერავის ვერ უყვებოდა. რომც უამბნა, არვინ დაუჯერებდა.

მაგრამ ცხადი იყო, რომ ამ უცხო მამაკაცმა მის ცხოვრებაში ასეთი უცნაური ცვლილებები მოახდინა.

მისი სული იწმინდებოდა ყველა ბინძური და მინარევი ვნებებისა-
გან და მის წინაშე კრისტიანულით ანკარა არსებით წარსდგებოდა
ხოლმე.

ეს სულიერი ცვლილებები მის გარეგნობასაც სხვა ნიშანწყალსა
სცხებდა.

ნახანძრალების, სამიკიტნოების, საროსკიპოებისა და ქუჩის ნაც-
ნობებს რომ ის ამ ოთახში ენახათ, ჯვერიე არისო, ვერ იტყოდნენ.

ღიახ, აქ ის არც მხრებს ათამაშებდა ცეკვის დროს და არც თავს
იქნევდა წარამარა, რომ სახეზე ჩამოშლილი თმები გადაეგდო უკან.

მისი ხმა აქ კარგავდა სიანჩხლეს. მისი სხეული დინჯად და მსუ-
ბუქად მოძრაობდა.

მასთან რომ მიდიოდა, ცდილობდა ზედმეტი ფერ-უმარული მოე-
შორებინა, დაეგარცხნა გაწეწილი თმები და ტანსაცმელი გაეწმინდა.
ჯვერიეს მუდამ მასთან, განუშორებლად მასთან ყოფნა უნდოდა.

უნდა ითქვას, რომ ეს ახალი ჩვევები სათანადო პირობებში შეიძ-
ლება ჯვერიეს ნამდვილ ბუნებადაც გადაქცეულიყო.

თვითონ ის თუ ხედავდა, ნეტავ, რა ზეგავლენას ახდენდა ამ გო-
გოზე?

ნეტავ რატომ აძლევს ჯვერიეს საშუალებას განაგრძოს ეს ურთი-
ერთობა? რატომ არ ცდილობს დაეუფლოს ამ ქალს, რომელსაც ქთელი
ზამთრისა და ზაფხულის არაერთი ღამე გაუტარებია მის სახლში.

იქნებ ეშინია მასთან ასეთი ურთიერთობის დამყარების, თავის
ცხოვრებაში მისი კიდევ უფრო ღრმად შეშვების?

ბოლოს და ბოლოს თვითონაც მარტო ცხოვრობს! პირდაპირ გაუ-
გებარია.

სადაც ვინმე ქალიც რომ ჰყოლოდა, მაინც ძნელი იყო იმ გულ-
გრილობის ახსნა, რომელსაც იგი ასეთი, და მასთან ასე დაახლოებული,
ქალისადმი იჩენდა.

მაგრამ ასე კი იყო და ამას ვერავინ შეცვლიდა.

ხანდახან, ქუჩაში რომ მიდიხარ, უკან გაძვალტყავებული კატა ან
ქეციანი ძაღლი აგედევნება. რამდენიც არ უნდა გააგდო, რამდენიც
არ უნდა ეცადო, რომ თავიდან მოიშორო, ის მაინც მოგდევს. ჯერ
განერვიულდები, შემდეგ გული მოგივა, მაგრამ ბოლოს მოლბები. რამ-
დენჯერმე სახლშიც კი შეიყვან და ბოლოს შენი განუყრელი და საყვა-
რელი მეგობარიც კი გახდება.



ალბათ ჯვერიეც ასე იყო მისთვის. თავდაპირველად ნამდვილად ვერ
სურდა მისი იქ ყოფნა, შემდეგ გული მოსდიოდა მის მოსვენებას, შემდეგ
ლოს კი შეურიგდა, როგორც ფაქტს.

ისიც მიხვდა, რომ ჯვერიე შეეჩვია მას, უკვე ენდობოდა ჯვერიეს.
კაცი, რომელსაც ის „ნათესავს“ ეძახდა და რომელსაც მასთან საქმე-
ლი მოჰქონდა, ესლა უკვე გარეთ აღარ ტოვებდა საქმელს. ის ჯვერიეს
იქ ყოფნის დროსაც კი შემოდებოდა ოთახში. ესლა უკვე ჯვერიემაც
იცოდა ვინ იყო ის. ის ქარვასლის კარისკაცი იყო.

ჯვერიე ძალიან გახარებული იყო, რომ შინ დადიოდა ისეთ კაც-
თან, რომელიც ასეთ საშიშ და საიდუმლო ცხოვრებას ეწეოდა. ამით
თავი მოსწონდა კიდევ. ამაყობდა, რომ ის იყო ერთი იმ ორი ადამიანი-
დან, რომლებიც მის ცხოვრებაში მონაწილეობდნენ.

ეს კარისკაცი მისი თანამონაწილე უნდა ყოფილიყო. ჯვერიემ იცო-
და, რომ ამ კაცს პოლიციისა ეშინია და უეჭველია, მისი საარსებო
წყაროც დაფარული იყო.

ჯვერიეს ეგონა, რომ ის ციხიდანაა გამოქცეული, დასაჭერად დას-
დევნენ. ან კიდევ რეციდივისტია, რომელსაც რაღაც ბნელი საქმეები
აქვს ჩადენილი.

კანონთან, პოლიციასთან და კანონიერ ცხოვრებასთან ნორმალური
დამოკიდებულების არც ერთ ადამიანს არ იცნობდა ჯვერიე და ამიტომ
არც ეს გაკვირვებია. ფაქტია, რომ ეს კაცი ისევ განაგრძობდა თავის
დანაშაულს. ასეთ რამეებში ჯვერიე გამოცდილი იყო.


ჯვერიეს ისიც კი ეგონა, რომ დაახლოებით იცოდა, რაში მდგომარე-
ობდა მისი დანაშაული.

ეს თავისებური კონტრაბანდა იყო. ის ნავით მიდი-მოდებოდა სად-
ღაც. მძიმე პაკეტებით რაღაცა მოჰქონდა საიდუმლო ბინაზე... ის ან
მძარცველი იყო, ან კონტრაბანდისტი.

დიხ, იყო ორი კაცი, რომელიც მის საიდუმლო ცხოვრებაში მონაწი-
ლეობდა და მისი საიდუმლო თავშესაფარი იცოდა. ერთმა მათგანმა
ეს აუცილებლობის გამო იცოდა.

თვითონ მას რაც შეეხებოდა, ის მასთან საქმიანი კავშირის აუცი-
ლებლობით არ იყო დაკავშირებული.

მიუხედავად ფარული ცხოვრებისა, მან ქუჩაში არ მიატოვა ავად-



მყოფი ჯევრიე, სინიდისმა არ მისცა ამისი უფლება და ეს უცხო ქალი თავის სამალავ ადგილზე მიიყვანა.

და ეხლა ჯევრიეს უნდოდა, რომ მისი ნდობის ღირსი და მისი ერთგული ამხანაგი ყოფილიყო.

*
* * *

ჯევრიეს ორი ერთმანეთისაგან განსხვავებული ცხოვრება ჰქონდა. ერთი, როცა მასთან იყო, მეორე როცა მასთან არ იმყოფებოდა.

ეს ორი ცხოვრება სრულებით არ ეხებოდა ერთმანეთს. მათი მიჯნები ოდნავადაც არ ირეოდნენ ერთმანეთში. ისინი მკაცრად შემოფარგლული საზღვრებით იყვნენ ერთმანეთისაგან გამოყოფილნი.

ჯევრიე მასთანაც და ქუჩურ ცხოვრებაშიც ერთნაირად გულწრფელი იყო.

არც აქა და არც იქ ძალას არ ატანდა, რომ ბუნება შეეცვალა. ორივეგან ცხოვრობდა ისე, როგორც მის სულსა და გულს სურდა.

იმ ღამეს, როცა მის ოთახში არ იყო ხოლმე, ისევ ქუჩის კუთხეში იდგა და მუშტარს ელოდა, ან კიდევ ცეკვავდა მოქიფებთან, რომლებიც ტაშს უკრავდნენ და „ვაშა, ფოსფორიანო!“ შესძახოდნენ.

ის ისევ რჩებოდა გალათის, ჩემემეიდანის, ბეიოლლუს განაპირა ქუჩების, თოფჰანეს, თაშკიშლას, გიუმუშსუიუს, იენიშეჰირის, კურთულუშის და მეჯიდიეჰიოის ერთადერთ ფოსფორიანად.

ის ისევ ქუჩის მაწანწალების, მამალი რეციდივისტებისა და სტამბოლის ნაძირალების ცნობილი ღამაზმანი იყო, ვნებიანი კახპა, ფოსფორიანი ჯევრიე.

სამიკიტნოებში ისევ ჩხუბობდნენ მისი გულისთვის მამაკაცები.

ეს ქუჩის ფოსფორიანი ძველებურად ხან ფულისათვის, ხან უფულოდ მარცხნივ და მარჯვნივ არიგებდა თავის სილამაზეს, თავის ქალობას.

ეს ის ცეცხლოვანი ჯევრიე იყო, რომელიც მშვიერ კუჭში დიდი ჭიქით ისხამდა არაყს, უხვად ისროდა უწმაწურ სიტყვებს და ცეკვის დროს კეკლუცად ათამაშებდა ხოლმე თავის ბრინჯაოსფერ მხრებს.

ღიახ, სრულებით არ შეცვლილიყო ძველი ჩვევები, ძველი ცხოვრება ისევ გრძელდებოდა.

ოლონდ ერთი კია, რომ ჭევრიე ცდილობდა არავისი საყვარელი არ ყოფილიყო, ან არავინ აეკიდებინა. ამიტომ მეორედ აღარ მამაკაცს, რომელთანაც ერთხელ უკვე იყო ნამყოფი.

თავისი გამოცდილებით ჭევრიემ კარგად იცოდა, რომ ხელახალმა შეხვედრამ შეჩვევა იცის და ამიტომ ცდილობდა, ასეთ შემთხვევებს ადგილი არა ჰქონოდა, თუმცა წინათ თვითონ ძალიან უყვარდა ვინმე გაქანებულ რეციდივისტთან მეგობრობა, მის საყვარლად ყოფნა... ეს, ჯერ ერთი, პატივისცემას იწვევდა სხვა გოგონებში და მეორეც, ყველა ძალღი-მამაძალღი უბატონოდ ხმას ვერ გასცემდა.

მაგრამ ეხლა ჭევრიეს არავის საყვარლობა არ უნდოდა.

სხვაგვარად ის ერთი წამითაც ვერ მივიდოდა ნეჯათიბეის ქუჩაზე საიდუმლო ადგილას, ვერც კი გაივლიდა იმ ქუჩაზე, რომ არავის მიეკვლია საიდუმლო თავშესაფარისათვის.

ეს იყო ის, რასაც განსაკუთრებულ ყურადღებას აქცევდა ჭევრიე. ამ კაცის არსებობის შესახებ ჭევრიეს ჯერ ერთი სიტყვაც არსად დასცდენია. ის ყოველ წამს თრთოდა შიშით, გაუფრთხილებლობის გამო არავისთვის გაემხილა მისი არსებობა, მისი საიდუმლო თავშესაფარი და ყველაზე ძვირად თავის ცხოვრებაში ამ საიდუმლოების შენახვას აფასებდა.

მერე, სულ სხვა მიმზიდველობა და ლაზათი ჰქონდა იმასაც, რომ ეს ადგილი საიდუმლო და ფარული იყო, განსხვავდებოდა მისი ყოველდღიური ცხოვრებისაგან და საერთო არაფერი ჰქონდა მასთან.

*

* *

ჭევრიე თავისი არსების ერთ ნაწილში ქუჩის ქალი იყო, მეორეში — ამხანაგი. დიახ, თან კიდევ მამაკაცის ამხანაგი.

ეს მამაკაცი მას თქვენობით მიმართავდა; ხელს არ ახლებდა და მიუხედავად იმისა, რომ მთელ ღღეებს ატარებდნენ ხოლმე ერთად. ერთხელაც კი არ მოხვევია.

ისევე სცემდა პატივს, როგორც წესიერ ქალს და სხვებივით დასისხლიანებული, ველური თვალებით არ უტკეპროდა და არ ეუბნებოდა — გოგო, ერთი ჩამოუარეო.



მას აზრადაც კი არ მოსდიოდა ასეთი რამე მოეთხოვა ჯეჯეძის
თვის.

ის ყოველთვის მომღიმარი სახით, როგორც სანუკვარ მეგობარს,
ისე ხვდებოდა ხოლმე ჯეჯეძის.

ღიას, ამ ორ ცხოვრებას შორის ღამეების სქელი კედლები იყო
აღმართული. ეს ორი ცხოვრება ყველაზე უფრო უკუნ ღამეებში ხვდებოდა
ერთმანეთს.

ჯეჯეძე მიატოვებდა ხოლმე სიბინძურითა და უწმინდურობით სავსე
სააშუალო ცხოვრებას და უკუნეთი ღამეების საფარქვეშ მიაშურებდა
თავის იღუმალს, მაგრამ წმიდა ცხოვრებას.

*
* * *

ჯეჯეძემ რამდენჯერმე მოინდომა გამოეკითხა მისი ცხოვრების
ამბავი.

ეს ქალის უბრალო ცნობისმოყვარეობა არ იყო. შეყვარებულ გულს
სურდა, რომ უკეთ გაეცნო იგი. ჯეჯეძის სურდა გაეგო რა აიძულებდა
მას ეცხოვრა ასე საიდუმლოდ, რა დააშავა ისეთი, რომ ყოველ ფა-
ჩუნზე კრთის... და საერთოდ, რა საქმიანობას ეწევა.

ჯეჯეძის ბევრი უნახავს ისეთები, ვინც პოლიციას ემალემა და კა-
ნონის გარეშე ცხოვრობს.

მაგრამ ასეთი ფრთხილი ჯერ არავინ შეხვედრია.

აჰ, ნეტავ მისი სახელის და ცხოვრების გამოცნობა შეეძლოს. ეჰ,
ნეტავ ერთად შეეძლოს ყველა მოსალოდნელი საფრთხის თავიდან
აცილება. რა ბედნიერი იქნებოდა ჯეჯეძე.

ჯეჯეძემ იცოდა, უფრო სწორად, გრძნობდა, რომ ყოველ შეკით-
ხვას შეიძლებოდა მისი ეჭვი გამოეწვია და ამიტომ ერჩია დაკმაყოფი-
ლებულიყო იმით, რაც იცოდა მისი ცხოვრებისა და პიროვნების შე-
სახებ.

*
* * *

ერთი წლის მანძილზე მის ოთახში გატარებული დღეები რომ ერ-
თად შეგვეკრიბა, ალბათ ორთვენახევარი გამოვიდოდა.



დიახ, ისინი ნამდვილად და საცხებით იყვნენ ერთმანეთს უკავშირებელი ულნი.

მანაც შეუშვა ჭევრიე თავის ცხოვრებაში.

ამ განმარტოებულ ცხოვრებაში მას იქნებ ართობდა და ამწვიდებდა კიდევ ეს ქუჩიდან მოსული ენაჭარტალა ქალი, რომელიც, მიუხედავად თავისი ცხოვრების ბინძური თავგადასავლებისა, ბავშვივით ტიტინებდა.

მასთან გატარებული ყოველი დღე, ყოველი საათი და ყოველი წამი ჭევრიეს თავისი ცხოვრების უბედნიერეს დღედ, საათად და წამად მიაჩნდა და როცა მარტო იყო ხოლმე, ვერც კი იტყოდა რომელი რომელს ჯობდა.

მაგრამ ეხლა, იმ დღეების მოგონებებს შორის, ყველაზე ბედნიერ და ყველაზე უბედურ დღედ მას მიაჩნდა ის ახალი წლის წინა ღამე. როცა ისინი უკანასკნელად შეხვდნენ ერთმანეთს.

ჭევრიემ იმ დღეს დილიდან მოამზადა მისთვის ერთი კოლოფი კამფეტი, იყიდა საფოსტო ბარათი, რომელზეც ფერადი თოვლის პაპა, ორი ბავშვი, მზე და ვარსკვლავები ეხატა, მივიდა ცენტრალურ ფოსტასთან და, მეტი სილამაზისათვის, შემდეგი სიტყვები გამოაყვანიდა საბეჭდ მანქანაზე: „გილოცავთ ბედნიერ დღესასწაულს, გულწრფელად გართმევთ ხელს“. შემდეგ იყიდა კონვერტი, რომელზეც მტრედი ეხატა ნისკარტში კონვერტით, ეს ბარათი შიგ ჩადო და კონვერტი ფერად. პრიალა ლენტებს შორის გაატარა, რომლითაც კამფეტების კოლოფი იყო შეკრული, შემდეგ კი ქუჩა-ქუჩა მოჰყვა ხეტიალს, რომ როგორმე დრო გაეყვანა საღამომდე.

მას ადრეც ძალიან უყვარდა დღესასწაულები. ეს დღეები მათთვის ყველაზე ხელსაყრელი, ყველაზე შემოსავლიანი და მხიარული დღეები იყო.

მაგრამ დღეს ის ცდილობდა არსად გამოჩენილიყო, არავის დანახვებოდა, რომ ჩამოზნელებისთანავე მასთან წასულიყო.

ამაზე ფიქრით გართული ჭევრიე ბებქეში¹ ტრამვაების გაჩერებისაკენ მიდიოდა, რომ ვილაცამ ხელი სტაცა:

— საით, ფოსფორიანო? — ჩასძახა ვილაცამ ყურში.

¹ ბ ბ ე ქ — უბანია სტამბოლში.



„ვამი, მაინც გამომიჭირეს“, — გაიფიქრა ჯვერიემ თავისთვის და მოიხედა. მის წინ კაფე „ჯვეიზლის“ ძველი მსახური ქემალი იდგა, რომელიც შვებულებით გამოეშვათ ჯარიდან.

— ვამი, შენა ხარ? — წამოიძახა ჯვერიემ.

— საით, ასე გამალებული? — ჰკითხა ქემალმა. — მოდი ერთი სადღესასწაულოდ ჰერს ქუდი ვკრათ. შენს ბარბასთან წავიდეთ... ვადავკრათ ცოტაოდენი, წამო, ჰა!

— საქმე მაქვს...

— კარგი ერთი, ჯვერიე...

— ამ უთენია ლოთობის დრო არა მაქვს...

— რაშია საქმე, ცოდვები ხომ არ მოინანიე?

ამ სიტყვამ უეცრად სული გაუნათლა ჯვერიეს.

— მოვინანიე კი არა... — თქვა ჯვერიემ, მხრები შეათამაშა და თვალი ჩაუკრა: — საქმე მაქვს, კაცო.

— იქნებ ანგაყირებული ხარ!..

ქემალის თავიდან მოშორება იყო საჭირო. მაგრამ არ იცოდა როგორ, ქემალს ორივე ხელი ჩაეკიდა მისთვის და ანჭლრევდა.

— ძალიან მომენატრე, ჩემო ფოსფორიანო!

ქემალი მისი ძველი მეგობარი იყო. ჯარში წაყვანამდე შეყვარებულიც კი იყო ჯვერიეში კარგა მაგრად.

ჯარში წასვლამდე ჯვერიესაც მოსწონდა ქემალი. ის მაღალი, შავგვრემანი ბიჭი იყო. უკან ვადავარცხნილი შავი გრუზა თმა, სწორი ცხვირი, მტაცებელი ცხოველივით დიდი პირი და წვეტიანი კბილები ჰქონდა.

ჯვერიეს მაშინ სწორედ ეს პირი მოსწონდა.

ის ცდილობდა ხშირად შეხვედროდა ხოლმე ამ გაუთლელ ბიჭს. ის ბევრ სხვას ერჩია.

ქემალი რომ ჯარში მიყავდათ, ჰაიდარფაშას! სადგურზეც კი გააცილა.

იმ დღეს ქემალი სულ ერთსადაიმავე კუბლეტს იმეორებდა იმ სიმღერისგან, რომელსაც „ფოსფორიანი ჯვერიე“ ეწოდება:

1 ჰაიდარფაშა — რკინიგზის სადგურია სტამბოლის აზიურ ნაწილში.

ნავმისადგომი ხიდის თავშია,
ჩემი მიჯნური მიდის ჯარშია.
განა ცოტა ხნით, ჩემო ჯევრიე,
სამ წელს ვიქნები იმის ჯავრშია.

მღეროდა ქემალი და ამ ვეება ვაჟკაცის თვალები ცრემლით ივსებოდა.

— ჯევრიე, თუ დავბრუნდი, ერთად ვიცხოვროთ!

— შენ ჯერ დაბრუნდი, — უთხრა მაშინ ჯევრიემ და როცა ქემალი თვალს მიეფარა, ორად ორი წვეთი ცრემლიც შეიმშრალა.

გემით უკან დაბრუნების შემდეგ ჯევრიეს ის აღარც კი გახსენებია...

ქემალი კი ყოველი შვებულების დროს ეძებდა, ნახულობდა ჯევრიეს და მთელ შვებულების დღეებს დილიდან საღამომდე ერთად ატარებდნენ.

ეხლა კი, როცა ქოს-აითენმა უთხრა, კაფე „ჯევიზლის“ ქემალი შვებულებაში ჩამოსულა და დაგეძებსო, გული ყელში მოაწვა და გადაწყვიტა, აღარ გაეგლო იმ ადგილებში, სადაც შეიძლება ქემალი შეხვედროდა.

ჯევრიე ვარაუდობდა — ის სადღესასწაულოდ არის შვებულებაში ჩამოსული, ჩემთან მოინდომებს ამ დღეების გატარებას, ამეკიდებაო და ამიტომ მასთან შეხვედრა აღარ უნდოდა.

მაგრამ ეხლა ის უკვე მის წინ იდგა, ორივე ხელი ჩაეგლო და ეუბნებოდა:

— ძალიან მომენატრე, ჩემო ფოსფორიანო...

ჯევრიემ თავი გაითავისუფლა მისი მკლავებიდან.

— ბიჭო, რასა შვრები, ძალასა სინჯავ თუ რა? მკლავები გინდა დამამტვრიო?.. — შეშინდა ჯევრიე, მკლავებზე დაიხედა და როცა ნახა, რომ გაწითლებული ჰქონდა, გაბრაზდა.

— არა გრცხვენია, ბიჭო, ერთი ჩემს მკლავებს დახედე, როგორ გამოვჩნდე ასე ვინმესთან?..

ამ ალაღმა გულისწყრომამ ქემალი გააცოფა.

— ჰა, რა იყო, შე გათახსირებულო? მეგობარი გაიჩინე?..

გაბრაზებული ქემალის დანახვაზე ჯევრიე უცბად გონს მოეგო:

— შენ რა ბრიყვი და ჩერჩეტი ყოფილხარ, ბიჭო? ვერა ხედავ, რომ გენაზები?.. ცოტა თუ გაიპრანჭა კაცი, ამ მამაძაღლებმა მაშინვე



აყალბაყალი უნდა აგიტეხონ... რომ ეჭვიანობ კიდევ... ჩვენს ლოზებში ხომ არა გგონივართ, რომ უჭმელ-უსმელი გავძლოთ მთელი წელიწადი? ჭამა არ გვინდა, თუ რა? რამდენ ხანს უნდა გაძლოს კაცმა უჭმელად? ყოჩაღ, შენა... რომელი ქარვასლები, აბანოები და სახლები, ლიონის კრედიტი და ოსმალეთის ბანკი დამიტოვა მამა-პატრონმა? ეს ბატონიშვილი თურმე ეჭვიანობს?... ვალათაში მაგისტანას არავინ ჭამს. ეს წელიწადი შენ მაცხოვრებდი, ეხლა რომ მეკითხები — ვინმე გყავს თუ არაო? ყური მიგდე, ქემალ, ნაყიდი ვარ შენგან თუ რა? შენ ხომ იცი, მე რა საქონელიცა ვარ... არ გინდა, თავი დამანებე... ოღონდ ისიც იცოდე, რომ მეგობარი არა მყავს... ამ საღამოს კი შეგვიძლია ჭერში ვისროლოთ ქუდები... თანაც ისე კი არა, ბარბასთან, ფეხზე დამდგარი... ერთი კარგად უნდა დავლიოთ... დავლიოთ კი არა, ერთი უნდა გამოვიტრიტოთ... ჩვენი ქემალი მუდამ როდის არის აქა, ერთი ნახავ, რა ჩივთეული დავცხო შენი შვებულებისა და დღესასწაულის სახელობაზე... ოღონდ ეხლა შემეშვი... საქმე მაქვს... საღამოს ხუთ საათზე ბარბასთან ჩამოდი... საწყალი, მთლად მოხუცდა... უკვე საიჭიოს სუნი ასდის...

მერე თვალში ჩაუკრა, პასუხი აღარ დააცადა:

— ოღონდ, საახალწლო საჩუქარი მომიმზადე, — დააყოლა მან და შეხატა ტრამვაის, რომელმაც ამ დროს რახრახით ჩამოიარა.

— საღამოს ხუთზე! — ტრამვაიდან გადმოსძახა ჯევრიემ და ხელი დაუქნია.

იმ დღეს ჯევრიე ქალაქში აღარ დაბრუნებულა იმის შიშით, რომ ქემალი შემხვდებო. ტრამვაიდან ბებექში ჩამოვიდა, ჰისარამდე ზღვის პირს გაჰყვა ნელ-ნელა, შემდეგ ციხის ნანგრევებს მიაშურა, ბუჩქებში წამოწვა, რომ თავი აერიდებინა იქ მოხეტიალე მაწანწალებისათვის და საღამომდე ბოსფორს გასცქეროდა, რომ მერე მასთან წასულიყო.

*
* * *

ჯევრიე უკანასკნელი ტრამვაით ჩამოვიდა ვალათაში, მიიხედ-მოიხედა — ხომ არავინ მომდევსო და კმაყოფილმა გასწია ქარვასლისაკენ. ქარვასლის პატარა კარი ეხლაც ღია იყო.



გულზე მაგრად მიკრული კოლოფით ჭევრიე კიბეებს აყვებდა. სულ ზედა სართულში კარს მიაღდა და ოდნავ დააკაკუნა. კარი მაშინვე გაიღო.

შესვლისთანავე ჭევრიემ დაინახა, რომ საჭმელ მაგიდაზე ახალი სუფრა იყო გადაფარებული.

ოთახში ლურჯი სინათლე ენთო. კაცმა მაშინვე გადაკეტა კარი და ჭევრიეს გაუღიმა.

მაგიდაზე სამი თუფში ელაგა. მასპინძელმა ელექტრონის დილაკი გადაატრიალა და დიდი სინათლე აანთო.

— სტუმარს ელოდი? — იკითხა ჭევრიემ.

— დიახ!

— მაშინ წავალ, აღარ შეგაწუხებ. — ენა დაება ჭევრიეს.

— შენ გელოდი, ჭევრიე!

ამის გაგონებაზე ჭევრიეს ისე აუფართხალდა გული, რომ ეგონა. უგრძობლად დავეცემიო.

— მე მელოდი?

ეს პირველი იყო, როცა ჭევრიეს შენობით მიმართა.

— დიახ, შენ გელოდი.

ის შენობითაც მიმართავდა და თან გელოდიო — ეუბნებოდა.

ჭევრიემ აღარ იცოდა, სად წაედო კოლოფი და გაუნძრევლად იდგა.

— დღესასწაულის მოსალოცად მოვა-თქო, ვიფიქრე.

— სწორად ვიფიქრია... — უპასუხა მან.

„ეშმაკს რომ შევეცდინე და ქემალს გავყოლოდი?“ — გაუელვა ამ დროს ჭევრიეს.

ჭევრიე მაგიდას დასცქეროდა და თავისი ბედნიერებისა არა სჯეროდა.

„მაშასადამე მან იფიქრა, რომ მოვიდოდი და სუფრაც გაშალა წინასწარ“.

ესე იგი მას უნდოდა, რომ ის მოსულიყო, იმედი ჰქონდა და შესახვედრად მომზადებულია.

ამან ისე ააღელვა ჭევრიე, რომ კინაღამ გული წაუვიდა.

დილიდან ნატარები და ოდნავ მოთელილი კოლოფი გაუწოდა.

— ეს რა არის? — ჰკითხა მან.



— დღესასწაულია-თქო და მოგიტანე.

— რატომ შეწუხდი? — უპასუხა მან და კოლოფი გამოიღო. მას ფეხზე ქეჩის ფაჩუჩები, ნაცრისფერი შარვალი და მოკლე-სახელოებიანი ხალათი ეცვა.

ფარდები მჭიდროდ იყო ჩამოფარებული, რომ ლამფის ანთება შეძლებოდათ. ოთახში საკმაოდ ცხელოდა.

ის მაგიდისაკენ გაემართა. ჭვერიე უკან გაჰყვა. ერთხანს ერთად დასცქეროდნენ მაგიდას. მერე ჭვერიემ თავი თეფშებისაკენ გადაიქნია რომ მღველვარება დაეფარა და ხმადაბლა ჰკითხა:

— ჩემს გარდა ვის ელოდები?

მან ქვედა სართულისაკენ ანიშნა თავით:

— ქერიმიც ამოვა ეხლა.

მაგიდასთან რომ ჯდებოდა, ჭვერიემ დაინახა, რომ მან კონვერტი ამოაძრო ლენტებს შორის.

— კონვერტიც არის?

— დიახ!

— ესეც მე?

ჭვერიემ თვითკმაყოფილებით გაიღიმა:

— ნამდვილად შენ. მართალია, ქუჩაში გავიზარდეთ, მაგრამ წესე-ბი ვიცით.

მას კონვერტი ხელში ეჭირა.

— ოო, ეს რა ლამაზი კონვერტია... — წარმოთქვა მან ისე, როგორც პატარა ბავშვებს ეტყვიან ხოლმე, როცა უნდათ, რომ გაახარონ.

— რა ლამაზი საფოსტო ბარათია... თანაც მანქანითაა დაბეჭდილი... — წარმოთქვა მან ჭვერიეს გულის მოსაგებად.

— მეც გილოცავ დღესასწაულს, — უთხრა მან და ორივე ხელი ჭვერიესაკენ გაიწოდა.

ჭვერიეს საამოდ აუძგერდა გული. თვითონაც გაუწოდა ბედნიერებისაგან აღმოდებულ და ათრთოლებულ ხელები.

ჭვერიეს ტანი ეხლა მის ტანს შეეხება. ჭვერიეს ხელები ეხლა უდიდეს ბედნიერებას იგემებს მის ხელებში.

ამდენი ხანია აქ დადის და ხელიც კი არ ჩამოურთმევიათ ერთმანეთისათვის.

ეხლა კი ის ორივე ხელს უწვდიდა მას.



ჯევრიემ ზეპირად იცოდა, რამდენჯერ შეეხო აქამდე მას მისი ხელი.

პირველად იმ ღამეს, როცა გაიცნეს ერთმანეთი — პულსი რომ გაუსინჯა რამდენჯერმე. მერე ნავიდან რომ ამოიყვანა და გზაში მკლავი გაუსყარა, მერე კიბეზე რომ აპყავდა, წელზე შემოჰხვია. ავადმყოფობის დროს სიცხის გასაგებად რამდენჯერმე ხელის ზურგი დაადო შუბლზე და პულსი გაუსინჯა. ეს იყო და ეს... თითქმის ერთი წელია რაც იცნობს. ამის მეტად მისი ხელი გამარჯობისთვისაც არ შეჰხვებია ჯევრიეს.

ეხლა კი ხელს უწვდიდა, ჯევრიეს ხელში ხელს ჰკიდებდა.

მის წინაშე ჯევრიეს ყოველთვის პატარად ეჩვენებოდა თავი და ეხლაც, როცა თავისი პატარა ხელები მის ვეება მტევნებში დაინახა, განცვიფრებული დააცქერდა მათ.

როცა ეს ვეება, თბილი და მეგობრული ხელები მთლიანად შემოეკლო მის ხელებს, ჯევრიეს რაღაც უცნაურმა, მათრობელა ყრუანტელმა დაუარა ტანში. ასეთი გრძნობა წინათ მას არასოდეს განუცდია.

ასეთი ბედნიერება მისთვის ღღემდე არავის მიუნიჭებია.

და რაღაც მოძრაობით ჯევრიემ თავისი ბაგეებისაკენ წაიღო ეს ვეება ხელები.

თითქოს მინიჭებული ბედნიერებისათვის მადლობის ნიშნად, მან ტუჩებთან მიიტანა ეს ხელები და ემთხვია.

აქამდე ჯევრიეს ხელზე არავისთვის უკოცნია, და როცა ბაგეები მას ხელებს შეეხო, ჯევრიეს თითქოს თაყვანისცემის მსგავსი გრძნობა დაეუფლა.

ამ გრძნობაში იყო სიამოვნებაც, ბედნიერებაც და ნალველიც.

ეს იმდენად დიდ ბედნიერებასა და სიამოვნებას გვრიდა ჯევრიეს, რომ ბედნიერების სიჭარბე ნალველად უბრუნდებოდა.

შეეხო თუ არა მის ხელებს, თვალებიდან ცრემლები წამოსცივდა და ორი წვეთი მის ხელებზე დაეცა. ეს იყო და ეს... ჯევრიემ ძლივს შეიკავა ცრემლები. და როცა მან ძალით წაართვა ხელები, ჯევრიემ თავი მიიბრუნა, რომ ცრემლიანი თვალები არ გამოეჩინა.

მას კი ისე ეჭირა თავი, თითქოს არც შეუმჩნევია თავის ხელებზე ორი წერტილივით მიმწრალი ჯევრიეს ორი ცხელი კურცხალი.

ჯევრიემ ერთ ხანს ხმა ვერ ამოიღო. მან იცოდა, საკმარისი იყო

პირის დადება, რომ თავშეუკავებლად აღმოხდენოდა ოხვრა-ტირილი როგორც მოვარდნის ლოდების ზვავი.

რატომ უნდოდა ასე ტირილი? ნეტავ თუ მადლიერება იყო ის გრძნობა, რომელიც ცრემლებამდე აღაგზნებდა მას?

აი, გაშლილი სუფრა და ამ სუფრაზე მისთვის დადგმული თეფში. ის ფიქრობდა და მოელოდა მას ამ ახალწლის ღამეს.

მაგრამ განა სხვა არავინ ელოდა მას ამაღამ?

ელოდა...

ამაღამ მას კაფე „ჯევისის“ მსახური ქემალიც ელოდა. ბარბას სამიკიტნოში... დიახ, ვინ იცის რა სუფრა იყო გაშლილი ახალი წლისა და ფოსფორიანი ჯევრიეს პატივსაცემად.

ამის გახსენებაზე ჯევრიეს იქაური არყისა და საჭმლის სუნი ეცაცხვირში... იქ, შიგნით, მის მოლოდინში, ტაკატაკით იწვის ცხელი საჭმელები... იცდის არღანი.

მას აქეთ, რაც ბაგეები მის ხელს შეახო, ჯევრიემ თამამად იგრძნო თავი.

თავი ისე ეჩვენებოდა, თითქოს გაზრდილიყო.

ასეთი გრძნობის დაოკება მხოლოდ ქუჩის ქალის თავგასულობით შეიძლებოდა.

რაც ლოყებზე აღმური მოედო და მის ხელებს ბაგეები ააგლიჯა, ჯევრიე ხმას ვეღარ იღებდა. თვალები დაეჭყიტა, გაფითრებულყო და ოდნავ პირდაღებული მისწერებოდა მას. და თუ რამეს იტყოდა, ეს იქნებოდა მუდართ ნათქვამი სიტყვები: „ჩამიკარ გულში, ღვთის გულისათვის, შემეყვარე, შემეყვარე“.

დიახ, მას სამიკიტნოს სუნი სცემდა ცხვირში...

ყავახანის მსახური არც ისე ხელწამოსაკრავი იყო. ის რომ ხარჯვას დაიწყებდა, მერე ლორდებიც კი ვერ დაუდგებოდნენ წინ.

ჯევრიეს სმა უნდოდა, დილამდე არღნის მოსმენა, ჭიქების მტვრევა, ღრიანცელი, აყალ-მაყალი, ქეიფი, ისეთი ქეიფი, რომ მთელ გალათას შურით სულ თითები დაეკვინტა.

დიახ, მას სურდა ყოველივე ამის გაკეთება და ამ თავგასულობის მოთოკვა მხოლოდ პოლიციას შეეძლო.

ყველაფერი თავდაყირა დადგა... ჯევრიეს სულში ქარიშხალი ბობოქრობდა. მან თვალები დახუჭა და ასე იდგა ერთხანს. თვალებზე

არ მიმიხვდეს რა დავი-დარაბაც მიტრიალებს სულშიო და შიშით
თვალეებს ვერ ახელდა. თვალწინ გალათის ქუჩების სურათებმა გაუღ
ბინეს. სამიკიტნოს სუნი და შეღებილი გოგოების ჩახრინწული ნმა ნალ-
ვლად ინთებოდა მის გულში.

მისი სულიერი აწლილობა მხოლოდ მაშინ დაცხრებოდა, როცა,
არყით ვალეშილი, უგონოდ მიეგდებოდა კუთხეში ცარიელ ბოთლებს-
შორის.

მხოლოდ მაშინ...

ნეტავ ხვდებოდა თუ არა ის ჭევრიეს ამ განცდებს? ან იქნებ არ
უნდოდა მიხვდრა?

ჭევრიეს ძალიან ეშინოდა, არაფერს მიმიხვდესო.



უცხად კარზე ფრთხილი კაკუნი გაისმა, ჭევრიემ თვალეები გაახილა,
და როცა ისევ ის მშვიდი ოთახი და სუფთად გაშლილი მაგიდა დაინახა,
მაშინვე გადაავიწყდა ქუჩა, სამიკიტნო, ყველაფერი და აქ დარჩენის,
აქედან არ წასვლის სურვილმა შეიპყრო.

მას რომ მოენდომებინა, ჭევრიე არასოდეს წავიდოდა აქედან. სულ
მასთან დარჩებოდა, მისი ფოსფორიანი იქნებოდა. „მას შეუძლია ამის
გაკეთება“, — გულუბრყვილოდ ფიქრობდა ჭევრიე.

მაგრამ მართლაც რომ ექნა ასე, შეძლებდა კი ჭევრიე დარჩენას?
დარჩებოდა ალბათ, მაგრამ დიდხანს ვერა!..

თუმცა იმ წუთში ძნელი იყო მისი დარწმუნება იმაში, რომ ფოს-
ფორიანი ჭევრიესათვის ეს ძალიან საძნელო საქმე იქნებოდა.

ჭევრიეს დიდი ფერიცვალება უნდა განეცადა, რომ ასეთი რაბ
მომხდარიყო.

მას ხომ თავისი ჩვევები და თავისი სუსტი მხარეები ჰქონდა.

და რომ ჭევრიე აქამდე ჭევრიე იყო, სწორედ ამ თვისებების წყა-
ლობა გახლდათ...

ამჟამად კი ჭევრიე ისევ ის ძველი ჭევრიე იყო და ეს უცხო კაცი
გიჟივით უყვარდა.



პირველად უყვარდა თავის ცხოვრებაში და უყვარდა იმ დღეებში
ყვარულით, რომელიც ადამიანებს ძალუძოთ.

მის დანახვაზე თვალთაგან ისევ გაუქრა მთელი თავისი ცხოვრება.
ამ კაცთან ყოფნის დროს თითქოს თვითონაც არა სჭეროდა, რომ გა-
ლათის ცნობილი ფოსფორიანი იყო.

ახლადმოსული ის კარისკაცი იყო.

— დაგაგვიანდა, ქერიმ. — მიმართა მას კაცმა.

ჯვერიეს ეს ქერიმი ძალიან უყვარდა. ის რამდენჯერ ჰყავდა ნახული
ამ ოთახში. ნახვის პირველი დღიდანვე შეეთვისა.

როგორ შეიძლება ჯვერიეს არ მოსწონებოდა, განსაკუთრებულად
ლამაზი არ ჩვენებოდა ის, რაც მისი საყვარელი ადამიანის გარშემო,
რაც მის მახლობლად იყო.

ჯვერიეს ქერიმიც პატივისცემით ელაპარაკებოდა.

ქერიმი მასავით სერიოზული, ჩუმი და გაუცინარი როდი იყო.
საყვარელი კაცი იყო, გულკეთილი ჩანდა.

მუდამ ხუმრობდა. და მისი ხუმრობა ისეთი მოურიდებელი და
უწმაწური არ იყო, როგორც გალათაში გაეგონა ჯვერიეს.

ხნიერი იყო... სულთნების დროს, პირველ მსოფლიო ომში მონა-
წილეობდა...

მან უცნაური ამბები იცოდა. ისეთი, რომ სიცილით მოკლავდა
ადამიანს.

ჯვერიეს ვერ წარმოედგინა, როგორ უნდა ყოფილიყო ამბავი საინ-
ტერესო და სასაცილო, თუ შიგ ბილწსიტყვაობა არ ერია. ქერიმის
ნაამბობი კი სულაც არ იყო ასეთი...

ეს იყო უბრალო ამბები, მისი ცხოვრების სხვადასხვა დროინდელი
თავგადასავალი გაჭირვების, სიყვარულის სასაცილო ისტორიების, გა-
დატანილი სირცხვილისა და ნაღველის შესახებ. ჯვერიეს სიამოვნებდა
მათი მოსმენა.

როგორც ჩანდა, ქერიმსაც სიამოვნებდა ჯვერიესათვის ყურის
გდება.

ჯვერიე გრძნობდა, რომ ქერიმს უფრო გაუხსნიდა გულის ნადებს,
ვიდრე იმას, ვინც უყვარდა.

მისთვის ჯერ არაფერი გაუმხელია, თავის თავზე არ უსაუბრია,
მაგრამ ამ კაცში ისეთი რაღაცა იყო, რაც მას ხიდის ქვეშ გარდაცვლილ
კაცს აგონებდა.

ყველაზე მეტად კი ჯევრიეს ის მოსწონდა, რომ მის საყვარელ კაცს ქერიმი ზრუნვით ეპყრობოდა.

ქერიმს ძალიან უყვარდა იგი, უფროთხილდებოდა მას, ჩვევებს და მამასავით ექცეოდა. „ნეტავ მამა ხომ არ არის?“ — რამდენჯერ უფიქრია ჯევრიეს.

თუმცა, შეუძლებელია მამასთან იმალებოდეს. ეს ტყუილია... აღბათ ძალიან ახლობელია ვინმე... როგორცა ჩანს, ისინი, განუყრელი მეგობრები არიან, ძალიან უყვართ ერთმანეთი.

ქერიმი ხანდახან მისი ბავშვობის შესახებაც ლაპარაკობდა. ყვებოდა ბავშვობის დროინდელ ამბებს. რა სასიამოვნოა მისი ბავშვობის ამბების ცოდნა.

რა შესანიშნავია...

ქერიმი არასოდეს სახელით არ მიმართავდა მას და ამიტომ ჯევრიესაც ვერ გაიგო რა ჰქვია.

ჯევრიეს მუდამ ეგონა, რომ ამ ამბების თხრობის დროს, სადმე მაინც გაიგებდა მის სახელს.

მაგრამ იმედმა არც ერთხელ არ გაუმატლა. მისი თანდასწრებით ქერიმს არასოდეს არ წამოსცდენია ეს სახელი.

ქერიმი სამოცი წლისა იქნებოდა. თმა მთლად გათეთრებული ჰქონდა. შუბლს ზემოთ კი საერთოდ არ ჰქონდა თმა. შავგვრემან სახეზე ღრმა ნაოჭები დასდევდა. ფართო მხრები ჯერ ისევ გამართულად ეჭირა...

მარცხენა ხელზე ორი თითი აკლდა. მსოფლიო ომში დავკარგეო, ამბობდა.

ლაპარაკზე ოდნავ კუთხური კილო ეტყობოდა, ოღონდ ჯევრიე ვერ მიმხვდარიყო, სადაური უნდა ყოფილიყო.

ერთ-ერთი საფუძველი ჯევრიეს დასკვნისა, რომ ისინი მამა-შვილი არ იყვნენ, ესეც იყო. იგი წმინდა სტამბოლის კილოზე ლაპარაკობდა.

ის სტამბოლელი იყო, ამაში ეჭვის შეტანა არ შეიძლებოდა.

როცა ისინი საუბრობდნენ ხოლმე, ჯევრიე სულ ცდილობდა, უფრო დაწვრილებით გაეგო მისი ცხოვრების ამბავი.

ეს, რასაკვირველია, არ იყო ავი განზრახვით გამოწვეული ცნობის-მოყვარეობა...

ჯევრიე უზომოდ და თავდავიწყებით იყო მასში შეყვარებული, თუმცა გულში კი შიშობდა, სხვა ქალი ხომ არა ყავს ვინმეო.



ჯვერიეს უყვარდა, მაგრამ ისიც იცოდა, რომ მას არ უყვარდა ჯვერიე და არც შეიყვარებდა.

მიუხედავად ამისა, სხვა ქალის არსებობას ისე უყურებდა, როგორც დიდ უბედურებას.

სწორედ ამის შეტყობა უნდოდა — არსებობდა ასეთი ვინმე თუ არა?

და თუ ჯვერიე ზოგჯერ გაფაციცებით უსმენდა მათ საუბარს, ამის მიზეზი მხოლოდ ეს იყო...

*
* *

ესლა ისინი უკვე სუფრასთან ისხდნენ. ქერიმი ისევ მხიარული იყო. სასაცილო ამბებს ყვებოდა.

ჯვერიე უსმენდა და მადიანად შეექცეოდა საჭმელს. მან ხომ მთელი დღე უჭმელმა იხეტიალა. და ესლა, მიუხედავად ბედნიერების მომგვრელი ამ მღელვარებისა, მაღა მაინც არა ჰქონდა წამხდარი.

ჯვერიე ისე ხარბად და მადიანად ჭამდა, როგორც კაცი, რომელსაც იშვიათად უხდება ხოლმე გემრიელი საჭმელების ჭამა.

როგორც ყოველთვის, უფრო მეტად ისინი ლაპარაკობდნენ, ჯვერიე კი ჭამით იყო გართული და დუმდა. „ნეტავ აქამდე რატომ არა ჭამეს საჭმელიო?“ — ეკითხებოდა თავის თავს.

„ნეტავ თუ მე მელოდნენ?“

ქერიმი შორიდან მოსულს გავდა. ოთახში რომ შემოვიდა, დაღლილობა ეტყობოდა.

მაგრამ ახლა, სუფრას რომ მიუსხდნენ, დაღლილობამ გადაუარა.

ჯვერიე ძალიან მშვიდად გრძნობდა თავს.

სუფრაზე ღვინოს სვამდნენ.

წელან, როცა ბოთლსა ხსნიდა, ქერიმმა უცბად სერიოზული გამომეტყველება მიიღო და გამოაცხადა:

— აქ დათრობა არ შეიძლება!

ჯვერიე მიხვდა, რომ ქერიმი მისთვის ამბობდა. „ალბათ ჰგონია გავილეშები და მოვყვები სისულელეების როშვას“, — გაიფიქრა მან.

და გადაწყვიტა აჩვენოს როგორ იცის სმა და მაინც არ თვრება.



— როცა დაღევ, — ამბობდა ქერიმი, — რაც უნდა იცოდე მანქანის მძღველი მედებს... და ჩვენ თუ ხმამაღლა დავიწყეთ ლაპარაკი... მძღველი გვემჩიება ბულია ჩვენი საქმე!..

— აბი, — მიმართა ჯევრიემ და თვალი ჩაუკრა, — ღმერთმანი, ერთი დოქიც რომ ამოვამროთ, თუ ენაზე კბილის დაჭერაა საჭირო, მე მაინც მოვწევ აღვირს...

და თუმცა ასე ამბობდა, მაგრამ როცა ჯევრიეს პირველი ჭიქა დაუდგეს წინ, მან მაინც გაიფიქრა: „ამაღამ ნამდვილად ამივარდება თავშიო“.

ჯევრიე თავისთავადაც მთვრალსა გავდა, რატომღაც.

ეს გრძნობა მასში იმდენად ძლიერი იყო, რომ ნამდვილად მალე გამოვთვრებიო, ფიქრობდა.

ჯევრიე გრძნობდა, რომ მის გვერდით, მის მაგიდაზე, მასთან ერთად დათრობა ძალიან სასიამოვნო იქნებოდა.

ეს ხომ ის სუფრაა, რომელიც წინასწარ გაეწყოთ და მის მოსვლას ელოდნენ!

კირკ-იამა ჰოჯას სამოთხეშიც კი არ აღუთქვამს ასე დიდი ბედნიერება.

„იქნებ არ დავლიო?“ — გაიფიქრა ჯევრიემ, როცა ქერიმი სქელ ჭიქაში უსხამდა წითელ ღვინოს.

დიახ, ღვინო ნამდვილად მოერეოდა და ღვინო თუ მოერია, ჯევრიე ნამდვილად ჩაიდენდა რამე სისულელეს.

ეს უკვე წესი იყო...

მაგრამ ნუთუ აქაც ჩაიდენდა სისულელეს?

„არ დავლევ, — ერთი წუთით გაიფიქრა ჯევრიემ... — არა ვსვამთქო რომ გამოვაცხადო, უფრო ღირსეულიც იქნება... თუმცა რა, განა ვერა ხვდებიან რა საქონელიცა ვარ? იმასაც მიხვდებიან, რომ ღვინოსთვის ვგიჟდები და მხოლოდ ქალობაზე ვდებ თავს. — დაასკვნა ჯევრიემ და გადაწყვიტა: — რაც უნდათ, ის იფიქრონ, მე მაინც უნდა დავლიო“. — და თუმცა იცოდა, რომ ღვინო აუცილებლად მოერეოდა, მაინც ბოლომდე გამოსცალა ჭიქა.

როგორც მოსალოდნელი იყო, პირველივე ჭიქამ იმოქმედა ჯევრიეზე. თუმცა გასაკვირი იყო, რომ ღვინომ ასე იმოქმედა, რადგან ჯევრიეს ჭიქობით, ბოთლობით შეეძლო არყის სმა.



ის მართლაც დაათრო ერთმა ჭიქა ღვინომ.

მეორე ჭიქაზე ჯევრიემ უარი ვეღარ თქვა, თუმცა კი იყო, რომ ნამდვილად დათვრებოდა.

ამ ჭიქას ჯევრიე ერთ ყლუპზე უპირებდა გამოცლას, მაგრამ დავ-თვრებო, შეეშინდა და ვეღარ გაბედა.

„აბა, რა საჭიროა, რომ ჩემი ვაჟკაცობა ვუჩვენო. — ფიქრობდა ჯევრიე. — მას სწულეებითაც არა სურს ჩემი ამ თვისების დანახვა. ისე მეპყრობა, თითქოს ქალბატონი ვიყო. თუმცა რა განსხვავებაა ჩემსა და ქალბატონს შორის. განა ალაჰმა არ გამაჩინა მეცა და ისიც? — გაიფიქრა ჯევრიემ, როცა მეორე მოსმასზე ეს მეორე ჭიქაც გაანახევ-რა. — ორივე ალაჰმა შეგვქმნა, მაგრამ სხვადასხვად გავგაჩინა. — გაუარა ჯევრიეს კატეგორიულმა აზრმა. — ამ ქვეყნად ერთი ჩემნაირი ფოსფორიანიც იყო საჭირო. ღმერთს რომ ფოსფორიანი არ გაეჩინა, ვალათის მაწანწალებს რა ეშველებოდათ?“

ჯევრიემ გადაწყვიტა ხმამაღლა წარემართა საკუთარ თავთან ეს ხუმ-რობა და მესამედ მოსვა ჭიქა. მისი ვარაუდით ჭიქაში კიდევ ერთი ყლუ-პი ღვინო იყო დარჩენილი, მაგრამ ხმა აღარ ამოუღია, შეეშინდა—არ მიმიხვდნენ, რომ მთვრალი ვარო. ისინი საუბრობდნენ... ჯევრიე არ უსმენდა. მთელ ამ საუბარში მას მხოლოდ ერთი აინტერესებდა — მისი სახელი...

„ნეტავ რა უნდა ერქვას?“

„აჰმედი?“

აჰმედი არ მოეწონა... სამწვადის პატრონი აჰმედი გაახსენდა...

რა საზიზღარი ტიპი იყო ის აჰმედი...

იქნებ ოსმანი ჰქვია... ოსმანი ძალიან კარგი სახელია... ჯევრიეს ძალიან მოსწონს ეს სახელი. რაც აქამდე ოსმანებს იცნობდა, ყველა კარგი ხალხი იყო. ჩაკირ¹-ოსმანი, რომელიც ბავშვობაში მასთან ერ-თად თამაშობდა ხიდის ქვეშ.

ეჰ, ჩაკირ-ოსმანი... რა ბიჭი იყო...

ერთხელ მას მოეჩვენა, რომ ჯევრიე იხრჩობოდა და ზედ ვალათის ხიდიდან გადაეშვა ზღვაში. თვითონ კი ერთი ციდა იყო...

მერე, მერე შოფერი ოსმანი... განა შოფერ ოსმანს ცოტა სიკეთე

¹ ჩაკირ — მიმინო.



ეროვნული
საბიბლიოთეკო
სისტემა

მიუძღვის მის წინაშე. რამდენი უტარებია მანქანით. ბარბასა ჰგავდა. სამაგიეროდ არფერი მოუთხოვია. ერთხელაც კი არაფერი უთქვამს ცუდი. ჭევრიეს დაინახავდა თუ არა, დაუძახებდა: „მოდი. ჭევრიე, ჩამიჭექე, გაგატარო... შენ ბედნიერება მოგაქვს ჩემთვის“. მანქანიდან რომ ჩამოსვამდა, ფულსაც მისცემდა ხოლმე. და ღმერთმანი ხელს არ ახლებდა. უბრალოდ ყბედობდნენ, უწმაწურებს ისროდნენ და იცინოდნენ.

ან კიდევ ყარაული ოსმანი და პოლიციის კომისრის მოადგილე ოსმანი... ორივე კარგი კაცია. ყველა ოსმანი კარგი იყო. ყარაულმა ოსმანმა რამდენჯერ დახუჭა თვალი და გააპარა.

კომისრის მოადგილე ოსმანი კი, ყოველთვის, როცა ჭევრიე პოლიციაში მოხვდებოდა, სიგარეტებს აძლევდა და ჩაის სთავაზობდა.

ფოსფორიანს მან ერთხელ ერთი კოლოფი სიგარეტი უყიდა კიდევ. „პოლიციელიც რომ იყოს, თუ ოსმანია, კარგია“. — თქვა ჭევრიემ თავისთვის.

და გადაწყვიტა, გულში ოსმანი ეწოდებინა მისთვის.

კი, მაგრამ, იყო ისეთი კეთილშობილი სახელებიც, როგორცაა შერაფეთონი, ჰუსამეთინი, ბაჰა, ბიულენტი, თურგუთი... არა... არა... მას არც ერთი სახელი ისე არ უხდებოდა, როგორც ოსმანი...

„მე რომ მისი დედა ვყოფილიყავ, — ფიქრობდა ჭევრიე, — აუცილებლად ოსმანს დავარქმევდი.

ოსმან... ოსმან... ოსმან...“ — იმეორებდა გულში ჭევრიე.

ყოველ ადამიანს და ყოველ საგანს თავისი სახელი აქვს.

ნეტავ ვინ არქმევს ამ სახელებს?

„ხალხს საქმე-საზრუნავი არა აქვს და ყველაფერს სახელს არქმევენ“. — გაიფიქრა მან და მერე უბცად გაახსენდა:

- ხო, ეტყვი მე ვინ დამარქვა ჭევრიე? რაც თავი მახსოვს, სულ ჭევრიეს მეძახიან.

ეს მან ხბამალლა წარმოთქვა. კაცებმა განცვიფრებით შეხედეს. ქერიმმა ჩუმად გააციხა:

— რაში გაგახსენდა, ჭევრიე? ყველას ან დედა არქმევს სახელს, ან მამა...

— მე არც დედა მყავს, არც მამა...



— ოდესღაც ხომ გყავდა... ადამიანები ხომ სხვანაირად ახსენებდნენ ბიან ამ ქვეყნად.

ჭევრიეს დღემდე არც კი უფიქრია, რომ ეს სახელი მას დედამ დაარქვა.

ეს სახელი ეხლა მისთვის იყო ის იღუმალი კვანძი, რომლითაც ის თავის დედასთან იყო დაკავშირებული, ის იღუმალი კავშირი, რომელსაც ჭევრიე დედამისთან მიჰყავდა. „მეცა მყოლია დედა, თუკი სახელი დაურქმევია“, — ამაყად გაიფიქრა ჭევრიემ.

ეს ძალიან საამო ფიქრი იყო.

დღემდე არასოდეს არ უფიქრია, რომ მასაც შეიძლება ჰყოლოდა დედა. ასეთი რამ ვერც კი წარმოედგინა.

დედის ყოლა!..

ჭევრიეს გონებას დასაშვებადაც კი არ მიაჩნდა თავისთვის ასეთი რამის არსებობა.

თავის გაჩენაზე როცა ფიქრობდა ხოლმე, იტყოდა — ღმერთმა, მისი ჭირიმე, ალბათ სოკოსავით მიწაში გამაჩინა, ან წვიმასავით ცოდან ჩამომავდომო — და მხრებს აიჩეჩავდა.

დედა!.. ეს მისთვის ძალიან შორეული ცნება იყო...

მან კარგად იცოდა, რომ ადამიანები ამ ქვეყნად უდედოდ არა ჩნდებიან, მაგრამ თუ მასაც ოდესმე ყავდა დედა, ეს შეუძლებლად მიაჩნდა.

ქალი... ნუთუ მართლა არსებობდა ისეთი ქალი, რომელმაც თავის საშოში ატარა ის, თავისი სისხლით კვება და ტანჯვა გადაიტანა, რომ მისთვის სიცოცხლე მიენიჭებინა.

ქალი, რომელმაც ხელით ატარა ის, ძუძუ აწოვა.

— ეჰ, ეს რომ მართალი იყოს, კაი რამე იქნებოდა, — თქვა მან და ამით დაადასტურა, რომ ასეთი რამე მართლაც მოწონდა.

მან არასოდეს არ იცოდა, რა იყო ქალური სიყვარული, ქალური ალერსი და სიახლოვე... მას აზრად არასოდეს მოსვლია, რომ რომელმე ქალი შეიძლებოდა დედობრივი სიყვარულით მოქცეოდა მას.

ქუჩის ქალებს შორის ბევრი ამხანაგი ყავდა, ბევრი უყვარდა და თვითონაც ბევრისთვის იყო საყვარელი.

მაგრამ ეს არ იყო ქალური ალერსი.

მას ყველაზე მეტად ახლობელი ადამიანიც ყავდა.



არაფ-ჯემილე!..

არაფ-ჯემილე და ის მრავალი წლის მანძილზე მეგობრობდა.

მაგრამ ჯემილე მისი კბილა იყო.

ეს ალერსი და სიყვარული შეიძლება დისადმი დის სიყვარულს ჰგვანებოდა. „ორ დასავით რომ ერთმანეთი უყვარდეს ადამიანს. ერთი დედის შობილი უხდა იყოს. ორ ამხანაგს, როგორც არ უნდა უყვარდეს ერთმანეთი, დების სიყვარული მაინც სხვაა“. — გაიფიქრა ჯემილემ და სული მოითქვა.

მან იგრძნო, რომ ერთი წამით შეიპყრო სურვილმა თვითონ გამოეცადა, თვითონ ეგემნა ეს მისთვის უცნობი სიყვარული.

მაგრამ ჯემილეს არ შესწევდა ამ გრძნობების გაანალიზების უნარი და სიმწრისაგან ცხვირი აეწვა.

„საცაა ვიტირებ, — უკვირდა ჯემილეს. — ძალიან არ მომერია ამალამ ეს ოხერი ღვინო.

დღესასწაულები სწორედ მაგიტომ არის.

მაგრამ ვინ იცის, რა ტკბილია ეს დღესასწაულები იმათთვის, ვისაც დედა ჰყოლია“.

მას გაახსენდა, როგორ გამოდიოდა ხოლმე დღესასწაულების დროს მოედნებზე.

მის წინაშე გაცოცხლდნენ ნაირ-ნაირ ტანსაცმელში გამოწყობილი გოგონების და მეზღუურის ტანსაცმლიანი ბიჭების სურათები.

ის ამ მოედანზე ტალახიანი შიშველი ფეხებით მოდიოდა. ტანზე მარტო პერანგი ეცვა... ბავშვების დავარცხნილ თმებს, ყელზე შემოხვეულ აბრეშუმის მანდილებსა და თმებზე გაკეთებულ ბაბთებს ის განცვიფრებული შესცქეროდა.

მათი არასოდეს შეშურებია, ყოველთვის ისე უცქეროდა, როგორც უცნაურ ქმნილებებს.

არასოდეს სდომებია, მათი მსგავსი ყოფილიყო. მხოლოდ ნახვა უნდოდა ხოლმე მათი.

მას ალბათ არასოდეს უფიქრია, რომ თვითონაც შეიძლებოდა ასეთი ყოფილიყო. მას არც ეგონა ეს და ამიტომ არცა წუხდა, რომ არ იყო ისეთი.

ეჰ, ის დღესასწაულები...

ჯემილე იმ მორთულ ბავშვებზე უფრო მოუთმენლად ელოდა მას.



წინა დღით, ზარბაზნების სროლას რომ დაიწყებდნენ, ჯვერის მხარე უფროსებოდა, გული უცემდა, სულ ბორგავდა და ერთი სული ჰქონდა და გათენებადღე.

ის წინა დღესაც მიდიოდა იქ, რომ ენახა როგორა დგამდნენ კარუსელებს.

— ძია, მოგეხმარები რა და ხვალ უფულოდ დამსვი? — თხოვდა ჯვერიე ოსტატებს და ფიცრებსა და ლურსმნებს ეზიდებოდა, მონასავით მუშაობდა, რომ მეორე დღეს კარუსელზე შეესვათ. მაგრამ მეორე დღეს, იმდენ ბავშვებში, მას ველარავინ ცნობდა.

— ძია, მე გუშინ გეხმარებოდი. შენ არ მითხარი, ხვალ უფასოდ გაქანავებ, კარუსელზე შეგსვამო? — შეახსენებდა ჯვერიე, მაგრამ მას ერეკებოდნენ:

— წადი, გასწი... მე არაფერი ვიცი.

რამდენჯერ იმუშავა ასე ჯვერიემ, რამდენჯერ გამოაგდეს...

ნავახშმევს ჯვერიემ სუფრა აალავა. ჭურჭელს რომ რეცხდა, ოთახში მამაკაცებმა ჩუმად დაიწყეს რაღაცაზე ლაპარაკი. ჯვერიეს არ უნდოდა მათი მოსმენა, ეშინოდა, ასეთმა მიუყურადებამ არ გააბრაზოსო. მაგრამ, მიუხედავად ამისა, ჯვერიეს გულში ზოგჯერ ისე ძლიერ იჩენდა ხოლმე თავს ამ კაცის შესახებ რაიმეს შეტყობის სურვილი, რომ მასი დაძლევა მართლაც შეუძლებელი იყო.

ჩურჩულის მეტი არაფერი ისმოდა. ოღონდ ის კი გაიგონა, როგორ ჰკითხა მან ქერიმს:

— იტირა?

ქერიმის პასუხი არ გაუგონია.

— საწყალი ქალი, — ისევ მოესმა ჯვერიეს მისი სიტყვები.

„საწყალი ქალი!.. ვისზე ამბობს? ვინ არის ის ქალი?“

ჯვერიემ იგრძნო, როგორ აუკანკალდა ხელები და გული შეეკუმშა. მაგრამ ხომ შეიძლება ეს ქალი დედა ყოფილიყო!..

სატრფოც რომ ყოფილიყო, რა უფლება ჰქონდა ჯვერიეს გული მოეყვანა ან გაბრაზებულიყო?

ის ხომ ერთხელაც არ მოხვევია ჯვერიეს.

საერთოდ კი ქალს, რომელზეც ლაპარაკი იყო, ხომ შეიძლება, ქე-



რითან ჰქონოდა კავშირი. მართლაც, რა აუცილებელი იყო, რომ კინმა ყვარებოდა.

ჩვერიე თავის დამშვიდებას ცდილობდა. არ უნდოდა დღევანდელი ბედნიერების ჩამწარება. ის გრძნობდა, რომ მეგობარი იყო ამ კაცისა და სწორი არ იქნებოდა იმაზე მეტის მოთხოვნა, რაც მან უკვე მისცა ჩვერიეს და რასაც მომავალშიც ეპირებოდა.

როცა ჰქურჭელი გარეცხა და უკან შებრუნდა, ნახა, რომ ის წელანდელივით მხიარული აღარ იყო. ტახტზე იჯდა ჩაფიქრებული, ნიკაბი ხელებზე შემოედო და იდაყვებით მუხლებს დაყრდნობოდა.

ქერიმი მაგიდასთან იჯდა. მის წინ ისევ იდგა ღვინის ჭიქა.

ის კვლავ მხიარული იყო. ხმადაბლა იცინოდა და რაღაც სასაცილო ამბავს ყვებოდა.

ის არ იცინოდა. როცა ქერიმი თავისავე ნაამბობზე გაიცინებდა, ის მხოლოდ ოდნავ იღიმებოდა.

ქერიმმა ჯიბიდან რაღაც ამოიღო. ეს იყო მუქი ფერის აბრეშუმის ჰალსტუხი.

— კინალამ დამავიწყდა, — სიცილით წარმოთქვა ქერიმმა. — შენთვის საახალწლოდ უყიდია და წამოსვლისას მოცემა დავიწყებია.

„ის ქალი!“ — გაუელვა ჩვერიეს, კინალამ წამოხტა და ნაკუწებად აქცია ჰალსტუხი.

იდუმალი რაყიფის არსებობამ სულ დაუკარგა გემო ამ საახალწლო ღამეს.

კაცმა ჰალსტუხი გამოართვა ქერიმს. ის მთლად გაფითრებული იყო. თვალები უსასრულო ნაღველით ჰქონდა სავსე... ჩვერიეს გაუკვირდა, ასე როგორ ააღელვა ამ ერთმა ჰალსტუხმაო.

საჩუქარმა ააფორიაქა ასე, თუ მისი გამომგზავნის გახსენებამ — გაუგებარი იყო.

მაგრამ ჩვერიე ხედავდა, რომ ისე ეკირა საჩუქარი, თითქოს ეალერსებო.

— როგორ გავაწვალე, როგორ გავაუბედურე. — წარმოთქვა მან. ქერიმს პასუხი არ გაუცია.

მის თვალებშიც ნაღველს დაესადგურა, თუმცა კი ცდილობდა, რომ თავი მხიარულად მოეჩვენებია.



— ეს ღამე მხიარულებისთვისაა და არა ნაღველისათვის, — გაიმეორა მან და მძიმედ დაიქნია თავი.

— რომ აღარ გათავდა ეს ნაღველიანი ღამეები, — წარმოთქვა მან. ქერიმს ხმა არ ამოუღია. ერთხანს ყველა დუმდა.

— ძალიან კარგი, რომ ხვალ დღესასწაულია, — თქვა ბოლოს ქერიმმა. — დღეს გვიანამდე მოგვიხდა ჯდომა. ხვალ ვიძინებთ და ვიძინებთ...

— წასვლას აპირებ? — ჰკითხა მან ქერიმს.
„ნეტავ რაღას ელაპარაკება, წავიდეს ბარემ...“ — გაიფიქრა ჯევერიმ.

ის გაბრაზებული იყო თავის საყვარელ ქერიმზე. ეს ჰალსტუხი მან მოიტანა იმ ქალისაგან. „ო, ღმერთო, ვინ არის ეს ქალი? რატომ არ ინაწილებს მის ამ ყოფას?“

მე რომ მისი ცოლი ვყოფილიყავ, უსათუოდ მასთან ვიქნებოდი.“
ეს ქალი იქნებ ცოლი არ არის, უბრალოდ შეყვარებულია მასში. ისე კი თავისი ცხოვრება აქვს.

ჯევერიე ცნობისმოყვარეობის ძლიერი გრძნობით იყო შეპყრობილი. ამ გრძნობას აღტაცების გრძნობაც ერთვოდა. მან იცოდა, რომ ქალი, რომელიც მას უყვარს, რაღაც განსაკუთრებული იქნებოდა და ჯევერიე ვერასდროს ვერ დადგებოდა მის გვერდით.

რა ბედნიერი უნდა ყოფილიყო ეს ქალი...
ჯევერიეს ცრემლები მოადგა.

ჯევერიე გიჟდებოდა, ისე უნდოდა იატაკზე დამხობილიყო, ეფართხალა, ეგინებინა, ეტირა, ეტირა და ეკითხა: — ვინ არის ის ქალი, ჰალსტუხი რომ გამოგიგზავნაო...

მაგრამ კითხვას ვერ ბედავდა.
მას არა ჰქონდა ამისი უფლება...

რა ძნელია, როცა ძალიან გიყვარს ვინმე, ძალღვივით ხარ შეყვარებული, ისიც იცი, რომ არ უყვარხარ და უფლებაც არა გაქვს მოხთხოვო სანაცვლო სიყვარული ან იეჭვიანო.

დღემდე განუცდელი ნაღველის განცდასაც თავისი ღაზითი აქვს.
ჯევერიეს ყველაფერი უყვარდა, რაც კი მისგან მოდიოდა... ნაღველიც კი...



„ჰალსტუხი ვინ გამოგიგზავნა?“ — ეს სიტყვები ენასა და ხეობას
ჭევრიეს, მაგრამ იჯდა და ღუმდა.

იჯდა და მას შესცქეროდა. „რა იქნებოდა, ღმერთო, იმის შეყვარე-
ბას, მე შეყვარებოდი...“ — ფიქრობდა ჭევრიე.

*
* * *

ეხლა მარტონი იყვნენ ოთახში.

საკმაო ხანს ისხდნენ ერთმანეთის პირისპირ, მაგრამ ხმა არ ამო-
უღიათ...

ის თავის ფიქრებში იყო წასული. ჭევრიე უცქეროდა.

დაახლოებით ერთმა საათმა განვლო ასეთ მდგომარეობაში. შემდეგ
ის წამოდგა.

— კინალამ დამავიწყდა, ჭევრიე. — თქვა მან. — შენთვის რაღაცა
მაქვს მომზადებული.

— ჩემთვის?

— დიახ!

— რა რაღაცა?

— სადღესასწაულო საჩუქარი... შენთვის საახალწლო საჩუქრები
მაქვს ჭევრიე!..

— ჩემთვის?

— დიახ!..

კაცი ადგა, კარადის ცალი კარი გამოაღო და ერთი წყვილი აბრეშუ-
მის წინდა და მოსასხამი გამოიღო.

ჭევრიეს მაშინვე გადაავიწყდა ეჭვი ჰალსტუხის გამომგზავნი ქა-
ლისადმი, რომელსაც ის არ იცნობდა და არც კი იცოდა, რა ურთიერ-
თობა ჰქონდა მასთან.

— ეს მე, ეს მე? — რამდენჯერმე გაიმეორა ადელვებულმა ჭევრიემ.
მაგრამ ხელის ხლება ვერ გაბედა.

— მოგეწონა?

— ღმერთო, რა კარგია.

ჭევრიე თითებს უსვამდა საჩუქრებს და სიტყვას ვერ პოულობდა,



რომ რამე ეთქვა. მან არ იცოდა ის დელიკატური სიტყვები, რომლებიც მადლობის ნიშნად ითქმის ხოლმე ასეთი საჩუქრების მიღების შემთხვევაში.

— გაგახსენდი და მიყიდე, არა?

— რატომ გიკვირს, რომ გამახსენდი, ჯევრიე. ჩვენ განა მეგობრები არა ვართ? — თქვა მან და შემდეგ ნაზი ხმით დააყოლა:

— განა შენც არ გაგახსენდი?

— მე შენ არც მაგიწყებდი.—თავისდაუნებურად წამოცდა ჯევრიეს. ის სიტბოთი აღსავსე თვალებით შესცქეროდა მას.

რა შთაბეჭდილება მოახდინა მასზე ამ სიტყვებმა... ამის გამოცნობის თავი ჯევრიეს არა ჰქონდა...

— მეც ყოველთვის გელოდები. როცა არა ხარ, გეძებ. — ღიმილით უთხრა მან.

ჯევრიე ბედნიერი ბავშვივით შესცინოდა მას. რა არაჩვეულებრივი ღამეა.

აჰ, ეს ძვირფასი საჩუქრები, საბუთი იმისა, რომ ის ჯევრიეზე ფიქრობდა.

„ღმერთო ჩემო, ეს რა შესანიშნავი დღესასწაულია!“ — ამბობდა ჯევრიე და არა სჯეროდა, რომ ესოდენ ბედნიერი იყო.

რა იქნებოდა?

რა იქნებოდა?

რომ ის ქალი არ არსებობდეს...

იმ ქალს რომ ჰალსტუხი არ ეჩუქებინა...

ჯევრიე საჩუქრებს ეალერსებოდა. ამან მას თითქოს გამბედაობაც შეჰმატა და უფლებაც მისცა, რომ ასეთი შეკითხვა დაესვა:

— შენ ეგ ღამეზე ჰალსტუხი ცოლმა გამოგიგზავნა, არა?

ამ კითხვაზე კაცის სახემ სერიოზული და ნაღვლიანი გამომეტყველება მიიღო.

— მე ცოლი არა მყავს, ჯევრიე. — უბასუხა მან და მერე უფრო გულნატკენად დააყოლა:

— მე ცოლი უკვე აღარა მყავს.

— მაშ საყვარელმა ქალმა გამოგიგზავნა...

ჯევრიემ დაინახა, რომ მისი ვეება ხელი მის ლოყას უახლოვდებოდა. მისი ცხელი ხელისგული როგორც ბავშვს, ისე ეალერსებოდა ჯევრიეს ლოყას.



ქერიმი ჩუმად განაგრძობდა ლაპარაკს.

ჯვერიე უკვე მოშორებით იყო. ლოგინზე იჯდა. ის ოდნავ დაბნეულად მაგრამ ბედნიერი იყო. მათი ჩურჩულით გამოწვეული მღელვარებაც კი ვერა ჩრდილავდა მის გულში დაბუდებულ უსასრულო ბედნიერებას.

ო, ღმერთო, რა მოხდა ამ შუალამისას?

რა კარგი იყო ცხოვრება, რა შესანიშნავი იყო სიცოცხლე...

ჯვერიეს ისე ეჩვენებოდა, თითქოს ქვეყნად ცუდი არაფერი არსებობდა...

ამ ქვეყნად ყველგან ბედნიერება სუფევდა, ყველაფერი კარგი იყო...

ნეტავ რატომ იყო ქერიმი ასე გაფითრებული და რასა ჩურჩულებდნენ? ის, რაზეც ისინი ლაპარაკობდნენ, ჯვერიეს გულში იმ წამს ჩასახული ბედნიერების დარღვევას ხომ არ აპირებდა ნეტავ?

ჯვერიეს თავისი თავისთვისაც კი ვერ გაებედნა ამის კითხვა.

მათ საკმაო ხანს იჩურჩულეს, შემდეგ კაცმა კედელზე დაკიდებული პიჯაკი ჩამოიღო და ხმაამოუღებლად ჩაიცვა.

ეს რა არის?

რა უთხრა მას ქერიმმა? სად მიდის?

იქნებ უცბად იჩინა თავი იმ საშიშროებამ, რომელიც დიდი ხანია ემუქრებოდა მას?

ის ჯვერიესაკენ მობრუნდა და ხრინწიანი ხმით უთხრა:

— ჯვერიე, შენ დაწეჭი. მე ცოტა ხნით გარეთ უნდა გავიდე... გასაღები მიმაქვს. როცა მოვალ, კარს თვითონ გავაღებ. შენ დაიძინე. გავიდნენ.

„შენ დაიძინეო, — მითხრა, — დავიძინო?...“

ჯვერიეს არასოდეს ასე ფხიზლად ყოფნა არა სდომებია, როგორც ეხლა. მას თავის ბედნიერებაზე უნდოდა ფიქრი და ძილს არ აპირებდა.

რა კარგი საჩუქრები მოუტანა. რა კარგი რაღაცეები უთხრა.

სად წავიდა?

ჯვერიე ადგა, კარებთან მივიდა და მიაყურა, უნდოდა გაეგონა როგორ ჩადის კბეებზე.

მაგრამ არაფერი ისმოდა.



სიტყვაც არ მოუთავებია.

ჯევრიემ აღარც კი იცოდა, მოათავებდა თუ არა ის ოდესმე, თუ არა ის სათქმელს.

„ნეტავ თუ ვუყვარვარ?“ — გაიფიქრა ჯევრიემ და სასაძილო მაგიდისაკენ გაემართა.

ბოთლში ორი თითის სიმაღლეზე დარჩენილი ღვინო ჭიქაში ჩაისხა და ერთბაშად დალია.

„ამ საღამოს დოქებს დავცლიდი“. — გაიფიქრა ჯევრიემ.

„რას ვიცეკვებდი, არღანი რომ ყოფილიყო...“ მეჭიდიეჭითის კაზინოში და იორგის სამიკიტნოში, გალათის უბანში, ძველ-ძველი არღნები აქვთ. ჯევრიე დათვრებოდა თუ არა, ჩაეჭიდებოდა არღნის ტარს და ატრიალებდა და ატრიალებდა.

არღანი უკრავდა.

„ვაშა, ფოსფორიანო!“ — გაიძახოდნენ ნაძირალები.

ეხლაც რომ დაეკრა არღანს... ქალაღდის ფარნები ანთებულყვენენ... მას ძალიან უყვარდა ის ქალაღდის ფარნები და ყვავილები.

ჭიქაც რომ მიემსხვრია...

ღიაზ, ღიაზ, ერთი-ორი ჭიქა რომ მიემსხვრია...

„ჰეი, ფოსფორიანო, დაიწვას შენი დამწველი...“

ჯევრიეს დღეს დღესასწაული ჰქონდა, ნამდვილი დღესასწაული... ჯევრიეს უნდოდა ერთი შეეძახნა „ვიწვი, ვიწვიო“, ხელი წამოეგლო არყის ჭიქისათვის, დაემსხვრია და დაჭრილს თეთრი ნაჭრით ხელშეხვეულს ევლო.

ღვინომორეულს, უნდოდა, რომ მარცხენა ხელი აეწია და უკან გადაეფურთხებია, ერთი გემრიელად გადაეფურთხებია და ამაყად გადაეძახნა ნაძირალებისათვის: „ჩამიფურთხებია ყველასთვის სულში. მე ჩემს სატრფოვს ვუყვარვარ. მე უკვე მისი საყვარელი ვარ!“

„მისი საყვარელი...“

ჯევრიეს ტრაბახი უნდოდა...

მან მხრებში მოჰკიდა ხელი. ლოყაზე მოუალერსა.

ამ საღამოს ელოდა კიდეც...

რა კარგი სიტყვები უთხრა. პირდაპირ სწავლულივით ლაპარაკობდა ეს კაცი...

მეტი ღვინო აღარ იყო. ჩასვლა და ყიდვა მოინდომა, მაგრამ იფიქრა, საშიში იყო.



ისინი ტყუილად არ წასულან, ალბათ. ნამდვილად რაღაც
ება იყო.

მაგრამ რა საშიშროება იყო — ეს ჯვერიეს არ ესმოდა.

მას არ ესმოდა ის საიდუმლოება, რის გამოც ეს კაცი ასე ვრი-
დებოდა ადამიანებს.

საერთოდ არაფერი ესმოდა იმისა, რაც მასთან იყო დაკავშირე-
ბული.

*
* * *

როცა ღვინის დაღვევის იმედი გაუწყდა, ბარბაცით გაემართა ლოგი-
ნისაკენ, თუმცა მთვრალი არ იყო და თავქვე დაემხო.

თავი ბალიშებში ჩარგო... და ბედნიერებისაგან იყო ეს თუ ნაღ-
ვლისაგან, თვითონაც არ იცოდა, დიდხანს იტირა.

*
* * *

ბედნიერებამ, რომელიც ამ ქვეყნად წილდა ხვდა ჯვერიეს, რო-
გორცა ჩანს, უკვე მიაღწია ზენიტს. ამ წერტილიდან მოყოლებული
მისი ბედი ისევ წახდა.

და ერთმანეთს მოჰყვა უბედურება და ნაღველი.

იმ დამეს ის მალე არ დაბრუნებულა. მხოლოდ გათენებისას
მოვიდა.

— შენ ეხლავე ადექი და წადი. — უთხრა მან ჯვერიეს. — ასეა
საჭირო.

ძალიან გაფითრებული იყო.

სხვა ახსნა-განმარტებები მას არ მოუცია. არც ჯვერიეს უთხოვია.
მან ხომ კანონს გარეშე მყოფ ხალხში გაატარა თავისი სიცოცხლე.

როცა კაცს ასე მოექცევა სახე, საფეთქლები აუთამაშდება და დანა-
პირს არ უხსნის, ეს იმას ნიშნავს, რომ საცაა ხელსა სტაცებენ.

ჯვერიე ადგა და საჩქაროდ ჩაიცვა.

საჩუქრები ხელში აიღო და კარებში რომ გადიოდა, მან ისევ
გაიშვირა მისკენ ხელი და უთხრა:



— ჯევერიე, ამდამ ძალიან ცუდი ამბავი მომხდარა... ნუ მოხვალ აქ... ჩემს სანახავად არავინ არ უნდა მოვიდეს...

ჯევერიემ იცოდა, რომ ეს უბრალო გაფრთხილება არ იყო. ამჯერად მართლა იყო საშიშროება.

— რა მოხდა? ყველაფერი შეგიძლია მითხრა... შენ მე საკმარისად მიცნობ...

— ჯევერიე, ჩემო გოგონავ... შენ იცი, ფარულად ვცხოვრობდი... გუშინ საღამოს გაუფრთხილებლად მოვიქეცი... წლობით უნახავი დედა ვნახე... თურმე მას უთვალთვალებდნენ, რომ ჩემი კვალისთვის მოეგნოთ... როგორც ჩანს, ეჭვი აიღეს, რომ ჩვენ შევხვდით ერთმანეთს... მე ვერ ვუპოვივართ, დედაჩემი დაუჭერიათ... დედაჩემი...

მას ფერი აღარ ეღო.

— აქ მოხვლა საშიშია. — განაგრძო მან. — სანამ დედაჩემის დაკითხვა არ გათავდება, ნუ მოხვალ...

— მე როგორ გავიგო, როდის უნდა ვნახო?

— ერთი თვის შემდეგ... ზუსტად ერთი თვის შემდეგ ჩაიარე აქ... გესმის... თუ ნაშუადღევს სამ საათზე ჭიშკართან ქერიმი ნახო სკამზე დამჯდარი, მაშინ იმ დამეს მოხვალ, როგორც ყოველთვის... თუ არა, კიდევ ერთი თვე მოიცადე... ყოველი თვის ერთსა და იმავე დღეს, ნაშუადღევს სამ საათზე...

— ყველაფერს გავაკეთებ, ვიდრე საშიშროება არ გაივლის და შენ არ შეგხვდები... — აქვითინებული ხმით წარმოთქვა ჯევერიემ და მუდარით აღსავსე თვალებით მიაცქერდა მას.

— რატომ აკეთებენ ამას? რატომ გეძებენ? დიდი დანაშაული გაქვს?

— სიკვდილი მაქვს მისჯილი.

ჯევერიე უტბად ვერაფერს მიხვდა. იგი მთელი ტანით კანკალებდა.

— სასჯელი დაუსწრებლად გამომიტანეს. თუ ხელში ჩაუვარდი... გესმის?..

ძალიან კარგად ესმოდა ჯევერიეს. უნდოდა ეყვირა, აურ-ზაური აეტეხა. ეშინოდა რომ მოსტაცებდნენ ამ კაცს და სახრჩობელაზე გააგზავნიდნენ.

— რა დანაშაული გაქვს? — ჰკითხა ჯევერიემ.



— ეხლა მაგის დრო არ არის... ოღონდ იცოდე, რომ გაუფიქრებელი ბელი ნაბიჯი ძვირად დამიჯდება.

ჯევრიემ გულისნადები ველარ დამალა. თვალებიდან ღვარად გადმო-
ნადენ ცრემლთან ერთად თავისი გულისნადებიც გადმოანთხია:

— შენ უნდა მოგკლან? რატომ ის ხელები არ დააწყდებათ. ხომ ხედავ, როგორ მიყვარხარ, ძალღივით შენი ერთგული ვარ, წლობით არა ვნახავ, სულ არა ვნახავ, ოღონდ შენ იცოცხლე... დე, მე მოვკვდე, ოღონდ შენ იცოცხლე...

მას ჯევრიესათვის ხმა არ გაუცია. მხრებზე მოხვია ხელი, თავისკენ მიიზიდა, მის მკერდზე აქვითინებულს თმებზე აკოცა და:

— ჩემო ვოგონავ! — უთხრა.

ამ დროს კიბეებზე ისევ გაისმა ფაჩუნის, კარზე დააკაკუნეს.

— ჩქარა გამოვიდეს! — გაისმა ოთახში შემოსული ქერიმის ხმა. ჯევრიემ ხელის ზურგით ცრემლები მოიწმინდა.

— რა მოხდა, ძია ქერიმ, ხომ არ კვდები? — უთხრა ჯევრიემ და გავიდა.

მას თან მიჰქონდა გულში ჩაკრული საჩუქრები.

*

* * *

ეს მათი უკანასკნელი შეხვედრა იყო. ჯევრიეს ის აღარ უნახავს. ასე დამთავრდა მათი ურთიერთობა, რომელიც მთელი წლის მან-
ძილზე სანთელივით სწვავდა და ადნობდა ჯევრიეს.

მთელი ერთი წელიწადი ცალმხრივი სიყვარულისაგან იწვოდა და იღვევებოდა ჯევრიეს უაზრო ცხოვრება, მაგრამ ამაში ის მაინც გრძნობდა რაღაც სიამოვნებას.

მთელი წელიწადი ფიქრობდა ჯევრიე, რომ მას არ უყვარდა და არც შეიყვარებდა, გრძნობდა რომ ის მასში ქალს არ ხედავდა, იცოდა რომ მხოლოდ მეგობრულად გამოუწოდეს ხელი.

მაგრამ მიუხედავად ამისა, მუდამ იმედი ჰქონდა, რომ დადგებოდა დრო, როცა ის ქალს დაინახავდა მასში და შეიყვარებდა.

დროდადრო იყო შემთხვევები, როცა დაუოკებელი თავგასულო-
ბა დროსტარების, ლოთობისა და გახრწნილების უფსკრულში გადა-



ისვრიდა ხოლმე ჯვერიეს, მაგრამ საერთოდ მისი ნაცნობობა
 მისი სიყვარული დამამწვიდებლად მოქმედებდა მისი სიყვარული
 ჯვერიეს სიყვარული ქარიშხალივით ძლიერი იყო.

და ამ გრძნობით შებყრობილი ჯვერიე, ქარიშხლის ატაცებულ ხის
 პატარა ტოტივით ანგარიშმიუცემლად მიექანებოდა მისკენ.

მისი გაცნობის შემდეგ ჯვერიეში ერთბაშად ამოძრავდნენ და
 გაცოცხლდნენ ყველა ის გრძნობები, რომლებიც აქამდე ჩრდილში
 იყვნენ მიძინებულნი.

ჯვერიეს ის უყვარდა როგორც დედა, რომელსაც ის არ იცნობდა
 და ამიტომ არ შეიძლება ჰყვარებოდა, უყვარდა როგორც მამა,
 რომლის ხატება არასოდეს არა ქრებოდა მის გულში, უყვარდა
 როგორც ძმა, რომელიც არ ყავდა, და თუ ყავდა, არ იცნობდა;
 უყვარდა როგორც საქმრო, რომელიც არასოდეს არ გამოეცხადებოდა
 მას, რადგან ჯვერიე არასოდეს არა ყოფილა ქალწული, უყვარდა
 როგორც საქმრო, რომელსაც ბედი მას არასოდეს არ არგუნებდა.

ჯვერიეს ის უყვარდა ყველას მაგივრად და ერთნაირი სიყვარულით.

*
* *
*

ერთი თვის შემდეგ შეძლებდა მის ნახვას...

ეს ერთი თვე ლოდინი, და თანაც მაშინ, როცა მას საშიშროება
 ელის, ჯოჯოხეთურ ტანჯვაზე უარესი იყო ჯვერიესათვის.

აღარ იცოდა სად წასულიყო.

სტამბოლი თითქოს უეცრად დაპატარავდა მისთვის. ყოველი
 ადგილი ვიწროდ ეჩვენებოდა.

ქუჩები მოწყენილი და დაღვრემილი იყო... სამიკიტნოებში ობისა
 და ნაგვის სუნი იდგა.

ზღვას ტყვიისფერი ედო.

ცუდი ამინდები იდგა, ქალაქს ტყვიის თაღებად გადაჰფარებოდა ცა...

ჯვერიე ერთ ადგილზე ვერ ისვენებდა. ერთი ადგილიდან მეორეზე
 გარბოდა.



ეხლა რომ ედირნეკაფიში იყო, ერთი საათის შემდეგ მასწავლებელი
თაშკიშლაში ნახავდით.

მას აქეთ, რაც იქ მისვლა აუკრძალეს, ჯევრიე სტამბოლში წასას-
ვლელ ადგილს ველარ პოულობდა.

ყოველ საღამოს ისეთი გრძნობა ჰქონდა, თითქოს ნეჯათიების ქუჩა-
ზე მდებარე სახლში აპირებდა წასვლას.

ჯევრიე დაბნეული და საწყალი იყო, როგორც სახლიდან გამო-
ვლებული კატა. „ერთი თვე რომ არა ვნახო, არაფერია, მაგრამ ვაითუ
დაიჭირეს“... — ფიქრობდა იგი.

და მაშინ მთელი ტანი უძაგდავებდა...

როცა გაიგო, რომ სიკვდილი ჰქონდა მისჯილი, მისთვის სიცოცხლე
ტანჯვად გადაიქცა...

— აქამდე ხომ იმალებოდა და იქნებ ეხლაც არ ჩაუვარდეს
ხელში. — იტყოდა ჯევრიე თავისთვის, მაგრამ იქვე ბრაზმორეული
წაიბურტყუნებდა: — ნეტავ რა მოხდა ისეთი, რომ მაინცდამაინც დანა
გაუყარა ვიღაცას?

კი მაგრამ, ის რომ არა გავს კაცის მკვლელს!..

ჯევრიეს შეუძლებლად მიაჩნდა ასეთი რამ.

თუმცა, ზოგჯერ ისეთი ოხრებიც არიან, რომ ძალით გამოგტყუ-
ებენ სიკვდილს...

რა დანაშაულიც არ უნდა ჰქონდეს, რა მიზეზითაც არ უნდა
მიესაჯათ მისთვის სიკვდილი, ეს ჯევრიეს არ ეხებოდა.

ჯევრიესათვის ის იყო კეთილი კაცი, რომელმაც ავადმყოფობის
დროს ქუჩაში არ მიატოვა, მიუხედავად იმისა, რომ თვითონ სიკვდილი
ჰქონდა მისჯილი, შეიბრალა, სახლში წაიყვანა და მთელი კვირა
უვლიდა და მკურნალობდა.

ის წყნარი და გულკეთილი ადამიანი იყო...

ის იყო მეგობარი, რომელიც ახალწლის ღამეს ელოდა მას,
სუფრა გაუშალა და საჩუქრები მისცა...

მან ისეთი პატივისცემა და მეგობრობა გამოიჩინა მის მიმართ,
როგორიც არავის არასოდეს არ გამოუჩენია.

მას არ უთქვამს — „აბა ერთი დატრიალდიო“, და მუცლის ცეკვა
არ უთხოვია მისთვის. და არც მთვრალი არ დასწაფებია მის ბაგეებს.

¹ მ ა ჩ კ ა — უბანია სტამბოლში.



ის სხვა კაცი იყო... არაჩვეულებრივი ადამიანი, რომელიც არა არა ჰგავდა. მისმა სიახლოემ სულ სხვა არსება გააღვიძა ჯვერის... ჯვერიემ პირველად მასთან იგრძნო, რომ ადამიანია. ის მას როგორც ქალბატონს, ისე ეპყრობოდა. როგორც ჯვერიე იტყოდა: „ისე მეპყრობოდა, თითქოს ხიდის ქვეშ კი არა, დედ-მამასთან ვყოფილიყავ გაზრდილიო“.

მის მიმართ ჯვერიეს მადლიერებისა და პატივისცემის უდიდესა გრძნობა ჰქონდა.

პირველად მის გვერდით გაუჩნდა სურვილი სხვანაირი ყოფილიყო მის გვერდით...

ნეტავ თუ შესძლებდა მასთან მისვლას...

„მაგრამ... ვაითუ შეიპყრეს?“ — ფიქრობდა ჯვერიე და ცეცხლი ეკიდებოდა.

„მაგრამ თუ ციხეში გამოამწყვდიეს!..“

ციხეს კიდევ რა უშავდა... მას ხომ სასიკვდილო პერანგი უნდა ჩაეცვა.

ჯვერიეს უნახავს სიკვდილმისჯილი ადამიანები.

ოჰ, ღმერთო, რა საშინელი იყო მათი ცხოვრება...

ახლა, მათი საყვარელი ქალების ცხოვრება...

ჯვერიეს დარტყმული-მარიკა გაახსენდა.

მას შემდეგ, რაც გაიგო, რომ მას სიკვდილი მიუსაჯეს, თვალწინ სულ დარტყმული-მარიკა ედგა.

მაშინ მას დარტყმულ-მარიკას არ ეძახდნენ. მისი სახელი ფინდიკ¹-მარიკა იყო. ის ყველაზე მოჭიკჭიკე გოგო იყო მთელ გალათაში. ჯვერიეს არასოდეს დაავიწყდება, როგორ ცეკვავდა ის სირტოს, როგორ მღეროდა ბერძნულ მზიარულ სიმღერებს. მარიკა რომ ერთს გაიცი-ნებდა, მთელი სამიკიტნო გუგუნებდა.

საწყალი მარიკა...

მას ჯოფჯოფ-ომერი შეუყვარდა. ომერმა ის მემაწვნე ეთემი მოჰკლა. ომერი ლამაზი არ იყო, მაგრამ ვაჟკაცური შეხედულება ჰქონდა.

მუდამ წარბშეკრულს, პიჯაკი მხრებზე ჰქონდა მოგდებული და ხელები განზე ეჭირა ხოლმე. ულვაშებზე კობტად იცოდა ხელის

¹ ფ ი ნ დ ი კ — თხილი.



ვადსმა. მარიკას, როგორცა ჩანს, ამ ვაჟკაცური იერისთვის შეუქვარ-
ლა იგი.

გალათაში ის ბურსიდან! მოხვდა... ბურსელები ხათაბალა ხალხია.

— კარგი საქონელია! — თქვა ჯევრიემ, როცა პირველად ნახა
ჯოფჯოფ-ომერი.

მარიკას ის როგორღაც უცბად შეუყვარდა.

რა ძალიან უყვარდა, ღმერთო, მიუხედავად იმისა, რომ სცემდა
მარიკას, სულსა ხდიდა...

ერთხელ ჯევრიე და ორი კაცი ბარბას სამიკიტნოში ისხდნენ და
სვამდნენ. იქვე მაგიდას მარიკა და ჯოფჯოფ-ომერი უსხდნენ.

— ჯიგრის ქაბაბი გააკეთე, ბარბა! — დაიძახა ვიღაცამ გვერდითი
მაგიდიდან და ცალი თვალი მარიკას შეაგლო. ეს შეხედვა საკმარისი
იყო ჯოფჯოფ-ომერის გასაცოფებლად.

ეს კაცი უბედურება იყო, პირდაპირ უბედურება.

ის უცბად მიუბრუნდა ქაბაბის მსურველს:

— ჯიგრის ქაბაბი, ჩემი ჯიგრის ქაბაბი ხომ არ გინდა შეგიწვას
ამ გოგომ, — თქვა მან, წამოხტა, ყელში სწვდა იმ კაცს და მიწაზე
დაანარცხა.

ო, ღმერთო, ჯევრიეს ეხლაც ახსოვს ის ღამე. იმ მაგიდასთან
მსხდომნიც წამოცვივდნენ.

წავიდა დაკა-დაკა...

რა აყალმაყალი ატყდა... ისეთი ხალხიც ჩაერია, რომელთაც არა-
ვითარი კავშირი არა ჰქონდათ ამ ჩხუბთან. ჰაერში სულ თეფშები და
ჭიქები ტრიალებდნენ.

ბარბას მაშინდელი გამომეტყველება ეხლაც თვალწინ უდგას ჯევ-
რიეს... ცხვირი დაგრძელებოდა თითქოს... საწყალი ბარბა...

ერთი ჭიქა ჯევრიესაც მოსდეს თავში. მარჯვენა წარბთან ეხლაცა
აქვს ნაჭრილობევი.

ჯოფჯოფმა ის კაცი მუცელში დაჭრა მარჯვენა მხარეს. ისინი მოწ-
მეებად ჩაწერეს. მოსამართლის წინაშე რომ წარსდგნენ, მორიგე-სასა-
მართლოს მოსამართლემ ჯევრიეს აღმაცერად გადმოხედა და წესი-
სამებრ სახელი ჰკითხა.

1 ბურსა — ქალაქია თურქეთში.



ქართული
ლიბრარი

— აყალმაყალის მოწმეს რა უნდა იერქვას, ბატონო თავმჯდომარე?
ჩემი სახელი — ჯევრიე... გვარი — ფოსფორიანი...

მოსამართლისაგან იმ დღეს ბლომად მოისმინა ჭკუის დარიგებები.
მარიკა შეყვარებული იყო. იმ კაცმა კი ფულის გამოწველის ხერ-
ხები იცოდა და მეტი არაფერი.

მარიკა თავის ამხანაგებს ძალით ართმევდა მუშტრებს, რომ მის-
თვის ფული ეშოვნა. ჯევრიე მარიკაზე ამხანაგებს ეტყოდა ხოლმე:

— ეგ რა ქალია, სამარშრუტო ტაქსივით მუშაობს...

ეჰ, საწყალი მარიკა. ომერი რომ მემაწვნეს კლავდა, ნეტავ თუ
გაახსენდა, რომ სიკვდილს მიუსჯიდნენ?

განზრახ კაცის მოკვლა და ისიც ყომარის გულისათვის... სულ ხუთ-
ნახევარი ლირის საქმე იყო...

ის მემაწვენე ყომარბაზების თავი იყო...

მამაძაღლობდა ხოლმე... ბევრჯერ უბეგვიათ.

— „ძაღლს სიკვდილის დრო რომ დაუდგება, მეჩეთს მიადგება და
ფეხს აწევსო!“ — ამბობდა მთელი გალათა, როცა გაიგეს, რომ ჯოფ-
ჯოფმა მემაწვენე მოკლა.

ძაღლს სიკვდილის დრო რომ დაუდგება... მაშ რა ეგონა, ეგ გააცუ-
რებდა ჯოფჯოფს?.. კაცი თვითონ პირველია გაცურებაში. რას არ
ატრიალებს, მაგრამ მემაწვენეს მაინც ვერ მიუხვდა ხრიკსა და ხუთნახე-
ვარი ლირა... ხუთნახევარი ლირა დაკარგა.

არის ხოლმე დღე, როცა ხუთნახევარ ყურუშსაც ფასი აქვს,
მაგრამ...

მაგრამ ხუთნახევარი ქალაღლისათვის მაინც არ შეიძლება ასეთი
შურისძიება...

ჯევრიემ იმ დღეებში ნახა მარიკა, როცა ჯოფჯოფი დაიჭირეს. ის
თმაგაწეწილი იდგა და ციხის კარებს არ შორდებოდა.

ასე გრძელდებოდა რამდენიმე თვე, თითქმის მთელი წელიწადი...
საწყალი მარიკა...

ბოლოს, სიკვდილი მიუსაჯეს. მარიკა იმ ღამეს ნახა... ხიდზე შეხვ-

¹ მუსლიმანური წესების მიხედვით, ძაღლი, რომელიც მეჩეთს წაბიწვავს,
მაშინვე უნდა მოკლან.



და. მას ნაცრისფერი ედო, ტუჩებს იკვნეტდა, თვალები
ბოდა. ერთ წერტილს მისჩერებოდა. ჭევრიეს ვერა ხედავდა.

ჭევრიემ მკლავში წაატანა ხელი.

— მარკია! მარკია!

საწყალი მარკია... ღმერთო, რა სახე ჰქონდა.

— მარკია...

— გაჩუმდი, ჭევრიე, გაჩუმდი!..

— სად მიდიხარ?

— ვიცი განა, სად მივდივარ?

— წამო, ბარბასთან მივიდეთ, წამო... ძალიან ცუდი ფერი გადევს...

დავლიოთ რამე...

— არ მინდა...

— წამო-მეთქი, გეუბნები... თუ არადა ქვევით ჩადი, ხიდის ქვეშ
დაჯექი, დამელოდე... დამელოდე, სასმელს მოგიტან...

ჭევრიე შევიდა და ერთი ბოთლი არაყი იყიდა. მთელი მისი ფული
მეტს არ გაწვდა.

ხიდის ქვეშ, კადიქიოისა¹ და ჰალიჩის² ნავმისადგომებს შორის მა-
რკიამ ერთბაშად გამოცალა არაყი, შემდეგ თავი ჭევრიეს მიაყრდნო
მხარზე და ბოთლი წყალში გადაისროლა.

— ჩამოახრჩობენ... — თქვა მარკიამ, მერე ჭევრიეს მხრიდან თავი
ასწია და იყვირა:

— არა, არა, არა!..

ჭევრიემ ხელი დააფარა პირზე:

— ენა ჩაიგდე, თორემ ხელს წამოგვისვამენ... მიხვდებიან, რომ
მთვრალი ხარ...

ჭევრიე არ იყო ცუდი გოგო... ეცოდებოდა მარკია, მაგრამ პოლი-
ციაში ღამის გათევა არ უნდოდა...

იმ ღამეს მარკია ძალისძალად წაიყვანა ბარბასთან.

ბარბამ დარაბები დახურა. ბარბა და ჭევრიე დილაზე ასმევდნენ
მარკიას...

რა ვაჟაკცია ეს ბარბა... გამგებიანი კაცია. „გულის ექიმია, სულის
მკურნალი, ეს ბარბა“, — ფიქრობდა ჭევრიე.

¹ კ ა დ ი ქ ი ო ი — უბანია სტამბოლში.

² ჰ ა ლ ი ჩ — ოქროს რქა.

ჯევრიეს ომერის წამების დილა მოაგონდა. ო, ღმერთო, რა საშინელი დილა იყო...

მას შემდეგ, რაც გაიგო, რომ ომერს სიკვდილი მიუსაჯეს... სულ თვალწინ ედგა სულთან აჰმედის მოედანი... ხალხის ბრბო... სახრჩობელა... ის დღე, როცა მოედანზე შეკრებილი ხალხი სეირის საცქერლად მოსულსა ჰგავდა...

— ახალი ბუბლიკი.. ახალი ბუბლიკი.. ცხელ-ცხელი! — ყვიროდა ბუბლიკებით მოვაჭრე და ხალხში დადიოდა.

ჯევრიეს თითოქს ეხლაც სცემდა მუშკის სურნელი. ომერის წამების მოლოდინში, ხალხი ხარბად შეექცეოდა მუშკის სურნელიან ბუბლიკებს.

ჯევრიემ ეხლაც წარმოიდგინა ის სცენა, განსაკუთრებით კი ის წუთი, როცა მოედანზე ციხის მანქანა გამოჩნდა...

ჯოფჯოფის დასანახად გალათის მთელი ნაძირალები ზედ სახრჩობელის ახლოს მოგროვილიყვნენ.

ჯოფჯოფი ვაჟკაცი ბიჭია. წამების წინ გაპარსულიყო. თმები დაესველებინა და გადაევარცხნა და ლურჯი პიჯაკის ჯიბეში იისფერი ცხვირსახოცი ჩაედო.

როგორც ყოველთვის, პეწიანი და ვაჟკაცური იყო. ჯევრიე თითქოს ეხლაც ხედავდა, როგორ დიდებულად მიაბიჯებდა იგი სახრჩობელისაკენ.

დანარჩენისათვის ჯევრიეს აღარ უცქერია, გული აერია, თავი მოიბრუნა, გადააფურთხა და იქაურობას გაეცალა.

რამდენიმე დღის შემდეგ მან გალათის ნავმისადგომში ნახა მარიკა მიწაზე გამხლართული.

„ან მკვდარია, ან გული აქვს წასული“... — გაიფიქრა ჯევრიემ.

მარიკა გაღეშილი მთვრალი იყო. მთვრალი, მაგრამ რა მთვრალი...

ჯევრიე მის ფეხზე დაყენებას შეეცადა. ამ დროს პოლიციელები მოვიდნენ. იფიქრეს, ერთად არიანო და მარიკა საავადმყოფოში წაიყვანეს, ჯევრიე პოლიციაში.



შემოწმებისას ისიც ავად აღმოჩნდა. რამდენიმე კვირა
სწრაფობდათა საავადმყოფოში გაატარა...

ეს არ წარმოადგენდა რაიმე განსაკუთრებულ შემთხვევას... ჩვეუ-
ლებრივი ამბავი იყო...

ამის შემდეგ არც ჯვერის და არც მთელი სტამბოლის საპოლიციო
უბნებს და განყოფილებებს მარიკა ფხიზელი აღარ უნახავთ.

მარიკა აღარ გამოფხიზლებულა. სულ სვამდა და სვამდა... სვამდა
ვიღრე ცნობას არ დაკარგავდა ხოლმე.

არაყს იშოვიდა, არაყს სვამდა, ღვინოს იშოვიდა, ღვინოს. თუ ვე-
რაფერს ნახავდა, დენატურატსაც არ იწუნებდა.

ლოთობაში თანდათან ჭკუასაც გადაცდა. ამიტომ ეძახებდნენ მას
დარტყმულ-მარიკას.

დარტყმული მარიკა!..

*
* *

— არა, არა, მას ვერ დაიჭერენ, — ამბობდა ჯვერი, როცა ეს
ამბავი გაახსენდებოდა ხოლმე.

როცა შიში ძალიან მოერეოდა, ჯვერიე თავს იმშვიდებდა: — რა-
ტომ უნდა დაიჭირონ? აქამდეც ხომ ვერ ჩაიგდეს ხელში.

ჯვერიე სულ იმის შიშით იყო შეპყრობილი, დაიჭერენ და ველარ
ვნახავო და არსად აღარ დადიოდა.

თავისი საყვარელი სიცოცხლის ნახევარს დათმობდა ჯვერიე,
ოღონდ ერთი თვე გასულიყო, გაეგლო ნეჩათიბის ქუჩაზე მდებარე
სახლის წინ და ქერიმი დაენახა კარებთან სკამზე ჩამომჯდარი.

„ნახევარი სიცოცხლეო, სიტყვაზე ითქმის, თორემ მთელ სიცოცხ-
ლეს დავთმობ... მისი დარდით ისედაც საცაა სული გამძვრება...“

*
* *

ამ დღეების მანძილზე რამდენჯერმე შეიარა ბარბასთან. ბარბა თვა-
ლებზე ატყობდა, რომ ის რაღაც განსაკუთრებულ განცდებში იყო.



ყველაფრის, ყველაფრის ამოკითხვა შეიძლებოდა ჯევერიეს ამ ცხელ
მაზ შავ თვალებში...

არც ერთ ქუჩის ქალს ალბათ არა ჰქონდა ჯევერიესავით მეტყველი
და ნათელი თვალები, რომლებშიც ასე კარგადა ჩანს ადამიანის დარდი
და სიხარული.

მას ყველაფერი ეტყობოდა თვალებზე.

— მატოთეო, მატოსტავრო¹, ჯევერიე, — ეტყოდა მას ბარბა, — შენს
გულში სიყვარული დასახლებულა.

ჯევერიეს ერთი სული ჰქონდა, რომ გულის დარდი გადაეშალა მამა-
სავით საყვარელი ბარბასათვის.

მაგრამ პირზე კლიტე ედო. მის შესახებ ერთი სიტყვაც რომ ეთქვა
ვინმესათვის, თილისმა ძალას დაკარგავდა და მას ველარ ნახავდა...

ჯევერიემ იცოდა, რა საშიში იყო მისი ხსენება.

არავის არ უნდა სცოდნოდა მის შესახებ. ჯევერიესათვის ის სტამ-
ბოლის ღამის უკუნეთში ჩაფლულ ტკბილ საიდუმლოებად უნდა დარ-
ჩენილიყო.

*

* *

ეს ჰერონიუმის საქმეც, სულ ირომ იარ ეგონა და არ მოელოდა,
ისეთ დროს გამოტყვრა.

ასეთი დიდი უბედურება ცხოვრებაში არავის არ დაატყდებოდა
თავს.

ჯევერიე თითებზე ითვლიდა დღეებს. ვადა თითქმის ამოწურული
იყო.

ნეჯათიბეის ქუჩაზე მყოფი სახლის წინ გავლამდე რაღაც ერთი
კვირაღა რჩებოდა.

მის საძებნელად წასვლის დღეები რომ მოახლოვდა, ჯევერიეს ისევ
იმედი მიეცა. „ის ამ უფსკრულსაც გადაახტება“, — ფიქრობდა ის
გულდაიმედებული და ხარობდა.

აუცილებლად ნახავდა მას.

¹ მ ა ტ ო თ ე ო , მ ა ტ ო ს ტ ა ვ რ ო (ბერძნ.) — ვფიცავ ლმერთსა და ჯვარს.



„მე მჯერა ჩემი იღბლისა, მე ვენდობი ჩემს იღბალს.“ ამბობდა ჯევრიე. ის მართლაც ძალიან ენდობოდა თავის ბედს.

ერთი კვირის შემდეგ ქარვასლის წინ უნდა ჩაეგლო და სკამზე მჯდარი ქერიმი დაენახა.

პირში პაპიროსგაჩრილ, მომღიმარ ქერომს, რომელიც სკამზე უნდა მჯდარიყო, ჭაღარა თავი გვერდზე ექნებოდა გადახრილი.

შემდეგ...

ოჰ, შემდეგ...

იმავე ღამეს, როგორც კი დაღამდება, არა, გვიან ღამით, იქ უნდა მივიდეს.

ავა კიბეებზე, არა, ფრთაშესხმულივით მსუბუქად აივლის კიბეებს.

განშორების წინ, ოთახში ქერიმის შემოსვლამდე, მან გულზე მიიკრა ჯევრიე და „ჩემო გოგონაო“, უთხრა.

არც ერთ მამაკაცს არ უთქვამს მისთვის „ჩემო გოგონაო“ ასეთი ტკბილი და ნაზი ხმით.

მამაკაცები მას მხოლოდ თავიანთი სურვილის დაკმაყოფილებასა სთხოვდნენ. ჯევრიესათვის ბედნიერების მინიჭება, მისი დაცვა მათ არ შეეძლოთ. არავინ მიაღერებია მას თვით მისი, ჯევრიეს გულისათვის.

ის იყო ერთადერთი მამაკაცი, რომელიც ალალი გულით მივიდა მასთან, გულთბილობა გამოიჩინა და ასე წმინდად ეაღერებოდა მას.

ნეტავ რა დაემართება ჯევრიეს, როცა მის ოთახში მივა და მას შეხვდება?

ჯევრიემ ხომ უკვე ყველაფერი უთხრა.

ღიას, ჯევრიემ უკვე ყველაფერი თქვა, მან კი გულზე მიიკრა ის და „ჩემო გოგონაო“, — უთხრა.

ამის შემდეგ ცხოვრებას მისთვის სულ სხვა სახე უნდა ეჩვენებინა.

„მე მისი სატრფო გავხდები“, — ამბობდა ჯევრიე.

მაგრამ მთავარი ეს არ იყო. ამ ქვეყნად ყველაზე დიდი ბედნიერება ის იყო, რომ ის კაცი აფასებდა ჯევრიეს.

მის საყვარელ და ახლობელ ქალად ყოფნა ბედნიერება იყო.

მაგრამ ამ ჰეროინიუმის საქმემ ყველაფერი თავდაყირა დააყენა. ძალიან უდროო დროს მოხდა და იმის საბაბი შეიქნა, რომ მთლად დაეკარგა და არასოდეს აღარ ენახა იგი.



იმ ერთი თვის განმავლობაში ჯვერიე ძველებურად ეძლეოდა ყველას, რომ ეცხოვრა, საჭმლისა და სასმელის ფულს.

და აი, ქუჩის კუთხეში რომ იდგა ერთ საღამოს, ვიღაც უნამუსო. დედის რძე შეერგოს შხამად, ხელში ჰეროინიუმის პაკეტები შეაჩეჩა და უთხრა — შემინახე, მერე გამოგართმევო.

ჯვერიე ჯერ კიდევ ვერ მიმხვდარიყო რა მოხდა, რა შეაჩეჩეს ხელში, რომ რამდენიმე კაცი შემოერტყა გარს.

ეს კული ამბავი იყო.

პოლიციის თანამშრომლებმა ხელში დაუჭირეს პაკეტები.

— ეს რა არის, გოგო?

— მეც არ ვიცი! — გულუბრყვილოდ უპასუხა ჯვერიემ.

მაგრამ როცა შეხედა, ვინც ერტყა გარს, იცნო და ეჭვი აღარ შეპარვია იმაში, თუ რა უნდა ყოფილიყო პაკეტებში.

ეს ჰეროინიუმი იყო.

— ეხლა ჰეროინიუმით დაიწყე ვაჭრობა, ფოსფორიანო? — უთხრა ერთმა მათგანმა.

— თავის თავს ტონობით ყიდდა, ეხლა კი გრამობით ვაჭრობას სწავლობს, — დააყოლა მეორემ.

— წელან რომ შენთან კაცი მოვიდა, ვინ იყო? — მკაცრად ჰკითხა მესამემ.

— რომელი კაცი?

— ეს პაკეტები რომ მოგცა.

— არ ვიცნობ, აბი!

— მაშ ჩვენ ვიციით, როგორ გაგაცნოთ.

ჯვერიესათვის საპოლიციო უბნებიც ნაცნობი იყო, პოლიციის განყოფილებებიც და სამმართველოც.

იქ ყოფნისა არ ეშინოდა... არასოდეს... მაგრამ ეხლა...

„ვის რა ვუთხრა საწყალმა ჯვერიემ?“ — ფიქრობდა ის თავისთვის. თუმცა ამით ის თავს ვერ დააღწევდა.



მართლაც ასე მოხდა...

ჯვერიე ვერ დაუძვრა ამ საქმეს. მასში ქუჩური მორალი იჯდა.



ქართული
ენების
სწავლის
სამეცნიერო
ცენტრი

ჯევრიეს მიაჩნდა, რომ „იმ ოხერმა“, რომელმაც ხელში შეიჭრა „შეაჩეხა, თავისი დანაშაულის საიდუმლოებაც გაანდო.

ჯევრიეს კი მისთვის განდობილი ერთი სიტყვაც კი არასოდეს არავისთვის გაუცია.

მას არავისთვის უამბნია არა მარტო ისეთი საიდუმლოება, რომელიც „შესანახად“ გაანდეს, არამედ ისეთიც კი, რომლის მოწმეც იგი თავისდაუნებურად გამხდარა ხოლმე.

ასეთი სიმუნჯის მიზეზი კი ის იყო, რომ ჯევრიემ ქუჩაში მიიღო აღზრდა.

თუ რაიმე შემთხვევის მოწამე ვახდის და სადმე თქვი, ღმერთმა დაგიფაროს, ადამიანს სულს ამოგართმევენ. თუ მოცლილი ხარ, იარე განყოფილებიდან განყოფილებაში... დარდს არავინ გაგიგებს და მოწმედ მიყვანილი, ბრალდებული აღმოჩნდები.

მარტო საპოლიციო განყოფილებით თუ გათავდა საქმე, კარგი იქნება... მაგრამ მერე სასამართლო გამოძიება დაიწყება — ცხრაჯერ დაგიძახებენ. ხან ალის დაგაყენებენ პირზე, ხან ველის... მერე კი ისე დაგიწყებენ ცქერას, როგორც უდანაშაულოს დამღუპველს ან კიდევ დამნაშავეს უკანონოდ გადამჩინებს... ამას სიკვდილი ჯობია.

„სასამართლოში მოწმედ ხომ ყოველთვის მატყუარები, ცრუები და უპირო ხალხი გამოდის ხოლმე“, — ფიქრობდა ჯევრიე.

„ბატონი მოსამართლე“ არასოდეს არ უჯერებს მოლაპარაკის არც ერთ სიტყვას.

ხან ერთსა ჰკითხავს, ხან მეორეს, ცდილობს დააბნიოს და ბოლოს ვაგიწყდება ადრე რა თქვი ან რა ნახე.

ყველაფერსა სჯობია ენას კლიტე დაადო და თუ რამე გკითხეს, უპასუხო: არ მინახავს, არ გამიგონია, არ ვიციო... და წახვიდე.

ჯევრიე უკვე რამდენი წელია ასე იქცევა. ყოველ სასამართლოზე, სადაც ის მოწმედ ყოფილა, მოსამართლე ეტყობა:

— შენ იქა ყოფილხარ... შენ თვალწინ კაცი დაუჭირაით.

— ლუკმა ბურმა თვალში სინათლე წამართვას, ბატონო მოსამართლე, არც მინახავს, არც გამიგონია, არფერი არ ვიცი.

— იქ არ იყავი?

— იქ ვიყავი...



— შენ თვალწინ ხდებოდა ესა და შენმა თვალებმა როგორ ვერ დაინახეს?

— პირდაპირ გასაკვირი ამბავია, ბატონო მოსამართლე, იმ დროს რალაც ეშმაკად, მკვდარივით მეძინა.

ასე იდგა ხოლმე ჭევრიე უარზე. ეს მისი წესი იყო...

გალათაში ასეთი გოგონები მოსწონდათ. კაჭკაჭივით ენაჭარტალებს. კი ფასი არა ჰქონდათ...

ყველა ნაძირალამ იცოდა:

ჭევრიე ცოცხლად რომ აკუწო, ერთ სიტყვას არ იტყვის...

— საიდუმლოების ქვევრიაო, — ამბობდნენ ხოლმე.

ჭევრიე ამას თავის გამოსაჩენად როდი აკეთებდა. ეს მისი ბუნება იყო. საკუთარ თავს კი ის ვერ გადაახტებოდა.

აი ახლაც, ამ საქმეშიც, იენაზე კლიტე ედო.

— ეს ჰეროინიუმი ვინ მოგცა?

— არ ვიცი, აბი...

— იმ კაცს რა ჰქვია, შენთან რომ მოვიდა?

— არ ვიცი, აბი...

სინამდვილეში კი ძნელია დუმილი, როცა იცი იმ ოხერის სახელი...

ჭევრიე იძულებული იყო, ხმა არ ამოედო, მაშინ როცა ერთი სულია ჰქონდა, სანამ თავს დააღწევდა აქაურობას.

არავის არ ესმოდა რა ხდებოდა ჭევრიეს სულში.

ჭევრიესი არავის არ ესმოდა.

ძალიან უნდოდა იმ კაცის სახელის თქმა, მაგრამ არ ამბობდა.

ამას, ალბათ, შიშიც უშლიდა ხელს. გალათაში განა ცოტა იყო ისეთი შემთხვევა, როცა ციხიდან გამოსვლის შემდეგ ნაძირალებმა შური იძიეს გამცემზე და დანაზე წამოაგეს?

ციხეში ყოფნის პირველ დღეებში ჭევრიეს ძალიან აეშალა ნერვები. ზედამხედველ ქალზე გული მოსდიოდა, ყველას აგინებდა, თავის ადგილზე ვერ ეტეოდა.

ასე გრძელდებოდა ერთი კვირა, ათი დღე. დრო ნელა გადიოდა, გული უკვდებოდა...

ორი კვირის შემდეგ დამშვიდდა. დამხოზილი იწვა, თვალები დახუჭული ჰქონდა და მასზე ფიქრობდა.



„მოსახდენი მოხდა, — ფიქრობდა ის, — მე მის კვალს ვერ ვიპოვებ... რომ ველარ ვნახო, მოვკვდები კიდეც“.

ციხეში ყოფნის მეოთხე კვირას ის ერთ ახალგაზრდა ქალს დაუმეგობრდა, რომელსაც სახელად შეფიქა ერქვა.

სხვა ქალები მას ედალი¹-შეფიქას ეძახდნენ და მის პრანჭვა-გრეხაზე იცინოდნენ.

ეს გრეხია ქალი კი, სხვათა შორის, კაცისმკვლელი იყო.

ერთ ღამეს თვითონ უამბო ჯევრიეს ყველაფერი.

მას თავისი საყვარელი კაცი მოუკლავს.

— შენი საყვარელი ადამიანი როგორ გაიმეტე?

— მატყუებდა.

— სულ ეს იყო მისი დანაშაული?

— დიახ, ჯევრიე... თანაც ჯერ მუცელი გამიბერა... მე მეგონა ვუყვარდი, მაგრამ...

შეფიქას თვალები ცრემლით ჰქონდა საესე.

— ნამუსი შემირცხვინა...

ნამუსი!..

რა იყო ეს, ჯევრიემ არ იცოდა... არავის არ შეეძლო მისი ნამუსის შერცხვენა...

„ნეტავ მე რატომ გამაჩინა ღმერთმა ასეთი უნამუსო?“ — ფიქრობდა ის... რატომ დააკლო ღმერთმა ასეთი ძვირფასი რამ. რატომ სრულებით არ მისცა ნამუსი?

„თუმცა მე მაინც კარგი გოგო ვარ“.

ჯევრიე კარგი გოგო იყო.

ეს თვითონაც კარგად ესმოდა.

და თუკი უნამუსო ადამიანებიც შეიძლება კარგები იყვნენ, მაშინ რატომ მოკლა ედალი-შეფიქამ კაცი იმისათვის, რომ ნამუსი შემირცხვინაო.

„ადამიანები ერთნაირები იზადებიან, — ფიქრობდა ჯევრიე. — ალბათ მეცა მქონდა ნამუსი, როცა დავიბადე... მე ვიღამ შემირცხვინა ნამუსი?“

ჯევრიეს ქუჩები გაახსენდა... მას თვალწინ წარმოუდგა ქუჩები,

¹ ედალი — პრანჭია.



ხალხის ბრბო... არა, ჯევრიე ვერავის შეიძლებდა იმის გამო, რომ ის ასეთ მდგომარეობაში იყო.

„ჩვენ ხიდის ქვეშეთის შვილები ვართ... ღმერთი ხიდის ქვეშ მიიტანს ნამუსს?“

ხიდის ქვეშ ნამუსს რა უნდა?

— მხოლოდ იმიტომ მოჰკალი, რომ ნამუსი შეგირცხვინა? — მიუბრუნდა ჯევრიე შეფიქას.

— არა, მხოლოდ მაგიტომ არა, ცოტა მიყვარდა კიდეც.

უყვარდა და იმიტომ?

ნეტავ იმას რიდასთვის მიუსაჯეს სიკვდილი? საყვარელი ქალის მოკვლისათვის?

რისთვის?

შეფიქა მართლაც ისეთი პრანჭია, ნაზი და ზრდილობიანი ქალი იყო, რომ მეტსახელი კარგად შეეფერებოდა. ისიც ისეთი რბილი და კარგი აღამიანი იყო, რომ ვერ იფიქრებდი თუ კაცის მოკვლა შეეძლო.

„მე ქათამსაც ვერ დავკლავ. — ფიქრობდა ჯევრიე. — შესახებდად მე უფრო ვგავარ კაცისმკვლელს, ვიდრე ედალი-შეფიქა“.

ედალი-შეფიქას კაცი ყავდა მოკლული.

მოკლული ყავდა, მაგრამ ახლაც უყვარდა.

მის შესახებ როცა ლაპარაკობდა, ტიროდა. ნახვის დღეებში მასთან მოსულ მოხუც დედას სთხოვდა, მისი საფლავი გააკეთებინეო და თან ეუბნებოდა, საფლავის გასაკეთებლად ჩემი ძვირფასეულობა გაყიდეო. ამის გამო ეჩხუბებოდა დედას და ატირებული შემოდისოდა უკან.

ჯევრიე და შეფიქა ერთად ჰამდნენ .ის ფულსაც აძლევდა ჯევრიეს, რომელიც მას უვლიდა ხოლმე.

— ჩემი ფიქრი გარეთ რომ არ იყოს, სულში დარდი რომ არ შეგდეს, აქ ისე ვიცხოვრებ, როგორც ლორდების პალატაში, — იტყოდა თავისთვის ჯევრიე.

ციხეში ყველაზე ცნობილი ტიპი მკითხავი არაფ-ფაზილე იყო.

რა ქალი იყო...

ციხეში ძალით ჩაიგდო თავი. განგებ მოწმეების თვალწინ ჩაადინა დანაშაული და ეს იმიტომ, რომ ის ყველაზე მეტ ფულს ციხეში აკეთებდა.

სიყვარულის რა თილისმებს არ უკეთებდა ახალგაზრდა ქალებს,



რა ჯადოებს არ ამზადებდა, რა ლოცვებსა და თილისმებს არ ისწავლიდა, რომ სასამართლოში ენა დაბმოდა მოსამართლეს.

ყავაზე ხომ შესანიშნავად იცოდა მკითხაობა. ყველა ტუსადი ქალი დარწმუნებული იყო, რომ მისი ნათქვამი კარგად ახდებოდა.

არაფ-ფაზილეს ყველაზე ცნობილი თილისმა სიყვარულის თილასმა იყო. ციხეში ეს ყველასა სჯეროდა. თუ მან ვინმე ქალს კაცი მოუჭადოვავა, ის კაცი სიკვდილამდე აღარ მიატოვებდა მას.

ჯევრიეც, როცა კი ჯიბეში ფული ჰქონდა, მასთან ვარბოდა ხოლმე. ისიც მარჩიელობდა. ფაზილემ რამდენჯერმე შესთავაზა იმ კაცის მოჯადოება.

მარგამ ჯევრიე ყოველთვის ამყად უარყოფდა ხოლმე ასეთ წინადადებას და იტყოდა — მას მხოლოდ მე ვუყვარვარ, მოჯადოება არა მჭირდებაო...

მარჩიელობა კი მაინც საჭირო იყო.

არაფ-ფაზილე ჯევრიეს ჩანაფიქრს ვერასოდეს ვერა ხვდებოდა.

ჯევრიე ისე კარგად ინახავდა თავის საიდუმლოებას, რომ არაფ-ფაზილე ვერაფერსა ხვდებოდა და ვეღარ მკითხაობდა ყავაზე.

— დეიდა ფაზილე, — ყვიროდა ხოლმე ჯევრიე, — თვალებს დაგთხრი, ვერა ხედავ შენ ჩემ დარდს.

მიუხედავად ამისა, ის ყოველდღე მასთან დადიოდა ხელში თავისი ჯეზვეთი¹.

მან ერთხელ მაინც, დაახლოებითაც ვერ გამოიცნო მისი დარდი.

ყავის ფინჯანში ერთხელაც კი ვერ დაინახა „ის“.

ჯევრიეს ცეცხლი ედებოდა მისი ამბის შეტყობის მოლოდინში.

სანამ აქ იყო, მის შესახებ რაიმეს გაგება შეუძლებელი იყო.

თავისთვის მხოლოდ იმას ლოცულობდა, რომ მის თავს არაფერი მომხდარიყო. ეს იყო და ეს.

*
* * *

ექვსი თვე ციხეში ჯდომის შემდეგ, ჯევრიეს ერთი წლის პატიმრობა მიუსაჯეს.

¹ ჯ ე ვ ე — ყავის მოსახარში სპილენძის ჭურჭელი.



პატიმრობის დარჩენილი ვადა ჯევრიემ იმავე ციხეში თავისუფლების დაკარგვა, და განსაკუთრებით კი ჯევრიესნაირი თავისუფალი გოგოსათვის, აუტანელი ტანჯვა იყო.

რამდენჯერ მოუარა ჯევრიეს სურვილმა, დაძვერებოდა ჩაკეტილ კარებს, ყრუ კედლებს, ებღავლა და ცოფიანი მხეცივით ერტყა მათთვის თავი.

ადვილად წარმოიდგენთ რა მწარე იქნებოდა ციხის დისციპლინა ჯევრიესათვის, რომელმაც ამ ხნობამდე ისე მოატანა, რომ მისთვის არ არსებულა არავითარი მატერიალური და სულიერი კანონები. თუმცა თავისუფლების დაკარგვა მაინც არ იყო მისთვის მთავარი.

ყველაზე მეტად ის ეძნელებოდა, რომ შორს იყო მისგან, არ იცოდა მისი ამბავი და მოკლებული იყო მისგან ცნობის მიღების შესაძლებლობას.

ჯევრიე დარწმუნებული არ იყო, რომ გამოსვლის დღეს იმავე ადგილზე ნახავდა მას და ამის გამო ციხეში გატარებული დღეები მტანჯველად და გრძლად ეჩვენებოდა.

ის იქნებ არც კი არის დაჭერილი. ასეთ შემთხვევაში ჯევრიეს გულს სხვა დარდი ღრღნიდა.

თუ დაჭერილი არ არის, ნეტავ რასა ფიქრობს ჯევრიეზე? ნეტავ რა ჰგონია, რომ ჯევრიე აღარ მოდის ნეჯათიბეის ქუჩაზე, რომ აღარ ეძებს მას?

„მაწანწალა ქალია... რა უნდა მოსვლოდა, ალბათ ვინმეს მიეტმასნა.“ — თუ ფიქრობს ის. ან იქნებ უარესსაც ფიქრობს: „როცა გაიგო, რომ სიკვდილი მომისაჯეს, შეშინდა და აღარ მოდისო“.

ყველაზე მეტად ჯევრიეს იმისა ეშინოდა, რომ ასე არ ეფიქრა. ეს რომ გაახსენდებოდა, ლოგინში ველარ ისვენებდა, ტრიალებდა და დილამდე ველარ იძინებდა.

*
* * *

ვაითუ დაიჭირეს!
როგორ გაიგოს?.. მამაკაცების ციხე ორ ნაბიჯზეა, მაგრამ... იქიდან ამბავი მხოლოდ იმათგან მოდის, ვისაც აქ საყვარელი ყავს.



ჯევრიემ სახელიც კი არ იცის მისი, რომ სხვა ქალებს სწავლებით მაინც გაიკითხოს.

ციხიდან გამოსვლამდე, სასჯელის მოხდამდე არაფერი არ იცოდა მის შესახებ... როცა ხელში ნახმარი გაზეთი ჩაუვარდებოდა, წერათხვის მცოდნესთან მიიტანდა და სთხოვდა:

— ერთი ეს წამიკითხე, გენაცვალე, ჩამოხრჩობის ამბავი ხომ არაფერი წერია?

ერთხელ ედალი-შეფიქასაც მიმართა ასეთი თხოვნით.

ეს საქციელი რომ გაახსენდება, ეხლაც სირცხვილი იპყრობს ხოლმე ჯევრიეს.

ტოტა მოფიქრება იყო საჭირო. მაგრამ ვერ მოიფიქრა. შეფიქამკვლევლობის გამო იჭდა ციხეში და ჩამოხრჩობის მუხლი ჰქონდა მიყენებული. ისიც საქმის დამთავრებასა და პროკურორის დასკვნას ელოდებოდა და ეშინოდა, რომ სასიკვდილო განაჩენს გამოუტანდნენ.

ასეთ მდგომარეობაში მყოფ ადამიანთან განა შეიძლებოდა სიკვდილით დასჯაზე ლაპარაკი? მაგრამ ჯევრიემ ამდენი ვერ მოიფიქრა. როცა ერთხელ, ისევ ჩაუვარდა გაზეთი ხელში, მაშინვე ედალი-შეფიქას წაუღო და სთხოვა:

— ერთი ნახე, გენაცვალე, ჩამოხრჩობის ამბები ხომ არაფერია შიგ?

შეფიქას ისეთი ყვირთელი ფერი დაედო, რომ ჯევრიეს შეეშინდა.

— ჩაგაძაღლებ მე შენ! — იყვირა განერვიულებულმა შეფიქამ და გაზეთი ცხვირ-პირში ჩასცხო ჯევრიეს.

შეფიქას ლამაზმა სახემ საშინელი გამომეტყველება მიიღო. ბაგეები დაემანჭა, თვალებში მხეცური გამოხედვა გაუჩნდა, ნესტოები უცნაურად დაუვიწროვდა.

თითქოს ნიღაბი გაიკეთა სახეზე.

— ე, რეგვენო, ვინა გგონივარ, ჩემთან ეგ ოინები არ გავივა! — შესძახა ჯევრიემ და გაიბღინდა, მაგრამ, რამე უბედურებას რომ არ გადაყროდა, გაშორდა იქაურობას. ჯევრიე ჭერაც არ იყო მიმხვდარი, რატომ მოიქცა შეფიქა ასე.

სწორედ ამ დროს შეფიქა კუნძივით დაეცა და გული წაუვიდა.

— ეს რას გადავეყარე? — თქვა ჯევრიემ და უკან დაბრუნდა. — არაფერს არ წარმოადგენს, მაგრამ მოსახლეობაში ეგეც წერია, ადამიანად ჩათვლიან და ანგარიშს ჩვენ მოგვთხოვენ.



ედალი-შეფიქა მიწაზე იწვა.

ისტერიკა დაემართა.

სხეული მთლად გაუშემდა, ხელები დაეკრუნხნა, თვალები ნახევრად წაუვიდა, კრიჭა შეეკრა, კისრის ძარღვები დაეჭიმა და დაებერა.

— გაფშიკა ფეხები, თუ რა მოუვიდა ამ ქალს? რა ვუქენი ისეთი, გაზეთი ვაჩვენე მხოლოდ!

— ეჰ, შვილო, — უთხრა ჯევრიეს ერთმა შუა ხნის ქალმა, რომელიც ამ დროს გაჩნდა იქ, — განა არ იცი, რომ სასიკვდილო მუხლი აქვს მიყენებული? მან იფიქრა ან მაღიზიანებს, ანდა ჩემი ჩამოხრჩობის განაჩენი გამოიტანესო.

— მართალია, დეიდა... ცეცხლზე ნავთი დამისხამს, მაგრამ ორივე თვალით დავბრმავდე, თუ მეფიქროს...

— უნდა იფიქრო ხოლმე, ჯევრიე... — უთხრა მან ჯევრიეს და შეფიქსთან ჩაიჩოქა. ეს იყო ბებია ქალი. აქ აბორტის საქმეზე იჯდა.

მან მუცლის ზელა დაუწყო შეფიქას და ჯევრიეს მიმართა:

— ასე სულელივით ცქერას, წადი, გაიქეცი და ცოტა წყალი და ოდეკოლონი მოიტანე.

ჯევრიე დამნაშავე კატასავით ფეხაკრეფით გამოორდა იქაურობას. ედალი-შეფიქას ნელ-ნელა დაუბრუნდა სუნთქვა. თანდათან ქვითინი მოისმა. მალე ქვითინი გაძლიერდა, სახე იცვალა და მწარე მოთქმად მოედო ციხეს.

შეფიქა მოთქვამდა და ისე ღრიალებდა, თითქოს ხორცებს აგლეჯენო. ამ ყვირილზე საკნის ბოლოში აკვანში მძინარე ბავშვს ვაეღვიძა. ბავშვის დედა ერთი გლეხის ქალი იყო ჩათალჯას ვილაიეთის რომელიღაც სოფლიდან და ვირის ქურდობისათვის იჯდა. ის ეხლაც ირწმუნებოდა, რომ არაფერი იცოდა ამის შესახებ და უდანაშაულო იყო.

ის იყო შეფიქა გამოერკვა, რომ ამ ქალის ხმაც გაისმა:

— კახბა ისე ყვირის, გეგონება, ხორცებს აგლეჯენ.

აქ ბევრი იყო ისეთი, რომლებიც ვერ იტანდნენ ედალი-შეფიქას პრანჭვა-გრეხას.

ციხეში ის არავის არ უყვარდა, სულ მარტო ცხოვრობდა. ჯევრიეს კი, ისე უცქეროდა, როგორც თავის მოსამსახურეს.

შეფიქა გადამდგარი ჩინოვნიკის ქალიშვილი იყო, მდიდარი არ ეთქმოდა.



გიჟურ სიყვარულს რომ მისთვის თვალები არ დაებრმავებდა, სოდეს მოუხდებოდა თავისი ცხოვრების ერთი ნაწილის ციხეში გატარება.

მაგრამ ბედმა და გულმა აქ გამოგზავნეს.

ბედის ამხანაგებისადმი მას არც თანაგრძნობა ჰქონდა და არც დასამწვიდებელი სიტყვა.

შეფიქა ისე ცხოვრობდა ამ ხალხში, თითქოს მათ შორის გამჭვირვალე კედელი ყოფილიყო აღმართული. ამის გამო არავინ არ მისულა მის დასახმარებლად და მის გაჭირვებას ყველა ისე უცქეროდა, თითქოს რამე გასართობი მომხდარიყოს.

*

* * *

შეცდომის გამოსასწორებლად ჯევრიე მამინვე გაიქცა, წყალი და ოდეკოლონი მოიტანა და ხელების ზელას შეუღდა.

ირგვლივ ქალებს მოეყარათ თავი სეირის საყურებლად.

— ერთი პარუნ აკოფის ამ ბატებს დამიხედეთ! — შეუტია ჯევრიემ ქალებს. — აქ რა, მაიმუნს ათამაშებენ თუ დედა-ფირუზა სიმღერებს ამბობს? ადამიანობის საქმეა... ცოტა უხეშად მომივიდა... წაიქცა და გული წაუვიდა. ამაზე ხარობთ?

— გვაპატიე, — თქვა ერთმა სოფელმა დედაკაცმა. — ქალი მომაკვდავი ჭოტივით გაჭკვის და რა არის აქ სახარბიელო, გვებრალება და ვუცქერით...

— აბა, გაიწ-გამოიწით, — შესძახა ბებია ქალმაც, — ყველანი ქალები ვართ, ნერვების ამბავია, ყველას შეიძლება დაგვემართოს.

სანამ შეფიქა გონს მოვიდოდა, უფრო სწორად, ღრიალს შეწყვიტდა, ნახევარი საათი გავიდა, ალბათ.

იმ დღიდან, რამდენი ბოდიშიც არ უხადა ჯევრიემ, მისი გული მაინც ვერ მოიბრუნა. შეფიქამ მტრის თვალით დაუწყო ცქერა.

ამ დღის შემდეგ მას ხშირად უმეორებოდა ასეთი შეტევები. ახალგაზრდა ქალი მუდმივ შიშში ცხოვრობდა.

იმ დღეს, როცა მისთვის პროკურორის საბრალდებო დასკვნა



უნდა წაეკითხათ, დილას ის საპირფარეშოში წავიდა და თავის ჩამოხრჩო-
ჩობას შეეცადა.

ძლივს გადაარჩინეს.

„ო, ღმერთო, ღმერთო, — ფიქრობდა ჯევრიე. — დიდი-დიდი, ჩა-
მოახრჩონ. მაგრამ ხომ შეიძლება არ ჩამოახრჩონ. არა სჯობია ბოლომ-
დე დაიცადოს?“

ჯევრიეს ყოველთვის უყვარდა სიცოცხლე. არასოდეს არა სდომე-
ბია სიკვდილი.

სიცოცხლე მაშინაც კი უყვარდა, როცა აქ იჯდა, უყვარდა იმ წუ-
თებშიც, როცა ფიქრობდა, რომ დაკარგა ის და უსასრულო შიშით
იტანჯებოდა.

სიცოცხლე იმედი იყო.

სიცოცხლე ყველაფერი იყო. თუ იცოცხლებდა, ისევ შეძლებდა
მის პოვნას, მის ნახვას, მასთან შეხვედრას.

ჯევრიეს, საერთოდ, დაუშვებლად მიაჩნდა სიკვდილი.

მას იმედი მაშინაც კი ჰქონდა, როცა თითქოს აღარაფერი იყო დარ-
ჩენილი.

ცხოვრება ხომ აურაცხელ ალბათობებს და შესაძლებლობებს წარ-
მოადგენს.

მაგალითად, პროკურორმაც შეფიქს ამ დანაშაულში შემამსუბუ-
ქებელი გარემოებები გამონახა და სიკვდილი კი არ მოითხოვა მის-
თვის, არამედ თხუთმეტი წლით პატიმრობა.

თხუთმეტი წელი რომ გაიგო, ედალი-შეფიქა ბედნიერი დაბრუნ-
და იმ დღეს ციხეში. ყველასათვის ყავა შეუკვეთა და პირველად იგრძ-
ნო სურვილი რომ დალაპარაკებოდა და დამეგობრებოდა იმათ, ვინც
თავისზე დაბლად მიაჩნდა.

— მოდი ერთი ამალამ კარგი დრო გავატაროთ! — წინადადებაც
კი შემოიტანა მან.

— სასმელი ჩემია! — დაიძახა საროსკიპოს პატრონმა ლამიამ.

იმ ღამეს დიდი ქეიფი გაიმართა. არაყიც შეისვა... თანაც ბლომად.
ლამიამ იშოვნა... როგორ იშოვა? არავის ეს საიდუმლოება არავისთვის
არ გაუნდვია.

ედალი-შეფიქს გადარჩენამ ისე გაახარა ჯევრიე, რომ თვალზე

ცრემლი მოადგა. იმ ღამეს ისეთი ჩივთეთელი დაუარა, რომ მთელი ქალები ააკუნტრუშა.

— ჯევერიე, აქედან თუ გავედით, შენ ჩემი გვირგვინი იქნები... უთხრა ლამიამ და თან იმასაც ფიქრობდა, როგორ გამოაწყობდა ჯევერის.

— აქედან თუ გავედი, ლამია აბლა, ჰერი ბიჭო, მერე მშვიდობით ვინც მიპოვნოს, იმან დაიტრაბახოს.

— სად უნდა წახვიდე, ჯევერიე?

— ეს მე და ალაჰმა ვიცით.

— ვა, — შესძახა ქურდმა მელაჰათმა, — შენ და ღმერთს შორისაც არის რამე?

ბეზია ქალი ვაბრაზდა:

— ნუ სცოდავ, გოგო, ჩვენ თუ რამე გვემართება, სულ თქვენისთანა ურწმუნოების ბრალია.

— ჩვენი გულისათვის, თუ თქვენი გულისათვის, ებე-ხანუმ? — ჩაერია ქურდი მელაჰათი. — თუ ასე გეშინია ღვთისა, მაშინ ბავშვებს როგორა წყვეტ დედის საშოს?

— მე ეგ არ გამიკეთებია... თუ ვაკეთებდი, მეტრალეობდა და უფულოდ ვაკეთებდი... მაგრამ ცოდვია-თქო და არ ვაკეთებდი.

— მე ჯერ არ მინახავს ისეთი ბეზია ქალი და ექიმი, რომელიც უფულოდ აკეთებდეს აბორტებს...

— სხვები რას აკეთებენ, ეგ მე არ მეხება...

— ჩვენც არ გვეხება, შენ რას აკეთებ... აქ რა, იმიტომ ხომ არა ვართ გამომწყვდეულები, რომ მეჩეთში მივდიოდით სალოცავად და ქადაგების მოსასმენად, ან მათხოვარს მოწყალება მივეციით... ყველასა გვაქვს რაღაც დანაშაული...

— ალბათ, მაგრამ მე არა მაქვს...

იქეთ მემანქანე ემინე წამოხტა:

— ბეზია ქალებზე არაფერი ითქმის... ისინი რომ არ არსებობდნენ და არ გვეხმარებოდნენ, რაღა გვეშველებოდა...

მემანქანე ემინეს თავის უფროსთან ჰქონია რომანი. უფროსის ცოლმა მათ დანაშაულის ადგილზე წაუსწრო და ემინეც სიძვისათვის ციხეში ჩასვეს...

— მე იმათაც ვცემ პატივს, ვინც ჩემივე ხარჯით მეხმარება. —

თქვა ემინემ. — განა ჩვენ თვითონ არ გადავჭამთ ხოლმე თავს, ხელ
ფებს ვუკოცნით, შველასა ვთხოვთ და ფულსაც იმდენს ვთხოვთ
რამდენიც შეგვიძლია?

— ისინი კი ერთხელაც არ შეგვიბრალებენ და ამ საქმეს უფულოდ
არ გავვიკეთებენ, — თქვა ქურდმა მელაპათმა.

— მოგართმევენ, ეგ არის, აი... თან პასუხისმგებლობა აიღე თავზე
და თან უფულოდ გააკეთე... როცა მამაკაცებთან დროს ატარებთ,
განა რა, ჩვენთან მოდიხართ და პირობას გაძლევთ, რომ აბორტს მუქ-
თად ვაკეთებთ-თქო?

უცბად ჯევრიე წამოხტა.

— რა ისე მიესიეთ ერთმანეთს, თითქოს მამის ქონებას იყოფდეთ,
ღებო? ნასწავლი ხალხი ხართ, ეგ ლაპარაკები ყელამდე გვაქვს მოსუ-
ლი. ჩვენი შეფიქვა სიკვდილს გადაარჩა. ჩვენ მის პატივსაცემად ვატა-
რებთ უხლა დროს... გაათავეთ ყიყინი... ნახეთ, რა სეფეთჩიოდლუ
ვიცეკვოთ...

— გავიმარჯოს, ჯევრიე აბლა, — შესძახა ქათმის ქურდმა ფემ-
ბემ. — ერთი ქამანჩა ავიღო და გავახურო... გაჩუმდით, ქალებო.

ფემბემ ქამანჩა დაუკრა. ჯევრიემ იცეკვა.

ის გულმოდგინედ ცეკვავდა. რამდენი თვეა არ დაუღვევია, ეხლა
შესაძლებლობა მიეცა და შექეიფიანებულსა და გახარებულს, რომ ადა-
მიანი ჩამოხრჩობას გადაარჩა, ქვეყანა ვარდისფრად ეჩვენებოდა.

„ არა, მას ვერ იბოვნიან. ისე კარგად იმალება, რომ...“ — ფიქ-
რობდა ჯევრიე.

*

* *

პატიმრობამ ასე ერთფეროვნად ჩაიარა.

მაგრამ მისთვის პატიმრობაზე უფრო ძნელი ასატანი ბოლუში გა-
დასახლება იყო.

ბოლუში რომ არ გაეგზავნათ, ციხიდან გასვლას ცოტა ფასი მაინც
ექნებოდა. ამ რკინის კარებში გამოსვლას კი მისთვის არავითარი სიხა-
რული არ მიუნიჭებია, რადგან მაინც ბოლუში მიდიოდა. მართალია, ის
შედარებით თავისუფალი იქნებოდა, მაგრამ სტამბოლში არ იქნებოდა.



ქუჩაში ვერ გავიდოდა და მის ამბავს ვერ შეიტყობდა. ^{ამაზე დღე}
წამება რა უნდა ყოფილიყო?

ჯევრიეს სიზმარივით ახსენდებოდა მგზავრობა ბოლუში, ბოლუში გატარებული დღეები, ბოლუში გაცნობილ სატვირთო მანქანის მოფერთან მოლაპარაკება.

ბოლუში დარჩენის შემდეგ მთელი მისი ცდა იქეთ იყო მიმართული, რომ გეგმა შეედგინა თავის დასაღწევად. მთელი დღეები ფიქრობდა და ბოლოს გადაწყვიტა, რომელიმე სატვირთო მანქანის მოფერს შეთანხმებოდა.

*
* *
*

სტამბოლში ჩამოსულ ჯევრიეს ხელი სტაცეს, მაგრამ ბედმა გაუღიმა. მან მაშინვე მოახერხა გაქცევა.

„ღმერთმა უშველოს თოფ-მელაჰათის“, — ფიქრობდა ჯევრიე. მელაჰათი რომ არა, ის ვერასდროს თავს ვერ დააღწევდა პოლიციას.

სამმართველოდან მას სამედიცინო შემოწმებაზე გააგზავნიდნენ და იქედან კი ისევ გადასახლებაში უკრავდნენ თავს.

იმ ღამეს ჯევრიე მავროს დუქნის უკანა ფანჯარაში გაძვრა. უკანა გზით თოფჰანეში გავიდა, ერთხანს ქუჩაში იხეტილა, შემდეგ, რასაკვირველია, თავი ველარ შეიკავა და ქარვასლას მიაშურა.

ჯევრიემ იცოდა, რომ უკან პოლიცია არ მოსდევდა.

სანამ პოლიცია ისევ თვალს მოჰკრავდა და დაიჭერდა, უნდა გაეგო, რა დაემართა მას.

ნესტიან და ბნელ ღამეს ქარვასლის კარებს რომ მიადგა, გულმა ბაგა-ბუვი დაუწყაო.

თუ არაფერი მოსვლია, თუ ჯერ ისევ აქ არის, ხუთი წუთის შემდეგ ნახავს. ავა კიბეებზე, დადგება კარის წინ, დააკაკუნებს, ალბათ ძინავს. მაგრამ ის ისეთი ფრთხილი ადამიანია და ყურებსაც ცქვეტს ყოველგვარ ხმაურზე, რომ შეუძლებელია ჯევრიეს კაკუნი არ გაიგონოს. ჯევრიე ვერ გაიგონებდა მისი ფეხის ხმას. ჯევრიეს არასოდეს არ გაუგონია მისი ფეხის ხმა. ფარულად ცხოვრება მისთვის იმდენად



ჩვეული ამბავი იყო, რომ სიარულის დროს მისი ფეხის ხმა არასოდეს არ ისმოდა. დადიოდა როგორც ლანდი, როგორც ჩრდილი.

ეხლაც უცბად გაიღება კარი და... ჯევერიეს რომ დაინახავს, აუცილებლად გაეხარდება.

— გოგო, ჯევერიე, შენა ხარ? — იტყვის ის. — სად იყავი ამდენ ხანს?

ამ სიტყვებს ფრთხილად იტყვის, კარების დაკეტვის შემდეგ. ჯევერიე გახარებული შეხედავს მას და მიუგებს:

— ნუ მკითხავ. ჯერ ციხეში ვიყავი, მერე გადასახლებაში.

— მართლა, გენაცვალე?

როგორ გაუკვირდება, გაუკვირდება და გაუხარდება.

ძალიან კმაყოფილი დარჩება, რომ ჯევერიემ არ მიატოვა, არ დაივიწყა და თუ არ მოდიოდა მხოლოდ იმიტომ, რომ ციხეში იჯდა.

— ერთი შემოგხედო, ხომ არ გამოიცვალე?

— არ ვიცი. — ეტყვის ჯევერიე.

— ცოტა თითქოს გაფითრებული ხარ.

დიდ სინათლეს აანთებენ და ამ დიდ სინათლეზე ნახავს მას არა როგორც აჩრდილს ან სიზმარში ნახულს, არამედ სინამდვილეში. დაინახავს მისი სახის ფერსაც და სახის ნაკვეთებსაც.

— მე უკვე მეგონა, რომ აღარ გენატრები. — იტყვის ის, მაგრამ ჯევერიე უპასუხებს:

— რას ამბობ? ძალიან მომენატრე. — და ჯევერიე, მის ხელს აიღებს ხელში, შუბლზე მიიდებს და იტირებს.

— ნუ ტირი, ჩემო გოგონავ! — ეტყვის ის, შემდეგ ალერსიან და თბილ ხელებს მხარზე დაადებს, მარჯვენა ხელს ლოყაზე მოუსვამს და გაიმეორებს:

— ჩემო გოგონავ...

და გაგრძელდებოდა ის ტკბილი მოგონება, რომელიც ოდესღაც აქ შეწყდა.

ჯევერიეს არც კი უფიქრია, რა სახით გაგრძელდებოდა, მაგრამ ის კი იცოდა, რომ ამით უნდა დაწყებულიყო.



*
* *

ჯევრიეს ეს ტკბილი ოცნება მაშინ ჩაქრა, როცა მისი ხელი ჭიშკრის კარს შეეხო.

კარები დაკეტილი იყო.

ნეტავ რას ნიშნავდა ეს?

იმას, რომ მისი ოცნებები ფუჭი იყო.

რა საჭირო იყო, მაინცდამაინც, ცუდის ფიქრი. კარი იქნებ იმიტომ იყო ჩაკეტილი, რომ თვითონ შიგნით არის? იქნებ ეხლა განგებ აკეთებენ ამას... სიფრთხილისათვის...

ჯევრიე ფეხის თრევით გაშორდა იქაურობას.

რომ არ რცხვენოდეს, იღრიალებდა და მთელ ღამეს შეაზანზარებდა. რისთვის ჩამოვიდა სტამბოლში?

სად უნდა წასულიყო ეხლა?

კარები რომ ჩაკეტილი დახვდა, ჯევრიეს ისეთი გრძნობა ჰქონდა, თითქოს ციხის კარების უკან ყოფილიყოს გამომწყვდეული, საწყალი და ბეჩავი.

„მოხდა მოსახდენი“. — ფიქრობდა ჯევრიე.

დაიჭირეს.

არა, რატომ უნდა დაეჭირათ. ალბათ სადმე სხვაგან შეათარა თავი. დიახ, ჯევრიეს სურდა, რომ ის გაქცეული ყოფილიყო.

იქნებ ფიქრობენ, ვინ იცის რა შეიძლება მოხდესო, და ამიტომ კეტავენ კარებს.

ჯევრიე დაქანცა ამდენმა თავგადასავალმა. ციოდა და აკანკალებდა.

თავშესაფრის ძებნაში მან თოფჰანესაკენ გასწია. მივიდა დანგრეული აბანოს გვერდით მყოფ ერთ კართან და დააკაკუნა.

შიგნიდან ხველება მოისმა.

— ვინ არის?

— სათილმიში მანდ არის?

— სათილმიში რად გინდა? — უბასუხა ქალმა, რომელსაც მამაკაცივით ბოხი და ხრინწიანი ხმა ჰქონდა.

— ქალო, ჰანიფე, გააღე კარი, მე... მე ჯევრიე ვარ...

კარები ჭრილით გაიღო.



— ერთი ვნახოთ ვინ არის ეს ჯევრიე. — წარმოთქვა კუთხეში მდგარი ლამფის სინათლე თმებზე ეცემოდა ჯევრიეს.

— ა, გოგო, ფოსფორიანო, შენა ხარ? — წამოიძახა ქალმა და ჯევრიე შიგ შეიყვანა.

— ამალამ შენთან უნდა დავრჩე, დეიდა ჰანიფე. სათილმიში ამიტომ მინდოდა.

— სათილმიშს ნულარ ეძებ.

— რა მოუვიდა სათილმიშს?

— ეგ მესაფლავე მაჰმუდს უნდა ჰკითხო.

ამ სიტყვებმა ჯევრიეზე საშინელი შთაბეჭდილება მოახდინეს.

— სათილმიში მოკვდა?

— ჰო, ალბათ უკვე არც რბილია მისი დარჩენილი და არც ძვალი.

— ეს რა მითხარი, ქალო, ჰანიფე, ერთი წლის წინ არა ვნახე?

— ერთი წლის? არა, გენაცვალე... მგონი ხუთი წელია უკვე... რაც

მოკვდა.

ლამფასთან მივიდნენ.

ჯევრიემ ეხლა კარგად დაინახა ჰანიფეს სახე.

ერთი წლის წინ ის ენერგიული ქალი იყო, ცოცხალი თვალები და მომღიმარი სახე ჰქონდა.

ეხლა კი ოთხმოცი წლის ბებერივით დაპრანჭვოდა სახე.

ჭუჭყიანი თავსაფრის ქვემოდან ჭადარა თმა მოუჩანდა. იგი ტუჩებ-დაპრანჭული, წარბშეკრული ქალი იყო, შეშლილივით იყურებოდა.

— ჯერ ფული მომეცი და მერე შემოდი.

— თავი დამანებე, ქალო ჰანიფე. ეხლა გამოვედი ციხიდან. კაპიციც არა მაქვს.

— აქ რა, საქველმოქმედოა?

— არა, ჰანიფე, მაგრამ განა არ მიცნობ? სათილმიშს რამდენჯერ მოვუყვანივარ.

— სათილმიშს თუ რამე დაემართა, სულ თქვენისთანა კახების გამო დაემართა.

— დღეს მუშტრადა ვარ მოსული. აღარ გახსოვვარ?

— როგორ არ მახსოვხარ? ფოსფორიანი ხარ...

— ფოსფორიანი ვარ, მაგრამ შენ ისე მექცევი, თითქოს არ იცოდე რომ სიტყვის პატრონიც ვარ...



— ეხლა დროება შეიცვალა. ძველი სიტყვის პატრონებიც დაეძებნენ როგორ გამოსდონ ადამიანს კვანტი... ცუდი დროა. ერთმა მაწანწალამ, რომელიც მთელი თვეობით მუქთად იყო ხოლმე ჩემთან, ვილაც კახპის გულისათვის დანა გაუყარა სათილმის.

ჰანიფემ ამოიოხრა.

— ის უკანასკნელი იყო ჩემი ცხრა ვაჟიდან.

ჰანიფე კარებში ჩამდგარიყო და ჯვერიეს შიგ არ უშვებდა.

— ერთი სიტყვით, მაყუთი თუ არ დავდე, მივბრუნდე და გავწიო, არა? მითხარი, ავუშვა აფრები?

ქალი ერთხანს დუმილით შეაცქერდა ჯვერიეს.

— კარგი, ეს ღამე გაათიე... ხვალ თუ ფული არ მოგიტანია, მეტს აღარ შემოგიშვებ.

ეს ოთახი ოდესღაც აბანოს წარმოადგენდა. კედლებზე მარმარილო ჩამოცვენილიყო. აბანოს ქვაზე ტომრებში გახვეულ რამდენიმე კაცს ეძინა.

ოთახში ბული იდგა, ცხელოდა, თავის გამაბრუებელი ჰაერი იდგა.

— თრიაქიც ხომ არ გინდა?

ოპიუმის სუნისაგან ჯვერიეს გული ერეოდა.

— არა, არ მინდა, თუ ღმერთი გწამს.

— რაღაც ერთხელ შემოხვედი... ცოტა მეტს გადამიხდი და ის არის... შენ იცი...

— შენ საკუთარ ოთახში წამიყვანე... აქ ბოლი დგას...

— ჩემი ოთახიც ასეთია... იქაც არის ბოლი და სუნიც...

— რა მოხდა, ჰანიფე, შენც დაიწყე...

ჰანიფემ მხრები აიჩჩია:

— რას იზამ, ჯვერიე... რაც შვილი დავკარგე, ჩემს თვალებს ძილო აღარ ეკარება... მოდი, აი აქ დაწექი.

გამაბრუებელი ჰაერი იდგა... „დასაძინებლად ცუდი არ იქნება, თუ ერთ-ორს მოვწევ“, — იფიქრა ჯვერიემ, მაგრამ სადღაც, შიგნით, გრძნობდა, რომ თუ ერთხელ დაიწყო, მერე ვეღარ მოეშვებოდა აქაურობას.

რამდენი კაცი შეეჩვია ოპიუმს ასე...

ჯვერიე ისევ ჰანიფეს მიუბრუნდა:

— შენს ოთახში ალბათ უკეთესი იქნება. მე და შენ სათილმისზეც ვილაპარაკებთ ცოტას...



მოხუცმა ქალმა მხრები შეათამაშა:

— რა უნდა ვილაპარაკოთ? მასზე ლაპარაკი გულს დამწვავს და მეტი არაფერი... მე კი ჩემს ოთახში მოსვენება მინდა... შენ აქ დაწე-
ქი... — უთხრა მან და ჭევრიე ტომარაჩამოფარებულ კარებში შეიყვან-
ნა... იატაკზე თივით გატენილი მინდერი იდო.

— როცა სათილმიშს მოვყავდი ხოლმე, თავის ოთახში მაწვენდა. ფულსაც არ მთხოვდა დამის გასათევს.

მოხუცი ქალი წავიდა.

„ნეტავ როგორ მოკვდა სათილმიში? — ფიქრობდა ჭევრიე. — რამ მოკლა ეს ვეებერთელა კაცი?“

ჯერ ძალიან ახალგაზრდა იყო. იმ ვილაცას დანა რომ არ გაეყარა. ვინ იცის რამდენ წელიწადს იცოცხლებდა...

ეხლა კი მკვდარი იყო.

ერთ წელიწადში გაქრა კაცი.

გააქრეს.

„საწყალი სათილმიში, — ფიქრობდა ჭევრიე, როცა თავის მინდერზე წვებოდა. — წელიწადზე ცოტა მეტი თუ იქნება, რაც ის და სათილ-
მიში უკანასკნელად იყვნენ აქა.

ვილაც მაწანწალას კახბის გულისათვის დანაზე წამოუგია.

ქარვასლის კარი დაკეტულია... იქნებ ისიც იბოვეს.

დაიჭირეს... ღმერთმა დაიფაროს“. — ისხვანაირად ფიქრი ჭევრიეს
არ უნდოდა.

ჭევრიე თივით გატენილ მინდერზე იწვა და ტომრის ნახვრეტებიდან
ოპიუმის მწვეველებს უცქეროდა.

ყველა გაბრუებული იყო. აბანოს ქვის ერთ კუთხეში სანთელი იდ-
გა. მის მოციმციმე სინათლეზე ჭევრიე ქვაზე დაწოლილ ხალხს ხედავ-
და. მათ შორის ერთი ქალი იყო. ლამაზი ქალი. ტანზე ჭუჭყიანი ძონძე-
ბი ემოსა, წაბლისფერი თმა გაჩეჩოდა. ნეტავ თუ მასაც ჰქონდა ოპიუმი
მოწეული?

ნამდვილად ასე იყო. ოღონდ სხვები ხვრინავდნენ, მას კი არ ეძინა.

სათილმიშის სიკვდილმა და ქარვასლის დაკეტილმა კარებმა ძალიან
შეაშინეს ჭევრიე.

„ღმერთია მოწყალე, მას არაფერი უჭირს,“ — ფიქრობდა ჭევრიე.

სიკვდილი ლატარიაა. სათილმიში მასზე ბევრად ახალგაზრდა იყო
და უკვე მოკვდა.

დადლილობის მიუხედავად ჯევრიეს ძილი არ ეკარებოდა. „ნეტავ დილა იყოს, წაველ და ძია ქერიმს ვკითხავ“.

აქაური ჰაერი აუტანელი იყო. ჯევრიეს თანდათან თავმა დაუწყო ტკივილი.

გაბრუებულს ფიქრები ერეოდა.

„პირდაპირ მთვრალი ვარ“, — ამბობდა ჯევრიე.

დილით კი ადრე უნდა გასულიყო აქედან, ქერიმი მოენახა და ყველაფერი გაეგო.

*

* * *

როცა ჯევრიეს გაეღვიძა, კარებში სუსტი სინათლე შემოდიოდა. თავი გასკდომავზე ჰქონდა.

— არ მიყვარს ეს საზიზღრობა, მორჩა და გათავდა. თვითონაც და მისი ბოლიც სულსა ხდის ადამიანს, — დააყოლა ჯევრიემ.

თუმცა მაინც ძალიან კმაყოფილი იყო, დაწყნარებული და გამოძინებული.

რაც არ უნდა იყოს, ღამის მეორე ნახევარში მაინც ეძინა... ეხლა ის სატვირთო მანქანით მგზავრობის დადლილობასაც გრძნობდა და იმ დაქანცულობასაც, რომელიც სტამბოლში ჩამოსვლის, დაპატიმრების და გაქცევის გამო გადატანილი მღელვარებით იყო გამოწვეული. ციხეში ყოფნისას ჯევრიე ფიქრობდა ხოლმე, რომ აქედან წასვლა, რაც არ უნდა იყოს, მაინც სასიამოვნოა და მართალია იცოდა, რომ გადასახლებდნენ, ამის გახსენებაზე მაინც მთელი არსებით თრთოდა.

მას არც კი ეგონა, რომ ციხიდან გამოსვლა ასეთი მტანჯველი იქნებოდა.

როცა ჯევრიე ადგა და გარეთ გავიდა, ჰანიფე უკვე ეზოში იყო და ძველი თუნუქიდან გაკეთებულ ტაფაზე თევზს წვავდა.

ჯევრიემ თევზი რომ დაინახა და სუნი ეცა, ნერწყვი მოუვიდა.

ჰანიფემ თევზის გადასაბრუნებელი მაშით ტაფიდან თევზი აიღო და ჯევრიეს გამოუწოდა.

— გამომართვი, ჰამე... — უთხრა მან ჯევრიეს. — დაისვენე?

— დავისვენე, ნუ წუხდები, ქალო ჰანიფე.



— ჩემს ბიჭს მოჰყავდი აქ არა? საწყალი სათილმიში.

— საწყალი სათილმიში! — გაიმეორა ჯევრიემ.

ცხელი თევზი ჯევრიემ მიწიდან აღებულ ქაღალდზე დადო და
ჭამა დაიწყო. თევზი ცხელი იყო, ტუჩებს წვავდა.

— ეს ჩემი საყვარელი თინუსია. ეს რომ არ არსებობდეს ქვეყნად,
ცხოვრებაც არ ეღირებოდა, ღმერთმანი.

— სათილმიშს არ უყვარდა, მის სიცოცხლეში არასოდეს არ გამ-
კეთებია, — თქვა ჰანიფემ და დააყოლა: — ადვილი შესაწვავია...

— გემოც კარგი აქვს...

— სათილმიში განებზივრებული იყო. ცხრა ვაჟიდან ეს ერთი დამბ-
ჩა. დანარჩენები დიდი ხანია მივაბარე შავ მიწას.

ჰანიფეს გაეცინა.

— მე რომ ბავშვები არ გამეჩინა, ნეტავ რა გააძლებდა ამ ხარბ მი-
წას?..

ჰანიფე ეხლა უფრო ფზიზელსა გავდა.

— შავ მიწას რა გააძლებს! — კანკალით წარმოთქვა ჯევრიემ და
ის გაახსენდა. არა, აქ მეტი დარჩენა აღარ შეიძლებოდა, ეხლავე უნდა
წასულიყო და გაეგო...

ჯევრიე თევზის ლეჭვით გაიქცა კარებისაკენ...

— საით, გოგო?

— ხვალ ოცდახუთ ყურუშს მოგიტან, ქალო ჰანიფე.

— ოცდახუთი ყურუში თავში იხალე... შენ აქ სათილმიშს მოჰ-
პავდი... სათილმიშის სტუმარი ხარ...

ჰანიფემ თვალზე მომდგარი ცრემლები მოიწმინდა. ალბათ ბოლი-
საგან ეწოდა თვალეები.



ჯევრიე ქუჩაში გავიდა და კარებთან შეჩერდა. ქუჩაში ტალახი იდ-
გა... სად წასულიყო?

უკვე ბნელოდა. გამოდის, რომ ჯევრიეს დილიდან საღამომდე სძი-
ნებია. იქვე მოწორებით გაზის ფარანი აინთო. ჯევრიე მხოლოდ ეხლა
მიხვდა, რომ საღამო იყო. თორემ იფიქრებდა, ღრუბლიანი ამინდია და
ამიტომ ბნელოა.



ქართული
საქართველო

ეხლა რომ ჯეგრიე გამზირზე გასულიყო, მაშინვე
დნენ. იქნებ უკან დაბრუნება ჯობდა?

დაბრუნდება...

არა...

აუტანელი იყო იმ ქალის ცქერა, რომელიც სათილმიშზე და სიკვ-
დილზე ლაპარაკობდა.

ის ველარ შებრუნდებოდა უკან...

უცბად სუმბულ-დუღუ გაახსენდა. განა არა ჯობდა, მასთან მისუ-
ლიყო, ის ენახა?

სუმბულ-დუღუსთან მისასვლელად გამზირზე გასვლა საჭირო არ
იყო.

ნეტავ გუშინ საღამოს გახსენებოდა...

ათი წუთის შემდეგ სუმბულ-დუღუმ უკვე კარი გაუღო ჯეგრიეს:

— ჯეგრიე, შვილო... ოჰ ღმერთო, თვალებს აღარ ვუჯერი! — გაი-
ძახოდა სუმბულ-დუღუ.

— ჩემო სუმბულ დეიდა...

— შემოდი, სუმბულ დეიდას ვარდის კოკობო... ეს რა სიცივეა გა-
რეთ? ძვლებს სულ ტკაცატკუცი გააქვს... ქალო, ამდენი ხანი საღ
ჯანდაბაში იყავი?

— უარეს ადგილას ვიყავი, სუმბულ დეიდა... ციხეში ვიყავი.

— ქალო, ისეთი რა აუტეხე შენს თავს? ისეთი ხელობა შენ არა
გაქვს რომ... მოიპარე რამე?

— რას მიჰქარავ, სუმბულ დეიდა...

— აბა არ ვიცი. შენი ხელობა სიძვა. კარგი მუშაობისათვის განა
ვინმეს ჩასვამენ ციხეში?

— რაებს ამბობ, კაცო? სიძვისათვის რატომ ჩავჯდებოდი? ორთა
ოიუნის! მოთამაშე ხომ არა ვარ. ჰერონიუმის გულისათვის მოვხვდი.
ჰერონიუმის...

— ეჰ, სულელო, გოგო, ეგ რა გიქნია... ჰერონიუმი აბა რა შენი
საქმეა, საყვარლის კოცნა უკვე აღარ გაკმაყოფილებს განა? რას ერე-
ოდი მაგისთანობაში...

— მე არ ჩავრეულვარ...

¹ ოიუნი — ხალხური თეატრია.



— შენ, რასაკვირველია, არ ჩარეულხარ, მესმის... მესმის...
იმ შენს სატრფოს, გაგიყვებით რომ შეგიყვარდა ამ ბოლო დროს და
თავი ველარ დაიძვრინე...

— არა, სუმბულ დეიდა, ცარიელ ქუჩაში ვიდექი, სამუშაოს მოლო-
დინში, რომ ერთი ვილაც დაწყევლილი მომადგა და პაკეტი მომაჩეხა
ხელში. ამ დროს პოლიციელები მოცვივდნენ. გაჩვენე რა გაქვს ხელ-
შიო. ვაჩვენე. პაკეტში ჰეროინიუმი აღმოჩნდა.

— მართლაც სასწაულია. შენ ჯერ რძეც არ შეგშრობია ტუჩებზე.
შენი ჭირივე, ჩემო პატარავ, ვერ მიხვდი, იმ მამაძაღლის ოინს?

— რას მალაპარაკებ ამდენს, სუმბულ დეიდა... აბა რა გავიგო მე
იმ ვილაცის ოინებისა.

— როგორა თუ რა გავიგო? შენ არ იცნობ გალათას. ის ტიპი შენი
საყვარელი იყო?

— არა, გენაცვალე, ერთი ვილაც გაიძვერა.

— აბა ერთი კარგად ჩამხედე თვალებში, ჯევრიე, თუ ჩემი მოტყუ-
ება გინდა, მაშინ ჩემთან საქმე არა გაქვს.

— ღმერთმანი, ვილაც გაიძვერა იყო ის კაცი. თან ვერც კომისარი.
ვერც განყოფილების უფროსი, ვერავინ დავაჯერე, რომ ასე იყო.
ბრაღი მე ამკიდეს. სიბნელეში მისი გულის ვარდი ვერ დაუნახავთ.
მხოლოდ ის დაინახეს, რომ თვითონ ბითუმად მოვაჭრეს ელაპარაკებო-
და. ერთი წელიწადი პურზე და წყალზე დამსვენს წითელი ნახევარმთვა-
რის სასარგებლოდ. ეხლა მზადაა ყველაფერი, თითის ანაბეჭდიც და
რეგისტრაციაც...

— თავი მოგწონს, ჩემო გოგო...

— მომწონს მაშ, სუმბულ დეიდა... დედა მე არა მყავს, გვარი მე
არა მაქვს და ჯილაგი... ამას იქეთ კი ყოველ რეგისტრაციაზე ახალი წო-
დება, ახალი სახელი და ჩინი შეგვემატება.

— შენ წესიერი და პატიოსანი გოგო ხარ, ოღონდ უმანკოება არა
გაქვს და ეგ არის.. უმწიკვლო არა ხარ. მე მჯერა შენი სიტყვებისა...
მაგრამ, რადგანაც ის ადგილი, სადაც დღეს ჩვენ ვცხოვრობთ, დედა-
მიწის ჭიპია, ბედის ყოველგვარი უკუღმართობა შეიძლება დაგვატყდეს
თავს... საქმეში მთავარია მოთმინება... ჩემთავად კი გინდ ჰეროინიუმის
გულისათვის მჯდარხარ და გინდ კოკაინისათვის, არც ერთს იღტისოდენ-
ა ფასი არა აქვს... თან ეხლა ჰეროინიუმი საგარეო ვაჭრობის საქო-



ნელი გახდა. ჩვენი ნაძირალების დასაქერად ამერიკიდან დეტექტივები მოდიან...

— კაცო, აქ ფეხზე ამდენ ლაპარაკს, სახლში შემოიყვანო...

— უჰ, ჩემო საყარელო, ღმერთმა ახალგაზრდა დამტოვა ქვრივად... შვილები არა მყოლია, შენ საკუთარი შვილივით მიყვარხარ, ჩემი სახლი შენი სახლია, ჯევრიე... აქ შენ რა დააბატიყება გინდა.

ორივენი გვერდით ოთახში შევიდნენ. ჯევრიემ წინასწარ ივარაუდა, რომ აქ ღუმელი უნდა ყოფილიყო და თავიდანვე უნდოდა აქ შემოსვლა.

— სიცივემ სულ ძვლებამდე გამატანა. — თქვა ოთახში შესულმა ჯევრიემ და შეიშმუშნა.

— ამერიკულ ვისკის დაღევ?

— ამერიკულ ვისკის?

— შენ ერთი წელიწადი ციხეში იყავი, ჯევრიე... აქ ცვლილებები მოხდა. სტუმრების გემოვნებაც შეიცვალა... ის ჰაჯი აღა, რომელიც ვინ იცის რომელი ბნელი სოროდან ჩამოდის აქა, მხოლოდ ამერიკულ ვისკისა და რაღაც ჯინსა და მინს კი ითხოვს. ამას წინათ ერთი მოვიდა... საქონლით ვაჭრობს. აქამდე საქონლის მომმარაგებელი იყო, ახლა სახელიც შეიცვალა... საქონლით მოვაჭრე გახდა... ეს სუმბულ-დუდუ შორსმხედველი ქალია... ხომ გაგივინია, დროება თუ არ შეგეწყობა, შენ შეუწყე დროებასაო... მეც საქონლის მიმწოდებელს საქონლით მოვაჭრის ტიტულით ვიხსენიებ... ჰო, რას ვამბობდი... მერე ისეთია ეს საქონლით მოვაჭრე, რომა... ჯიშინი საქონლის საშენში როგორ გააგზავნო, იმაზე უკეთესი ბულა იქ არ იქნება. სწორედ რომ გააუმჯობესებს საქონლის ჯიშსა. მისი მოდგმის ხარებმა საქონლის საერთაშორისო გამოფენაზე თუ ოქროს მედლები არ მოიპოვეს, ეს ორი თვალი დამიბრმავდეს. ჩვენი შაშკალოზ-სარა ხომ იცი? იმას თმები ყვითლად შეუღებია. ფეხზე რაღაცნაირი უქუსლო ფაჩუჩები აცვია, ტანზე კალთებგაფრიალებული კაბა, მხრებზე კი, ჩვენს შორის იყოს და, ბომბების კალათები ხომ გინახია, იმისთანა დაწნული ჩანთა ეკიდა. დააკაუნეს კარზე. გავადე თუ არა, შაშკალოზ-სარამ Hav ariyu! Hello არ მომძახა. სუმბულ-დუდუს აბა რა შეეშლებოდა... არაფერი შევიმჩინე, მეც მაშინვე ოქეი-მეთქი, ვუპასუხე და შემოვუშვი.

¹ How are you (ინგლ.) — როგორ ბრძანდებით?



— ო ღმერთო, სუმბულ-დუდუ, გამოდის, რომ შენც კეცა...
კელდი?

— თუკი შაშკალოზ-სარა გაამერიკელდა, მე რაღა ვარ, რა? ეგ კი-
დევ არაფერი... საქონლით მოვაჭრე რომ მიდიოდა, ბაიბაი! არ მითხ-
რა? მერე ჭიბიდან ერთი დოლარი ამოიღო და ფეშქეშად ხელში ჩამიდო,
სახსოვრად გქონდესო, მითხრა. ძალიან მეწყინა. სუმბულ-დუდუ ამ
ჰასაკამდინ მოსულა და ბინძურ საქმეში ხელი არასოდეს ჰქონია, ღირ-
სეული ქალია... დოლარი რომ გამოვართო რა ვქნა, წვენი ვადინო?
თუ, ამ ერთი დოლარისათვის შავ ბირჟაზე მივიდე და კონტრაბანდის-
ტებს მივმართო? მაგრამ კაცმა ბევრი ფული დახარჯა და მეც ამის
გულისთვის არაფერი ვუთხარი. არაფერი ვუთხარი, მაგრამ... ღმერთმა
კარგად იცის... სისხლმა ჭერ ფეხებისკენ დაიხია და მერე ტვინისკენ
ავარდა. — თქვა სუმბულ-დუდუმ და ხელები მუხლებს შორის მოქცეულ
თავზე მიიღო.

— საწყალი სუმბულ-დუდუ..

— სუმბულ-დუდუს პატარავ, მე მაგნაირი ხალხისა ვერაფერი მეს-
მის. სხვათა შორის, არც იმ პირუტყვისა არაფერი გამეგება, რომელსაც
საქონლით მოვაჭრის სახე მიუღია და დადის, და არც აშარ შაშკალოზ-
სარასი, თმები ოქროს ფოჩს რომ მიუგავს, რეზინას იდეჭება და ჰავა-
რიუს გაიძახის... შენ, ფოსფორიანო, ჩემი სულის ნაწილი ხარ... როცა
მუშტარს შენს თავს ვუჩვენებ ხოლმე, გული დედური სიამაყით მეგ-
სება. აი, ვეუბნები, ასეთი მზეთუნახავები მხოლოდ ჩვენს გალათაში,
ჩემემედიდანში, ედირნეკაფიში, თოფკაფიში, იენიშეჰირში იბადება-
მეთქი.

— მადლობთ, დეიდა სუმბულ...

— გოგო, მე ჩემი ხელობის ადამიანს ბევრი ლამაზი ქალი მინა-
ხამ, მაგრამ შენ თავად სტამბოლის ქუჩა ხარ, შენსებრ არც ერთი არ
მიყვარს.

ჯვერიეს უცბად გულით მოუნდა, რომ ჰყვარებოდათ. ხელში ხელი
მოჰკიდა სუმბულ-დუდუს, ბაგეებთან მიიტანა, აკოცა, ლოყაზე მიიღო
და უეცრად ტირილი წასკდა.

— ჰა, არ იტირო, ჩემო ფოსფორიანო, გულს ნუ მატკენ, შვილო...

■ good bye (ინგლ.) — ნახვამდის.



სუმბულ-დუდუმ ცალი ხელი თვალებთან მიიტანა და ბოლოებდასკლი
ებული თითებით ცრემლები შეიწმინდა.

— აბა ერთი მიაძმე, რათა ტირი, ჭევრიე?

ასეთ გულითად სიტუაციაში ჭევრიემ ერთბაშად იგრძნო მოთხოვ-
ნილება ყველაფერი ეამბნა, მაგრამ გაჩუმდა.

არა, მან კარგად იცოდა, რომ იძულებული იყო დაემალა მისი
არსებობა, წინააღმდეგ შემთხვევაში მას საშიშროება ელოდა.

— ერთი წელი ციხეში ჯდომა ადვილია განა დეიდა სუმბულ? ერ-
თი წელი ყველასაგან შორს ყოფნა... საყვარელი სტამბოლისაგან მო-
შორებით ცხოვრება...

— არა, შვილო... მე შენ ისე მომენატრე, რომ...

— მეც ყველანი მომენატრეთ... განსაკუთრებით კი შენ მომენატრე,
სუმბულ-დუდუ...

— მაიწმინდე ცრემლები, ჭევრიე... მე წავალ და საჩქაროდ რამეს
მოგიზადებ საჭმელად... ცოტა წავიქეიფოთ... ამერიკული ვისკი ხასი-
ათზე მოგვიყვანს... — უთხრა სუმბულ-დუდუმ და სიცილით დააყოლა:

— არა შეჯდა მწყერი ხესა, არა იყო გვარი მისიო...

— მართალია, სუმბულ-დუდუ, მართალი...

— რაც ცხონებულმა დედაჩემმა სული განუტევა, მე ისეთ გემ-
რიელ საჭმელებს ვეღარ ვაკეთებ, თანაც სული იმეხუთება.

ჭევრიე უცბად შეკრთა:

— რას ამბობ, სუმბულ-დუდუ, დედაშენი მოკვდა?

— ეჰ, შვილო, არ გაგიგია განა? ჰო, მართლა, მაშინ შენ ალბათ
ადგილ-სამყოფელი უკვე გამოცვლილი გქონდა. საწყალი, პირდაპირ
სამოთხეში წავიდა. ღმერთმა ის სხვა სასუფევლისთვის არ გაიმეტა.
ერთ ღამეს დაიძინა საწყალმა... დილით რომ გავიღვიძე, ის ჯერ ადგა-
რი არ იყო, სხვა დროს დილის ეზანზე ის უკვე სამზარეულოში მიდი-
ოდა ხოლმე. დავუძახე, მაგრამ ჩვეულებისამებრ აღარ უპასუხნია: „რა
იყო, ჩემო პატარაო“. მის ოთახში შევედი. ჩემს წინ ასეთი სურათი
გადაიშალა: ის ლოგინზე წევს, ხელი გულზე მიუდვია... ლოგინთან
მივედი. თვალები ისე აქვს დახუჭული, თითქოს სძინავს. მაგრამ პირი
საშინლად დაუღია... ხელებზე შევხედე, ხატი უკავია — ღვთისმშობელი
მარიამი იესო ქრისტეთი ხელში... ნეტავ თუ ანგელოზები მოფრინდ-
ნენ და ხელში ჩაუდეს სიკვდილის შემდეგ? ან თუ, როცა იგრძნო, ცუ-



დად ვარო, გულზე მიიკრა, იქნებ ცოტა შვება ვიგრძნო? **საწყალი**
 ოლონდ, ღმერთმანი, უცოდველი წმინდა სული კი ჩააბარა **ღმერთმანი**

სუმბულ-დუღუს ხმა რაღაც უცნაურად ჟღერდა:

— მე ის საკუთარი თავივით მიყვარდა. მის გარდა არავინ მყავდა
 ქვეყნად. დედამთილი რასა ჰქვია, თითქოს მისი ნაშობი ვყოფილიყავ...
 ჯვერიე სხვას ვერაფერს ამბობდა. მხოლოდ ერთს ჩურჩულებდა
 აღელვებული ხმით:

— საწყალი... საწყალი ქალი... მაშ იმანაც გაჭიმა ფეხები!

ჯვერიეს ეჩვენებოდა, რომ სიკვდილი ყველგან თან დასდევდა ავის
 მაუწყებლად.

თავში გამჯდარმა ეჭვმა თანდათან გაუძლიერა ეს გრძნობა. ხოლო
 ეს სიკვდილის ამბები, თავისი მხრით, კიდევ უფრო ზრდიდნენ მის
 გულში დაბუღებულ ეჭვებს.

სუმბულ-დუღუ განაგრძობდა თხრობას:

— როგორ დავკრძალე, რომ იცოდე, როგორ დავკრძალე. ღმერთ-
 მანი, ის რომ ამერიკის ხელმწიფის ასული ყოფილიყო, ასეთი ამბით
 არ დაიმარხებოდა... მთელი ვალათა მოვიდა მის გასვენებაში... ბაყალ-
 სა და ყასაბს აბა რა გული უნდა ჰქონდეს? მაგრამ ყოველ ადამიანის
 შვილს გული აქვს მკერდში... ყველა გულს თავისი ენა აქვს... როგორც
 სულემან მოციქულმა იცოდა ნადირისა და ფრინველების, ყოველ-
 გვარი მცენარეულობისა და ცხოველების ენა, ისე ამ მადლიანმა ადამიან-
 ნის შვილმა, როგორცა ჩანს, თავისი ენით გზა მონახა ყველას გულები-
 საკენ. ცხადია, რომ ჩემმა დედამთილმა ყველას ენა იცოდა... როცა
 საწყალი ქალის ცხედარი დუქნების წინ ჩაატარეს, ყველამ მაშინვე
 დაკეტა დუქნის დარბაზები... ყასაბი რასიმ ეფენდი ეკლესიიდან ბოლომ-
 დე გაჰყვა პროცესიას... ყველამ იტირა. ის წმინდა ქალი იყო, —
 ამბობდნენ, — ის წმინდანი იყო...“

ჯვერიემ მოიწმინდა ცრემლები:

— ღმერთმანი, მეც ძალიან მიყვარდა...

— ტირილი არა ღირს, ჯვერიე, — უთხრა სუმბულ-დუღუმ, —
 ღმერთი მოწყალეა. ამ წარმავალ ქვეყანაზე მუდმივი მხოლოდ მიზან-
 სწრაფვაა, მოვა აზრაილი და ჩვენს სხეულში რომ სული დგას, წაი-
 ლეზს... მერე უკვე ფილოსოფია იწყება. ჩემი პირველი ქმარი, სუფ-
 ლიორი ხაჩიკ ეფენდი, ნათელი დაადგეს იმ ქვეყნად, ამის შესახებ



სოკრატის შესანიშნავ სიტყვებს მეუბნებოდა ხოლმე. მაგრამ დრომ წაშალა ისინი ჩემი მეხსიერებიდან. თან, ხომ იცი, შენისთანა და ჩემისთანა მხიარულ ქალებს დარდი და ნაღველი არც შეეფერება და არც გამოადგება. მე შენ ახლა ცოტა საჭმელსა და არაყს მოგიტან. ხომ გაგიგონია, ძველი დარდიც კი კარგი მოსაგონარია. — თქვა სუმბულ-დუდუმ და კარებში რომ გადიოდა, წაუმღერა:

„ვინც წავიდა, არ დაბრუნდა, ეს რა საქმეა!“

ჯევრიემ ღუმელისაკენ გაიხედა. ზანტი შავი კატა თავის ადგოლზე იწვა და ეძინა.

უცხად იმედი მოეცა. შავი კატა აქ იყო, ღუმელთან, ამადამ თვითონაც სიამოვნებით დაჯდებოდა ღუმელთან ამ კატასავით.

გალათაში მისთვის ყველაზე მეტად საყვარელი ადგილი სუმბულ-დუდუმს სახლი იყო... აქაურობა ისე უყვარდა, როგორც ტკბილი ოჯახი. ამიტომ, წედან რომ შემოვიდა, ეს სახლი, როგორც ყოველთვის, გულთბილად შეხვდა. მაგრამ მოხუცი ქალის სიკვდილი რომ გაიგო, სახლი უცხად დაცარიელებული და მიტოვებული მოეჩვენა.

ის მოხუცი ქალი, რომელიც არასოდეს არავის არ უნახავს, თითქოს თვითონ ქმნიდა ამ სახლში არსებულ განწყობილებას. სურნელება, რომელიც აქ შემოსვლისთანავე ეცემოდა ადამიანს, იყო სწორედ ის თავისებურება, რომელიც მას შინაურ იერს აძლევდა. სამზარეულოდან მომავალი რჩეულ-რჩეული საჭმელების ეს სურნელი ატკბობდა ადამიანის ყნოსვას და ისეთ შთაბეჭდილებას ქმნიდა, თითქოს, სადაც არის, მთელი ოჯახი შემოუსხდება მაგიდასო...

ეხლა კი, რაც მისი სიკვდილი შეიტყო, სახლი ცარიელი ეჩვენებოდა.

ჯევრიე ღუმელს მოშორდა, მინდერისკენ გაემართა და დაჯდა. სწორედ ამ დროს ოთახში სუმბულ-დუდუმ შემოვიდა ხელში სინით.

— აჰა, შენ, ლომის რძე, — უთხრა მან ჯევრიეს, შემდეგ ვისკი გაახსენდა და დააყოლა: — ბაღლინჯოს წვენი არ გეგონოს!

სინი შუაში ჩადგეს.

— ეხლა ხშირად იარე ხოლმე ჩემთან, ჯევრიე, მუდამ საქმეზე და კომერციისათვის როგორ შეიძლება... სანახავად მოდი ხოლმე ხშირ-ხშირად.

— მოვალ ხოლმე, სუმბულ-დუდუმ, მოვალ!

— შენ ცრუპენტელა ხარ... შენი თოკით ჭაში ვერ ჩავა კაცი.



— როცა მე და შენ საერთო საქმე გვექონდა ხოლმე, ერთი მითხარა, რამდენჯერ დაგტოვე ჭაში და დაგახრჩვე?

— არა, შენთან საქმის დაჭერა კარგია, ვაუკაცური სიტყვის პატრონი ხარ. საწყალ დედასაც სულ ამას ვეუბნებოდი. ჩემი ჯვევრიე კარგი გოგოა, ნამუსიანი და პატიოსანი, ოღონდ უმანკოება არა აქვს-მეთქი.

ჯვევრიემ ამ სიტყვის მნიშვნელობა ვერ გაიგო, მაგრამ მაინც თავი დაუქნია თანხმობის ნიშნად.

პირველი ჭიქა ერთად გადაკრეს.

— ჩემი საწყალი დედამთილის სულის საცხონებელი იყოს!.. — თქვა სუმბულ-დუდუმ.

ჯვევრიემ დაუდასტურა.

— ნათელი დაადგეს, — დაამატა სუმბულ-დუდუმ.

საჭმელი დააყოლეს.

„ნამდვილად ბედი მწყალობს, — გაიფიქრა ჯვევრიემ, — საცა შივალ ღმერთი ყველგან მაძლევს საკვებს“.

დღეს განსაკუთრებით სჭირდებოდა ჯვევრიეს ბედის წყალობა და რწმენა.

ის იღბლიანი გოგო იყო, ძალიან იღბლიანი.

და ამაღამ, გვიან, როცა ხელახლა მივიდოდა იქ, კარები ღია დახვდებოდა.

ღიახ, წელიწადზე მეტია რაც იტანჯება.

ასე არ გაგრძელდებოდა. მარტო ტანჯვა ხომ არ იყო ამ ქვეყნად.

გათავდა ბედუკუღმართობა.

ციხეში ჯდომა გათავდა, გადასახლებიდან გამოიქცა, სტამბოლში ჩამოსვლისთანავე ხელი სტაცეს, მაგრამ მაშინვე უშველა თავს.

სულ მშვიდი და გაუჭირვებელი ხომ არ იქნება ადამიანის ცხოვრება.

პირველ დღეს მივიდა, მაგრამ კარი დაკეტილი დახვდა. ამჯერად კი აუცილებლად ღია დახვდებოდა კარი...

— შენი დღეგრძელობა იყოს, ჩემო მშვენიერო სუმბულ დეიდა...

— ეჰ, მშვენიერებით კი ვიყავი წინათ მშვენიერი... მერე წავხდი, თორემ... მაგრამ პატივი, ჩემი პატივი... სრული თექვსმეტი კარატია... ირ დამიკარგავს.



— გაგიმარჯოს, სუმბულ-დუღუ!..

ორი ჭიქა არყის შემდეგ ჯევრიეს ეს ცხოვრება იოლი ეჩვენება...

— სუმბულ-დუღუ, შენი გულისათვის სულს მივცემ.

— შენ კარგად იყავი!

— სუმბულ-დუღუ! — თქვა ჯევრიემ მესამე ჭიქის შემდეგ. — მე ციხიდან გამოვედი, მაგრამ პოლიციასთან კიდევ მაქვს ანგარიშები. თავისუფლად ვერ დავდივარ. ჯიბეში კაპიკი არ მიჩხავის. მომცემ რამე საქმეს, ისე რომ არ ვიარო აქეთ-იქით?.. შემახვედრე ვინმეს!

— ზღვაში ქვიშაა და ჩემთან კი დროსტარების მოყვარულნი... ზვალ საღამოს...

— დღისით აჯობებს...

— დღისით?

— ღამე ცოტა საქმე მაქვს...

— რაღაც უცნაურობა დაგჩემდა, ჩემო ფოსფორიანო... ნათ პინ-კერტონი ხარ, შერლოქ ჰოლმსი ხარ თუ ფანტომად და არსენ ლიუ-პენად გადაიქეცი?

— ასეთ რამეს გაკადრებ მე შენ? გრცხვენოდეს.

— ხომ იცი, ადამის შვილთა უმრავლესობას ბილწი რძე უწოვია და კუჭში უზის. ეს რძე დროდადრო დუღილს იწყებს და კუჭიდან სისხლში გადადის, სისხლიდან ტვინში, ტვინიდან კი მის მოქმედებაში ვლინდება. მიხვდი?

— მივხვდი, სუმბულ-დუღუ... ოღონდ მე მაგისთანა არაფერი მჭირს. ჩემი საქმე შენ კარგად იცი, მე კახზა ვარ.

— აი შენ იცოცხლე, ჩემო ფოსფორიანო...

— ათასი ოხერია და მეშინია. თანაც არ მინდა, რომ პოლიციამ დღისით მნახოს. კარგი კაცი აბა რას მერჩის? გულახდილად რომ გითხრა, ერთი წელი ციხეში ყოფნის შემდეგ ბოლუში გადამასახლეს.

— მის მდივანსაც საცხოვრებელ ადგილად ბოლუ მითჩინეს. თუ ასე იტყვი, ვინმე ჩინოვნიკი ეგონებით და პატივსაც გცემენ...

— მოეწვი ეხლა ხუმრობას... ბოლუში ვიყავი, მაგრამ ვერ გავჩერდი. აქ ფარულად ჩამოვედი...

— ო, ღმერთო, ღმერთო... ბოლუში საქმეები არ კეთდება? ბოლუს მამაკაცებს ფული არა აქვთ?.. ერთი ამას დამიხედე...



— მე სტამბოლს მოშორებული ვერა ვცხოვრობ.

— უსტამბოლოდ გაძლება არ შეიძლება, ჯევერიე... პირველი უსტამბოლოდ ღლიო ომის დროს ერთ წარმოსადეგ გერმანელ მეზღვაურს გერმანიაში უნდოდა ჩემი წაყვანა. მაშინ მე გასავალი მქონდა. დედამისს ჰამბურ-გში საროსკიპო ჰქონია... პირველი კლასისა... იქ უნდოდა ჩემი გაგზავ-ნა, მაგრამ სამათიელი¹ სუმბულ-დუდუ საექსპლოატაციოდ როგორ გადადებდა თავს? თუ სიკვდილია, გალათაში მოვკვდე-მეთქი, ვთქვი. ამ გალათას რა, სუნი არ უდის?

სუმბულ-დუდუმ ისე ღრმად შეისუნთქა, თითქოს რამე სასიამოვ-ნო სურნელება ყოფილიყოს.

— ეს სუნი, თუ ღრმად არ ჩამიჯდა ფილტვებში, ისე მეხუთება სული, როგორც ხმელზე ამოგდებულ სკუმბრიას.

ჯევერიემ თავი დაჰკიდა.

— ეჰ, დეიდა სუმბულ, სიტყვამ მოიტანა და ნუ გეწყინება... შენ გიაური ხარ... გიაურად არ ჩაითვლები, მაგრამ მაინც გიაური ხარ. და სტამბოლი ასე გიყვარს, მამ მე...

— აი შენ იცოცხლე, შენა. არ გამაცინე დღესა, არ გამაცინე... ჩე-მი გიაურობა ან შენი მუსლიმანობა აბა რა სატრაბახოა? მე, სულ რომ არაფერი იყოს, მონათლული მაინცა ვარ ეკლესიაში, შენ კი ამდენი მუსლიმანობაც არა გაქვს... შენ მუსლიმანი, მე გიაური... ამაზე ხომ ძალღებიც გაიცინებენ... საქმე საქმეზე რომ მიდგეს, მე და შენ ადამიანებიც კი არა ვართ...

— ნუ გეწყინება სუმბულ-დუდუ, ნუ გეწყინება... მე ცუდი გულით არ მითქვამს... გამოუცდელიობისაგან წამომცდა ეგ სიტყვა... იმის თქმა მინდოდა, როგორ მომენატრა სტამბოლი... როცა ბოლუში წამიყვანეს...

ჯევერიემ ამოიოხრა და განაგრძო:

— ღმერთმანი, ჭკუას ვკარგავდი.

შემდეგ თვალები მოჭუტა და ჭიქა აიღო ხელში.

— ჩემი საყვარელი სტამბოლი... სტამბოლის სადღეგრძელო დავ-ლიოთ...

— დავლიოთ, ჯევერიე!

სუმბულ-დუდუმ ჭიქა აიღო ხელში, ჯევერიე უკვე შექიფიანებული იყო.

¹ სამათია — პატარა ქალაქია თურქეთში.



— მწვანე ზღვას მზის ამოსვლისას წითელი ფერი ეკვრება მწვანე ვანი და ვისხენებდი მე და თვალწინ მეხატებოდა საზამთროს მწვანე ვანი და წითელი გული... აჰ, ხანდახან ზღვას საზამთროს სურნელი ასდის... შენ იცი, სუმბულ-დუდუ, ყველაზე მეტად რისი მიტოვება არ მემეტებოდა სტამბოლში?.. ქვაფენილებისა... ზაფხულში, როცა წვიმა მოესხურება ხოლმე, სტამბოლის ქუჩები მსხვილ წინწყლებიან ნაცრისფერ მატერიასა გავს... ხოლო როცა წვიმს, მუშკის სუნნი დგას, არა განა?

— შენ ღვთის საყვარელი ქალი ხარ, ჯევერე, რადგანაც ღმერთმა ქუჩაში გაგაჩინა და ქუჩაშივე გაცოცხლებს...

— ხომ მართლა იბღლიანი ქალი ვარ, სუმბულ-დუდუ? ალაჰს ვუყვარვარ.

— ნამდვილად, ჯევერე, თორემ როგორ უძლებ ამდენ ძაღლსა და მამაძაღლს, ამდენ შიმშილსა და სიცივეს... რომ არ ჰყვარებოდი, განა ასე იქნებოდა?

— არ იქნებოდა, სუმბულ-დუდუ, არა...

— არ იქნებოდა, მამ!

— იმას კი ვენაცვალე, ღმერთს ვუყვარვარ... მას არ უნდა რომ უბედური ვიყო... ყოველთვის მაძლევს ხოლმე, რაც მინდა...

ამბობდა ჯევერე და იმედი ჰქონდა, რომ ამ საღამოსაც აუსრულებდა გულის წაღილს.

* * *

მაგრამ ჯევერეს კარები ამჯერადაც დაკეტილი დახვდა. ტყუილი იმედი რა საჭირო იყო. ის აქ არ იყო.

„იქნებ დაიჭირეს, ან იქნებ წავიდა აქედან, რომ არ დაიჭირონ?“ — ფიქრობდა ჯევერე.

ჯევერეს აღარ შეეძლო ამდენი მღელვარების ატანა.

აღარ იცოდა, რა ექნა.

რაც მოხდებოდა, მოხდეს, ხვალ დღისით წავა იქ და ქერიმს მოძებნის. მან ქერიმი უნდა ნახოს და მისგან გაიგოს ყველაფერი.

ჯევერე შიშობდა, დამიჭერენ და მის ამბავს ვერ გავიგებო. იგი ერიდებოდა თავისუფლად სიარულს.



ბოლოს და ბოლოს ხომ უნდა გაეგო სიმართლე.

თუ აქ არის და არსებობს მისი ნახვის შესაძლებლობა, საკუთრებული სიფრთხილეა საჭირო.

თუ არ არის, მაშინ... „ყველაფერს მოუკვდა პატრონი“. — თქვე
ჯევერიემ, წარბი ასწია და ხელი ჩაიქნია.

მაშინ ხომ მსულერთია, რაც მოხდებოდა.

ჯევერიემ აღარ იცოდა, სად გაეტარებია ღამის დარჩენილი ნაწილი.

ბარბა გაახსენდა... ბარბას ოთახის ფანჯარას რამდენიმე კენჭი ესროლა.

ეს ერთგვარი ნიშანი იყო ბარბასა და ჯევერიესათვის.

— დღეს საიდან მოხვდი ჩემს სახლში?

— მომასვენე... ნურაფერს მეკითხები... დღეს არა ვარ ლაპარაკის ხასიათზე. ხვალ საღამოს ხუთ საათამდე აქა ვარ... ენა გააჩერე. უნდა დავიძინო.

იყო ჯევერიეს პასუხი.

მაგრამ, ლოგინში, რომელიც მას ბარბამ დაუთმო, ჯევერიემ დილა-დე იტრიალა და ვერ დაიძინა.

მეორე დღეს, საღამოს ხუთ საათზე ჯევერიე ნეჯათიბეის ქუჩაზე წავიდა, მის გულს, ხან იმედით მოცულს და ხან უიმედობით შეპყრობილს, ბაგა-ბუვი გაუდიოდა.

ქერიმი თუ ნახა, მაშინ მის პოვნასაც შეძლებდა. „ქერიმი თუ ვერ ვნახე, მაშინ ყველაფერი დალუპულია“, — ფიქრობდა ჯევერიე.

ნეტავ რით ავსებდა ჯევერიე თავის ცხოვრებას მის გაცნობამდე და შეყვარებამდე?

ეხლა ჯევერიეს მთელი ფიქრები მხოლოდ მისკენ იყო მიმართული.

ნეჯათიბეის ქუჩაზე მყოფი ქარვასლის ყარაულს ფართო და კობტა ოთახი ჰქონდა.

ქერიმი ლოგინზე იწვა გულაღმა. ხელები თავქვეშ ამოედო.

მისმა დანახვამ ისე იმოქმედა ჯევერიეზე, რომ კინაღამ გული წაუვიდა.

მაშ ქერიმი აქ იყო!..



ჯევრიე პატარა ლამფით განათებულ ოთახში შევიდა. ზვანე, ქერიმი განცვიფრებული წამოდგა ადგილიდან.

— ვაი, ჩვენი ჯევრიე! — წარმოთქვა მან.

ჯევრიე გულისფანცქალითა და ღიმილით შეხვდა ქერიმის შეძახილს:

— მე ვარ მამ, აბა რა გეგონა?

— გოგო, სად იყავი ამდენ ხანს? — ჰკითხა ქერიმმა და ფეხები გადმოკიდა ლოგინიდან. — რატომ არ მოდიოდი? რა დაგემართა?

— ნუ იტყვი, ნუ იტყვი, აბი, — ამოიოხრა ჯევრიემ. — ერთი ვილატოხერი მაწანწალის გულისათვის ერთი წელი ციხეში ვიჯექი.

— ჩვენ სულ არაფერი ვიცოდით.

ჩ ვ ე ნ ს რომ ამბობდა, ი ს ი ც ყავდა მხედველობაში.

— საიდან გეცოდინებოდათ. საწყალ ჯევრიეს სახელსა და სურათსა გაზეთების პირველ გვერდზე ხომ არ გამოაქვეყნებდნენ.

— როდის გამოხვედი?

— თხუთმეტი-ოცი დღეა, აბი.

— ყოჩაღ, თხუთმეტი-ოცი დღეა და ჩვენ არ მოგვაკითხე?

ჯევრიეს გაეხარდა, რომ ისევ ჩვენ თქვა. მას ალბათ არაფერი დამართნია.

— სამი დღეა სულ რაც თავისუფალი ვარ, აქა ვარ. თუმცა თავისუფლება არც ეთქმის.

— ვერაფერი გავიგე.

— აქ გასაგებიც არაფერია, აბი, ერთი წლით ბოლუში გამამწესეს საცხოვრებლად.

ჯევრიეს სუმბულ-დუღუს სიტყვები გაახსენდა. უფრო კულტურულად უნდოდა ეთქვა — ბოლუ მიმიჩინეს საცხოვრებელ ადგილადო. მაგრამ შეეშალა და გამამწესესო, უთხრა.

— ეს რაღას ნიშნავს?

— ორივესთვის გასაგები თურქულით რომ გითხრა, ბოლუში გადამასახლეს.

— კი მაგრამ, აქ რაღას აკეთებ?

— გამოვიქეცი.

— გამოიქეცი?

ქერიმმა სერიოზული გამომეტყველება მიიღო.

ჯევრიე იღიმებოდა, თითქოს დიდი ვაჟკაცობა ჩაედინოს.

— რასაკვირველია გამოვიქეცი... ციხე ციხეა. კედლები მაღალია, აქვს, კარები გადარაზული, ეზოსა და საკნებს ზედამხედველები ბოლოუ კი ღვთისგან დალოცვილი მხარეა. იქიდანაც თუ ვერ ავითესე, სირცხვილი ჩვენს თავს.

ჯევრიეს თავი მოსწონდა ასეთი საქციელით, გული სიამაყით ევსებოდა და ტრბახობდა.

— სამი დღეა სულ თქვენ გეძებთ. ვერ გიპოვეთ. დამ-დამობით კარები მუდამ დაკეტილი დამხვდა. ეხლა ყინვებია და ალბათ შეგცივდათ.

ქერიმს არ გაუღიმიო.

— ეხლა კარებს ვკეტავ ხოლმე.

ქერიმმა ისეთი გამომეტყველება მიიღო, რომ ჯევრიე უეცრად შეკრთა და მღელვარების დაფარვას შეეცადა:

— რატომ? — იკითხა ჯევრიემ.

— იმიტომ, რომ დამდამობით ის აღარავის ჭირდება.

— ვერაფერი გავიგე, აბი...

ჯევრიე მაგიდას იყო მიყრდნობილი. თავს დაღლილად გრძნობდა...

„დილიდან ლუკმა არ ჩამიდევს პირში. გული მერევა“, — ფიქრობდა ჯევრიე.

— ის სად არის? — ხმამაღლა იკითხა ჯევრიემ.

— ის? — თქვა ქერიმმა და ერთხანს ხმა არ ამოუღია. ველარ გადაეწყვიტა, ეთქვა სიმართლე თუ არა. — დააბატიმრეს.

— დედამისს ათქმევინეს? — წამოიძახა ჯევრიემ და იატაკზე ჩაიკეცა. მუხლებში ძალა ჰქონდა გამოცლილი.

„ეს არის იღბლიანი ვარ-თქო, ეს არის?“ — ფიქრობდა ჯევრიე.

ის ამბავი დაუჯერებელი იყო. მაგრამ ეს დაუჯერებელი და საშინელი ამბავი უკვე მოხდა. ის პოლიციელებმა დაიჭირეს... და... ეხლა...

არა, არა. ასეთი რამის მოთმენა შეუძლებელია.

ჯევრიეს ყვრილი უნდოდა. „ნეტავ ციხეში მოვმკვდარიყავ და ასეთი ამბავი არ გამეგო“. — ფიქრობდა ის.

— დედამისს არაფერი უთქვამს. — თქვა ქერიმმა. — მაშინ დედამისი გამოუშვეს. ის ეხლა სხვა საქმეზე დაიჭირეს, დანაშაულზე წაუსწრეს. ეს ახალი დანაშაულია.

IV

გულში შავი ღარდი აქვს

უღზე დამკვრელი სიმღერას განაგრძობდა.

„გულში შავი ღარდი აქვს“.

ღიას, მას შავი ღარდი ჰქონდა.

ჯევრიეც გრძნობდა ამას. „ღღემღღე ამ ქვეყნად არავინ არავის ისე არ ჰყვარებია, როგორც მე ის მიყვარს!“ — ფიქრობდა ჯევრიე.

ნაღველით მოცული გული ცოფიანი მგელივით უღრღნიდა მკერდს.

ჯევრიეს უნდოდა ქუჩებზე და გამზირებზე აეტეხა აურზაური და მთელი ქვეყანა ფეხზე დაეყენებინა მის გადასარჩენად.

ქერიმისათვის მისი დანაშაული არ უკითხავს... ჯევრიეს ვერ გაეგო — ისეთი რა დააშავა ამ შესანიშნავმა ადამიანმა, რომ სიკვდილი მიუსაჯეს.

მისი მსგავსი, მასავით ზრდილი, სერიოზული და გულთბილი კაცი ჯევრიეს არ უნახავს ამ ქვეყნად.

ვინც არ უნდა ყოფილიყო ის, რა დანაშაულიც არ უნდა ჰქონოდა, რაც არ უნდა რქმეოდა, ჯევრიეს მაინც უნდოდა მისი სი-ცოცხლე.

რამდენჯერმე პოლიციის სამმართველოში მისვლა და მისი ნახვაც კი უნდოდა... მაგრამ ვინ ეკითხა... სახელიც რომ ცოდნოდა, მისი მოკითხვა მაინც საშიში იყო... ვინ იცის, როგორ ეძებს პოლიცია ისეთ კაცს, რომელიც მას იცნობს... მერე კიდევ, თვითონ მას ბოლუში გააგზავნიდნენ. ის მარტოხელა პატიმარია... არავინ მოძებნის, არავინ მოიკითხავს.



ჯევრიე დროდადრო მიდიოდა ხოლმე ქერიმთან.

— დედა ყავს, თუ დადის მის სანახავად? — ჰკითხავდა ჯევრიემ.

— როგორ მოიკითხავს, ხომ გამოაშკარავდა ვინც არის... ქალმა მთელი მისი სურათები დაწვა. ერთმანეთს თუ შეახვედრეს, ის იტყვის ჩემი შვილი არ არისო.

*

* *

ციხეში ყოფნისას ჯევრიე ეზოში აუზის წყალს დასცქეროდა და ზღვა ახსენებოდა. ეხლა კი მარმარილოს ზღვას დასცქეროდა და ციხის აუზი აგონდებოდა.

მისთვის უკვე სტამბოლში ყოფნაც აღარ იყო სასიხარულო. ქუჩები ციხის საკნებზე უფრო პირქუში ეჩვენებოდა.

ჯევრიე ცდილობდა როგორმე ბოლუში არ გაეგზავნათ, რომ საშუალება ჰქონოდა დროდადრო მისულყო ქერიმთან და მისი ამბავი გაეგო ხოლმე. ის ფარულად ცხოვრობდა, რომ პოლიციას არ ჩაეარდნოდა ხელში.

ჯევრიეს ესეც აწუხებდა.

ბოლოს და ბოლოს, ფული ხომ უნდა ეშოვნა...

დღისით ხან ბარბას ოთახში, ხან კი სუმბულ-დუდუსთან ეძინა ხოლმე. მთელი ღამე კი გარეთ იყო...

თუმცა, ფულიც რომ ჰქონოდა, ასე იზამდა. გამწარებული სულ ქუჩაში იყო, გიჟივით დაქროდა ზევით-ქვევით ამ ტალახში და გახურებულ სახეს წვიმაში იგრილებდა.

სწორედ ერთ ასეთ ღამეს მივიდა ის გალათაში, სვირანგობის ყველაზე უფრო სახელგანთქმულ ოსტატთან და ორივე მაჯაზე ხელბორკილები დაახატინა... ჯევრიე საკუთარ თავში ველარ ეტეოდა... და მიუხედავად იმისა, რომ იძულებული იყო პოლიციას დამალვოდა, ყოველ ღამეს, როგორც წესი, ჩხუბით ამთავრებდა.

ჯერ ვინმე მამაკაცს გამოიჭერდა, მერე სმას დაიწყებდა მასთან



და იმდენს დალევდა, რომ თავს ველარ იმოზრჩილებდა, იმდენს მტკრევას, ჩხუბს, დავას და უმოზეზოდ ესროდა ბოთლებს მეზობელ მაგიდებთან მსხდომთ. ხან თავს გაუტეხავდა ვინმეს, ხან თვითონ მობეგავდნენ. იმართებოდა ცემა-ტყევა და არ მოისვენებდა მანამ, სანამ სიკვდილის პირზე არ მივიდოდა და უგონოდ არ მიეგდებოდა საღმე.

*
* *
*

მაჯებზე ხელბორკილი იმიტომ დაახატვინა ჯევრიემ, რომ მის დანახვაზე ბორკილდადებული სატრფო გახსენებოდა და გულს ნაღველი მოსდებოდა.

ჯევრიეს ასე ეგონა, თუ მაჯებზე ხელბორკილი ექნებოდა დახატული, ამით მას სასჯელს შეუმსუბუქებდა.

ძალიან განიცდიდა ჯევრიე, რომ ვერაფერს აკეთებდა მის გადასარჩენად.

ხელბორკილების დანახვაზე ჯევრიე ხვდებოდა, რომ უძლური და უსუსური იყო მის გადასარჩენად და თავს აღარ ზოგავდა.

— ჩემო, „შავი დარდით შეპყრობილო!“ — ეძახდა მას სუმბულდულუ.

სელე-შევექის ებრალებოდა ჯევრიე.

— აბლა, ერთხელ შენცა სინჯე ეს მექის წმინდა მიწა, — ეუბნებოდა ის ჯევრიეს და ოპიუმს სთავაზობდა. — ღმერთმანი, კაი რამეა. ამ ქვეყნად ყველაფერს დაგავიწყებს, დარდსაც და ნაღველსაც... თან ორგანიზმსაც უხდება... — იტყოდა ის და თითებს გადაუსვამდა ხოლმე ოპიუმს, რომელიც ხელში ეჭირა: — ჩემო თმაცვითელო გოგონავ, ორი რამ მამაღია ამ ცხოვრებაში, ერთი ჩემი გიულლუ და ერთი შენ. სხვა მე არავინ გამაჩნია.

ჯევრიეს ძალიან ეშინოდა ოპიუმისა, რამდენჯერმე გაასინჯეს, მაგრამ ვერ მიეჩვია.

— ლომის რქე უკეთესია. ჩვენ მამაპაპურს არ ვღალატობო, — ამბობდა ჯევრიე.



* * *

იმ დღიდან, რაც მან ქერიმთან იტირა, ჯევრიეს თვალეზე ცრემლი აღარავის უნახავს. თვალეები ამოუშრა, ბაგეები გაუშრა.

ალაპარაკდება თუ არ ალაპარაკდება? იტყვის თავის ვინაობას და გამოაშკარავდება, რომ წინათ სიკვდილი ჰქონდა მისჯილი?

ჯევრიე ამ შიშის სიმძიმის ქვეშ და ამ ეჭვით ცხოვრობდა. მას მუდამ ელანდებოდა გარიჟრაჟზე სულთან აჰმედის მოედანზე აღმართული სახრჩობელა და ზედ დაკიდებული კაცი.

ახლა მას ერთთავად თვალწინ ედგა ჩამოხრჩობის სცენა: სიკვდილისჯილი მწვანე, გაშეშებული თვალეებით, თავზე მარყუჟის ჩამოცმის მომენტი. და აი, უეცრად ქრებოდა ეს სახე და მის ადგილს ის იკავებდა.

მისი სახე... ამ დროს ჯევრიე ერთ ადგილზე ველარ ისვენებს. გადის ქუჩაში, სამიკიტნოში ეძებს ცალს, პირველსავე შემხვდურს ნებდება და ცდილობს დაივიწყოს, დაივიწყოს, დაივიწყოს, თვალეებიდან ამოიშალოს ეს ხატება. მაგრამ ხშირად ყოფილა შემთხვევა, როცა ჯევრიე უეცრად გასხლტომია მამაკაცს, რომელიც პაპიროსისა და არყისაგან აყროლებული ტუჩებით ეძებდა მის ბაგეებს, ხელი უკრავს და ლანძღვა-გინებით გიჟივით გაქცეულა იქედან.

ჯევრიეს არსებაში შეპარული სიყვარული, რომელიც მორწმუნე დამიანის გულში ლოცვის შემდეგ დაბუდებული სიმშვიდის ტკბილ გრძნობას ჰგავდა, ეხლა უეცრად უღმობელ, გამანადგურებელ კატასტროფად მოიქცა.

აი, ეხლაც, ჯევრიე სუფრიდან წამოდგა და წამოვიდა.

მას ისევ ევიწროვა ეს პატარა სამიკიტნო, თან სიმღერამ და ზომბი-რეჯების ხვევნა-კოცნამ აუტანელი ნაღველი მოჰგვარა.

ყოველთვის ასე შერებოდა... და ზომბიც უკან მიჰყვებოდა ხოლმე.

გარეთ ცივი ღამე იდგა. ცაზე ბრდღვიალა მთვარე და სიცივისაგან თორთოლებული ვარსკვლავები კიაფობდნენ.

ჯევრიე ისუნთქავდა ცივ ჰაერს და წინ მიიწევდა.

— სად მიდიხარ? — მკაცრი ხმით ჰკითხა მას ზომბი-რეჯებმა,

წამოეწია თავის დიდრონი ნაბიჯებით და წელში სწვდა. ჯვერიემ არ იცოდა რას ეუბნებოდა:

— გასწი, — პასუხობდა ჯვერიე, — აუშვი აფრები... თავი დამანებე...

— სუფრა რა, იმისთვის გავშალეთ, რომ აგვირიო? თუ თხუთმეტი წლის გოგოსავით გაიდე თავპატიუი?

ჯვერიე მთვრალივით განაგრძობდა სიარულს. ის მიდიოდა პირდაპირ, მისი თვალები თითქოს ვერ არჩევდნენ მარჯვენას და მარცხენას.

ჯვერიემ ერთი გულიანად შეიგინა.

— კისერი გიტეხია, მოუსვი, გასწი აქედან!

ზომბიმ მაგრად მოხვია წელზე ხელი და გააჩერა.

— დაბრუნდი-მეთქი, კახპავ, ეგ ნომრები სხვაგან გააკეთე, ჩემთან ფეხი არ ჩაგვივა, გესმის?

ჯვერიე არყისაგან ამღვრეული თვალებით შესცქეროდა ამ საშინელო, ნახევრად ცხოველური სახის კაცს, მაგრამ ეს სახე ტრიალებდა, იზრდებოდა, ისევ პატარავდებოდა და რაღაც უცნაურ ფორმებს იღებდა, ჯვერიემ ძლივს ასწია თავი და:

— რა გინდა ჩემგან? — ჰკითხა მან.

ზომბი-რეჯებმა მაგრად შემოაჭვია წელზე ხელი და თავისაკენ მიიზიდა.

— რა გინდა ჩემგან? — გაიმეორა ჯვერიემ.

რეჯების სახე ისე ტრიალებდა მის თვალწინ, რომ დიდხანს ვერ უცქირა და მის მკერდზე ჩაჰკიდა თავი.

სიმთვრალისაგან ენა ებმოდა.

— ვერა ხედავ, რა დღეში ვარ, ვერა ხედავ?

სამიკიტნოს ღია კარებიდან უღზე დამკვრელის ხმა გამოდიოდა:

„ჩემს ჯვერიეს შავ თვალებზე ეტყობა,

„გულში შავი დარდი...“

— გულში შავი დარდი მაქვს! — წარმოთქვა ჯვერიემ. — ვერა ხედავ გულში შავი დარდი მაქვს...

და აქვითინდა.

რამდენიც არ უნდა დაეღია, სიკვდილის პირამდეც რომ მისულიყო, მაინც არ ავიწყდებოდა, რომ მას სიკვდილი ჰქონდა მისჯილი, რომ ამ



წუთში მისი სიცოცხლე საშიშროებაში იყო, რომ ძალიან იყრდნობდა
ნახვას დანატრებულა.

ზომბი-რეჯები გულში იკრავდა მას.

მთვარე ცივ და უსიცოცხლო სხივებს აფრქვევდა... მიწა გაყინული
იყო, ქრიალი გაქონდა... უღზე დამკვრელი სიმღერას განაგრძობდა:

სად ხარ, ფოსფორიანო?
ყოჩაღ, ფოსფორიანო!

ჯევრიეს ყურებში უწიოდა ეს სიმღერა და ეს სიტყვები:

ყოჩაღ, ფოსფორიანო,
აქ ხარ, ფოსფორიანო,

ღიახ. სტამბოლის ქუჩების, ქოხ-მახებისა და სამიკიტნოების ფოს-
ფორიანი, ფოსფორიანი ჯევრიე განა ის გოგო იყო, რომელსაც ეხლა
გული უსასრულო შიშის მოლოდინითა აქვს სავსე? თამამი ჯევრიე,
მთვრალი სუფრების მშვეენება... ნუთუ ფოსფორიანი ჯევრიე იყო ის
უმწეო ქალი, რომელიც ეხლა ზომბის მკერდზე მიყრდნობილი ჭვითი-
ნებდა?

ჯევრიემ უეცრად აიღო თავი ზომბის მკერდიდან. მისი თმები ვარს-
კვლავებად აციმციმდნენ. მან მუშტებით გაიმშრალა თვალები და ხელის
ზურგით ცხვირი მოიწმინდა.

— შიგ შემოდი, შიგ! — უთხრა მან ზომბის. — ცეკვა მინდა.

ჯევრიემ მკლავში წაავლო მას ხელი და სამიკიტნოს ღია კარებისა-
კენ გაიყოლია.

*
* *
*

ეხლა ის შუა სამიკიტნოში იდგა და მღეროდა:

ნავმისადგომი ხიდის თავშია,
ჩემი მიჯნური მიდის ჯარშია.
განა ცოტა ხნით, ჩემო ჯევრიე,
სამ წელს ვიქნები იმის ჯავრშია.

დანარჩენები ერთხმად მღეროდნენ და ტაშს უკრავდნენ:

სად ხარ, ფოსფორიანო?
ყოჩაღ, ფოსფორიანო!



— აბდი, — დაუყვირა ჭევრიემ უღზე დამკვრელს, — ერთი „ჩემი კარავი“ დაუკარი.

უღზე დამკვრელმა ჰანგი შეცვალა. ეხლა ჭევრიე თან მღეროდა და თან ცეკვავდა.

ჭევრიე ცეკვავდა და რომელ მაგიდასაც კი წამოედებოდა, წიხლსა კრავდა და ააყირავებდა. მასზე უკეთ ვერავინ ცეკვავდა.

მთელი ტანის მოძრაობა მუსიკას იყო აწყობილი. მხრებს ათამაშებდა, წელში ცეცხლის ალივით იგრიხებოდა და ისე დასრიალებდა, თითქოს მიწას არ აკარებეს ფეხებსო. ზომბი კარებში იდგა და უსიცოცხლო თვალებით შესცქეროდა მას.

დანარჩენები ტაშს უკრავდნენ.

სელე-შევექის თავი გიულულუს მსუქან მკერდზე მიედო, უაზრო თვალებით იცქირებოდა... გიულულუ ტაშს უკრავდა და ყვიროდა:

— ვაშა, ფოსფორიანო!

— აბლა, შენი გულისთვის სულს მისცემს კაცი. — გაიძახოდა თორფილ-შერეფი.

ჭევრიე ცეკვავდა.

— არ შეწყვიტო, აბდი, არ შეწყვიტო, — გაჰყვიროდა ჭევრიე. — იცოდე, დანით აგიხელ მაგ ბრმა თვალებს. ეხლა „შენი თავი მე რომ მომცა“ დაუკარ.

აბდის ხმაზე თანდათან მხიარულდებოდა სამიკიტნო.

თმებს გადაგიგცევ ვერცხლის კონებად,
ოღონდ მხვდე წილად,
ჩემი სიცოცხლე დაგემონება...

ბრმა მუსიკოსი განაგრძობდა სიმღერას:

სატრფო ავად გამიხადა სევდამ,
მივუსწარი, როცა სულსა ლევდა.

— გაჩუმდი! — იყვირა ჭევრიემ გამწარებული ხმით... — გაჩუმდი, აბდი, თორემ გაგიხეთქე თავი.



ათრთოლებული ჯევერიე ერთ ადგილზე იდგა.

ხელში მალდა აწეული ბოთლი ეჭირა.

„ბოლო წუთში მივუსწარი“... სიკვდილი... უკანასკნელი ამოსუნთქვა... სახრჩობელა... დილის რიურაჟი...

ჯევერიეს თავბრუ ესხმოდა... სამიკიტნო ტრიალებდა... ქვეყანა ტრიალებდა... აურზაური იდგა.

თორფილ-შერეფმა რწყილივით ისკუპა და ხელიდან ბოთლი გამოსტაცა.

— აბლა... ცეცხლი ხარ, ცეცხლი, ვაშა, ფოსფორიანო!

ჯევერიე ერთხანს ცდილობდა ხელიდან არ გაეშვა ბოთლი... და შეეჭიდა თორფილ-შერეფს, მაგრამ ის მაინც მამაკაცი იყო და ჯევერიეს კი ფეხზე დგომის თავიც არ ჰქონდა.

თორფილ-შერეფმა გამოსტაცა თუ არა ხელიდან ბოთლი, ჯევერიე ისე უეცრად დაენარცხა იატაკს, თითქოს საყრდენი გამოაცალესო... ის იატაკზე გორავდა.

— რა მთვრალია! — თქვა სელე-შევექიმ.

— მთვრალი კი არა, გამსკდარა და ის არის!

— ასეთ მთვრალზე იტყვიან, გაღეშილიაო, — თქვა ბოხი ხმით ზომბიმ და ჯევერიეს მიუახლოვდა, მხრებში ხელი ჩაავლო, წამოაყენა, წელზე ხელი მოხვია, მაგიდასთან მიიყვანა და გვერდით მოისვა.

— რა მოგივიდა, ჯევერიე? — ეუბნებოდა გიულლუ, — რა მოგივიდა?

— გულში შავი დარდი მაქვს... გულში შავი დარდი მაქვს... — ტირილითა და ოხვრით უპასუხა ჯევერიემ.

ეს შავი დარდი, როგორც ჩანს, ბოლოს და ბოლოს სამარემდე მიიყვანდა მას.

ჯევერიეს იმედი არა ჰქონდა, რომ ამ დარდს თავს დაადწევდა.

არც სასმელი, არც მხიარულება, არც გართობა, არაფერი ერთი წუთითაც არ ავიწყებდა ჯევერიეს მის მდგომარეობას. მთელი მისი ფიქრები თანდათან სულ ერთ წერტილში იყრიდა თავს. — ეს იყო ის საშიშროება, რომელიც მას ელოდა.

ჯევერიეს უკვე აღარ შეეძლო წინანდებურად ცხოვრება, ის სიამოვნებას ვეღარ გრძნობდა ძველებურ ცხოვრებაში. აქაური საქმეებიც არა ჰქონდა ბრწყინვალედ.



პოლიციას თუ ჩაუვარდებოდა ხელთ, აუცილებლად დაასახლებდნენ... გამოფხიზლებულ ჯევრიეს რცხვენოდა წინა ღამით ატეხილი აურზაურისა და წუხდა ხოლმე. „დასწყევლოს ღმერთმა, — იტყოდა ის თავისთვის, — პოლიციაში რომ წავეყვანეთ!“

ღღისით უკანა ქუჩებით დადიოდა, სუმბულ-ღუღუს უკაკუნებდა კარზე.

ამ სახლში სუმბულ-ღუღუ მუდამ მომღიმარი სახით ხვდებოდა მას.

— აჰ, ჩემო ერთადერთო, — მიესიყვარულებოდა სუმბულ-ღუღუ. — ერთ ღღეს კარებზე რომ არ მომიკაკუნებ, გული ამოვარდნაზე მაქვს, სად არის ჩემი მარგალიტი-თქო.

სუმბულ-ღუღუ ჯევრიეს ყავას მოუხარშავდა, ჭიქას გადააპირქვა-ვებინებდა, უმკითხავებდა და ქვედა სართულის ოთახში გამოაძინებდა საღამომდე. თუ ჯევრიე ლაპარაკობდა, ისიც ელაპარაკებოდა, თუ არა და სუმბულ-ღუღუც არ იღებდა ხმას.

თუ მომსვლელთა შორის ვინმე ისეთიც იყო, რომ საქმელსა და სასმელს შეუტკვეთავდა, მაშინ ერთ სინს ჯევრიესაც არგუნებდა.

ყველაზე მეტად ჯევრიეს ყავაზე მარჩიელობა აინტერესებდა.

— მოდი, სუმბულ-ღუღუ, ფინჯანი უკვე გაცივდა! — გასძახებდა ხოლმე ჯევრიე სუმბულ-ღუღუს.

მოხუცი ქალი ფანჯარაზე დაჯდებოდა, ტანით უკან გადაიწეოდა და ფინჯანზე მკითხაობას შეუდგებოდა.

— ჯევრიე, ჩემო ჯევრიე, — იტყოდა ის, — ეს რაები გემართება. შენი გულის ზედ შუა ნაწილს შავი ფერი ადევს უკუნეთ ღამესავით. საგულეში ჩემი თავისოდენა ქვა გიძევს... ცრემლები გაქვს, ჩემო ჯევრიე... მაგრამ ახალგაზრდა ხარ და ტყუილად ნუ იტანჯავ თავსა... ყველაფერი ღვთის მოცემულია და მასვე მიაქვს. ნუ გგონია, რომ ღმერთი არ გიშველის.

ჯევრიეს ამ დროს იმედის ნაპერწკალი უცმციმებდა თვალში და ისმენდა.

— კიდევ რა არის, სუმბულ-ღუღუ?

— კიდევ რა არის და რა არ არის კიდევ... სადღაც ხელზე თავდაყრდნობილი ახალგაზრდა მამაკაცი ზის, ის სულითა და გულით შენთან არის... ფიქრობს, ცოცხალია თუ არა ჩემი ფოსფორიანიო... ოღონდ თქვენ შორის კედელია აღმართული. თუ გადაახტებით და გადალა-



ხავთ... ორი გული რომ შეერთდება, საბზელიც სამოთხედ გადაიქცევა მათთვის.

სუმბულ-დუღუ თვალეზში უცქერდა ჯევერის, ისმენდა მის ნალპარაკევს და ხედებოდა, რომ მათი მტემელი შეყვარებული იყო, ამ სიტყვებს უწყობდა თავის ნათქვამს და მის დამშვიდებას ცდილობდა.

— ჯევერიე, ჩემო ჯევერიე... მშვიდად იყავ. სადმე გამოჩნდება შენი ვარსკვლავი. ფარშევანგი, რომელსაც ბედი ნისკარტით უჭირავს, ისეა შენ ფერხთ გართხმული, თითქოს ალექსანდრე მეფის შვილი ყოფილიყავ. არაჩვეულებრივი ბედი გაქვს... მაგრამ ვერა ხედავ... როგორ გითხრა... ჩემო მტრედო... ჯოჯოხეთის ანგელოზებმა თითქოს მოჯადოებულ წრეში ჩაგაგდეს... რამდენს არ იქნევ ფრთებს, მაგრამ მალდა ვერ მიდიხარ. ვერ მიფრინავ, ჩემო ჯევერიე. ადამიანის გული ბულბულია. თუ არ კენესის, შუაზე გასკდება. სიყვარულს რომ ამბობ, ცეცხლია, ვინც შიგ მოხვდება, მწვადივით იწვის. გულში შავი დარდი გაქვს, ჩემო ჯევერიე... მოიშორე ეგ სევდა... ხელი აიღე მასზე, ცხოვრებაში შესანიშნავი გზა გაქვს გახსნილი, წინ იცქირე, უკან ნუ იყურები... რაც იყო, იყო... თუ მიუხვდი, რას განიშნებს შენი ბედი, ცხოვრების გაუღიმარი და მკაცრი სახე გაგიღიმებს... მაგრამ გულში კი შავი დარდი გაქვს!..

ჯევერიემ ხუმრობაში მოინდომა ამის გატარება:

— რაო, ამბავი ხომ არაფერია ჩემთვის, კიდევ ვნახავ თუ არა ჩემს საყვარელს?

— წამსვლელი რომ ბრუნდებოდეს, მაშინ ყაზაზი ართინი სტამბოლის გუბერნატორი იქნებოდა. შენ გინახავს, რომ წასული მობრუნებულიყოს? რამდენი ნაძირალა გამოიცვალე სიცოცხლეში? ძველზე რომ მოთხოვნა იყოს, მაშინ ძველმანების ბაზარს ნათელი დაადგებოდა. ჩემო ჯევერიე... სიყვარული მიდიასა! ჰგავს. ცხელ-ცხელსა აქვს გემო... ცოტა თუ გააციე, აღარ იჭმევა. პირველი მსოფლიო ომის დროს ერთ გერმანელ მეზღვაურთან მქონდა რომანი. ის ერთი ცნობილი გერმანელი პოეტის ფილოსოფიურ სიტყვებს მეუბნებოდა. ნუ მისტირი ტრამეაით გაქცეულ სატრფოს, იქვე ახალი მოგივია.

ჯევერიე სუმბულ-დუღუს შესცქეროდა და იმეორებდა:

1 მ ი დ ი ა — საჭმელი ლოკოკინა.



— მაშ არაფერი ამბავია? სრულებით ვეღარ ვნახავ?

— ნახავ, ჩემო ჯევრიე, ნახავ, მაგრამ ერთი თვე გითხრა თუ ერთი წელიწადი... ერთი კვირა და ერთი დღე... არა... საკმაო ხანი გავა... — აწყნარებდა სუმბულ-დულუ.

— ჩემზე ფიქრობს, არა?

— ვისაც ერთხელ მაინც გაუტარებია დრო ჩემს ფოსფორიანთან, განა დაივიწყებს მას? შვილო, ასე ცუდად რატომ უტკერი შენს თავს. შენზე არც ერთი მუშტრისაგან არასოდეს საჩივარი არ გამიგონია... ყველას ბატკანივით უყვარხარ. ყველა მეკითხება, სად არის ჩემი ჯევრიეო; ერთხელ კიდევ მოგვიყვანეო — კარებს მიმტვრევენ... შენი ძველი ჰაჯი ალა ხომ გახსოვს? ისევ სტამბოლში ჩამოსულა, გეძებს... აუცილებლად უნდა, რომ სახლი დაგიქირავოს, მანტო და ტანსაცმელი გიყიდოს. ჯევრიე, დედად თუ არა, უფროს დად ნამდვილად გამოგადგები... სიყვარული იარაა, თუ მალამო არ მოუნახე, ახალგაზრდობა ვარდის კოკორია, გაიშლება და დაჰქნება. თვალები გაახილე, ბოლოს რომ ინანო, ფასი აღარ ექნება... უკანასკნელი გემი თუ გაუშვი, გულხელდაკრეფილი დარჩები ნავსადგურში... ერთ, თავის დროზე ცნობილ ფილოსოფოსს ასეთი შესანიშნავი სიტყვები უთქვამს:

სანამ გაქვს იგი, აფასებდე ჰაბუჯურ ღონეს,
თორემ სიბერე მალე მოვა, არ დააყოვნებს.
იყო დრო, როცა ახალგაზრდა ვიყავი მეცა,
ახლა შავი თმა, როგორც ხელავ, ჰალარად მექცა.

ეჰ, არ გესმის, ჯევრიე, ახალგაზრდა ხარ, თორემ სიყვარული აკეთილშობილებს ადამიანს. ძველი ისტორიები რომ წაიკითხო, რაებს არ გაიგებ... ჩვენ თავის დროზე ცხოვრებული აბდურეზაკ ეფენდის დასში „ერნანის“ და „დაუნდობელ მეცხვარეს“ ვთამაშობდით... სიყვარული იქ უნდა გენახა. რა იყო ის, რამაც ოტელოს ხელები სისხლით შეუღლება, ახალგაზრდა დეზდემონა შავ მიწაში ჩაავდო, ოფელია გააგიჟა? სიყვარული არ იყო? სიყვარულისაგან ვის უნახავს ხეირი? ალექსანდრე მეფეც სიყვარულის გამო მოკვდა, მე ისტორია კარგად ვიცი... ახალგაზრდობა ტყუილად არ გამიტარებია. ლეილი და მეჯნუნი არ წამიკითხავს? რა თქვა პოეტმა:



სიყვარულია ჩემი მკვლელი, სხვა არ გეგონოთ,
გამწორდეს ბარემ, რომ არასდროს აღარ ვემონო.

რა დიდებული სიტყვებია... გესმის რა დიდებული სიტყვებია! ყვე-
ლა დიდი ადამიანი, რომლებთანაც კი მე ურთიერთობა მქონია, ჩემი
ყურის ძირში კითხულობდნენ ამ სიტყვებს, მე ცხოვრებაც მინახავს,
ჩემო ჯვერიე, და სიყვარულიც შესწავლილი მაქვს... მისგან არც მოსვე-
ნებაა და არც საშველი. ერთ დროს ამ ვალათაში ცნობილი ბენლი¹-აიგა-
ნუში იყო. ის ამბობდა — ცხოვრებაში ბედნიერება ის კი არ არის,
როცა ვინმე გიყვარს, არამედ როცა ვინმეს უყვარხარო, ვინც ოქროს
გულისათვის ჩრდილო ამერიკაში წავიდა და მერე გადაწყვიტა, რომ
სამხრეთში ეძებნა, არც კი იცოდა, რომ ეს ოქრო თვითონ იყო. ქრის-
ტიანობა კოლუმბმა კვერცხებით სავაჭროდ ზღვები და ოკეანეები გადა-
ლახა და ტკბილი სიცოცხლე საშიშროებაში ჩაიგდო. მაგრამ იმან, ვი-
საც არავინ უყვარს და თვითონ კი საყვარელია, ერთი ისკუპა და
მოაჯდა ოქროს.

სუმბულ-დუღუს ლაპარაკში ჯვერიეს ნელ-ნელა ებლიტებოდა თვა-
ლები და დადლილობას შებრძოლებული ძილი ქუთუთოებს ერთმანე-
თისაკენ ეწეოდა.

*
* *

ასე გავიდა ერთი-ორი თვე.

ჯვერიე დროდადრო შედიოდა ხოლმე ქერიმთან, მაგრამ ნამდვილ
ამბავს ვერც მისგან იგებდა.

ისხდნენ საყარაულო ოთახში და საუბრობდნენ.

ქერიმი ჩაის უმზადებდა, ჯვერიე კი იჯდა, ნელ-ნელა სვამდა ჩაის
და უდიდესი სიამოვნებით ესაუბრებოდა მის შესახებ.

— რა დააშავა, რომ სიკვდილი მიუსაჯეს? — ძლივს იკითხა მან ერთ
სადამოს აკანკალებული ხმით და სანამ ქერიმი პასუხს ვასცემდა,
ატირდა.

¹ ბ ე ნ ლ ი — ხალიანი.



— რა გატირებს? — ჰკითხა ქერიმმა და მიუახლოვდა.
მან ლოყაზე მოუთათუნა ხელი და გულში ჩაიკრა ჯევრიე.
— ძლიან გიყვარს?

ეს წუთი უბედნიერეს წუთად იქცა ჯევრიეს სიცოცხლეში. მას
ბაგეები ეწვოდა ამის სათქმელად, უნდოდა მოედანზე ხმამაღლა ეყვი-
რა და ყველასათვის გაემჟღავნებინა თავისი გრძნობა. იგი ამაყობდა ამ
გრძნობით. ჯევრიეს სწამდა, რომ ის ამაღლა ამ სიყვარულმა და
ისეთ სიმაღლეზე აიყვანა, რომლისთვისაც აქამდე არ მიუღწევია.

ჯევრიემ ცრემლიანი თვალები მიაპყრო ქერიმს.

— ძალიან გიყვარს? — ჰკითხა ქერიმმა.

— ვკვდები, ისე მიყვარს, ვკვდები. — უპასუხა ჯევრიემ და ისე
ამოიოხრა, თითქოს მხრებიდან მძიმე ტვირთი ჩამოიხსნათ.

ქერიმი სიყვარულით სავსე თვალებით შესცქეროდა ჯევრიეს.

ღუმელში ცეცხლის ალს ტკაცა-ტკუცი გაუდიოდა. ცეცხლზე სპი-
ლენძის თუნგი და პატარა ჩაიდანნი იღვავდა.

ოთახში ნახევრად ბნელოდა და ჩაის სასიამოვნო სურნელი ტრია-
ლებდა.

ქერიმმა მხარზე და ლოყაზე მოუთათუნა ჯევრიეს ხელი:

— საწყალო ბავშვო!..

ჯევრიე თავს ველარ იკავებდა და ეუბნებოდა ყველაფერს, რასაც
აქამდე ფიქრობდა და გრძნობდა:

— ისე მიყვარს, ისე მიყვარს, რომ ვკვდები, აბი... შენ იქნებ არ
დამიჯერო... იტყვი, ეს ვიღაც ქუჩის ქალია და ალბათ ტყუისო. მაგ-
რამ, დედა შემერთოს ცოლად, თუ მართალს არ ვამბობ. პური გამეჩხი-
როს ყელში. როცა მასთან მოვდიოდი, ისე დავიბნეოდი, როგორც
თხუთმეტი წლის გოგო, რომლისთვისაც თავის ცხოვრებაში მამაკაცს
ხელი არ დაუჯარებია... მასთან ლაპარაკისაც კი მრცხვენოდა. ვერა-
ფერს ვეუბნებოდი. ღმერთი იყოს ჩემი შემწე, ისე მიყვარს, როგორც
ალაჰი უყვარს ადამიანებს და სამაგიეროს არაფერს ითხოვს სიყვარუ-
ლისათვის. მე მისი სიცოცხლე მინდა მხოლოდ... მას რომ რამე დაე-
მართოს... როგორა ვთქვა... ვერ მომიხერხებია... მისი დაპატიმრება
რომ გავიგე, მტრად გავუხდი მთლად ადამიანებს. როცა გამახსენდება,
რომ უნდა მოკლან, მინდა სახლებს ცეცხლი წავუკიდო, ადამიანებს
ვცემო, ფანჯრები დავამსხვრიო და ცოფიანი ძალივით ვიყმუვლო-



იმან იცოცხლოს, მე, მე მოვკვდე, თანახმა ვარ... მე მოვკვდე...
 ახალგაზრდა, ახალგაზრდობით დაუტკობელი... დე, ღმერთმა მიიბა-
 როს ეს ჩემი ტკბილი სული, არაფერს დავეძებ... არაფერს დავეძებ,
 აბი... მე ვიცი, რაც არის ციხე... მე ვიცნობ ჩაკეტილ კარებს, რკინის
 ცხაურებს და ხელბორკილებს. ვიცი რა მწარეა, როცა ზედამხედველი
 ისე გეპყრობა, თითქოს ქვისა იყო. რა მწარეა, როცა სხვას შესტკერი
 ერთი ჭიქა წყლისათვის, როცა გარეთ ქვეყანაა, ქუჩებია, ადამიანები
 არიან, როცა გარეთ ჰაერია, მზეა, ცა და ზღვა არის. ჩაკეტილ კა-
 რებში და დასაქცევ კედლებში ყოფნა... ვისაც ხელბორკილი არ
 უტარებია, იმან რა იცის მისი სიმძიმე... ციხეში ყოფნისას, იყო
 ზოლმე ღდეები, როცა ქუჩებზე ვფიქრობდი, ტალახიან ქუჩებზე, ცივ,
 ჭუჭყიან და ტალახიან ქუჩებზე და ფეხზე ვიციქრობოდი... დავცქერო-
 დი ჩემს უმოძრაოდ მყოფ ფეხებს და მინდოდა, რომ ფეხშიშველს
 ტალახში მევლო, მევლო და მერბინა. მინდოდა, რომ ღამე წვიმაში
 მევლო ტალახიან ქუჩებში, ხიდის ქვეშ დავწოლილიყავ, ღრუბლიან
 ამინდში ზღვისთვის მეცქირა და შიშველი ფეხები შიგ ჩამეკიდა კარვ
 ამინდში კი გიულჰანეს პარკში ვმჯდარიყავ სკამზე და ზურგი მზისკენ
 მიმეშვირა. ძალიან მონატრებული ვიყავი ამას... მინდოდა მევლო ისე,
 რომ წინ კედელი ან კარი არ დამხვედროდა, არავის ეთქვა: „შესდექ, არ
 გაიარო, აკრძალულია!“ მევლო მანამდე, სანამ თვალი მიმიწვდებოდა.
 მინდოდა მევლო უხელბორკილოდ, უქანდარმებოდ, სანამ სული არ
 შემეხუთებოდა, სანამ სუნთქვას არ შევწყვეტდი და ძირს არ დავეცემო-
 დი. მე არ ვიცი რასაც განიცდის ის ეხლა? განა ვერა ვხედავ, რომ ის
 ლომივით ბოლთასა სცემს და თავის ვიწრო გალიაში მზით განათებულ
 თვალუწვდენელ და უსასრულო გზებზე ფიქრობს. ყველაფერი, რასაც,
 ის განიცდის, გულსა მწვავს... მისი ხელბორკილები ისე მიკლავს
 გულს, თითქოს მე თვითონ ვიყო უბორკილი. მინდა, რომ მიწა იძრას
 და დაიქცეს ის კარები, რომლის უკანაც ის ზის, დაიქცეს ის კედე-
 ლი, რომლითაც ის ჩემს თვალებსაა მოფარებული. სიკვდილი მინდა...
 როგორ გითხრა... ასე მგონია, რომ სუნთქვის საშუალებას არ მაძლე-
 ვენ... მინდა ყველგან ვიყვირო, ყოველ ქვას თავი ვახალო, ყოველ
 კაცს ყელში ვწვდე...

მისი გადარჩენა მინდა. მინდა, გაათავისუფლონ და თავისუფლად
 იაროს, როგორც ყველამ, უხელბორკილოდ და უქანდარმოდ. ადამია-



ნებს სასახლეები, ფული, კეთილი ცხოვრება, ფახლავა და მისი მისი უნდათ, მე კი ერთხელ მაინც მინდა, რომ ის თავისუფალი ვნახო გრძელ გზაზე მიმავალი. მინდა ვნახო მიმავალი, ვნახო როგორ მიაბი-
ჯებენ მისი ფეხები, მე რომ გრძელ გზაზე მიმავალი დამანახავა, ჩემთვის
ეს ღვთის მოცემული საუკეთესო ჯილდო იქნება.

ჯევირე ცოტა ხანს დადუმდა.

— ვუშველოთ რამე, ქერიმ აბი. — წარმოთქვა ისევ ჯევირემ.

ქერიმი თავდახრილი იდგა. წარბები შეეკრა... ეტყობოდა, რომ
რალაცაზე ფიქრობდა. ბოლოს უცბად ასწია თავი, თითქოს რალაც
მოიფიქრაო, და ჯევირეს მიმართა:

— ამ უბედურებისაგან მისი გადარჩენა შეიძლება მხოლოდ იმით,
რომ არ უნდა გამომქლავნდეს მისი ვინაობა. შენ შეგიძლია მას დაეხ-
მარო.

— რას ამბობ, ქერიმ აბი? — სიხარულით წამოიძახა თვალცრემ-
ლიანმა ჯევირემ.

— წუხელ ორი კაცი კიდეც დაიჭირეს... ერთი მათგანი მე მიცნობს.
მას შეუძლია ვარაუდით თქვას, რომ ის აქ ცხვრობდა. იმან თუ რა-
მე თქვა, ცუდად იქნება საქმე. პოლიციამ მაღლა მისი ზოგიერთი ნივ-
თი თუ იპოვა, მაშინ შეიძლება მიხვდეს, ვინც არის... ეს ისეთი ნივთე-
ბია, რომ არ დაიწვის, ლითონისაა. ზღვაში უნდა გადაიყაროს. მომეხ-
მარები, რომ წავიღოთ და ზღვაში გადავყაროთ?

— აუცილებლად...

— მაშინ ამ საღამოს, ბინდი, რომ ჩამოწვება, აქ მოხვალ... ერთ
პაკეტს მოგცემ. მძიმეა. მე კი ორს წამოვიღებდი...

ქერიმმა აუხსნა, სად უნდა ჩამსხდარიყვნენ იმ ღამეს ნავში. ეს პა-
კეტები ყველაზე ღრმა ადგილას ქალწულის კოშკის¹ წინ უნდა გადაე-
ყარათ ზღვაში. ქერიმმა დაარიგა ჯევირე, შემდეგ ხელი მოჰკიდა და
უთხრა:

— როცა ის გათავისუფლდება და გაიგებს რომ დაეხმარე, შენ მი-
სი საამაყო აღამიანი გახდები.

— საამაყო? — მღელვარებით იკითხა ჯევირემ და თვალზე ცრემ-

¹ კოშკი ბოსფორის სრუტისა და „ოქროს რქას“ შორის.



ლი მოადგა. — რომც არ მიყვარდეს, ამას მაინც გავაკეთებ, ჩემს ცხვრებაში მხოლოდ ის მომექცა როგორც ქალბატონს. გამომიყვანა ადამიანებში.

*
* * *

თებერვალი იყო, მაგრამ თბილი სადამო იდგა... ნაადრევ სითბოს ნუში შეეცდინა და თეთრად გადაეფურჩქნა.

სახლებში ჯერ კიდევ ციოდა. გარეთ კი ვაზაფხულის სითბო ეალერსებოდა ადამიანს.

ჯევრიე დანიშნულ დროზე მისულიყო ქერიმთან და პაკეტი წამოეღო.

გეგმა მზადა ჰქონდათ. ჯევრიე უნდა ჩამჯდარიყო ფინდიქლის სანაპიროზე მიბმულ ნავში და ქერიმს დალოდებოდა. შემდეგ გავიდოდნენ ზღვაში, პაკეტებს გადაყრიდნენ, გამოვიდოდნენ სადმე სხვა სანაპიროზე და სხვადასხვა მხარეს ვაემართებოდნენ, ოღონდ, მეორე დღეს, შუადღისას, ორივე უნდა გამოჩენილიყო კარაქითიზე ხორცის ღუქნის წინ, რათა დარწმუნებულიყვნენ, რომ არაფერი შემთხვევით და ისე გაცლოდნენ იქაურობას, თითქოს ერთმანეთს არც კი იცნობდნენ. ჯევრიე მხოლოდ ერთი თვის შემდეგ მოვიდოდა და ნახავდა ქერიმს.

„ის შენით იამაყებსო“, მითხრა ქერიმმა, — ფიქრობდა ჯევრიე და ხელში მძიმე პაკეტით მიაბიჯებდა ბნელ ქუჩაზე. თუ გათავისუფლდა და ისევ შეხვდა ჯევრიეს, ეტყოდა, მე შენით ვამაყობო.

ამიტომ აუცილებელი იყო ნაკისრი საქმის წარმატებით დასრულება, მოვალეობის შესრულება.

ნაცნობ პოლიციელს რომ შეხვედროდა, შავად იყო საქმე. მაშინვე დაიჭერდნენ და პაკეტის ამბავიც გაიხსნებოდა. ის კი გაიგებდა და იფიქრებდა, გამცაო. „ხომ მოკვდი სირცხვილით“, — ფიქრობდა ჯევრიე. თუნდაც გაეგო, რომ ასე არ მოხდა, ჯევრიეს რა.

პაკეტი რომ პოლიციამ იგდოს ხელთ, ეს ძალიან საშიშია მისთვის. საშიში რას მიქვია, სიკვდილი იქნება.

ჯევრიემ იცოდა, რომ ეს საშიშროება ძალიან მნიშვნელოვანი იყო,



მაგრამ ვერც კი მიმხვდარიყო, რა მოიმოქმედეს ისეთი, ისინი ასეთ გაუთავებელ შიშში არიან.

ამიტომ სიფრთხილე იყო საჭირო.

ჯვერიე მიაბიჯებდა და გაფაციცებით ადევნებდა თვალყურს, უკან ხომ არავინ მომდევსო.

თუმცა, რაც ბოლუდან დაბრუნდა, ისედაც ფრთხილად იყო ხოლმე.

კაცმა რომ თქვას, მისი ხელობის კაცი განა მუდამ „დამალობანასა“ და „დაჭერობანას“ არ ეთამაშება პოლიციას?

დამალვაში დახელოვნებული და გამოცდილი იყო.

მაგრამ ჯვერიე არასოდეს არ დამალვია პოლიციას ასეთი მნიშვნელოვანი საქმის გამო.

ამას მის გადასარჩენად აკეთებდა და მის გამო ეშინოდა ყველაფრისა. მას ეშინოდა ქუჩაში სტვენით მომავალი კაცისა, კაცისა, რომელიც კედლიდან ჩამოქტა და გაფაციცებით გარბოდა ქუჩის მეორე მხარისაკენ, საკუთარი ჩრდილისა, რომელმაც უეცრად წინ გაუსწრო, როცა ჯვერიემ ქუჩის ფარნის ქვეშ ჩაიარა.

ესლა ბნელი ქუჩები უკვე გათავდა და საცაა გამზირზე უნდა გასულიყო... ესლა უფრო მეტი იყო იმის შესაძლებლობა, რომ ნაცნობ პოლიციელს შეხვედროდა, თვითონაც ჩავარდნილიყო და ისიც ჩაეგდო.

ჯვერიეს ძველი ფეხსაცმელების ქუსლებს ერთი ბაკი-ბუკი გაუდიოდათ ქვაფენილზე. არც კი ახსოვს, რომ ოდესმე ევლოს ასეთი ხმამაღალი ნაბიჯებით.

გამზირს რომ მიაღწია, თავისუფლად ამოისუნთქა... ასეთ დროს ქუჩა, რომ ეგონა, არც ისეთი ხალხმრავალი აღმოჩნდა. „შიშმა მთლად შემარყია, — ფიქრობდა ჯვერიე, — ასეთ დროს გამზირზე ვინ უნდა იყოს“.

ერთხანს განათებული ქუჩით იარა, შემდეგ ერთ წყაროსთან ზღვისკენ გაუხვია.. და ვილაცას შეეჩხება. ეს უბნის ყარაული იყო. ჯვერიეს გულმა ბაგა-ბუკი აუტეხა... „ეგენი პოლიციელებზე უარესები არიან. ასეთ დროს ვეება პაკეტით ხელში ზღვისკენ მიმავალი ადამიანი რომ ნახონ, ვინც არ უნდა იყოს, ეჭვს მიიტანენ. განსაკუთრებით კი ასეთ ბნელ ადგილას“.

ყარაულმა ფარანი აანთო და სახეში მიანათა ჯვერიეს. ჯვერიეს კინადამ გული წაუვიდა შიშისაგან. — „მადლობა ღმერთს, აქეთ იშვი-

ათად დაედივარ და არ მიცნობსო,“ — იფიქრა და შეუწელებლად განა-
გრძო სიარული.

ყარაული ადგილიდან არ დაძრულა. ჯევრიეს უკან არ მოუხედია,
მაგრამ გრძნობდა, რომ ყარაული ერთ ადგილზე იდგა. უეჭველი იყო,
რომ მან ეჭვი აიღო ჯევრიეზე.

ამ სახლთან თუ გაუხვია, მერე მოეფარება მის თვალებს, და ჩაჯ-
დება ნავში, რომელიც ორმოცდაათ-სამოც ნაბიჯზეა აქედან მიზმული
ხის ნავმისადგომზე.

„ღონივრად მოუესვამ ნიჩბებს და მერე მდიოს ყარაულმა“, —
ფიქრობდა ჯევრიე.

ქერიმი, მადლობა ღმერთს, მასზე აღრე იყო მისული ნაპირზე და
ელოდა...

ჯევრიემ სახლთან გაუხვია თუ არა, მოკურცხლა. მას ნაანგარიშევი
ჰქონდა, რომ ყარაული ვერ ხედავდა. მაგრამ ის კი აღარ მოსვლია
აზრად, რომ ფეხის ხმას გაიგონებდა... მაგრამ როცა ყარაულმა გაი-
გონა, რომ ქუჩის ქალი, რომელსაც ხელში ვეება პაკეტი ეჭირა, გარ-
ბოდა, მაშინვე მიიჭრა სახლის კუთხესთან და ყვირილი დაიწყო: „ჰეი,
შესდექ, შესდექ!“

ჯევრიე მიხვდა, რომ ეს შეძახილები მისკენ იყო მიმართული და
უფრო ჩქარა გაიქცა.

„ღმერთო, მიშველე, ვიღუპები, თუ დამიჭირეს... ი მ ა ს ა ც სიცო-
ცხლეს გამოასალმებენ და იფიქრებს, რომ მე გავეცი“.

ყარაული მიხვდა, რომ მისი წონის კაცი გაქცეულს ვერ დაეწეოდა
და სტვენა ატეხა. ის დარწმუნებული იყო, ეს ქალი, რომელსაც ხელში
პაკეტი ეჭირა და გარბოდა, ქურდი ან კონტრაბანდისტი იქნებოდა.

ჯევრიემ გაიგონა, რომ ყარაულის სასტვენის ხმას ვილაცა გამოეხ-
მაურა. გაისმა მღვერების ფეხის ხმაც.

მძიმე პაკეტით სირბილი ძნელი იყო. კიდევ ოცი-ოცდაათი ნაბიჯი
და ნავში იქნება. რამდენჯერმე კინალამ წაიქცა, მაგრამ თავი შეი-
კავა... ბოლოს ნაპირსაც მიაღწია... „შესდექ, შესდექ!“ — ესმოდა ჯე-
რიეს, მაგრამ ყური არ უთხოვებია ამ შეძახილებისათვის და პირდაპირ
ნავში ჩახტა. ქერიმი ჯერ არ იყო მოსული. ასეთ ხმაურს, პოლიციელე-
ბისა და ყარაულების სასტვენის ხმას რომ გაიგონებდა, რასაკვირველია

არ გაეკარებოდა აქაურობას... ჯვერიეს სხვა გზა აღარა ჰქონდა, ნავი აუშვა და მოშორდა ნაპირს.

ის მთელი ძალით უსვამდა ნიჩბებს. ზღვაზე, როგორც ცარიელ სახლში, სიჩუმე იდგა. ირგვლივ ჩამი-ჩუმიც არ ისმოდა, მხოლოდ ნიჩბების ხმაური წვდებოდა ჯვერიეს ყურს...

ნაპირი უკვე საკმაოდ შორს იყო. ჯვერიეს ბედი ჰქონდა. წყლის დინებაც მას ესმარებოდა და აჩქარებდა ნავის მოძრაობას.

„ამ ოხერ ნიჩბებს რა ტლამა-ტლუში გაუდით“, — ბურტყუნებდა ჯვერიე. ის ცდილობდა, უხმოდ მოესვა ხოლმე ნიჩბები, მაგრამ რაც უფრო მეტს ღელავდა, უფრო მეტი ხმაურით ეშვებოდა ნიჩბები წყალში. ჯვერიეს ეჩვენებოდა, რომ ნიჩბების ტლამა-ტლუში დიდ ექოს გამოსცემდა ნაპირზე.

ამ უკუნეთ ღამეში მღვერებს რომც ვერ დაენახათ, ნიჩბების ხმაზე მაინც მიხვდებოდნენ, რომ ის ზღვაში იყო გასული.

ეხლა სასტვენების, ფეხისა და ხმამაღლა მოლაპარაკე მამაკაცების ხმა უკვე ნაპირიდან ისმოდა.

„მადლობა ღმერთს, ნაპირზე სხვა ნავი არ არის“, — ფიქრობდა ჯვერიე და უფრო გულმოდგინეთ უსვამდა ნიჩბებს. ეხლავე რომ გადაადგოს პაკეტი, ხმას გაიგონებენ და ძებნას დაუწყებენ. თან კიდევ ქერიმ აბიმ უთხრა, პაკეტი ნაპირიდან შორს უნდა გადავადგოთო.

შიშით იყო თუ მართლა, ჯვერიეს მოეჩვენა, რომ დინებამ მოქცევა დაიწყო.

ზღვის წყალი თითქოს გასქელდა და ბადაგივით ეკვროდა ნიჩბებს. ჯვერიეს ეჩვენებოდა ჭანჭრობაში ვეფლობიო.

ნაპირზე ჯიბის ფარნის სინათლეები აციმციმდნენ. ერთი ფაცი-ფუცი იდგა. „არასოდეს არ მეგონა, ასე შემემინდებოდა პოლიციელებისა“, — გაიფიქრა ჯვერიემ.

ზამთრის ცივ ღამეებში, როცა ფული არა ჰქონდა ხოლმე, ჯვერიეს უყვარდა კიდევ საპოლიციო უბანი, განსაკუთრებით კი ის, ბეიოღლუში რომ არის.

„პოლიციას სარკე აქვს, სარკე აქვს...“

ამბობდა ჯვერიე და მუდამ გაგიჟებით უყვარდა ამ სარკეში ცქერა და კოხტაობა. ჯვერიესათვის წინათ ყველაფერი თამაშობა იყო, მაგრამ ახლა:



„გზოვს ხელზე დალი აქვს, დალი აქვს...“

ამბობდნენ მისი მნახველები. ჯვერიეს მართლაც ჰქონდა ხელზე დალი — მაჯებზე დახატული ორი ხელბორკილი. მისი ტანჯვის შესამსუბუქებლად სვირანგობა გაიკეთა და ამ ტანჯვითა და სიყვარულით ხელებიც დადაღული ჰქონდა და გულიც.

ასეთი დიდი სიყვარული და ტანჯვა მუდამ თვალებზე ეტყობოდა ჯვერიეს. სწორედ ამიტომ ეუბნებოდა ხოლმე სუმბულ-დუდუ:

— შენ რაღაცა გჭირს, „ჩემს ჯვერიეს შავ თვალებზე ეტყობაო.

ჯვერიეს ყოველთვის თვალებზე ეტყობოდა ყოველგვარი განცდა: სიხარული, სიყვარული, ფიქრები და იმედები.

როგორც ოდესღაც ამოიკითხავდით ჯვერიეს თვალებში, რომ ის კახა იყო, ისე ეხლა თვალებზე ეტყობოდა ის სიყვარული, რომელმაც წმინდანივით უმანკოდ და სპეტაკად აქცია ჯვერიე, თვალებზე ეტყობოდა შიში — ვაითუ არ მოგეწონო, თვალებზე ეტყობოდა სიყვარულით გამოწვეული იმედი.

ეხლა კი, როცა ის დაიჭირეს და ჯვერიე ასე დაჰკანკალებდა მის სიცოცხლეს, ყველა ამბობდა, რომ ჯვერიეს

„გულში შავი დარდი აქვს, დარდი აქვს-ო“.

ეს დარდი სიყვარულზე უფრო შავ ნაღველსა ჰგავდა.

ჯვერიეს უყვარდა ის კაცი, რომელმაც თავის სახლში წაიყვანა ავადმყოფი, არასოდეს უთხოვია ის, რასაც ყველა მამაკაცები მოითხოვდნენ მისგან. კაცი, რომელმაც მას ადამიანური თავმოყვარეობა დაუბრუნა, პატივსა სცემდა, თქვენობით მიმართავდა და თავი ისე ეჭირა, თითქოს ვერ ხედავდა, რომ ჯვერიე კახა იყო.

როცა გაიგო, რა საშიშროება ელოდა მას, სიყვარული ტანჯვად ექცა.

ჯვერიე შეშინდა, რადგან ამ ნაღველისა და საკუთარი მოუხერხებლობის გამო შეიძლება საფრთხეში ჩაეგდო იგი.

ჯვერიემ დაკარგა მისთვის ჩვეული გულცივობა და რადგანაც ყარაულმა სახეზე შეხედა, გაქცევა ამჯობინა.

„ცოფიანი ძაღლების ხროვა არ დავიდევნე უკან?“..

ჯევრიე გრძნობდა, რომ ნიჩბები, რომლის ბოლოებიდან წყლის განათებული წვეთები ცვიოდა ზღვაში, თანდათან მიძიმდებოდა. ოჰ, ეს ნიჩბები... ნიჩბები, ზღვაში ჩაეშვებიან და უკან აღარ უნდათ ამოსვლა.

ჯევრიეს მაჯები ეტკინა. ეს მარმარილოს ზღვის შვილი, რომელმაც ასე კარგად იცოდა ნიჩბების მოსმა, ესლა ნიჩბების, მოტორისა და ადამიანების ხმა რომ ესმოდა, დაბნეული იყო და ხელი ეშლებოდა.

თითებში და მაჯებში ტეხდა, მაჯებზე გამოხატული ორი ხელბორკილი ისე უჭერდა, თითქოს ნამდვილი ყოფილიყოს.

პროექტორის სხივმა ზღვა გაცხრილა და ზედ მიადგა ჯერვიეს. — დავიღუპე! — აღმოხდა მას.

ის უკვე ვერსად წავიდოდა. მოტორების ხმა ახლოვდებოდა. ერთი-ორი წამი კიდევ უსვამდა ჯევრიე ნიჩბებს და ფარვანასავით ფართხალებდა პროექტორის სხივში მოქცეული. ის გაფაციცებით უსვამდა, ცდილობდა გაქცეოდა პროექტორის სხივს და სიბნელისათვის შეეფარებინა თავი.

ჯევრიეს სიბნელე უნდოდა, სიბნელე. ყიფინა ზღვას ეფინებოდა. ჯევრიეს ეჩვენებოდა, თითქოს ესმის, როგორ იძახიან „აი ის, აი ისო“.

ჯევრიე შეინძრა. ადგილიდან წამოხტა. სანამ დაიჭერდნენ, მიძიმე პაკეტი წყალში უნდა ჩაეგდო, შემდეგ კი რაც შეიძლება ჩქარა გასცლოდა ამ არე-მარეს.

მისი ადგილიდან წამოხტომა და ნავის გადაქანება ერთი იყო. ჯევრიემ, რომელსაც პაკეტი გულზე ჰქონდა მიკრული, წონასწორობა დაკარგა და პაკეტიანად გადავარდა წყალში.

— მაგრამ ეს რა ხდება... მან ხელი უშვა პაკეტს, პაკეტი იძირება და ჯევრიესაც თან ეზიდება...

არა, ეს შეუძლებელია. მან როგორმე თავი უნდა დააღწიოს ამ



ძალას, რომელიც კუბრივით შავი წყლისაკენ ეზიდება მას. უნდა ნახო
 აღწიოს...

მაგრამ ვერა. პაკეტის თოკი მის მანტოს გამოსდებოდა, რამდენჯერ-
 მე შემოხვეოდა ხელზეც და თავის დახსნა შეუძლებელი იყო.
 ჭევრიე პაკეტთან ერთად მიდიოდა ზღვის ფსკერისაკენ.

*
 * *
 *

მღვერები წყლის ტყლამუნზე და გამჭრალ ლანდზე მიხვდნენ, რომ
 ზღვაში რალაც ჩავარდა. წყლის ზედაპირზე რამდენიმე პრიალა რგოლი
 გამოჩნდა და გაქრა...

მოტორიანი პატარა გემი სწრაფად უახლოვდებოდა ცარიელ ნავს.
 ლუზაზე მდგომი გემის ბაქანზე ერთი ახალგაზრდა მეზღვაური სახს
 აკვნესებდა და ღიღინებდა:

მე ქვიშა ვარ ზღვისა,
 ქერცლი — თევზებისა.
 გამიხსენ უბე, ჩემო ჭევრიე,
 მეც მონა ვარ ღვთისა.



I პოლიციას სარკე აქვს	40
II გოგოს ხელზე დალი აქვს	76
III ჩემს ჭვერიეს შავ თვალებზე ეტყობა	226
IV გულში შავი დარდი აქვს	

Суад Дервиш
Фосфорическая Джеврия
Роман

(На грузинском языке)

Издательство «Сабчота Сакартвело»
Тбилиси, Марджанишвили, 5
1967

რედაქტორი ლ. ელიოზიშვილი
მხატვარი ი. ქლიბაძე
მხატვრული რედაქტორი დ. დუნდუა
ტექნიკური რედაქტორი ჯ. რთველიაშვილი
კორექტორი ც. ნიკურაძე

ხელმოწერილია დასაბეჭდად 17/II-67 წ. ქალაქის ზომა 60×84¹/₁₆.
ნაბეჭდი თაბახი 15,5. სააღრ.-საგამომც. თაბახი 12,22.
ტირაჟი 40 000. შეკვ. № 1083.
ფასი 76 კაპ.

გამომცემლობა „საბჭოთა საქართველო“
თბილისი, მარჯანიშვილის, 5.

სტამბა № 1, თბილისი, ორჯონიკიძის ქ. № 50.
Типография № 1. Тбилиси, ул. Орджоникидзе № 50.



ქართული
ნაციონალური
ბიბლიოთეკა